

述異記卷上

梁

任昉著

安義王軼羣校



昔盤古氏之死也。頭爲四岳。目爲日月。脂膏爲江海。毛髮爲草木。秦漢間俗說。盤古氏頭爲東岳。腹爲中岳。左臂爲南岳。右臂爲北岳。足爲西岳。先儒說。盤古氏泣爲江河。氣爲風。聲爲雷。目瞳爲電。古說。盤古氏喜爲晴。怒爲陰。吳楚間說。盤古氏夫妻陰陽之始也。今南海有盤古氏墓。亘三百餘里。俗云。後人追塋盤古之魂也。桂林有盤古氏廟。今人祝祀。

南海中盤古國，今人皆以盤古爲姓。昉按盤古氏，天地萬物之祖也。然則生物始於盤古。

南海小虞山中有鬼母，能產天地鬼，一產十鬼，朝產之，暮食之。今蒼梧有鬼姑神，是也。虎頭龍足，蟒目蛟

睂。蟒地目圓蛟睂連生今吳越間防風廟，土木作其形，龍首牛

耳，連睂一目。

昔禹會塗山，執玉帛者萬國，防風氏後至，禹誅之。其

長三丈，其骨頭專車。今南中民有姓防風氏，卽其後。

越俗祭防風神，奏防風古樂，截竹長三尺。

吹之如嗥三人披髮而舞

軒轅之初立也有蚩尤氏兄弟七十二人銅頭鐵額
食鐵石軒轅誅之於涿鹿之野蚩尤能作雲霧涿鹿
今在冀州有蚩尤神俗云人身牛蹄四目六手今冀
州人掘地得髑髏如銅鐵者卽蚩尤之骨也今有蚩
尤齒長二寸堅不可碎秦漢間說蚩尤氏耳鬃如劍
戟頭有角與軒轅鬪以角觝人人不能向今冀州有
樂名蚩尤戲其民兩兩三三頭戴牛角而相觝漢造
角觝戲蓋其遺製也

太原村落間祭蚩尤神不用牛頭今冀州有蚩尤川
卽涿鹿之野漢武時太原有蚩尤神畫見龜足蛇首
首疫其俗遂爲立祠

堯使鯀治洪水不勝其任遂誅鯀於羽山化爲黃熊

奴來反

入於羽泉今會稽祭禹廟不用熊曰黃熊卽黃

熊也陸居曰熊水居曰能助按今江淮中有鮒名熊

熊蛇之精至冬化爲雉至夏復爲蛇今吳中不食雉

毒故也

揚州有蛇市市人鬻珠玉而雜貨蛟布蛟人卽泉先

也。又名泉客。

南海出蛟綃紗。泉先潛織。一名龍紗。其價百餘金。以爲服。入水不濡。

南海有龍綃宮。泉先織綃之處。綃有白之如霜者。

鬱林郡有珊瑚市。海先市。珊瑚樹碧色。生海底。一株十枝。枝間無葉。大者高五六尺。至小者尺餘。蛟人云。海上有珊瑚宮。漢元封二年。鬱林郡獻瑞珊瑚。

光武時。南海獻珊瑚婦人。帝命植於殿前。謂之女珊瑚。一旦柯葉甚茂。至靈帝時。樹死。咸以謂漢室將亡。

之徵也。

凡珠有龍珠、龍所吐者、蚺珠、蚺所吐者、南海俗誘云、
蚺珠千枚不及玫瑰、言蚺珠賤也。玫瑰亦是美珠也。越人諺
云、種千畝木奴不如一龍珠。

越俗以珠爲上寶、生女謂之珠娘、生男謂之珠兒、吳
越間俗說明珠一斛貴如玉者、合浦有珠市。

昔炎帝女溺死東海中、化爲精衛、其名自呼、每銜西
山木石填東海、偶海燕而生子、生雌狀如精衛、生雄
如海燕、今東海精衛誓水處、曾溺於此川、誓不飲其

水一名鳥市。一名寃禽。又名志鳥。俗呼帝女雀。

東海島龍川。穆天子養八駿處也。島中有草名龍芻。馬食之一日千里。古語云。一株龍芻化爲龍駒。

陶唐之世。越常國獻千歲神龜。方三尺餘。背上有文。科斗書。記開闢以來。帝命錄之。謂之龜歷。伏滔述帝功德銘曰。胡書龜歷之文。

夏桀宮中有女子化爲龍。不可近。俄而復爲婦人。甚麗而食人。桀命爲蛟妾。告桀吉凶。

桀時泰山山走石泣。先儒說桀之將亡。泰山三日泣。

今泰山山石遠望之若人泣。蓋是也。周武謂周公曰。桀爲不道。走山泣石。

堯爲仁君。一日十瑞。宮中芻化爲禾。鳳凰止於庭。神龍見於宮沼。歷草生堦。宮禽五色鳥化白。神木生蓮。芰蒲生厨。景星耀於天。甘露降於地。是爲十瑞。東海畔有孤竹焉。斬而復生。中有管周武王時孤竹之國。獻瑞筍一株。

空桑生大野山中。爲琴瑟之最者。空桑也。

周成王元年。貝多國人獻舞雉。周公命返之。南海中。

有軒轅正鸞自歌鳳自舞古云天帝樂也崆峒山中
有堯碑禹碣皆縮文焉伏滔述帝功德銘曰堯碑禹
碣歷古不昧

會稽山有虞舜巡狩臺臺下有望陵祠帝舜南巡葬
於九疑民思之立祠曰望陵祠

帝舜都郭門古宮存焉宮前有堯臺舜館銘記古文
莫有識者

湘水去岸三十里許有相思宮望帝臺昔舜南巡而
葬於蒼梧之野堯之二女娥皇女英追之不及相與

慟哭淚下沾竹竹上文爲之班班然

昔戰國時魏國苦秦之難有以民從征戍秦久不返妻思而卒旣塋塚上生木枝葉皆向夫所在而傾因謂之相思木今秦趙間有相思草狀如石竹而節節相續一名斷腸草又名愁婦草亦名霜草人呼寮莎蓋相思之流也

江南有懶婦魚俗云昔楊氏家婦爲姑所溺而死化爲魚焉其脂膏可燃燈燭以之照鳴琴棹奕則爛然

又照紡績則不復明焉

水虺五百年化爲蛟，蛟千年化爲龍，龍五百年爲角龍，千年爲應龍。

沮洳二水，波文皆若五色，彼人多文章，故一名績水。灌淝之間，離別亭，古送別處。漢沔會流處，岸上有石，銘云：下至水府三十一里，皆傳云李斯刻此石。

鹿千年化爲蒼，又五百年化爲白，又五百年化爲𤛿。漢成帝時，山中人得𤛿鹿，烹而視之，骨皆黑色。仙者說𤛿鹿爲脯，食之壽二千歲。

餘干縣有白鹿，土人皆傳千年矣。晉成帝遣輔，得銅

牌在角。後書云：漢元鼎二年，臨江所獻白鹿。
淮水中黃雀，至秋化爲蛤，春復爲黃雀。雀五百年化
爲蜃蛤，梓樹之精化爲青羊，生百年而紅，五百年而
黃，又五百年而色蒼，又五百年而色白。
龜千年生毛，龜壽五千年，謂之神龜。萬年曰靈龜。
海魚千歲爲劍魚，一名琵琶，形如琵琶而善鳴，因以
名焉。

漢中山有虎生角，道家云：虎十年則牙蛻而角生。
漢宣城郡守封邵亘化爲虎，食郡民，呼之曰封使君。

因去不復來。故時語云：無作封使君。生來治民死食民。夫人無德而壽，則爲虎。虎不食人人，化虎則食人。蓋耻其類而惡之。

獍之爲獸，狀如虎豹，而小。始生還食其母，故曰梟獍。濟陽山麻姑登仙處，俗說山上千年金雞鳴，玉犬吠。闔閭夫人墓中，周廻八里，別館洞房，迤邐相屬，漆燈照爛如日月焉。尤異者，金蠶玉燕，各千餘雙。

吳王夫差築姑蘇之臺，三年乃成。周旋詰屈，橫亘五里，崇飾土木，殫耗人力。宮妓數千人，上別立春宵宮。

爲長夜之飲，造于石酒鍾，夫差作天池，池中造青龍舟，舟中盛陳妓樂，日與西施爲水嬉。吳王於宮中作海靈館，館娃閣，銅溝玉檻，宮之楹檻，珠玉飾之。

吳既滅越，棲勾踐于會稽之上，地方千里，勾踐得范蠡之謀，乃示民以耕桑，延四方之士作臺於外，而館賢士。今會稽山有越王臺，今交州麻林，一名紵林，勾踐種麻，將以宏弓，交州糠頭山，勾踐貯米於其上，春積糠爲山，今會稽之上有越王鑄劍洲，箭鏃洲，往往有得古箭鏃，蓋古制也。

廣州東界有大夫女種之墓，墓下有石爲華表，柱石
鶴一隻，種卽越王勾踐之謀臣也。

洞庭湖中有釣洲，昔范蠡乘扁舟至此，遇風止釣於
洲上，刻石記焉。有一陂，陂中有范蠡魚，昔范蠡釣得
大魚烹食之，小者放於陂中。陂邊有范蠡石牀、石硯、
鉢、鱗，范蠡宅在湖中，多桑、紵、英、果，有海杏大如拳，若
年楸。

邯鄲有故宮基存焉，中有趙王之果園，梅、李至冬而
花，春得而食。

鄴中銅駝鄉魏武帝陵下銅駝石犬各二古詩云石犬不可吠銅駝徒爾爲

一說香水在并州其水香潔浴之去病吳故宮亦有一香水溪俗云西施浴處人呼爲脂粉塘吳王宮人濯粧於此溪上源至今馨香古詩云安得香水泉濯郎衣上塵俗說魏武帝陵中亦有泉謂之香水

饒州俗傳軒轅氏鑄鏡於湖邊今有軒轅磨鏡石石上常潔不生蔓草

桂林東南邊海有裸川桓譚新論云呈衣冠於裸川

上有裸人鄉

丹陽大姑陵陰下有石麒麟二枚不知年代傳曰秦漢間公卿墓則以石麒麟鎮之虞氏縣有盧君古塚塚旁栢二株枝條蔭茂二百餘步樹文隱起皆如龜甲根勁如銅石

盧府君墓在館陶縣南二十里不知何代銘曰盧府君歸真之室

盧陵郡有董氏之宅前有董家祠昔有董氏語其鄉人曰吾當盡室作神及死家人老幼皆率鄉人徃往

見之稱吾於地下作盧陵侯鄉人因爲其祠能致風雨

安定西隴道其谷中有彈箏之聲行人過聞之謂之彈箏谷

粉水出房陵永清谷取其水以漬粉卽鮮潔有異於常謂之粉水

漢水西山有九井井中常出五色煙高數丈傳云昔人有縋入得數斛空青

西海外有鵠國人長七寸日行千里百獸不犯惟畏

天 陽 精 氣

鵠見必吞之。在鵠腹中不死。鵠一舉亦千里。
取鳥其身大如鵠。五色出巴東山中。毛色可愛。若
晴淑景。卽吐綬長一尺。須臾還吞之。陰滯卽不吐。
泉在天餘山北。清流數十步。所涵草木皆化爲石。
明堅勁。其水所經之處。物皆漬爲石。

塵犀海獸也。然其角辟塵。致之於座。塵埃不入。
山上有燃石。其色黃而文理疎。以水沃之。便如煎
沸。其上可炊烹。稍冷。卽復以水沃之。

獸中最大者。龍頭馬尾虎爪。長四百尺。善走。以

人爲食。遇有道君卽隱藏，無道君卽出食人。

辟寒香。丹丹國所出。漢武時入貢。每至大寒，於室焚之，暖氣翕然自外而入，人皆減衣。

迷穀。出招搖山，亦名雀山。其樹如穀，又如楮，其花四照，名曰迷穀，如佩之，令人不迷。

南康。榜都縣西，汾江有石室，名夢口穴。嘗有船人遇一人，通身黃衣，擔兩籠黃瓜，求寄載。過至岸下，此人唾盤上，徑下崖，直入石穴中。船主初甚忿之，見其人入石穴，始知異，視盤上唾，悉是金矣。

叅養母至孝，曾有子鶴爲戎人所射，窮而歸叅。叅收養療治，瘡愈放之。後鶴夜到門外，叅秉燭視鶴，雌雄雙至，各銜明月珠以置叅家。

炎洲在南海中，上有風生獸，似豹青色，大如狸，網取之，積薪數車燒之，不燃。鐵鎚鍛頭數十下，乃死，以口向風，須臾便活。以石上菖蒲塞鼻，卽真死，取其腦和菊花服之，可壽五百歲。

南方有灾火山，四月生火，十二月火滅。火滅之後，草木皆生枝條，至火生，草木葉落如中國寒時也。取此

木以爲薪、燃之不燼、以其皮績之、爲火浣布、

蘭陵山有井、異鳥巢其中、金翅而身黑、此鳥見卽大水、井不可窺、窺者盈歲輒死、

玉門西南有一國、國中有山石磻、

子林切

千枚、名爲霹

靨、從春雷而磻減、至秋磻盡、雷收復生、年年如此、宣城蓋山有舒姑泉、俗傳有舒氏女、與父析薪、女坐泉處、忽牽挽不動、父遽告家、及再至其地、惟見清泉湛然、其母曰、女好音樂、乃作宏歌、泉乃涌流、

搗衣山、一名靈山、在瑯琊郡、山南絕險、巖有方石、昔

有神女於此擣衣其石明瑩謂之玉女擣練磯

斗鄉西津有玉女岡天當雨輒先涌五色氣於石間

俗謂玉女披衣

嶸州去玉門三千里地寒多雪着木石之上皆融而

甘可以爲菓

嶸止
巖反

八方之荒有石鼓其徑千里撞之其音卽成雷也天之申威於此

秦始皇作石橋於海上欲過海觀日出處有神人馭石去不速神人鞭之皆流血今石橋其色猶赤

員嶠山名還正東有雲石廣五百里有蠶長七寸黑色有鱗角以霜雪覆之然後作繭長一尺其色五采織爲文錦入水不濡

園客者濟陰人貌美色人多欲妻之客終不娶常種五色香草積十餘年服食其實忽有五色蛾集香草上客薦之以布生華蠶焉至蠶時有一女自來助養蠶以香草食之得繭一百二十枚繭大如甕每一繭繅六七日絲方盡繅訖此女與客俱神仙去并州妬女泉婦人不得醜粧綵服至其地必興雲雨

一云是介推妹

齊桓公北征孤竹，見人長尺，具衣冠，左袂而走於馬前。管仲曰：「此山之神也，名曰俞兒。」霸王去聲之君與則見也。

和州歷陽淪爲湖，昔有書生遇一老姥，姥待之厚。生謂姥曰：「此縣門石龜眼血出，此地當陷爲湖。」姥後數往視之，門吏問姥，姥具答之。吏以硃點龜眼，姥見遂走上北山，顧城遂陷焉。今湖中有明府魚、奴魚、婢魚。信安郡石室山，晉時王質伐木，至見童子數人棊而

歌質因聽之、童子以一物與質、如棗核、質含之不覺、
饑、俄頃童子謂曰、何不去質、起視斧柯盡爛、旣歸無
復時人、

螺亭在南康郡、昔有正女採螺爲業、曾宿此亭、夜聞
空中風雨聲、乃見衆螺張口而至、便亂噉其肉、明日
惟有骨存焉、故號此亭爲螺亭、

北方有七尺之棗、南方有三尺之梨、凡人不得見或
乙而食之、卽爲地仙、

環字叔偉、潛棲卽粧、嘗東遊、憇江夏黃鶴樓上、至

用有物飄然降自霄漢俄頃已至乃駕鶴之賓也
止戶側仙者就席羽衣虹裳賓主歡對已而辭去
跨鶴騰空而滅

晉安郡有一書生謝端爲性介潔不染聲色嘗於海
岸觀濤得一大螺大如一石米斛割之中有美女曰
予天漢中白水素女天帝矜卿純正令爲君作婦端
以爲妖呵責遣之女嘆息升雲而去

東陽郡永康縣吳時有人入山逢大龜擔之未至家
遇夜纜舟於岸見老桑呼龜曰元緒汝當死矣龜呼

桑樹曰子明無苦也雖然盡南山之樵不能潰我對
曰諸葛恪明敏禍必及於子明日其人將龜獻吳王
命煑之三日三夜不死遂問諸葛恪恪曰此龜有精
須得多載老桑爲薪煑之立爛遂命老桑斫之爲薪
既燃卽爛

漢武帝幸甘泉長平阪道中有虫赤如肝頭目口齒
悉具人莫知也時東方朔曰此古秦獄地也積憂所
致上使按圖果秦獄地朔曰夫積憂者得酒而解乃
取虫置酒中立消

洞庭山有宮五門，東迴林屋，西達蛾眉，南接羅浮，北連岱岳，東有石樓，樓下兩石扣之清越，所謂神鉦。昔有青童秉燭，飈飛輪之車至此，其跡存焉。上有天帝壇，山有金牛穴。吳孫權時，令人掘金，金化為牛，走上山，其跡存焉，故號爲金牛穴。

范文本，日南奴也，爲奴時牧羊於澗中，得兩鯉魚，欲私食之，郎知詰文，詐云將礪石還，非魚也。郎至魚所，果見兩石，文異之，石有鐵文，因入山中就治，作兩刀，因舉刀向鄣，鄣卽蕃中山地名也。咒曰：鯉魚變化，治

刀斫石郭破者，是有神靈，文當治此國，遂斫破之。
衆遂推爲君。

宋武帝微時，伐荻於新洲，見一大蛇長數丈，遂射之。
傷，明日復往觀之，聞杵臼聲，覘見數青衣童子搗藥，
問其故，答曰：我王爲劉寄奴所射，今合藥傳之。帝曰：
何神也？童子不答。帝叱之，皆散，收得藥。人因名此草
爲劉寄奴。

西域有鼠國，大者如犬，中者如兔，小者如常鼠，頭悉
白，商賈有經過其國者，若不祈祀，則啗人衣裳。

周成王時，東夷送六角牛。

磅磳山去扶桑五萬里，日所不及，其地甚寒，有桃樹，千圍，萬年一實。一說日本國有金桃，其實重一斤。

吳王闔閭葬於吳縣三月，有白虎居其上，號曰虎正。晉太康中，會稽縣蜚蜚及羊皆化爲鼠，蜚始變者有毛而無肉，大食新稻。

周穆王時，天下連雨三月，穆王乃吹笛，其雨遂止。漢武帝時，西方日支國有獻活人草，二莖，有人死者，將草覆面，卽活之矣。

封微山中有怒毛獸若不嗔毛短三寸若嗔毛長三尺

南金山有師子獸其毛黃赤而光鮮耳小鳴時地動石裂也

崑崙山有玉桃光明洞徹而堅瑩須以玉井泉洗之便軟可食

北方荒外有石湖方十里中有橫公魚夜卽化爲人刺之不入煮之不死若以烏梅二七箇煮之卽熟可治邪病

東海郡尉于台有杏一株花雜五色六出號六仙人

杏

晉時晉陵薛願家有虹飲其釜中水須臾而竭願因以酒祝而益之虹復飲盡吐金滿釜而去願家遂至大富

顯渚山有報春鳥春至則鳴秋分亦鳴似鷓鴣之類也

龍肝瓜長一尺花紅葉素生於冰谷所謂冰谷素葉之瓜

越俗說會稽山夏禹廟中有梅梁，忽一春而生枝葉，漢成帝常與趙飛燕游太液池，以沙棠木爲舟，其木出崑崙山，人食其實入水不溺。詩曰：安得沙棠木，剡以爲舟船。

巴東有真香茗，其花白色如薔薇，煎服令人不眠，能誦無忘。

伺潮雞，潮水上則鳴。孫綽望海賦曰：石雞清響而應潮是也。

聚窟州有返魂樹，伐其根心，於玉釜中煮取汁，又熬

之令可丸，名曰驚精香，或名震靈丸，或名反生香，或名卻死香，死尸在地，聞氣卽活。

岑華山在西海之西，有蔓竹爲簫管，吹之若羣鳳之鳴。

魏興錫義山多生微蘅草，有風不偃，無風獨搖。黃金山有楠樹，一年東邊榮，西邊枯，後年西邊榮，東邊枯，年年如此，張華云交讓樹也。

石勒嘗傭於臨水，爲遊軍所囚，會有羣鹿傍道，軍人競逐之，勒乃獲免。俄而又見一老父，謂勒曰：何來羣

鹿者我也君應爲列國主故相救耳

大食王國在西海中有一方石石上多樹榦赤葉青
枝上總生小兒長六七寸見人皆笑動其手足頭著
樹枝使摘一枝小兒便死

獬豸者一角之羊也性知人有罪皋陶治獄其罪疑
者令羊觸之

取鳥之未生毛者以丹和牛肉使吞至長羽毛皆赤
殺之陰乾杵服壽五百歲

鄧通以櫂船爲黃頭郎曰土勝水其色黃故刺船郎

著黃帽

漢元和元年大雨有一青龍墮於宮中帝命烹之賜羣臣龍羹各一杯故李尤七命曰味兼龍羹七命卽文章名也

案消山有石樓樹吳太皇元年郡吏伍曜於海際得之枝莖紫色有光南越謂之石連理也

南海有明珠卽鯨魚目瞳鯨死而目皆無精可以鑒謂之夜光

千年木精爲青牛

後五百歲化爲獾，獾千歲化爲老人。

鵠壽三千歲。

鷲之千年生胡髯。

虎魚老者爲蛟。

化爲蝗，而食五穀者，百歲爲鼠。

羊而無角，啖之毒。

古十一名胡髯郎，又名青鳥。

周穆王之犬，日走千里，食虎豹。

闔閭構水精宮，尤極珍怪，皆出自水府。

潁鄉老子祠有紫石榴紅縹李一李二色

勾漏縣有白橘青柑縹杏

南中生子母竹今之慈竹也

漢章帝元年上虞縣獻二帶瓜一實二蒂及玉色橘
趙王故城俗呼爲麋鹿城

梁孝王築平臺臺至今存有蒹葭洲鳬藻洲梳洗潭
中有望泰山商人望鄉之處

貝宮夫人廟在太一山下云懷元年夫人也廟卽其
基也

當陽南有龍川鳳川云漢武帝時八龍五鳳常見於此亦呼爲五鳳州

魏文帝甄后陵在鄴中臨漳東北至今有甄后神殷紂時太龜生毛而兔生角是甲兵將興之兆

述異記卷下

周幽王時牛化爲虎羊化爲狼洛南有避狼城云幽王時羣羊爲狼食人故築城避之今洛中有狼村是其處也

關中有金魚神云周平二年十旬不雨遣祭天神俄而生涌泉金魚躍出而雨降

楚莊王時宮人一旦而化爲野蛾飛去

秦始皇帝至東海海神捧珠獻於帝前今海畔有秦皇受珠臺

東海上有蒲臺。秦始皇至此臺下，縈蒲擊馬。蒲至今縈紆。

始皇二十六年，童謠云：阿房阿房，亡始皇。

古說雍州雨魚，長八尺寸許。

先儒說夏禹時，天雨金三日。古詩云：安得天雨金，使金賤如土，是也。

周成王時，咸陽雨金。今咸陽有雨金原。

王莽時，未央宮中雨五銖錢。既而至地，悉爲龜兒。

漢世翁仲，儒家人貧力作，居渭川。一旦天雨金十斛。

於其家

漢惠帝二年宮中雨黃金黑錫

呂后三年天雨粟

漢宣帝時江淮饑饉人相食雨穀三秦魏地亡穀二
斗頃

漢武帝時廣陽縣雨麥

河間有雨錢城漢世天雨鉛錫於此

周時成陽雨錢終日而絕

秦二世元年宮中雨金旣而頃刻皆化爲石

漢成帝末年，宮中雨一蒼鹿，殺而食之，其味甚美。
大禹時天雨稻，古詩云：安得天雨稻，飼我天下民。
漢世潁川民家雨金銖錢。
魏武帝末年，鄴中雨五色石。

吳桓王時，金陵雨五穀於貧民家，富者則不雨矣。
魏時河間王子元家，雨中有小兒八九枚，墮於庭前，
長六七寸許，自言家在河東南，爲風所飄而至於君
庭，與之言，甚有所知，如史傳所述。

魏世河內冬雨棗。

着舊說周秦間河南雨酸棗遂生野棗今酸棗縣是也

魏文帝安陽殿前天降朱李八枚啖一枚數日不食今李種有安陽李大而有甘者卽其種也

漢末楊氏家園中產神榛三株

武陵源在吳中山無他木盡生桃李俗呼爲桃李源源上有石洞洞中有乳水世傳秦末喪亂吳中人於此避難食桃李實者皆得仙

杜陵有金李李大者謂之夏李尤小者呼爲鼠李桃

之大者爲木桃。詩云投我以木桃，是也。

房陵定山有朱仲李園三十六所。潘岳閒居賦云：防陵朱仲之李。李尤果賦云：三十六園朱李是也。中山有縹李大如拳者，呼仙李。李尤果賦云：如拳之李。陸士衡果賦曰：中山之縹李。又云：仙李縹而神，李紅，豫樟之爲木，豫樟卽木名也。生七年而後與衆木有異。

漢武帝寶鼎二年，立豫樟宮於昆明池中，作豫樟水殿。

袁紹在冀州時，滿市黃金而無斗粟，餓者相食，人爲之語曰：虎豹之口，不如饑人。劉備在荊州時，粟與金同價。

永嘉之亂，洛中饑荒，懷帝遣人觀市，珠玉、金、銀、闐、委市中，而無粟麥。袁宏表云：田畝由是圯墟，都市化爲珠玉，是也。

漢末大饑，江淮間童謡云：太岳如市，人死如林，持金易粟，貴於黃金。

洛中童謡曰：雖有千黃金，無如我斗粟。斗粟自可飽。

千金何所直。

耆舊說桓靈之世，汝潁間桑麻爲蒿莠，桃李不實，花而復落，落而復花，而官倉有朽粟。

晉永嘉中，梁州雨七旬，麥化爲飛蛾。

晉末荊州久雨，粟化爲蟲，蟲害民。春秋云穀之飛爲蟲，蟲是也。中郎王義興表奏曰：臣聞堯生神木而晉有蟲粟，陛下自以聖德，何如帝有慙色。

宋高祖之初年，當晉饑饉之後，卽位以來，江表二千餘里野粟生焉。

古說淮南諸山石生穀。袁安云石穀藥名穗之尤小者。

漢世古諺曰。雖有神藥。不如少年。雖有珠玉。不如金錢。

太原神金岡中。有神農嘗藥之鼎存焉。

成陽山中有神農鞭藥處。一名神農原。藥草山。山上紫陽觀。世傳神農於此辨百藥。中有千年龍腦。

冀州鵠山。傳龍千年。則於山中蛻骨。今有龍岡。岡中出龍腦是也。

今藥中有禹餘糧者，世傳昔禹治水，棄其所餘糧於江中，生爲藥也。

仙藥紫鳳腦，千年髓髓是也。

龜甲香，卽桂香之善者。

紫述香，一名紅蘭香，一名金桂香，亦名麝香草，出蒼梧桂林上郡界。今吳中有麝香草，香似紅藍而甚芳香。

南海山出千步香，佩之香聞於千步也。今海嶼有千步草，是其種也。葉是杜若而紅碧，雜貢籍曰南郡貢。

千步香

日南有香市，商人交易諸香處。

漢雍仲子進南海香物，拜爲涪陽尉，時謂之香尉。日南有千畝林，名香出其中。

香洲在朱崖郡，洲中山諸異香，往往不知名焉。千年松香，聞於十里，亦謂之十里香。

杏園洲在南海中，洲中多杏。海上人云：仙人種杏處。漢時嘗有人舟行遇風，泊此洲五六日，食杏故免死。云洲中別有冬杏。

木蘭舟在潯陽江中多木蘭樹昔吳王闔閭植木蘭
於此用構宮殿也七里洲中有魯班刻木蘭爲舟舟
至今在洲中詩家云木蘭舟出於此

天姥山南峯昔魯班刻木爲鶴一飛七百里後放於
北山西峯上漢武帝使人往取之遂飛上南峯往往
天將雨則翼翅搖動若將奮飛

魯班刻石爲禹九州圖今在洛城石室山

東北巖海畔有大石龜俗云魯班所作夏則入海冬
復止於山上陸機詩云石龜尚懷海我寧亡故鄉

上虞縣有石駝步，水際謂之步。

瓜步在吳中，吳人賣瓜於江畔，用以名焉。

吳江中又有魚步、龜步，湘中有靈妃步。昉按吳楚間謂浦爲步，語之訛耳。

公主山在華山中，漢末王莽秉政，南陽公主避亂奔入此峯學道，後得升仙。至今嶺上有一雙朱履，傳云公主旣於山中得道，駙馬王咸聞追之不及，故留二履以示之。潘安仁有公主峯記。

晉永嘉亂旣已至江，諸公主不得隨去，安陽公主平

城公主奔入兩河界，悉爲民家妻，常怏怏不悅。有故鄉之思，村民感之，共築一臺以居之，謂之公主望鄉之館。至今歸然。王朗懷舊賦云：將軍出塞之臺，公主望鄉之館。漢成帝遣將軍王浚戍邊，及帝崩，王莽篡逆，浚與莽有隙，遂留不敢歸，因逃入胡中。士卒相率築臺爲望鄉之處。

曲阜縣南十里有孔子春秋臺。曲阜古城有顏回墓，墓上石楠縣樹二株，可三四十圍。士人云：顏回手植。晉末羣盜蜂起，義陽公主自洛中出奔至洛南，士卒

二千餘人留守不去以衛京都劉曜攻破之主有殊色曜將逼之主手刃曜不中遂自刃曜奇其正節遣葬之立義陽公主隣民憐之爲立廟今義陽神是也符堅旣爲姚萇所殺於新平佛寺中後寺主摩訶蘭常夢堅曰可爲吾作宮旣而寺左右民家死疫相繼巫者常見堅怒曰吾不宮將盡殺新平民因共改寺爲廟遂無復災疾每年正月二日民競祀以大牢新平寺今符家神也

今烏江長亭亭下有駐馬塘卽當時烏江亭長艤舟

待項羽處今陰陵故城九曲澤澤中有項王村卽項籍迷失路處項王失路於澤中周回九曲後人因以爲澤名

燕昭王爲郭隗築臺今在幽州燕王故城中土人呼爲賢士臺亦謂之招賢臺

漢武帝於湖中牧馬處至今野草皆有嚼嚙之狀湖中呼爲馬澤澤中有武帝彈碁方石石上勒銘存焉葳蕤草一名麗草又呼爲女草江浙中呼娃草美女曰娃故以爲名

懸腸草一名思子蔓南中呼爲離別草

苔謂之澤葵又名重錢亦呼爲宣蘚南人呼爲妬草
萱草一名紫萱又呼爲忘憂草吳中書生呼爲療愁
花嵇中散養生論云萱草忘憂

桂林有睡草見之則令人睡一名醉草亦呼爲懶婦
箴又出海南地記

楚中有宮人草狀如金盞而甚氛氲花色紅翠俗說
楚靈王時宮人數千皆多愁曠有囚死於宮中者葬
之後墓上悉生此花

舜草今之孝草也

蓆具草一名塞路生北方胡地古詩云千里蓆具草

紅蘭花一名大草

莢葵本胡中葵似葵而大者

寡草特生而不叢

洛陽有支茜園漢宮儀云染園出芝茜供染御服是其處也

紅綬花蔓生如綬一般有文采因名焉

甘泉宮有木園武帝時園也今俗呼爲仙草園出漢

魏宮志

蔓園在定陵。漢宮儀曰：蔓園供染綠紋綬。小藍曰蔓。

蔓音

稷

芙蓉園在洛陽漢家置之。長沙定王故宮有蓼園。真定王故園也。

張騫苜蓿園。今在洛中。苜蓿本胡中菜也。張騫始於西戎得之。

衛有淇園出竹。在淇水之上。詩云：瞻彼淇澳，綠竹猗猗。是也。

梧桐園在吳宮。本吳王夫差舊園也。一名鳴琴川。南中有楓子鬼。楓木之老者爲人形。亦呼爲靈楓。後漢李子長爲政。欲知囚情。以梧桐木爲之像。囚形穿地爲坎。卧木囚於其中。祝之。罪正者不動。寃者木囚動。出時以爲精誠所應。子長時爲大理卿。漢武宴於未央宮。忽聞人語云。老臣負自訴。不見其形。良久。見架上。一老翁。長八九寸。面皺鬚白。拄杖僂步至前。帝問曰。叟何姓名。所訴者何。翁緣拄放杖。叩頭不言。因仰視屋。俯視帝脚。忽不見。帝駭懼。問東方

朔朔曰其名爲藻兼水木之精也。陛下頃來頻興宮室，斬伐其居，故來訴耳。仰頭看屋而後視陛下脚足者，願陛下宮室足於此，不欲更造。帝乃息役。後帝幸瓠子河，聞水底有絃歌之聲，置肴膳芬芳於帝前。前梁上翁及數人年少，絳衣紫帶，佩纓皆長八寸，一人最長，長尺餘，淩波而出，衣不沾濕。或挾樂器。帝問之曰：向所聞樂，是公等奏耶？對曰：臣前昧死歸訴，蒙陛下息斤斧，得全其居，故相慶樂耳。遂奏樂獻帝。洞穴珠一枚，遂隱不見。帝問方朔何謂洞穴珠。朔曰：河底

有一穴深數百丈中有赤蚌蚌生此珠徑寸明耀絕世矣帝遂寶愛此珠置於內庫

燕昭王種長春樹葉如蓮花樹身似桂樹花隨四時之色春生碧花春盡則落夏生紅花夏末則凋秋生白花秋殘則萎冬生紫花遇雪則謝故號爲長春樹澄永泉在滄州九視山山下出泉濶百餘步亦名流永渠雖泛金石終不沉故州人欲渡此泉以瓦鐵爲船舫

地生毛京房以爲人勞之應北齊武成河清年中徐

州及長安地生毛長七尺時北築長城內築三臺人
苦勞役之應

神泉出高密瑯琊郡人或禱所求之則飛泉湧出清
冷而味甘人或污之則便竭

鹽田在河東郡有一大澤澤中產鹽引水沃之則白
成號曰鹽田取之無盡不沃則無也又張掖有鹽池
自然生鹽其鹽多少隨月增減

甜溪水其味如密東方朔得以獻武帝帝乃投於陰
井中井水遂甜而寒洗浴則肌理柔滑

百林國有神藥數千種其西南有石鏡方數百里光明瑩徹可鑒五藏六府亦名仙人鏡國中人有疾輒照其形遂知病起何藏府即采神藥餌之無不愈其國人壽三千歲亦有長生者

列禦寇鄭人御風而行常以立春日歸乎八荒立秋日遊於風穴是風至即草木皆生去則草木皆落謂之離合風

秦繆公時陳倉人掘地得物若羊非羊似猪非猪繆公道中逢二童子曰此名蜃

史記作蜃

在地中食死人腦

右以松栢穿其首則死故今種栢在墓上以防其害也

辰州嵩溪有丹青樹枝葉直上籠雲下無枝條上有五色葉圓如華蓋故號丹青樹俗謂之五采樹今在辰陽縣

城陽縣城南有堯慶都墓廟前一池魚頭間有印文謂之印頰魚若非祀者捕而不得

奇肱國其國人機巧能爲飛車從風遠行湯時西風吹奇肱人垂車東至豫州界後十年而風復至使遣

歸國去玉門四萬里

東海有牛魚其形如牛海人採捕剝其皮懸之潮水至則尾起潮水落則尾伏

顧渚山有顧

汝耿反

子樹其木如玉色渚人採之以爲

杖

蛇一首兩身者名曰肥遺西華山中有也見則大旱

南海有水蟲名曰筴蚌蛤之類也其小蟹大如榆莢

筴開甲食則蟹亦出食筴合甲蟹亦還入爲筴取食

以終始生死不相離

西蜀石門山有樹名曰桄榔皮裏出屑如麵用作餅食之與麵相似因謂之桄榔麵焉

漢武帝元鼎元年起招靈閣有一神女留一玉釵與帝帝以賜趙婕妤至昭帝元鳳中宮人見此釵光瑩甚異共謀欲碎之明視釵匣唯見白燕直升天去後宮人常作玉釵因名玉燕釵

三國時昆明國貢魏瀨金鳥鳥形如雀色常翱翔海上吐金屑如粟至冬此鳥卽畏霜雪魏帝乃起溫室以處之名曰辟寒臺故謂吐此金爲辟寒金也

漢末關中大亂，有發漢時宮人塚者，宮人猶活。既出，平復如故。魏郭后愛念之，錄着宮人，常置左右。問漢時宮中事，說之皆有次第。郭后崩，因哭泣過度，遂死。周昭王時，塗修國獻青鳳、丹鵠，各一雌一雄。

吳郡魚城，城下水中有石首魚。至秋化爲鳧，鳧項中尚有石。

南康郡有君山，高秀重疊，有類臺榭，名曰女媧宮。有獸名格，似猩猩之形，自知吉凶，人無機愛之，則可馴狎。欲執害之，則去不來。

桂陽郡有銀井，鑿之轉深。漢有村人焦先，於半道見三老人，褊身皓白，云：「逐我太苦，今往他所。」先知是怪，以刀斫之。三翁各以杖受刀，忽不見。視其斷杖，是銀。其井後遂不生銀也。

儋耳郡明山有二石，如人形。云昔有兄弟二人，向海捕魚，因化爲石，因號兄弟石。

貞山在昆陵郡。梁時有村人韓文秀，見一鹿，產一女，子在地，遂收養之。及長，與凡女有異，遂爲女冠。梁武帝爲別立一觀，號曰鹿娘。後死入棺，武帝致祭，開棺。

視之。但聞異香。不見骸骨。蓋尸解也。遂葬棺於毘陵。
山號其葬處爲貞山。

江陰北有子英廟。子英卽野人也。善入水捕魚。得一
赤鯉。將著家池中養之。後長徑一丈。有角翅。謂子英
曰。我迎汝身。汝上我背。遂昇於天。爲神仙。晉時人。

璫珞似小蚌。有一小蟹在腹中。珞出求食。故淮海之
人。呼爲蟹奴。

鶴鵠

故解反

刺毘

德宅反

耳

則聽響遠

露眼赤精

則眦遠

則眦遠

則眦遠

大毛落。萊毛生。其色如雪。又云高脚踈節。則多跛也。

若百六十年變止不食生物千六百年形定飲而不食與鳳爲羣

松有兩鬣三鬣七鬣者言如馬鬣形也言粒者非矣人聞三十六洞天知名者十耳餘二十六天出九微志不行於世也

鯉魚滿三百六十鱗蛟龍輒率而飛去一年置一神守之則不能去矣神則龜也

王僧辨嘗爲荊南得橘一蒂三十子以獻梁元帝

吳太皇時朱休之家犬歌曰言我不能歌聽我歌梅

花今年故復可，明年當奈何？休遂殺其犬，明年休家
人並死。

哀牢夷，西蜀國名也。其先有婦人捕魚水中，觸沉木，
育生男子十人，沉木爲龍，出水上。九男驚走，一兒不
去。背龍因詆之，後諸兒推爲哀牢王。

涿光山下，囂水多鰮鰮之魚，如鵲而十翼，捕之可以
禦火。

吳桓王時，會稽生五色瓜。吳中有五色瓜，歲充貢秩。
獻。

東南有桃都山，上有大樹，名曰桃都。枝相去三千里，上有天雞。日初出，照此木，天雞則鳴。天下雞皆隨之鳴。

合塗國去王都七萬里。人善服鳥獸，雞犬皆使能言。林屋洞爲左神幽虛之天，卽天后真君之便闕。中有白紫芝泉，皆此洞所出，乃神仙之飲餌，非常人之所能得之。

日南郡出果下牛，高三尺，漢樂浪郡有果下馬，並高三尺。

廬陵有木客鳥大如鵲千百爲羣不與衆鳥相厠俗
云是古之木客花化作廬陵卽今吉州也
後魏孝昌年中有洛子淵自云洛中人成於彭城同
營人樊元寶還子淵附書至洛書上題云宅上靈臺
南延洛水旣至洛忽逢一老翁曰吾兒書也引又門
館甚盛呼坐命酒酒至色赤甚香美寶告退老翁出
送但見高岸對水無復人家及還彭城子淵已失元
寶與子淵同成三年不知是水神也
彭城郡古徐國也昔徐君宮人生一大卵棄於野徐

有犬名后倉，啣歸溫之卵，開內有一兒，有筋而無骨。後爲徐君，號曰偃王，爲政而行仁義，湘州栖霞谷，昔有橋順二子，於此得仙，服飛龍一丸，十年不饑，故魏文詩曰：西山有仙童，不飲亦不食，卽此也。

河澗郡有聖姑祠，姓郝字女君，魏青龍二年四月十日，與隣女樵采於滄深二水處，忽有數婦人從水而出，若今之青衣，至女君前曰：東海使聘爲婦，故遣相迎，因敷茵於水上，請女君於上坐，青衣者侍側，順流

而下其家大小奔到岸側，惟泣望而已。女君怡然曰：今幸得爲水仙，願勿憂憶。語訖，風起而沒於水。鄉人因爲立祠，又置東海公像於聖姑側，呼爲姑夫。

大翻山、小翻山在嫺州。昔有王次仲，年少入學而家遠，常先到。其師怪之，謂其不歸，使人候之。又實歸在其家，同學者常見仲捉一小木，長三尺餘。至則著屋間，欲共取之，輒尋不見。及年弱冠，變蒼頡舊書，今爲隸書。秦始皇遣使徵之，不至。始皇怒，檻車囚之，赴國路。次化爲大鳥，出車而飛去。至西山，乃落二翻一大。

一小遂名其落處爲大小翹山。媯州卽今幽薊之地。利州義城郡葭萌縣有玉女房。蓋是一大石穴也。昔有玉女入此石穴。前有竹數莖。下有青石壇。每因風自掃此壇。玉女每遇明月夜卽出於壇上。閒步徘徊。復入此房。

龍巢山下有丹水。水中有丹魚。欲捕其魚。伺魚之浮出。水有赤光如火。網取割其血塗足。可涉水如履平地。

宋武帝大明五年。廣郡獻白孔雀。以爲中瑞。

秦惠王獻五美女於蜀王，王遣五丁迎女，乃見大蛇入山穴中，五丁曳蛇，山崩，五女上山，遂化爲石。

一說少空山有貝多樹，與衆木有異，一年三放花，其花白色香美，俗云漢世野人將子種於此。

武都丈夫化爲女子，顏色美麗，蓋山之精也。蜀王娶以爲妻，無幾物故，遂葬於成都郭中，以石鏡一枚，長二丈，高五尺，同葬之。

衡州九疑山有舜廟，郡守至官，常致敬修祀，則空中如有弦歌之聲。一說九疑山隔湘江，跨蒼梧野，連營

道縣界九山，柱似行者望之，有疑，因名曰九疑山。
漢惠帝七年夏，雷震南山，林木皆自火燃至根，其地
悉皆焦黃。後其雨迅過，人就其間得龍骨一具。
晉世顏含嫂病，須與蜥蜴膽瘳之，則愈。既不能得，含
憂嘆累日。忽有一童子持青囊授含，乃曰：「真蜥膽也。」
童子遂化爲青鳥飛去。

陽羨縣小吏吳合龍，家在溪南。偶一日，以掘頭船過
水溪內，忽見一五色浮石龕，取歸置於牀頭。至夜
化爲一女子，至曙仍是石。後復投於本溪。

南海中有鮫人室，水居如魚，不廢機織，其眼能泣，則出珠。晉木子虛海賦云：天琛水怪，鮫人之室。

興安縣水邊有平石，其上有石櫛、石履，各一具。俗云：越王渡溪，脫履墮櫛於此。

荊州清溪秀壁諸山，山洞往往有乳窟，窟中多玉泉。交流中有白蝙蝠，大如鷗。按仙經云：蝙蝠一名仙鼠，千載之後，體白如銀，棲卽倒懸，盃飲乳水而長生也。夜郎縣者，西南遠夷國名也。其先有女子浣紗，忽三節竹流入，足間聞其中有號聲。剖竹視之，得一男，歸。

而養之及長有武畧自立爲交郎侯以竹爲姓漢武帝元鼎六年征西南夷改爲牂牁郡夜郎侯迎降天子賜以玉印綬後卒夷獠盛以竹王非血氣所生衆爲立廟今夜郎縣有竹王神是也

述異記卷下終

其山遂可往

其山遂可往

其山遂可往

其山遂可往

其山遂可往

右任昉述異記二卷晁氏云昉家藏書三萬卷天
監中采輯前世之事纂述新異爲此記皆時所未
聞特以資後來屬文之用亦博物之意唐志以爲
祖冲所作非也今考隋唐志並載祖冲之述異記
十卷無任昉記而藝文類聚太平御覽等書所引
祖記又往往爲今本任記所無無妨任祖二人當
時各自有記而隋唐志或偶失載也南史本傳亦
載昉撰雜傳二百四十七卷不及此記豈卽在雜
傳中歟今叢書本較稗海本又不全中多唐時州

名則此書又經唐人改竄非原本也汝上王謨識

補遺錄卷一百四十五

卷一百四十五

卷一百四十五

卷一百四十五

卷一百四十五

卷一百四十五

卷一百四十五

卷一百四十五

紅齊諧記

梁

吳均著

臨川張上冲校

漢宣帝以皂蓋車一乘，賜大將軍霍光。悉以金鈹具。至夜，車輅上金鳳凰，輒亡去，莫知所之。至曉，乃還。如此非一。守車人亦嘗見。後南郡黃君仲，北山羅鳥得鳳凰，入手卽化成紫金。毛羽冠翅宛然，具足可長。其餘守車人列上云：今月十二日夜，車輅上鳳凰俱一去。曉則俱還。今則不返，恐爲人所得，光甚異之。具列上。後數日，君仲詣闕上鳳凰子云：今月十二

山羅鳥所得。帝聞而疑之。置承露盤上。俄而飛

化尋之。直入光家。止車輅上。乃知信然。竊取其車。

遊行卽乘御之。至帝崩。鳳凰飛去。莫知所在。

稽康詩云翩翩

鳳輅逢此網羅

京兆田真兄弟三人共議分財。生貲皆平。均惟堂前

一株紫荆樹。共議欲破三片。明日就截之。其樹卽枯。

死狀如火然。真往見之。大驚。謂諸弟曰。樹本同株。聞

將分斫。所以顛顛。是人不如木也。因悲。不自勝。不復

解樹。樹應聲榮茂。兄弟相感。合財實。遂爲孝門真仕。

至大中大夫

陸機詩云三
荆歡同株

宏農楊寶性慈愛年九歲至華陰山見一黃雀爲鴟
梟所搏逐樹下傷瘢甚多宛轉復爲螻蛄所困寶懷
之以歸置諸梁上夜聞啼聲甚切親自照視爲蚊所
齒乃移置巾箱中啖以黃花逮十餘日毛羽成飛翔
朝去暮來宿巾箱中如此積年忽與群雀俱來哀鳴
連堂數日乃去是夕寶三更讀書有黃衣童子曰我
王母使者昔使蓬萊爲鴟梟所搏蒙君之仁愛見救
今當受賜南海別以四玉環與之曰令君子孫潔白

且從登三公事如此環矣。寶之孝大聞天下。名位且隆。子震震生秉秉生彪。四世名公。及震薨時。有大鳥降人。皆謂真孝招也。

蔡邕論云。昔日黃雀報恩而至。

魏明帝遊洛水。水中有白獺數頭。美靜可憐。見人輒去。帝欲見之。終莫能遂。侍中徐景山曰。獺嗜鱸魚。乃不避死。畫板作兩生鱸魚。懸置岸上。於是群獺競逐。一時執得。帝甚佳之。曰。聞卿善畫。何其妙也。答曰。臣亦未嘗執筆。然人之所作。可庶幾耳。帝曰。是善用所

長。顏公庭誥云。徐景山之畫獺是也。

張華爲司空。于時燕昭王墓前有一斑狸化爲書生。欲詣張公。過問墓前華表。曰。以我才貌。可得見司空。耶。華表曰。子之妙解。無爲不可。但張公制度。恐難籠絡。出必遇辱。殆不得返。非但喪子千年之質。亦當深誤老表。狸不從。遂詣華。見其容止風流雅重之。於是論及文章聲實。華未嘗勝。次復商畧三史。探貫百氏。包十聖。洞三才。華無不應聲屈滯。乃歎曰。明公當尊賢容衆。嘉善矜不能。奈何憎人學問。墨子兼愛。其若是耶。言卒便退。華已使人防門。不得出。旣而又問華。

曰公門置兵甲闌錡。當是疑僕也。恐天下之人卷舌而不談。知燕之士望門而不進。深爲明公惜之。華不答。而使人防禦甚嚴。豐城人雷煥。博物士也。謂華曰。聞魅鬼忌狗。所別者數百年物耳。千年老精不復能別。惟千年枯木照之。則形見。昭王墓前華表也。當千年使人伐之。至聞華表言曰。老狸不自知。果誤我事。於華表穴中得青衣小兒。長二尺餘。使還。未至洛陽而變成枯木。遂燃以照之。書生乃是一斑狸。茂先歎曰。此二物不值我千年。不復可得。

東海蔣潛嘗至不其縣路次林中露一屍已自臭爛
烏來食之輒見一小兒長三尺驅烏鳥卽起如此非
一潛異之看見屍頭上着通天犀纛揣其價可數萬
錢潛乃拔取旣去見衆鳥集無復驅者潛後以此纛
上晉武陵王晞晞薨以襯衆僧王武剛以九萬錢買
之後落褚太宰處復以餉齊故丞相豫章王王薨後
納入江夫人遂斷以爲釵每夜輒見一兒繞牀啼叫
云何爲見屠割必訴天當相報江夫人惡之月餘乃
亡。

桓元篡位。後來朱雀門中忽見兩小兒通身如墨。相和作籠歌。路邊小兒從而和之者數十人。歌云。芒籠茵。繩縛腹。車無軸。倚孤木。聲甚哀楚。聽者亡歸。日旣夕。二小兒入建康縣至閣下。遂成雙漆鼓槌。吏列云。槌積久比桓。失之而復得之。不意作人也。明年春而桓敗。車無軸。倚孤木。桓字也。荊州送元首用敗籠茵包之。又芒繩束縛其屍。沈諸江中。悉如所歌焉。陽羨許彥于綏安山行遇一書生。年十七八。臥路側。云脚痛。求寄鵝籠中。彥以爲戲言。書生使人籠。籠亦

不更廣。書生亦不更小。宛然與雙鷺並坐。鵝亦不驚。
彥負籠而去。都不覺重。前行息樹下。書生乃出籠。謂
彥曰。欲爲君薄設。彥曰善。乃口中吐出一銅奩。子奩
子中具諸飾饌。珍羞方丈。其器皿皆銅物。氣味香旨。
世所罕見。酒數行。謂彥曰。向將一婦人自隨。今欲暫
邀之。彥曰善。又於口中吐一女子。年可十五六。衣服
綺麗。容貌殊絕。共坐宴。俄而書生醉臥。此女謂彥曰。
雖與書生結妻。而實懷怨。向亦竊得一男子同行。書
生旣眠。暫喚之。君幸勿言。彥曰善。女子於口中吐出。

一男子年可二十三。四亦穎悟可愛。乃與彥叙寒溫。書生臥欲覺。女子口吐一錦行障。遮書生。書生乃留女子共臥。男子謂彥曰。此女子雖有心情。亦不甚向。復竊得一女人同行。今欲暫見之。願君勿洩。彥曰善。男子又於口中吐一婦人。年可二十許。共酌戲談甚久。聞書生動聲。男子曰。二人眠已覺。因取所吐女人還納口中。須臾書生處女乃出。謂彥曰。書生欲起。乃吞向男子。獨對彥坐。然後書生起。謂彥曰。暫眠遂久。君獨坐當悒悒邪。日又晚。當與君別。遂吞其女子。諸

器皿悉納口中。謂大銅盤可一尺廣。與彥別曰。無以藉君。與君相憶也。彥大元中爲蘭臺令。史以盤餉侍中。張散散看其銘。題云是永平三年作。

汝南桓景。隨費長房遊學累年。長房謂曰。九月九日。汝家中當有災。宜急去。令家人各作絳囊。盛茱萸以繫臂。登高飲菊花酒。此禍可除。景如言。齊家登山。夕還。見鷄犬牛羊一時暴死。長房聞之曰。此可代也。今世人九日登高飲酒。婦人帶茱萸囊。蓋始於此。晉武帝問尚書郎摯虞。仲治二月三日曲水。其義何旨。

答曰。漢章帝時。平原徐肇以三月初生三女。至三日。俱亡。一村以爲怪。乃相與至水濱盥洗。因流以盥。觴曲水之義。蓋自此矣。帝曰。若如所談。便非嘉事也。尚書郎束皙進曰。仲治小生。不足以知此。臣請說其始。昔周公成洛邑。因流水泛酒。故逸詩云。羽觴隨波流。又秦昭王三月上巳。置酒河曲。見金人自河而出。奉水心劍。曰。令君制有西夏。及秦霸諸侯。乃因此處立爲曲水。二漢相緣。皆爲盛事。帝曰。善。賜金五十斤。左遷仲治爲城陽令。

桂陽成武丁有仙道。常在人間。忽謂其弟曰。七月七日織女當渡河。諸仙悉還宮。吾向已被召。不得停與爾別矣。弟問曰。織女何事渡河去。當何還。答曰。織女暫詣牽牛。吾後三年當還。明日失武丁。至今云織女嫁牽牛。

宏農鄧紹嘗八月旦入華山採藥。見一童子執五綵囊。承栢葉上露。皆如珠滿囊。紹問曰。用此何爲。答曰。赤松先生取以明目。言終便失所在。今世人八月旦作眼明袋。此遺象也。

屈原五月五日投汨羅水。楚人哀之。至此日以竹筒
子貯米投水以祭之。漢建武中，長沙區曲忽見一士
人，自云三閭大夫，謂曲曰：「聞君當見祭，甚善。常年爲
蛟龍所竊，今若有惠，當以楝葉塞其上，以絲絲纏之。」
此二物蛟龍所憚。曲依其言。今五月五日作粽，并帶
楝葉、五花絲，遺風也。

吳縣張成夜起，忽見一婦人立於宅上南角，舉手招
成，成卽就之。婦人曰：「此地是君家蠶室，我卽是此地
之神。明年正月半，宜作白粥，泛膏於上祭我，也必當

石蠶桑百倍言絕失之。成如言作膏粥自此始也。
得蠶今正月半作白膏粥自此始也。

吳興故鄆縣東三十里有梅溪山。山根直豎一石。高百餘丈。至青而圓。如兩間屋大。四面斗絕。仰之千雲。外無登陟之理。其上復有盤石。圓如車蓋。磨聲若風雨。土人號爲石磨。轉快則年豐。轉慢則年儉。欲知年之豐儉。驗之無失。

錢塘徐秋夫善治病。宅在湖溝橋東。夜聞空中呻吟聲甚苦。秋夫起至呻吟處。問曰。汝是鬼邪。何爲如此。

寒須衣食邪。抱病須治療邪。鬼曰：我是東陽人，姓
名僧，昔爲樂遊吏，患腰痛死，今在湖北。雖爲鬼，
苦亦如生。爲君善醫，故來相告。秋夫曰：但汝無形，何
由治？鬼曰：但縛茅作人，按穴鍼之，訖棄流水中可也。
秋夫作茅人，爲鍼腰目二處，并復薄祭，遣人送後湖
中。及暝，夢鬼曰：已差，并承惠食，感君厚意。秋夫，宋元
嘉六年爲奉朝請。

會稽趙文韶爲東宮扶侍，坐清溪中橋，與尚書王
卿家隔一巷，相去二百步許。秋夜嘉月，悵然思歸。

門唱西夜烏飛。其聲甚哀怨。忽有青衣婢。年十五六。
前曰王家娘子白扶侍。聞君歌聲。有門人逐月遊戲。
遣相聞耳。時未息。文韶不之疑。委曲答之。亟邀相過。
須臾女到。年十八九。行步容色可憐。猶將兩婢自隨。
問家在何處。舉手指王尚書宅曰。是聞君歌聲。故來
相詣。豈能爲一曲邪。文韶卽爲歌草生盤石。音韻清
暢。又深會女心。乃曰。但令有瓶。何患不得水。顧謂婢
子。還取筓篲爲扶侍。鼓之。須臾至。女爲酌兩三彈。泠
泠更增楚絕。乃令婢子歌繁霜。自解裙帶繫筓篲腰。

叩之以倚歌。歌曰。日暮風吹。葉落依枝。丹心寸意。愁君未知。歌繁霜侵曉幕。何意空相守。坐待繁霜落。歌闕夜已久。遂相佇。燕寢竟四更。別去。脫金簪以贈文韶。文韶亦答以銀枕。白琉璃七各一枚。旣明文韶出。偶至清溪廟。歌神坐上見枕。甚疑而悉委之。屏風後則琉璃七在焉。篋篋帶縛如故。祠廟中惟女姑神像。青衣婢立在前。細視之。皆夜所見者。於是遂絕。當宋元嘉五年也。

齊諧志怪者也。蓋莊生寓言耳。今吳均所續。特取

義云耳前無其書也。考文獻通考書目亦云至元
甲子吳郡陸友記。

續齊諧記終

卷之三

詩經



甲子共婚劉文淵

庚子世前燕其律也法文淵與朱清日必二

右續齊諧記一卷梁奉朝請吳均撰按隋志有宋
散騎侍郎東陽無疑齊諧記七卷此書蓋續東陽
記而作非續莊子志怪者也記中惟鵞籠書生極
幻他若京兆田氏之荆樹宏農楊寶之黃雀可以
裨風教張華雷煥之測老魅摯虞束皙之辨曲水
可以資博雅以至張成區回鄧紹桓景等事宗懔
歲時記已時時引証非以其信而有徵歟以故東
陽之書不傳而吳記特存均通史學嘗著齊春秋
三十卷他所述作並載南史本傳而不及此書或

又以寓言置之故耳汝上王謨識

搜神記卷一

晉

干寶撰

南昌楊先烈校

管輅字公明、善解諸術、得知未來過去之事、於五月
行、至南陽平原、見一少年在田中割麥、輅嗟歎之而
過、少年問曰、老丈有何事失聲嗟歎、而過輅曰、汝何
姓、對曰姓趙、名顏、輅曰、適來無別事、見少年見壽不
逾二十、多是夭亡、所以歎、趙子聞之、叩頭隨而請問、
輅曰、命在于天、非我能救也、趙子聞之、奔走告父、父
乃奔往、不逾十里、遂及管輅、顏父子下馬而參拜、適

來某小兒蒙聖人之言，不逾二十而夭亡，聖人如何
延命，終當報之。輅曰：命不我與，爲之奈何？然子懇誠，
且爲救諸子，且歸家，覓取清酒一榼，鹿脯一斤，吾卯
日小食時，必至君家，且方便求請，未知得否？其父歸
舍，覓酒脯而專候之。輅果依時而至，語顏子曰：汝卯
日割麥地南大桑樹下，有二人圍棋，汝但滿將此
酒脯往一邊，酌酒琰致脯於前，他自飲之，飲盡便斟
以盡爲度。若問汝，汝但拜之，慎勿言也。必合有人救
汝。吾在此專候於汝，乃依輅言而往。果見二人圍棋，

次前往待從非常趙顏致脯斟酒於前其人貪戲俱
飲酒食脯不顧顏子飲數巡已戲終北邊坐者舉首
忽見顏在侍立大怒叱曰何故在此顏惟拜之不對
南面坐人語北面坐人曰夫人食他一物而有愧色
適來已飲他酒脯寧無情乎北邊坐人曰文書已定
不可輒移南邊坐人曰借文書看之見趙子壽可十
九歲語仁易矣可改之乃取筆挑上顏顧喜之乃語
顏曰救汝至九十年活顏聞而喜不自勝拜而回家
見管輅輅語顏曰大助于喜且得增壽於後記取北

邊坐人是北斗南邊坐人是南斗南斗注生北斗注死凡人受胎皆南斗過北斗所有所求皆向北斗矣顏父備吉帛鑑金而謝之輅一無所受

晉愍帝時零陵太守趙子元出門見一女子姿容甚美年可十五子元見而詰之曰汝何人之子而敢獨行又無伴侶女子曰我是客人寄居城外拋離父母又無伴侶孤眠獨處何以問之子元不疑是鬼又問曰既無依倚還善製衣否女子對善製衣子元曰可爲吾作衣吾與汝錢女曰諾乃使入宅中每作一衣

與錢一百文經三年往來宅內大小慙之或造衣服而多與酬之忽一日來告辭子元憫之與金鐻子一枚金釵子一隻細絹二疋女子受得拜辭太守明日必歸鄉里不復來也太守乃使人送出城外別不辭而去行數步倏然不見家人恠之時有人出城便同往尋問約二百餘步見有一塚詢訪近隣云是一女子墓不旬日其父母發取女屍於祖父塋內安葬開塚出棺改歛見銅錢無數并有金釵子一隻金鐻子一枚細絹二疋甚異之後問其由方知是太守與之

太守方知造衣女子之鬼在此。時人信鬼神變易，不可及。

昔隴西有辛道度者，游學他方，糧食乏盡，行至雍州城西五里北，見一宅廳館，門庭有一青衣女子在門。道度飢餒，乃詣門下欲求食，而過語女子曰：「僕是隴西人，姓辛，名道度，游學他方，糧食乏盡，憑女子與報，欲求一食，可否？」惟命。女子入告秦女，女曰：「既遊遠地，他方將尋高藝，此賢人也，可宜命入。」吾與之語，女子出來，引客而入。道度趨入閣中，疑非生人，俛仰之間，

已被召見秦女於西榻而坐道度卽稱名而敘起居
既畢命度於東榻而坐畢卽具飯饌食訖女謂度曰
我秦閔王女出聘曹國不幸無夫而亡亡來已二十
三年獨居此宅今日君來願爲夫婦君意若何道度
曰女所貴戚焉敢乎女卽相逼爲夫婦經三宿三日
俄女卽自言曰君是生人我鬼也共君宿契此會只
可三宵不可久居當有禍矣然茲信宿未悉綢繆旣
已分飛將何表信于郎乃取床後簋子開之取金枕
一枚與度爲信是貧士悅而受之乃分袂泣別卽遣

青衣送出門外，未逾數步，不見舍宇，惟有一塚荆棘
森天，度當時慌怕，衝忙走出，視其金枕，懷乃無異變。
尋至秦國，旣以枕于市，貨之，恰遇秦妃車遊，親見度
賣金枕，疑而索看，語度何處得來，度具以寔告。妃聞
悲泣，不能自勝，然尙疑耳。乃遣人發塚，啓柩觀之，原
葬諸物悉在，惟不見金枕。解體看之，情交宛若秦妃
始信之。嘆曰：我女大聖，死經二十三年，猶能與生人
交往，此是我真女婿也。遂封道，度爲駙馬都尉，賜其
金帛車馬，令還本國。因此以來，後人名女婿爲駙馬。

今之國婿亦爲駙馬矣。

扁鵲善明醫術，遊行號國，時遇號君太子夭，早經七日，鵲聞之，請入而弔。弔訖，出門，知太子有命，語左右曰：「太子莫不要卻生否？」左右聞之，奔告號君。云：「扁鵲出門語臣云：『莫要太子生否？』」君聞之，速召而入，令活太子。鵲乃施妙術，用醫，太子卻活。王大與金帛繒綵贈之，辭而不受。王曰：「蒙君妙藥，已活太子，寡人無所酬之，君何不受？」對曰：「太子命自未盡，非臣所能，遂揖而去。」

劉安，河中人也。少時得病，死經三日，卻活。冥中見天帝，命爲師，可通鬼道，未來之事，皆預知之。河間有一趙廣家，槽上馬忽變作人面，全家大驚，往問劉安。曰：「此大惡也。君急歸家，去宅三里，披髮大叫，即可免之。」廣乃依言披髮大叫。廣家中大小一時走出，驚怕看之。堂內無人，堂屋一時崩倒，全家得免，不損一人。乃贈財賄與安，重問此災何有。安曰：「堂屋西壁下深三尺，當有三箇石柱，今已災過，慎勿發看。若視之，必大貧。若不看，必大富貴。此神龍也。後廣不依，卽掘看之。」

驗其虛實果有一物赤色大如屋柱飛出他去後廣
大貧一如其言也

昔晉侯有疾漸重無能治者晉與秦國親姻之故聞
秦有良醫發使往請秦王乃命緩速赴晉醫緩將至
晉國晉君夜夢二鬼相謂曰秦使醫緩來我等何適
若往必當有殺若去亦獲其死二途何適一鬼荅曰
此事何憂乎我等二人但居膏之上膏之下若我何
一鬼又問何者爲膏膏而免此難荅曰心上爲膏心
下爲膏此處針灸不能及湯藥不能至二鬼相喜各

居其處旬日醫至察其容候其脉良久嘆曰此病不可療也其疾在膏肓藥餌不可及針灸不能至晉侯聞之嗟曰此良醫也今古罕有遂與百金令還本國晉侯不逾十日而薨矣


後魏洛陽阜財里有開善寺京兆人韋英宅也英早卒其妻梁氏不治喪而嫁更納河內向子集爲夫雖云改嫁仍居英宅英聞梁嫁白日來歸乘馬將數人至于庭前呼曰阿良卿忘我也子集驚怖張弓射之應箭而倒卽變爲桃人所騎之馬亦化爲茅馬從者


數位盡爲蒲人梁氏惶惧捨宅爲寺

搜神記卷一終

搜神記

卷一







搜神記卷二

王子珍，太原人也。父母憐愛，歎曰：「我兒立身，未曾學問，可往定州邊孝先先生處習業。」孝先，陳留信義人也。廣涉稽古，應對無窮。自孔子沒後，惟孝先一人領徒三年，盡知歸服，未有勝者。是以四海之內，皆往就之學習。子珍承父之命，即日登途，行至定州界內，去州三百餘里，於路傍樹陰憩歇。續有一鬼化爲生人，後來同與子珍憩歇。子珍不疑也，乃詰子珍姓氏，從何而來。復往何處？子珍曰：「父母以子珍寡學，遣於定

州邊孝先生處學業餘無事子珍卽太原王子珍也鬼曰我渤海郡人也姓李名予石父母早亡兄弟異居見予石少學遣往邊先生處求學旣得遣行便爲同學兄弟子珍曰兄必年長請以兄事之予石曰敬聞命矣遂卽同行至定州主人處飲酒食肉盟曰死生貴賤情皆一之誓訖往邊先生處同拜起居先生詰其由卽以實告乃授以經業三年以來予石才藝過於先生先生曰予石豈非聖人乎何故聰明朗過某矣今已老耄無能予有何術願示於予予石曰

某因宿會得事先生所授之業不可知也實以目之
一覽更無遺漏亦非聖人也尋以子珍辭義不解即
教授之子珍敬之如父畏之如師子珍學業因此得
就後有太子舍人王仲祥經過亦是太原人也與子
珍同宗便即謁先生迨暮延宿仲祥知李弔石是鬼
及旦與子珍執別語曰某與弟連枝有事不可不說
弟今朋友李弔石是鬼耳實非生人子珍曰弔石是
上聖之聖經書靡不該博先生猶推嘆之何得不是
生人乎祥曰我之所論豈言才藝且弟是生人弔石

是鬼，生死殊別，焉得爲好人哉？弟若不信，今宿可新，葉鋪於席下，令臥之。弟與別榻，旦而看之，便知虛實。弟之臥處，其葉卽實；鬼之臥處，其葉卽虛。言訖而別。子珍乃復疑。迨夜一依仲祥所言鋪之，及曉果如前說。因爾方知，子石是鬼。翊日，咨子石外言兄是鬼物。子珍聞此語，故咨兄。子石曰：「我實鬼矣。」向弟言者是仲祥也。弟今旣知須話元由，昨緣冥司舉我爲泰山主簿，任職年久業滿，合捨此司，遷於勝處。王銓一人以當其職，銓定無之人，皆不可。乃喚子石云：「吾觀汝」

之才量堪赴此任然汝寡學未能該通汝且人間邊
孝先處求業業成早來委汝泰山王簿我恐世懼我
卽爲生人與弟同師不經一年學問已成任泰山王
簿二年矣與弟情深眷戀相伴今弟旣知固難久處
卽當分別然有一事須令弟知我前者患背上痛時
爲弟父冤家經王陳訴稱弟父殺我生孫食我兄弟
累有狀王者容情不爲區斷王見此狀怒不施行等
我一言是我背痛王今追弟父親自訊問判入死籍
弟今火急歸家看父父若有氣宜當救之但以清酒

鹿脯於郊首邊祭我三呼我名我當必至若已氣絕
無可救耳弟之學問已成但知努力謀立身之事我
當助弟延年請於上帝與弟官榮保無疾病子珍拜
辭即便分別子珍乃辭先生歸寧至家見父在床猶
有氣火急致酒脯錢財於郊祭之三呼其名即見平
石乘白馬着朱衣冠蓋前後騎從數十人別有青衣
二人執節前引呵殿而至子珍相見一似舊之時語
子珍曰弟可合眼須弟見父珍即閉目須臾之間至
閻羅王處門向北而安平石語子珍曰向來將弟欲

見弟父今在牢獄形容毀惡不可看之弟父冤家須
臾卽至着白跣足頭戴紫巾手把文書一卷者卽是
弟父冤家其人晡時入衙證問令與弟取弓箭於此
專候之見來當射之死弟父必活不然難救也言語
之間其冤家果至辛石目曰是此矣宜審射之我須
入衙決判是在此他人有疑石入衙視事未幾冤家
直來案前陳訴有詞深讐卽射中左眼遺卻文書奔
走卽驗文書讀看竝是論父之事珍泣告辛石曰射
着何處珍曰射着左眼石曰不着要緊處限差更來

相訟甚矣然弟宜歸家尋覓冤家殺之弟父必瘞珍
曰何人也石曰見有似適來射者卽殺之珍當與石
言別匆匆不解問得冤家姓名歸舍思石之言不得
更見也憂悒之間七日不食家人報失一白公雞七
日未知去處衆共尋乃見白雞在架牆上而坐害左
眼珍見思此物是我父之冤家也白衣者毛也紫巾
者雞冠也跣足者雞足也瞎左眼者所射中也有是
更於何處覓之乃烹作羹以食父因此平瘞珍後受
太原郡至漢景帝復拜刺史壽年一百三十八歲而

終皆李平石祐之故云雞不三年犬不六載白雞白犬不可食之害生也。

段孝直。漢景帝時舉孝廉爲長安令。孝直志性清慎。美聲遠聞。直所乘馱駿馬一疋。日行五百里。雍州刺史梁緯與帝連婚。時恃形勢。見孝直馬好。每索之。直荅云。亡考所乘之馬。不忍捨之。不敢輒奉。伏願使君照悉。梁緯因此致恨。密構孝直取受賊事。乃敕下獄。不令家人通往。直知屈枉。不免此難。使以告妻。曰。刺史陰謀欲奪我馬。私捏人訴意欲殺我。必死矣。嗟汝。

等幼沖未解申雪。我屈死汝各努力。但將取紙三百張。筆十管。墨五挺。安我墓裏。我自申理。不經旬。害於獄中致死。家人收而葬之。仍以紙筆安墓中。不經五十餘日。遇景帝大會羣臣。孝直於殿前上表云。天地雖明。詎悉無辜之老。日月垂照。必鑒有滯之人。且臣早忝宦途。頗彰濟慎。尋以論迂劇邑。稍免瑕疵。不謂刺史梁緯心縱貪婪。勢連內戚。欲臣亡父之馬。戮臣枉寃之刑。上訴皇天。許臣明雪。若不聞於陛下。罔以免此幽沉。并刺史梁緯行事二十一條。不依法令一

一條奏別狀以聞。伏願陛下聰明，哀臣冤屈。景帝覽表，讀訖，忽然不見孝直。世怪夫宇宙之內有此異事，遂于詔收梁緯付獄勘詰，事事不虛，及枉殺段孝直。事奏帝，帝勅下將梁緯往孝直墓所斬而祭之，仍追贈尚書郎守長安令。故語云：莫言鬼無身，杜伯射宣王。莫言鬼無形，孝直訟生人。此之謂也。

秦始皇時有王道平，長安人也。少小之時，與同村人唐叔偕女，小名父喻，容色俱美，誓爲夫婦。尋王道平被差征伐，落陷南國，九年不歸。其父母見女長成，卽

聘與劉祥爲妻，與道平言誓甚重，不肯改事。父母逼迫，不免出嫁劉祥。經三年，忽忽不樂，常思道平，忿怨之深，悵快而死。死經三年，道平還家，乃詰鄉人：此女何在？鄉人曰：此女意在於君，被父母凌逼，嫁與劉祥。今已死矣。平問墓在何處，鄉人引往墓所。平悲號哽咽，三呼女名，繞墓悲苦，不能自止。平乃祝曰：我與汝立誓天地，保其終身，豈料官有牽纏，致令乖隔？使汝父母嫁與劉祥，既不契於初心，死生永訣。然汝有靈聖，使我見汝平生之面。若無神靈，從茲而別。言訖，又

復哀泣逡巡其女魂靈目墓而出問平何處而來良久契闊本與君誓爲夫婦以保終身爲父強逼乃出聘劉祥已經三年日夕憶君成病結恨致死乖隔幽途然念君宿願不忘再求相慰妾身未損可以再生還爲夫婦且速開塚破棺出我必活道平審言乃啓墓門捫看之其女果活乃結束隨道平還家其夫劉祥聞之驚怪申訴州縣檢律斷之無條乃錄狀奏王王乃斷還王道平爲妻壽年一百二十歲實謂精貫於天地而獲感應如此耳

搜神記卷二終

此處為書中正文，因圖像模糊，文字難以辨認。依稀可見「...大...」等字樣。

搜神記卷三

昔周宣王信讒言，杜伯無罪，王信佞而誅之。杜伯曰：臣無罪而加戮，若死有知，臣將上報，不越三歲，必雪深冤矣。王曰：汝但努力，我是萬乘君王，殺汝三五箇之類，何有患乎？乃戮之。經三年餘，宣王出獵，行至城外山澤之間，將欲布獵，忽見杜伯着朱衣，乘白馬，冠蓋前後，鬼兵數百，當道而來，彎弓執矢射王。王懼，無處避之，百僚悉見射中王心。王卽心痛歸宮，至夕而薨。故語云：凡人不可枉濫冤，必至矣。

昔隋侯因使入齊路行深水沙邊見一小蛇可長三尺於熱沙中宛轉頭上血出隋侯見而憐之下馬以鞭撥于水中語曰汝若是神龍之子當願擁護於我言訖而去至於齊國經二月還復經此道忽有一小兒手把一明珠當道送與隋侯曰誰家之子而語吾荅曰昔日深蒙救命甚重感恩聊以奉貺侯曰小兒之物詎可受之不顧而去至夜又夢見小兒持珠與侯曰兒乃蛇也早蒙救護生全今日荅恩不見垂納請受之無復疑焉侯驚異迨旦見一珠在床頭侯乃

收之而感曰，傷蛇猶解知恩重報在人，反不知恩乎？
侯歸持珠進納，具述元由，終身食祿耳。

狄希中山人也，能造千日酒，飲之亦千日醉。時有州
人姓辛名石，好飲酒，欲飲於希家，翊日往求之。希曰：
我酒發來未定，不敢飲君。石曰：縱未熟，且與一盃得
否？希聞此語，不免飲之。旣盃，復索曰：美哉，可更與之。
希曰：且歸，別日當來。只此一盃，可眠千日也。石卽別，
似有忤色，旋至家已醉死矣。家人不知，乃哭而葬之。
經三年，希曰：辛石必應酒醒，宜往問之。旣往石家，語

曰石在否家人皆怪之曰爭石亡來服已闕矣希驚
曰酒之美矣而致醉眠千日計日今合醒矣乃命家
人鑿塚破棺看之卽見塚上汗氣徹天遂命發塚方
見張目開口引聲而言曰快哉醉我也因問希曰你
作何物也令我一盃大醉今日方醒日高幾許矣墓
上人皆笑之被石酒氣衝入鼻中亦各醉臥三月世
人之異事可不錄乎

李信陳留信義人也爲人道孝善事父母年三十八
忽夜夢司命使鬼使取信至閻羅王殿前王卽勅付

所司依處分信啓王曰、少失父母、編居今旣命終、不敢有辭、哀信老母無人侍奉、伏願大王放信侍養、待母命終之日、與母同來、王聞此言、亦甚哀愍、如斯孝道、足可延齡、乃召鬼官檢信母壽年九十、尤有二十年、亦可矜放、鬼官對曰、只如信之徒、世間極有、今若放此、後者舉例、請下本司定罪輕重、取旨、王依鬼官言、還令定罪、鬼官怒曰、無知越訴、亂我憲章、乃令鬼使擒付鑊湯煮之、鬼使提信手捉拋入鑊湯、方入湯中、身首已爛、王忽念之言曰、此自孝浮世罕聞、且

令放還以旌孝行不復召鬼官議之命鬼使喚信聞
王嘆信必知放還乃令湯中拽出見信首面浸爛鬼
使忙怕恐王怒之乃取一胡人頭與信曰王今喚出
必放汝歸若見汝容貌壞爛必不放去也今且取一
胡人頭安之所以得還見王之時宜低頭應對不許
忽忽若放汝歸卻來與汝別覓一端正頭安卻信聞
放還忻喜唱喏而受之既至王前便勅鬼使還歸不
得更經本司鬼使唱喏不敢再返亦不暇於鬼使處
換頭忽然卻活夢覺以手摸頭面竝是胡悲啼懊惱

語其妻曰、汝識我語音否、妻對曰、今異也、聞君一音是汝、一音是胡、何也、信曰、我夜來甚有異夢、汝若天曉起、可將被覆我頭面、莫使人見、若欲送食、致我床前、閉戶而去、我自取食、其妻依言、以被覆之、至飯時、忽思其語、何有此事、乃撥看之、見一胡人臥在被底、其妻走出告姑曰、阿婆兒夜來不知何故、變作一胡人、在新婦床卧、姑聞此語、豈有此異事、乃令將捧來、揭被見之、驚異、便打信數十、分說不及、以打損頭面、鄰里聞之、求問其故、信方話其始末、始知是真兒抱

頭大哭，妻亦哀號。鄉社以狀聞州，州以狀奏。帝覽表，嗟嘆。自古至今，未聞此事。雖是假胡人頭，孝心通乎神明，可拜信爲孝義大夫。仍賜束帛養親。悲夫神感之矣，乃見如期。

昔高辛氏時，有房王作亂，憂國危亡。帝乃召募天下，有得房氏首者，賜金千斤，分賞美女。群臣見房氏丘強馬壯，難以獲之。辛帝有犬，字曰盤瓠，其毛五色，常隨帝出入。其日忽失此犬，經三日以上，不知所在。帝甚怪之。其犬走投房王。房王見之大悅，謂左右曰：「昔

其喪乎。犬猶棄主投吾。吾必興也。房氏乃大張宴會爲犬作樂。其夜房氏飲酒而臥。盤瓠咬王首而還。幸見犬啣房首大悅。厚與肉糜飼之。竟不食。經一日。帝呼犬亦不起。帝曰。如何不食。呼又不來。莫是恨朕不賞乎。今當依召募賞汝物得否。盤瓠聞帝此言。卽起跳躍。帝乃封盤瓠爲會稽侯。美女五人。食會稽郡一千戶。後生三男六女。其男當生之時。雖似人形。猶有犬尾。其後子孫昌益。號爲犬戎之國。周幽王爲犬戎所殺。只今土蕃乃盤瓠之孕也。

昔武王時、雍州城南、有一大神樹、約高十丈、周廻一里、蔭其地土、人民悉奉、四時八節、牽羊負酒、祭祀不絕、武王出城、見衆奉獻、王言此樹神何須損我百姓、乃以兵圍正欲誅伐之、乃有神飛沙走石、雷電霹靂、武兵起衆瓦解、星分、無令得近、時有一人被傷損腳、去樹一百步臥地、不能自去、迨夜、有一人着朱衣乘馬與樹神曰、朝來武王伐子、不有損乎、樹神曰、我雷公飛沙走石、傷武王兵士、兵士見之星分、不敢近我、我有威力如此、赤衣人怒曰、我教武王兵人用生朱

塗面、披髮着朱衣、赤繩縛之、道灰百匝、以斧伐之、豈
不損乎、樹神默然不對、赤衣人忽然縱轡而去、至明
軍人向鄉中父老語之、以狀聞王、王遂依其言用物
以斧伐之、並無變動、伐樹將倒、樹中流血、變作一特
牛、向址中走入豐水中、故樹精百年化作青牛、後人
學之用灰及赤、

搜神記卷三終

世說新語卷三

世說新語卷三

世說新語卷三

世說新語卷三

世說新語卷三

世說新語卷三

世說新語卷三

搜神記卷四

無惠王墓上有狐狸，已經千餘歲，神變無比。世罕有之。聞晉司空張華博學多才，狐狸化爲二少年書生，才容奇美，乘馬而出墓前過去。華表神謂曰：子欲何之？狸曰：我聞晉司空張華博學多才，今欲詣門與之論談。木精曰：張司空之才，難可比也。若去，非但喪汝二軀，我亦遭累。狸曰：縱伊廣覽，豈能勝子？終爲之而旋，無累子矣。木精曰：實謂自貽伊戚，其可乎？不取吾言，終有悔日。狸不荅而去，乃持刺謁華。華引入談論。

三日不屈。華甚疑之。此必妖也。乃掃榻延留。留入防禦。時雷孔章來訪華。華以書生白之。此必妖異。孔章聞此語。忽然大笑曰。公爲國之棟梁。吐食納士。賢者進用。不肖者黜退。何故妬賢嫉能。不以已之不才而言人之妖異。如此爲天下笑耳。華益於防衛。勿遣東西。孔章曰。若疑之。何不呼獵犬試之。乃命犬已試。竟無憚色。狸曰。我之才智。天地產之。反以爲妖。以犬試我。遮。

千試萬慮。其能爲患。華聞益怒曰。此必真妖也。乃曰。是百年之精。獵犬見之卽變。若千年

之妖以千年神木火照之卽變章曰千年神木何由
可得華曰世說燕惠王塚前有華表木已經千年發
是爲使往取其木使欲至木所空中有一青衣小兒
來問使曰君何來也使曰張司空忽有二少年多才
巧辭疑是妖異使我取華表照之青衣曰老狸不智
不聽我言今日禍已及我其可逃乎乃發聲而泣倏
然不見使乃伐其木木中血流使將木歸照之其精
乃變華乃烹之

漢時東華郡陳司空死經周年忽然還家在床而坐

約束子孫與平生無異，飲酒食肉，閑論幽冥事，歷歷來往不一，專事惑婦。子孫致敬，無異生前。忽一度還家，飲酒醉臥在床。子孫敢近前審窺，元是村中沽酒之家老犬也。從此便無蹤由。

王莽篡漢，平帝位一十八年，德行不合乾坤，國祚將改。忽於南陽市中生一肉塊，斫刺不入，詔令載歸殿前。召荆房息來問曰：「殿前生此異物，爲何祥？」房息對曰：「臣不識，有費長道通人也，能識之。」莽遣費長道使發數日。房息曰：「臣啓陛下，費長道至，必言不識。」陛下

但言卿既不識何故城東門外下馬仰天而嘆也。吏長道至帝問何物。對曰：荆房息向言不識。臣何知之。帝曰：卿既不識何故東門外下馬仰天而嘆。道曰：臣嘆荆將軍推死與臣。帝曰：卿但實言勿隱。朕不罪卿。道曰：既奉進止敢不遵承。此物一名肅一名伏中。有鐵券長三尺六寸。道王家衰劉家再興。莽曰：如何得見。道曰：須得七歲女子尿之可開也。莽依言果然。邇後光武中興斯實徵矣。

昔太祖年七十只養一子年十三而夭。太祖與夫人

晝夜悲泣不止夫人忽一夜夢見亡兒來謂母曰某
今差在泰山五百日驅使苦無暫休今泰山府君取
周王爲嶽宿阿娘可爲兒囑王安兒於樂處免有驅
役言訖洒涕而別其母睡覺悲不自勝太祖問有何
故具以事白太祖曰夢以想成生死殊道漠漠然何
慙也翊日晝寢復自夢見亡子曰昨日請阿娘咨
如何卻以爲無憑也旣若不信但看周王三月十
八日必死若不死卽虛也太祖夢覺信之明且喚女
王來語曰朕昨晝寢夢見亡子云被差向泰山府五

百日驅使，今泰山府君取卿爲宿。今夢想之頃，朕亦不信，儻如所夢，卿卽方便安兒於樂處。周王曰：短長之數，豈可逃乎？然念永別清朝，將辭昭代，已審聖旨，豈敢違命。泣涕交下，哀戀久之。太祖乃賜王絹十疋，以贖亡兒。果于三月十八日卒，經十餘日。太祖又夢見兒顏色和悅，謂父曰：蒙托父王文王任所職，遷兒於泰山府錄事叅軍，下監印，差帝南人代役，仰荷君恩，敢不上報。太祖夢覺，喜而復悲，卽發人往問帝南人死虛實。使回云：亡經十五日，事驗有實。方知鬼神

之道昭然，不可謂之無矣。

張華爲豫章太守，善易卦，明於政刑，下吏罪人畏之，不敢犯令。或當死者，悉放歸辭父母。時有一人犯盜處死，尅日欲誅，放歸辭別。限滿赴州就刑，其人在路號哭。經趙朔家，趙朔問何故哭，荅曰：「某拙謀爲盜，犯法當死。昨蒙太守給假辭父母，限滿赴州就刑，所以悲泣。」朔曰：「何不逃去？」荅曰：「使君明於易筮，前後逃者皆獲得，是以不敢違日。」朔曰：「汝不用哭，吾令汝生，但用吾計，自當獲免。」汝可取三遍到行渡河，卽取竹筒。

盛水三尺長安於腹上，仍黃沙中臥，經三日然後可還，終始擒汝不得也。其人一依朔言，至假滿，法司怪久違限，乃以名聞。華乃觀易六卦，成斷曰：何故腹上水深三尺，背臥黃沙？此人必投水死，更不用尋也。此謂之善易。其人經一年，改名姓處於鄉里，旣脫其死，卽賁重賂酬於朔，朔一無受焉。

昔泰山皇帝召募諸方秀士，遣司徒崔皓試之，問其妍否。皓見雍州秀士陳龍文，多言巧辭，乃嘆之曰：子姓陳，與陳恒近遠？龍文應聲答曰：龍文與恒還如公。

與神門密相似。崔皓憾之。異日策問龍文曰：鴟梟何以食弱水？何以西流？武王何以伐紂？龍文並皆不荅。皓落下不第。龍文上表稱崔皓位正三台，治司萬物，不能以風化下，而將逆事問臣，以臣無能，俾令下第伏乞陛下聖造，親試否臧。表至，帝召皓詰之。皓曰：龍文無藝，何以堪之？帝乃自召龍文問其試目。對曰：崔皓何不問臣慈烏返哺，而乃問臣鴟梟何以食母？何不問臣百川歸於滄海，而乃問臣弱水西流？何不問臣伯夷叔齊讓國，而乃問臣武王伐紂？所問三條皆是。

逆事。臣恐崔皓有異志也。臣是以不荅。帝召皓問之。皆如其說。乃封龍文爲上卿。故諺語云：巧言以免責。此之謂也。

漢武帝與越王爲親。乃遣東方朔泛海求寶。惟命一周迴。朔經二載乃至。未至間。帝問左右朔久而不至。今寰中何人善卜。對曰：有孫賓者。極明易筮。帝乃更庶服潛行。與左右賞絹二疋往卜。叩賓門。賓出迎而延坐。未之識也。帝乃啓卜。卦成。知是帝。惶懼起拜。帝曰：朕來覓物。卿勿言。賓曰：陛下非卜他物。乃卜東方

七日必至今在海中面西招水大嘆到日
請話之至日朔至帝曰卿約一年何故二載朔曰臣
不敢稽程探寶未得也帝曰七日前卿在海中面西
招水大嘆何也朔曰臣非嘆別事嘆孫賓不識天子
與帝對坐因此而嘆帝深異之

世說云五郡之人各是異財而逢喪亂常山一人安
定一人襄陵一人博陵一人悉皆孤獨俱行衛國同
至樹陰因相問姓名各言離亂已而惻然相謂曰我
等皆無骨肉今日幸得聚會亦天然也可爲兄弟已

否衆曰諾因結義爲兄弟長字仲伯次名文仲次名
季仲次名叔仲次名雅仲五人相將詣衛國市中覓
一老母孤單告乞五人收養侍奉敬如事親母孝心
無二已經三年其母遇疾五人憂愁不能寢食母曰
吾是并州太原人董世臺之女嫁同郡張文賢爲妻
任北海太守因遭荒亂文賢早亡葬在太原赤山之
下八塚同行東頭第一塚是賢塚吾死後汝等若能
與我送葬到塚側吾平生之願畢矣吾遭荒亂之日
有一子姓張名遺年七歲胸中有七歷足下有通徹

之紋父喪因流浪相失汝等宜思記之他日有如此
子卽我子也宜話吾之由言訖而卒五人扶喪至太
原忽叔仲橫被朝歌令禁繫時有一人走投太守言
養母之狀述并葬之由太守曰汝何姓氏具以對之
因話男之形狀太守聞之號哭擗地此吾母也吾以
幼小兵革離亂母子相失迄今又哭之乃發使往朝
歌迎喪并具表奏聞於魏帝陳其流浪之由并述五
人孝狀善其人義重可以旌之各爲太守仲伯河中
太守文仲河東太守叔仲河南太守季仲河西太守

雅仲河北太守并賻贈張遺母喪追封太原縣大夫
人仍遷張遺爲魏府都護噫孝心感應可泣千古

搜神記卷四終

長和司

卷四

八

卷四

八
世
選
聖
德
後
漢
祇
將
萬
世
之
心
以
感
下
世
千
古

世
選
聖
德
後
漢
祇
將
萬
世
之
心
以
感
下
世
千
古

搜神記卷五

昔晉使孺臨政而戮趙同趙盾及季年將死見天屬
鬼披髮及地搏膺面踊怒目大吒晉公曰殺余之孫
而絕余祀令我不得享由爾使然何不義之甚也余
得訴於上帝矣今日之冤必雪復何逃焉乃壞大門
及寢門而入似縱擒之狀公大駭避於室內及壞其
戶將欲入公曰戮子之子孫又何干我也鬼曰致余
不食因爾之由何謂不干我公曰請立祀可乎曰不
可其已暮矣然請於上帝候爾來證知言訖不見晉

公染疾，不期月而終。悲夫，寃結之事不可爲也。今之君子，得不慎歟。

趙明甫，天水人也。名仁美，選三傳擢第，授江表太興縣尉。累以政聞，遷授蒲縣令。仁美素曉三命，能自知官祿壽，常謂人曰：「余官不過邑長，壽不過六十歲。今吾五十四歲矣，其不遠也。然余有一女未適人，此爲急務。」卽請人於屬邑中，選有德行學業者配之。未會間，有日者經過，乃趨謁趙令，因話令之祿壽。如仁美之言，令曰：「某亦自知耳。然一女子未從人，有此未了。」

餘則無事也。未選得女婿間，先爲女子覓一女僕。僕忽一日命掃庭，忽涕淚。令曰：何故？女僕曰：某姓王，父嘗爲此邑令，某生此縣中，因喪父母，不覺涕淚交下。令問其父名，曰：名德麟。令思之，乃是親戚，因卽慘然。又曰：何至如是？女僕曰：卅角之時，遭兵革亂，離之苦，被人掠賣，一至於斯。令乃謂其妻曰：彼我女，不憂不嫁，遣且輟吾女粧奩之具，先嫁之。乃於衆言曰：某近認得一姪女，今先聘人。俄擇邑客有善者從之。其所生之女，卻未嫁之。忽一日經過善相人，復謁於令，見

令大駭曰。昨觀君容。其命將殂。今日觀之。福祿與壽。未可言也。莫是在政。別有異能。不然。雪冤亂之事。方可獲此果報。令曰。某則守法清廉。固無出死入生之事。曰。必然之理。請細籌之。令曰。某別無能改。因話嫁僕之事。荅曰。只此便是。更何求之。乃賀令曰。此祿壽長。未可測也。是知陰功及物。當世有增延壽祿。後人觀此。胡不動心乎。

彭蠡湖側有鄉人李進勃者。以販彭蠡湖魚爲業。常以大船滿載其魚於金陵。及維揚肆中。積有年矣。二

止復販魚於金陵夜泊三山之浦其夕風靜波澄月
色如晝進勅乃步于岸側聞船內有千萬人誦經聲
勃驚而異之伺聽千岸其音清亮非常勅卽登舟察
之乃船內魚耳進勅曰由我鄙見販易眾生輪迴之
身不可測也因悉放魚於江中臨放魚時言曰諸魚
旣各通靈他日某若困苦敢希方便垂恩矣由是發
業販鬻荻薪數年之間大作鱗筏載薪於金陵貨之
未到間值大風吹溺鱗筏一時沉沒惟進勅墮於江
中不溺足下如有所履俄而吹風颭竹數竿至於進

勃身側進勃扶此竹而獲稍其濟乃見大魚數百頭
於逆勃足下乘之及有竹頭其拽竹而行于時到於
洲乃得登岸回顧諸魚各已散去至夜不得度江卽
栖於洲上將更深矣進勃卽獨坐愁苦雨淚迸灑嗟
身之蹇蹶一至于茲忽見荻叢碎鏡中光芒然進勃
卽以手摸之獲金二斤乃袖於懷中愁悶頗息俄見
一人者白衣向波心踴立謂進勃曰朝來得存性命
及獲金乃于前者所放諸魚今各報子恩也言訖不
見待旦卽有魚數十頭又拽一葉舟來橈棹俱備進

勃因得及岸而歸矣。余嘗覽佛書見論十千天子報恩何異於是乎。

昔楚僚至孝內親早亡。敬事後母終身不失。忽母患一腫成癰。形容日悴。人皆不識。僚欲呼醫師針灸。恐母痛難忍。自以口於母腫上徐吮之。其腫自熟。血流。出。迨夜卽得安寢。乃夢一小兒語母曰。若得鯉魚食之。其病卽瘥。可以延壽。若不得鯉魚食死矣。母覺而告僚。僚聞之悲懊無計。仰天嘆曰。我不孝。今是十二月凝結之日。何處求之。僚卽抱而哭。我如何失母去。

得行坐悲能願天効靈乃脫衣上水臥之有一童子
決僚臥處水開送鯉一雙與僚僚得之喜悅將歸與
母食之其疾即愈延壽一百三十三歲蓋僚至孝感
天神昭應如此

昔吳王孫權時有李信純是襄陽紀南人也家養一
犬字曰黑龍愛之猶甚行坐相隨飲饌之間皆分與
食忽一日與城外飲酒大醉歸家不及臥草中時遇
太守鄧服出獵見田草深不知人在草中酣眠遣人
縱火執之信純臥處恰當順風犬見火來乃以口撲

純衣純亦不動臥處比有一溪相去三五十步犬卽
奔往入水濕身走來臥處週迴以身濕之火至濕處
卽滅獲免主人大難犬運水困乏致斃於側俄爾信
純醒來見犬已死遍身毛濕甚訝其事因觀四週覩
火踪蹟因爾慟哭聞於太守太守憫之曰犬之報恩
甚於人人不知恩豈如犬乎卽命具棺槨衣衾葬之
今紀南有義犬塚高十餘丈

搜神記卷五終

劉師正



公人入水城思立收太平明命具

公人入水城思立收太平明命具


公人入水城思立收太平明命具

公人入水城思立收太平明命具

公人入水城思立收太平明命具

公人入水城思立收太平明命具

公人入水城思立收太平明命具



投神記卷六

元嘉中有道士徐啓予、隱居終南山中、道德尊重、人皆欽之、然通法術、逆知吉凶、前世之事、歷歷可聞、時有王大夫、只養一女、年可初笄、乃世之極色也、憐愛頗甚、乃名曰金英、徐啓予忽然一日閑遊之次、經過王大夫宅門、見宅上有宿世冤讐、怨氣亘天、啓予曰：此誰宅、闔者曰：御史王大夫。啓予曰：大夫在否、答曰：在、可與余報之云。終南山徐啓予有切事欲見大夫、聞人入告、大夫聞話、令升廳、俄出見之、予曰：勿訝、造

次起居然有事容白未知可否答曰望示及予適觀大夫宅上有宿世重冤讐欲伺其便而報之大夫知否對曰非尊師胡爲知之某凡俗肉眼豈明此事予曰請童僕男女等遍觀之皆言不是又曰宅上更有何人大夫曰某有一女小字金英幼小憐之頗能羞慙予曰只此小娘子便是大夫之冤家矣可令出來大夫將謬言令夫人召來夫人卽往喚之已見其女扃其房門面壁而坐歎曰我之宿世冤結方欲伺便報讐無賴道上顯我世事夫人聞之驚告大夫大夫

惶懼計無所出、乃禮啓、予曰、此宿世冤對相會如何、
脫免、予曰、此小事、答曰、倘蒙尊師慈恩、特垂救拔、以
生此門、何以報之、又復再拜、予曰、勿在多言、卽爲却
遣與大、夫變却、取索水一盆、劍一口、左右手秉之、隨
大夫至閣內、令可開門、金英曰、是我之冤、于爾何事、
予曰、道門以救拔爲功、濟人爲上、曷不速變、安用多
言、乃步罡訣、呪以水喫之、叱曰、速變本形、無更居此、
呪訖、令備棺視、逡巡而至、予乃開門視之、已化爲白
骨、卽令左右歛之、致靈車、誡曰、可送出都門行十里、

餘過大林木中棄之急奔勿更回顧左右依言送出都、可十里來、望果有大林、便安其下、急奔而歸、回至都門方始回望、見大林紅焰亘天、悉爲燼、大夫驚哭拜謝、與夫人仍備珍寶財帛酬之、悉不顧而去、

昔晉太子申生仁孝、而遇驪姬之譖、縊于新城、及晉惠公復國、乃謚太子曰恭、塋以太子之禮、期月太子御臣狐突過下國、而遇太子申生於途、太子突命登車而御之、告突曰、夷吾無禮、而彰先君之惡、余得請於上帝矣、將以晉國與秦、秦將祀余、突曰、臣聞神不

歆非類、民不祀非族、今令秦祀君、豈不謬乎、且民何
罪而致亂亡、宗廟何故而不血食、請圖之、太子曰諾、
待吾復請於上帝、七日可往、新城西偏、於巫者之家、
見我焉、突曰諾、倏而不見、凡如夢醒、突復依期而往、
又遇之、告曰、上帝許我、罰有罪矣、夷吾其斃於韓、言
訖而沒、其後秦伐晉、晉果敗於韓地、而獲晉侯、悲夫、
申生爲人之子、孝之至也、於死孝心不忘耳、改葬封
謚、彰先君之不德矣、實不欲父成其醜子受其美哉、
晉德化張令家業、蔓延江淮間、累金積粟、不可勝數、

京僕馬壯健囊橐敦厚常先一程致頓海陸
學而行至華陰僕夫施幄幕陳罇俎旣竟庖
外車始熟有黃衫者一人據盤而坐僕連叱神色
不撓店嫗曰今五方戈羅之輩橫行關內此其流也
不可與競漢素方欲求人以責之而張令至具以事
告令曰容之勿逐也乃揖而問曰來在何方黃衫者
不言但唯唯耳促暖酒酒至令以太金盤飲之雖不
謝似有愧色飲訖顧炙羊目不暫捨令自割以勸之
至盡黃衫者面未有飽色令又於大盆中取餅十四

五枚以餒之凡飲二升餘酒旣酖謂令曰四十年已
前曾於東店得一醉以至今日令甚訝之乃動問姓
名曰某非人也蓋冥司送關中死籍之吏耳口可得
一觀乎曰窺亦何患於是解草囊出一軸其書云泰
山主者牒金天府第三行書云貪財好殺前德化縣
令張某卽張君名也令見名泣告使者修短有限誰
敢惜死某年始強壯不爲死備家業浩大未有所付
且有何術得延其期某囊中計其所有不止數十萬
盡可以酬之執事使者曰一飯之恩誠宜報德百萬

之賜意又何用。今有仙官劉綱者，謫居蓮花峯下，唯
足下匍匐徑往，祈求奏章，除此難爲無計也。吾聞昨
金天王與南嶽博戲，不勝甚被逼逐，足下可詣嶽廟
厚以利許之，必能施力於仙官。縱力不及，亦得路於
蓮花峯下，不爾卽無計矣。於是徑往觀荆榛叢密，川
谷阻絕，杳無能往。令於是齋牲牢，馳獻嶽廟。又以千
萬許之，直往蓮花峯下。轉乘南有一茆堂，見一道士
隱几而坐。問張，令曰：腐骨殘肉，魂亡神耗者，安得至
此。令曰：鍾鳴漏盡，露晞頃刻，竊聞仙官能復精魂於

枯骨致肌肉於朽屍既有好生之心豈無章奏之
道士曰吾頃爲漢朝權臣一奏便謫居此峯今復何
得欲陷吾爲寒山之叟乎令哀請懇切仙官神色甚
怒俄爾有使者賁緘而至則金天王札也仙宮覽書
笑曰關節旣到難爲不應召使者反報曰莫又違上
帝譴責不乃啓玉函書一通焚香再拜以遣之經時
天符乃降其上署徹字真仙復焚香再拜以啓之書
曰張某棄背祖宗竊假名位不順禮法苟偷官榮而
又鄙僻多藏詭詐無實百里之任以是叨居千乘之

富實因苟得令按罪以實待戮餘覓何謂來章延求厥命但以扶危拯溺者大道所向緩刑宥過者予門是宗狗爾一畦全我私貸若其悛惡恕乃自新貪生者量延五年奏章不能書罪仙官覽訖謂令曰凡大壽可數百歲而已喜怒哀樂役心之源愛惡嗜慾伐性之根而又揚已之能掩彼之長顛倒方寸頃刻萬變神倦思怠難全天和如彼淡泉汨於五味欲致不壞其可得乎勉道歸途無墜吾教令感拜辭舉足已失所在復尋舊路稍覺平易步十里餘見黃衣使

者前賀曰將欲奉報願知姓名鍾名生爲宣城腳力
夜卒于華陰乃爲幽冥所見逌符之役痛苦如舊令
曰何方以免報事之困曰但酹金天王願請置予爲
閻人則吾飽神盤飧矣符已違半日莫及淹留便乃
揮別入庄南栢樹三五步而沒是張令駝車華陰決
東歸之計酹金天王愿所費二千乃語其僕曰二千
可贍吾十舍之資糧矣安有受祉於上帝而私於土
偶人乎明日乃乘而東去旬餘至偃師是夕至於縣
館見黃衫吏竇牒排闥而進叱吏曰何虛妄若是今

則禍無所逃孽不可逭由爾償三峯之願不決俾吾
酌一飯之恩無終悵悵然痛如螫蟄言訖失所在頃
刻張令有疾乃留遺書於妻子未盈半幅而終悲夫
貪恡財貨而輕生是忘大德而背前言如斯欲延厥
命其可得乎茲卒宜哉後之人可不慎歟

搜神記卷七

昔僧志平河朔人也工五步罡持清潔戒行不衣紗
縠唯着布衣行歷州邑不住城中寺宇惟宿郭外山
林至絳州城東十里夜宿於墓林下月明如晝忽見
一野狐於林下將枯骨髑髏安頭上便搖之落者棄
却如此三四度搖之不落乃取草葉裝束於身體遂
巡化爲一女子眉目如畫世間無比着素衣於行路
立猶未定忽聞東北上有鞍馬行聲此女子便作哭
泣哀悲不堪聽俄有一人乘馬而來見女子哀泣下

馬曰娘子深夜何故在此意如何僕願聞之女子掩泣而對曰妾住易州前年爲父母聘於北門張氏爲新婦不幸妾夫去歲早亡家事淪落無所依投尊堂遠地豈知此孤苦妾思父母心切擬歸易州緣女子不悉路途所以悲恨若何問之使人曰適將謂女子哀怨別事某不敢言若要還鄉亦小事某是易州等職昨因差使令却返易州娘子若不嫌鞭馬稍粗僕願輒借便請上馬赴前程女子乃收泪謝曰若能如此負戴德何可忘也言訖請娘子上馬之次志平從

墓林而出語軍使曰此非人類是妖狐化之軍人曰
和尚莫謾語相誣此女子志帛曰君若不信可住少
時當與君變却軍人曰是實否於是志帛結印口誦
真言振錫大喝何不速變本形女子悶絕而倒化爲
老狐而歠鮮血交流枯髑髏草葉尙滿其身軍人見
之方信是實遂頂禮再拜嗟訝而去

張安儒東洛人也其家大富賈販淮南永和年中自
廣抵於洛下旣至而患瘡發使至陸渾召命子子聞
父疾星夜奔至洛陽不逾一旬安儒身歿男女哀擗

未及棺歛忽有一女子縞服重戴莫覩其面自門而入僕使借問亦不應直至屍前不去帽乃盡哀泣其聲清怨傷切不勝男女親婣驚愕莫測其由須臾棄其帽見之乃醜胡女鬼也親姻皆奔走但看之此鬼乃開其門須臾聞堂內與安儒屍言笑又飲酒饌歌樂食頃逡巡又聞厲聲啾唧及相打歐擊之聲良久方靜至暮安儒子與親戚家僮開戶看之見其屍與胡女俱化爲灰矣

李楚賓楚人也性剛傲以畋獵爲志凡所出獵無不

大獲時有董元範家住青山母常染患晝日安靜夜間却發背如刀刺兼歐打相似不堪其苦經一載以來凡是醫藥針灸竝無救時永明中有善易者朱邯歸豫知路經元範舍遇夜未宿元範母至三更已叫喚如被拷打相似至曉問元範曰太夫人何病如斯元範曰母患一載醫藥無徵莫知其患來處朱邯乃作卦看之謂範曰君今日來合遇其人正未時有一人持弓箭來須具衫服於道側伺候求見卽須致敬懇求再三留宿此必救得君母之患及驗其苦之源

也言訖告辭而去。範乃依言具衫服於路候之。果見李楚賓持弓箭游獵。範見便叙寒溫。乃屈楚賓願過。敝舍無見外也。楚賓曰：我今游獵一物未獲。何苦相留。日勢尚早。不可宿也。範具說母疾。云：有一日者。指引君子令邀止宿。必愈母疾。楚賓卽往。便坐。範具酒饌飲之。乃安楚賓於東房宿。此夜月明如晝。賓至二更以來。乃出房門徐行。忽見空中有一大鳥飛來。向母房上。將嘴便啄。忽聞堂中痛楚難忍。賓心口思惟：此鳥莫是妖魅。乃入房中取弓箭便射之。連中數箭。

其鳥飛入堂中痛聲卽止及旦賓向範曰某昨夜與君母除疾害訖範曰如何除得某昨夜至更出戶徐行忽見一大鳥渾身朱色兩眼如金飛向堂中將嘴便啄乃聞夫人痛聲某取弓箭射之連箭飛去堂中聲使止範聞之再三驚喜相隨遶宅尋覓竝不見物忽見碓柱上有兩隻箭所中處皆流血範以火焚之精怪乃除母患自此平復如故持絹一束與楚賓不受而去


李汾越州上虞縣人也性悅山水乃居四明山山下

有姓張老莊其家大富好養豕積年不宰而縱之
永和末中秋月圓李汾步月於中庭撫琴自適忽聽
外有人嗟嘆之聲或言或笑李汾不測其由詰曰何
人夜久至此山院女笑曰惟好秀才之妙聲汾開門
而看之見一女端正無比惟覺口帶高緇黑色汾問
娘子莫是神仙乎女對曰非也兒是此山中張家女
今夕父母作客東村竊來奉謁希無見責也汾欣喜
謂娘子曰不棄荒居便請升階言訖女子乃上階煎
茶言笑相謔汾莫能及下帷背燈琴瑟已盡忽爾晨

鷄報曉女起告辭汾戀暮惜別卽偷女青氍履子一
隻藏衣籠中汾恍忽睡着女撫汾悲泣求覓履子願
無留此今夕再期若收之妾身必死今拜謝君子幸
無留汾竟不與而睡其女號泣而去汾驚而覺不見
其女只見床前鮮血滿地汾心異之乃開籠觀其履
子已化爲猪蹄殼乃怕懼不已尋血下山直至張公
園內其猪還見汾來瞋目咆哮已而汾具以前事告
於張公公聞之驚怪遂烹之汾乃棄此山院別遊他
邑矣悲夫妖怪之事顯然蠱惑之道彰爾假人之形

抄部

二



搜神記卷八

永平年中，有司勳張員外者，早著名顯，常以詞舌過人，同輩莫不畏憚，而祿秩不能榮進。及懸車之歲，有子四人名德，雄邁位列清近。司勳忽患舌腫，須臾出於口外，其大如斗，瞑目而喘，殆不延於頃刻。子弟憂迫，集議以此疾狀古方無錄，人不知識，宜於名僧道士求以異術治之。冀必有效。諸子乃是易服章，散諸佛寺道觀，遍以疾狀訪於識者。適遇老僧謂曰：「郎君不知業報乎？盍扶持員外行於坊市多人之處，明其

疾狀博以求之何慮無人識者諸子喜納其說乃徒步奉輿而行於東市中有一叟鬚眉皓白而顏若嬰兒見司勳之病驚曰吾平生善療此疾今幸年九十矣方始一遇大喜願以治之諸子拜泣而隨叟曰吾於宣平東門愛一小宅乏於財貨而不致郎君卽爲吾治之其家亦久欲賣倘兼備以器用帷幙見侍其宅不逾三十萬諸子遽便求訪果有卽時買之叟有妻萊要質貌閑雅年若十八九許皁縠幪首絳纒束腰曾無粉黛之飾髮澤肥淨光彩照人與叟同赴

新第期明晨待司勲至，諸子鋪設茵褥幃幔，饌具無不精備。叟亦極喜。諸子及曉侍司勲至，叟前迎之，令其妻燃薪具鹽酪。叟請曰：「諸郎君宜以靜伺，遠立無至。」憂擾叟乃捻司勲痛舌，有豚懸於舌根下，以金刀斷之。後於絳囊中貯藥，取少末而封焉。其舌重五六斤。叟令其妻齧而炙肉，灼之膏滴中，香氣盈室。司勲忽開目，嚥津，所疾卽愈。叟共萊妻相勸食，其炙須臾而盡。諸子狂喜，候問司勲云：「只憶初得疾時，後不省矣。」適將欲悟，忽聞炙香，餒而思食，咽液而差，我不能

曉其由也、請進數餅、餅若不有疾、叟曰、疾旣愈矣、請諸郎君侍司勲回宅、司勲謝曰、此疾非老丈神術治之、卽無瘥矣、感戴恩德、何日忘之、叟曰、某志在斯疾、幸愜平生之願、何可言哉、旣歸、諸子持金帛、奴馬、詰旦來獻於叟、但見遍鎖其門、器用帷幕之具、一皆在焉、悉不將去、惟叟與妻莫知所往、諸子奔回、具以事告、司勲舉家號泣、焚香信敬之、方悟神仙來爲治疾識者口、司勲之疾、得不爲多詞之咎、而斯病誠諸後之人、豈不慎歟、

虞鄉獵人張可思，多力射，每逐獸入山，經絕壁下，雪中尋鹿，險阻絕遠，忽見人蹟，踐履絕異，驚愕久之，卽宛其蹤，人危僻，窮途蹟盡，抵一崖，一人攀緣，分明歷歷，可思愈懷驚異，因又登一崖，乃有傍引大枝橫構岩上，視其人已度，可思亦隨度，廣平顯敞，不類山中。俄至洞側，見泉周石堦，堦下葦簾中，有大石堂，堂內烟火薰灼，烹爨甚宜，可思詣前，適見白外者負鹽一囊，約百許斤，致之廚下，澣袴濯足，因邀可思就火，俄聞聲聲，皆曰：「諸真登堂矣！」卽遣可思拜謁，可思就昇。

見金人玉人在左右而身長丈餘皆衣鶴氅儀狀嚴
美聲音朗暢皆謂可思曰何出至此旻天可思卽述
其來遂坐可思於地遍問人閒之事旣而謂可思曰
爾可記吾短章傳之於代亦可稍增其壽詞曰天清
地寧人獨營營名利奔迫喜怒交爭恩永厥壽彌畏
其身何不絕欲端守爾精言訖謂可思曰可速歸舍
無滯於此當有譴責可思聞語便卽拜辭於是命負
鹽者送出卽尋舊徑而歸他日可思復來道途乖矣
永熙年中青州從事檢校尙書兵部郎中王宗仁者

羈遊河北時僕射李公鎮守宗仁與李公有族兄之分而接之甚厚因話鬼神之事而李公謂爲冥昧有無難測宗仁曰有可信矣何疑焉如要明之便可立頃召致李公因所請之宗仁曰公可率意暗書逝者名氏識之付某當卽遣召公先從鄴中大將從兄弟免學陣傳射時免始亡公方軫念卽密書其名氏以付之宗仁乃命香火迎風而嘯遂以其名就焚于爐良久向門驚視遽起揮揖曰在左右聞當爲通報因謂公曰不合輕召大將宜速備酒食盡敬辭謝之公

如其言，致敬久之，乃曰：「幸已去矣，必欲見者，可更召平賤之輩，縱來無害也。」時公宅內新喪青衣，因書其名字付之，要當見矣。宗仁復命香火，迎風而嘯，卽以其名就，爇於爐火。頃刻笑語，公曰：「如此老婢，追之何爽？」公大奇之，因命詢問幽冥之事。宗人曰：「固不可泄，泄之當兩減其算耳。」久而遣去。宗仁常語公曰：「某終當爲國相，但得石勒、劉聰爲主，非若三台之正位也。」其後宗仁以青州倖，主人卒後，囚爲隴右，公納之賓僚，尋僭號，而宗仁爲左丞相矣。竟如其言。

涇之北鄙人李德用、穡衣食自給。元嘉中年元夜有
二盜踰墻而入，皆執利刀。德用不敢枝梧，而室內衣
裘遺無有。德用一子名阿七，甫六歲，方眠驚，因叫有
賊爲盜所射，應弦而斃。德用廬外有二驢，紫色亦爲
攘去。遲明村人集聚，共商量捕逐之路。俄而阿七之
魂登房門而號曰：「我死自是我命，那復多痛！」所痛者
永訣父家耳。遂怨泣久之。隣里會者五六十人，皆爲
泣涕。因曰：「勿謀反逐，明年五月當自送死。」乃召德用
附耳告之名氏，仍期勿泄。俄春作將至，德用謀生汲

沒無容加意。泊麥秋，德用有麥半頃，伺收拾晨有二牛踐踐狼籍，歸遍里中曰：「恣女傷暴我苗，我已繫之牛主，償責以贖，不爾吾將詣官焉。」里中共往視之，皆曰：「此非左側人之素蓄者也。」俄有二客至曰：「我牛也。昨暮奔迸，不虞至此，所損之苗，請酬陪價而歸我畜焉。」里人共謂問所從來，買牛契書其用，乃紫色驢交致焉。德用卽悟阿七所言，及詢姓名，乃皆如阿七所報。因卽縛之曰：「爾去冬射灰，我子盡我財者人也。」三盜相顧不復隱，曰：「天也，命也，死不可遣。」卽述其故曰：

我旣行刼殺乃北竄寧慶之郊謂事已久因買牛將
歸岐下昨牛抵付北二千里徘徊不進伺夜黑過此
旣寐夢一小兒五六歲許裸形亂舞紛紜相迷經宿
方悟及覺三牛之糜紉不斷如被解釋則已竄矣

搜神記卷八終

持功訓

入卷八

之

右千寶搜神記八卷隋唐志並作三十卷按晉書
本傳寶以父婢復生及兄病氣絕復悟云見天地
間鬼神事遂撰集古今神祇靈異人物變化名爲
搜神記凡二十卷以示劉惔惔曰卿可謂鬼之董
狐則是書實二十卷其以爲三十卷誤也今叢書
本祇存八卷固爲殘缺毛氏津逮祕書乃有二十
卷當爲足本然亦非原書也蓋原書雖統論鬼神
事仍各有篇目如水經注引張公直事云出千寶
感應篇荆楚歲時記又引千寶變化篇必皆原書

篇名而毛本皆不見此體例故其書前後亦無倫
次特較叢書本爲完善耳今旣祇就叢書本校刊
未及參毛本訂正故爲發其凡於此若其中有後
魏時人宋元嘉齊永明中事及唐時州名識者類
能辨之故不復云汝上王謨識

搜神後記卷上

晉 陶潛著

廬陵劉 翊校

丁令威本遼東人學道于靈虛山後化鶴歸遼集城門華表柱時有少年舉弓欲射之鶴乃飛徘徊空中而言曰有鳥有鳥丁令威去家千年今始歸城郭如故人民非何不學仙塚纍纍遂高上冲天今遼東諸丁云其先世有升仙者但不知名字耳

嵩高山北有大穴莫測其深百姓歲時遊觀晉初嘗有一人誤墮穴中同輩冀其儻不死投食于穴中墜

者得之爲尋穴而行計可十餘日忽然見明又有草
屋中有二人對坐圍碁局下有一杯白飲墜者告以
飢渴碁者曰可飲此遂飲之氣方十倍碁者曰汝欲
停此否墜者不願停碁者曰從此西行有天井其中
多蛟龍但投身入井自當出若餓取井中物食墜者
如言半年許乃出蜀中歸洛下問張華華曰此仙館
大夫所飲者瓊漿也所食者龍穴石髓也

會稽剡縣民袁相根碩二人獵經深山重嶺甚多見
一羣山羊六七頭逐之經一石橋甚狹而峻羊去根

等亦隨渡向絕崖。崖正赤壁立，名曰赤城。上有水流下，廣狹如匹布。刻人謂之瀑布。路徑有山穴如門，豁然而過。旣入，內甚平敞。草木皆香。有一小屋，二女子住其中。年皆十五六，容色甚美，着青衣。一名瑩珠，一名見二人至，忻然云：「早望汝來。」遂爲室家。忽二女出行，云復有得壻者往慶之。曳履于絕巖上行，琅琅然。二人思歸，潛去歸路。二女追還，已知乃謂曰：「自可去。」乃以一腕囊與根等。語曰：「慎勿開也。」於是乃歸。後出行，家人開視其囊，囊如蓮花，一重去，一重復，至

蓋中有小青鳥飛去。根遠知此。悵然而已。後根于
田中耕。家依常餉之。見在田中不動。就視。但有殼。乃

蟄也。

榮陽人姓何。忘其名。有名聞士也。荊州辟爲別駕。不
就。隱遯養志。常至田舍。人收穫在場上。忽有一人長
丈餘。蕭疎單衣。角巾來詣之。翩翩舉其兩手並舞而
來。語何云。君曾見韶舞不。此是韶舞。且舞且去。何尋
逐徑向一山。山有穴。纔容一人。其人命入穴。何亦墮
之。入初甚急。前輒閒曠。便失人。見有良田數十頃。何

遂懇作以爲世業。子孫至今賴之。

晉太元中，武陵人捕魚爲業，緣溪行，忘路遠近。忽逢桃花夾岸，數百步中無雜樹，芳華鮮美，落英繽紛。渙

人甚異之。

渙人姓黃名道真

復前行，欲窮其林。林盡，水源便

得一山，山有小口，彷彿若有光。便捨舟從口入，初極

狹，纔通入，復行數十步，豁然開朗。土地曠空，屋舍儼

然，有良田、美池、桑竹之屬。阡陌交通，雞犬相聞。男女

衣著悉如外人。黃髮垂髫，並怡然自樂。見渙人大驚，

問所從來，具答之。便要還家，爲設酒殺雞作食。村中

人聞有此人。咸來問訊。自云先世避秦難。率妻子邑人至此絕境。不復出焉。遂與外隔。問今是何世。乃不知有漢。無論魏晉。此人一一具言。所聞皆爲歎惋。餘人各復延至其家。皆出酒食。停數日。辭去。此中人語云。不足爲外人道也。既出。得其船。便扶向路。處處誌之。及郡。乃詣太守。說如此。太守劉歆。卽遣人隨之。往尋向所誌。不復得焉。

南陽劉驎之。字子驥。好遊山水。嘗採藥至衡山。深入忘反。見有一澗水。水南有二石囷。一閉一開。水深廣。

不得渡欲還失道。遇伐薪人問徑。僅得還家。或說國中皆仙方靈藥及諸雜物。驛之欲更尋索。不復知處。長沙醴陵縣有小水。有二人乘船取樵。見岸下土穴中水逐流出。有新斫木片逐流下。深山中有人跡。異之。乃相謂曰。可試如水中看何由爾。一人便以笠自障入穴。穴纔容人。行數十步。便開明朗然。不異世間。平樂縣有山臨水巖間。有兩目如人眼。極大瞳子。白黑分明。名爲目巖。

始興機山東有兩巖相向如鴟尾。石室數十。所經過

晉聞有金石絲竹之響。

中宿縣有貞女峽。峽西岸水際有石如人形狀似女子。是曰貞女。父老相傳秦世有女數人取螺于此。遇風雨晝昏而一女化爲此石。

臨城縣南四十里有蓋山。百許步有姑舒泉。昔有舒女與父析薪于此泉。女因坐牽挽不動。乃還告家。止還。唯見清泉湛然。女母曰。吾女好音樂。乃作弦歌。泉涌。涸流有朱鯉一雙。今人作樂嬉戲。泉故涌出。顧需者吳之豪士。送客置酒。有一沙門在坐。主人

羊。羊繩斷。便走來入道人膝中。穿頭入。下道人。不能救。卽將去殺之。旣行灸。主人便先割以嚙道人。道人食灸下喉。便自行。道人皮中痛毒不可忍。呼醫來針之。以數針貫其灸。猶動搖。乃破出之。是故一嚙肉耳。道人於此得病。作羊鳴。少時便死。

會稽句章民張然。滯役在都。經年不得歸家。有少婦。遂與奴私通。然在都養一狗。甚快。名烏龍。後假歸。奴與婦欲謀殺然。作飯食。共坐下。食未得噉。奴當戶倚張弓。拔箭。拔刀。然以盤中肉飯與狗。狗不噉。唯注精

舐脣視奴。然亦覺之。奴催食轉急。然決計拍髀大喚曰。烏龍狗應聲傷奴。奴失刀伏倒地。狗遂咋奴頭。然因取刀斬奴。以婦付官殺之。

晉太和中。廣陵人楊生。養狗甚憐愛之。行止與俱。後生飲酒醉。行大澤草中。眠不能動。時冬月。野火起。風又猛。狗周走號喚。生醉不覺。前有一坑水。狗便走往水中。還以身洒生左右。草沾水得著地。火尋過去。生醒。方見之。他日又闇行。墮空井中。狗呻吟徹曉。須臾有人過。怪此狗向井號。往視見生。生曰。君可出我。遂

厚報君人曰以此狗見與便當相出生曰此狗曾活
我於已死不得相與餘卽無惜人曰若爾便不相出
狗因下頭目井生知其意乃語路人以狗相與人乃
出之繫狗而去後五日狗夜走歸
林慮山下有亭每過宿者或病死常云有十許人男
女合雜衣或黑或白輒來爲害有郅伯夷者過宿明
燭而坐誦經至中夜忽有十餘人來與伯夷並坐薄
博伯夷密以鏡照之乃是羣犬因執燭起陽誤以燭
燒其衣作燃毛氣伯夷懷刀捉一人刺之初作人遂

卷上

七

叔神後記卷下

吳舍人名猛字世雲。有道術。同縣鄒惠政迎猛。夜于家中庭燒香。忽有虎來。抱政兒超籬去。猛語云。無所苦。須臾當還。虎去數十步。忽然復送兒歸。政遂精進。乞爲好道士。猛性至孝。小兒時在父母旁臥。時夏日多蚊蟲。而終不搖扇。同宿人覺。問其故。答云。懼蚊蟲去。嚙我父母爾。及父母終。行服墓次。蜀賊縱暴。焚燒邑屋。發掘墳壠。民人迸竄。猛在墓側。號慟不去。賊爲之感愴。遂不犯。

謝允從武當山還。在桓宣武座。有言及左元放爲曹公致鱸魚者。允便云。此可得爾。求大瓮盛水。朱書符投水中。俄有一鯉。負鼓鼉水中。

錢塘杜子恭有秘術。嘗就人借瓜刀。其主求之。子恭曰。當卽相還耳。旣而刀主行至嘉興。有魚躍入船中。破魚腹得瓜刀。

太興中。衡陽區純作鼠市。四方丈餘。開四門。門有一木人。縱四五鼠于中。欲出門。木人輒以手推之。

晉大司馬桓溫字元子。末年忽有一比丘尼失其名。

來自遠方。投溫爲檀越。尼才行不恒。溫甚敬待。屈之門內。尼每浴必至。移時溫疑而窺之。見尼裸身揮刀。破腹出臟。斷截身首。支分齷切。溫怪駭而還。及至尼出浴室。身形如常。溫以實問。尼答曰。若逐凌君上刑。當如之。時溫方謀問鼎。聞之。悵然。故以戒懼。終守臣節。尼後辭去。不知所在。

沛國有一士人。姓周。同生三子。年將弱冠。皆有聲無言。忽有一客從門過。因乞飲。聞其兒聲。問之曰。此是何聲。答曰。是僕之子。皆不能言。客曰。君可還內省過。

何以致此。主人異其言。知非常人。良久出云。都不憶有罪過客曰。試更思。勿時事入內。食頃出語客曰。記小兒時。當牀上有燕巢。中有三子。其母從外得食哺三子。皆出口受之。積日如此。試以指內巢中。燕雛亦出口承受。因取三。齧茨各與食之。俄而皆死。母還不見子。悲鳴而去。昔有此事。今實悔之。客聞言。遂變爲道人之容。曰。君旣自知悔罪。今除矣。言訖。便聞其子言語。周正忽不見。此道人。

天竺人佛圖澄。永嘉四年來洛陽。善誦神咒。後使鬼。

神腹旁有一孔。常以絮塞之。每夜讀書。則拔絮。孔中出光。照于一室。平旦至流水側。從孔中引出五臟六腑。洗之。訖還內腹中。

石虎鄴中有一胡道人。知呪術。乘驢作估客。于外國深山中行。下有絕澗。窅然無底。忽有惡鬼偷牽此道人。驢下入絕澗。道人尋跡。呪誓呼諸鬼王。須臾即驢物如故。

曇遊道人。清苦沙門也。剡縣有一家。事蠱人。噉其食。飲。無不吐血死。遊嘗詣之。主人下食。遊依常呪願。一

雙蜈蚣長尺餘。便于盤中跳。走遊便飽食而歸。安然無他。

高慳家有鬼怪言語。呵叱投擲。內外不見人形。或器物自行。再三發火。巫祝厭劾而不能絕。適值幸靈。乃要之至門。見符索甚多。並取焚之。惟據軒小坐而去。其夕鬼怪卽絕。

趙固常乘一匹赤馬以戰征。甚所愛重。常繫所住齋前。忽腹脹。少時死。郭璞從北過。因往詣之。門吏云。將軍好馬甚愛惜。今死盛懊惋。璞便語門吏云。可入通。

道吾能活此馬。則必見我。門吏聞之。驚喜。卽啓固固。踴躍令門吏走往迎之。始交寒溫。便問卿能活我馬乎。璞曰。我可活爾。固忻喜。卽問須何方術。璞云。得卿同心健兒二三十人。皆令持竹竿于此。東行三十里。當有正陵林樹。狀若社廟。有此者。便當以竹竿攪擾。打拍之。當得一物。便急持歸。旣得此物。馬便活矣。于是左右驍勇之士五十人。使去。果如璞言。得大叢林。有一物似猴而非。走出。人共逐得。便抱持歸。此物遙見死馬。便跳梁欲往。璞令放之。此物便自走往馬頭。

耀其鼻良久馬起噴奮奔迅便不見此物固厚
貴給璞得過江左

王文献曾令郭璞筮已一年吉凶璞曰當有小不吉
利可取廣州二大甕盛水置床張二角各覆鏡好以
厭之至某時撒甕去水如此其災可消至日忘之尋
失銅鏡不知所在後撒去水乃見所失鏡在于甕中
甕口數寸鏡大尺餘王公復令璞筮鏡甕之意璞云
撒甕違期故至此妖邪魅所爲無他故也使燒車轄
而鏡立出

中興初郭璞每自爲卦知其凶終嘗行經建康柵塘逢一趨步少年甚寒便牽住脫絲布袍與之其人辭不受璞曰但取後自當知其人受而去及當死果此人行刑旁人皆爲求屬璞曰我託之久矣此人爲之歔歔哽咽行刑旣畢此人乃說

高平郗超字嘉賓年二十餘得重病盧江杜不愆少就外祖郭璞學易卜頗有經驗超令試占之卦成不愆曰案卦言之卿所恙尋愈然宜于東北三十里上官姓家索其所養雄雉籠而縛之置東簷下却後九

景午日午時。必當有野雌雉飛來與交合。既畢。雙飛去。若如此。不出二十日。病都除。又是休應。年將八十。位極人臣。若但雌逝。雄畱者。病一周方差。年半八十。名位亦失。超時正羸。篤慮命在旦夕。笑而答曰。若保八十之半。便有餘矣。一周病差。何足爲淹。然未之信。或勸依其言。索雄果得。至景午日。超臥南軒之下。觀之。至日晏。果有雌雉飛入籠。與雄雉交而去。雄雉不動。超歎息曰。官郭之奇。何以尚此。超病逾年。乃起。至四十卒于中書郎。

陳斐爲酒泉太守。卜者教以遠諸侯。放伯裘。能守此則無憂。旣到官。有侍醫張侯王侯等盡遠之。夜半有物來。斐被上人聞持火欲殺之。魅乃言曰。能相赦當報恩。我字伯裘。若府君有患難。但呼我字。當自解。斐乃喜。曰。真放伯裘之義也。卽便放之。果得其報。

義興人姓周。永和中出都。日暮道邊有一新草小屋。有一女出門望見周。曰。日已暮。周求寄宿。向更中聞外有小兒呼阿香。官喚汝推雷車。女子乃辭去。明朝視宿處。乃見一新塚。

廬陵巴邱人陳濟者。作州吏。其妻獨在家。常有一丈
夫長大儀貌端正。著絳碧袍。赤色炫燿。相期於一山
洞。同至於寢處。不覺有入。道相感接。比隣入觀其所
至。輒有虹見。

上虞魏金家在縣北。忽有一人著孝子服。皂笠手巾。
掩口來詣金家。語曰。居有錢一千萬。銅器亦如之大。
柳樹錢在其下。取錢當得其書。居大不吉。僕尋爲君
作此便去。自爾出三十年。遂不復來。金亦不取錢。

合肥口有一大白船。覆在水中。云是曹公船。船嘗有

漁人夜宿。傍以船繫之。但聞箏笛弦節之音。又聲氣
非常。漁人夢人驅遣去云。勿近公船。此人驚覺。卽移
船去。相傳云。曹公載數妓。船覆於此。今猶存焉。
廬陵巴邱人周冕者。世以田作爲業。年常田數十頃。
家漸富。晉太元初。秋收已過。穫刈都畢。明旦至田。禾
悉復滿。湛然如先。卽便更穫盈倉。於此遂巨富。

晉孝武帝世。宣城人秦精。嘗入武昌山中採茗。忽見
一。人身長一丈。通體皆毛。精見之大怖。毛人徑牽其
臂。將至山曲。天叢茗處。放之便去。須臾復來。乃採懷

中橘與精。精甚怖。負茗而歸。

桓宣武有一督將。因時行。病後虛熱。便能飲複茗。必一斛二斗。乃飽。後有客造之。更進五升。乃大吐一物。狀似牛。肚病遂瘥。

樂安劉池苟。家在夏口。忽有鬼來劉家。喜偷食。劉卽於他家煮治葛。取二升汁。密齎還家。向夜舉家作粥。食餘一甕。因瀉葛汁著中。於瓦上以盆覆之。人定後。聞鬼從外來。發盆啖糜。旣須臾。聞在屋頭吐。於此遂

襄陽徐陽病死。夜忽崛然而起。將婦臂上金環脫去。明日復蘇。婦問故。陽云。吏持吾去。多見行貨。得脫者。卽許金釧。便放令還。

永嘉五年。張榮爲高平戍邏主。時遭曹疑賊寇亂。人皆塢壘自保。固見山中火起。飛埃絕爛十餘丈。樹顛大焱響動山谷。久聞人馬鎧甲聲。謂疑賊。主人皆惶恐。並嚴出。將欲擊之。引騎到山下。無有人。但見碎火來。曬人袍鎧。馬毛鬣皆燒。於是軍人走還。明日往視山中。無燃火處。唯見髑髏百頭。布散在山中。

顧旃獵至一岡忽聞人語聲云咄咄今年衰覓得一
并是古冢。一老狐蹲其中前有一卷簿書老狐屈指
有所計校乃放犬咋之取視簿書半是奸人女名已
經奸者乃以朱釣頭名有百數旃女正在簿次

于闐王翟昭養一獼猴妓女同時懷妊各產子三頭
出便跳躍昭知是猴所爲乃殺猴及其子昭問妓妓
云初見一年少着黃練單衣白紗帽甚可愛笑語如
人

尹兒年十三守舍見一人騎白馬張繖從黃衣人東

方來入舍坐。兒看其衣無縫。馬五色斑似鱗甲而毛有頃。雨氣至乃去。西行躡虛而漸升。須臾雲四合。明日暴水大出。山谷澎湃。見大蛟長三丈餘。盤屈踞其舍道焉。

長河江邊一女子。渚上浣紗。身忽懷娠。生三物。皆如鯁魚。異之。乃著澡盤水中養之。經三月。此物遂大。乃是蛟子。暴雨三蛟皆出。遂失所在。

盧充獵。見麋。便射中之。隨逐不覺遠。忽見一黑門。如府舍。問鈴下。鈴下對曰。崔少府府也。進見少府。少府

語充曰尊府君爲索小女婚故相迎耳。三日婚畢以車送充至家母問其狀以對。與崔別後四年之三月三日臨水戲遙見水傍有犢車充往開車戶見崔女與三歲男其載情意如初抱男兒還充又與金梳乃別。

右陶潛搜神後記二卷隋唐志並作續搜神記本
十卷今全書俱載入毛氏津逮秘書此二卷僅從
唐宋叢書采錄而桃花源記在焉記文前後悉同
唯此記詳太守姓名劉歆又南陽劉子驥下別爲
一條言採藥事益知其爲高尙士也謨嘗僂指漢
晉以來西江先賢南州高士尙已而文采不少見
於世惟靖節先生節行文章並超千古片牘留遺
俱當愛惜乃前人編次陶集固有采入孝傳羣輔
錄者商於此記十卷漫以爲裨官小說棄而不省

投神後

可惜也汝上王謨識

聖德廣被遐邇人無不慕其德而歸之矣人皆曰聖德
之廣被也其德之廣也其德之廣也其德之廣也其德之廣也


一經言對萬事益時其言高治士非斯言則命難


聖德廣被遐邇人無不慕其德而歸之矣人皆曰聖德


之廣被也其德之廣也其德之廣也其德之廣也其德之廣也


聖德廣被遐邇人無不慕其德而歸之矣人皆曰聖德


之廣被也其德之廣也其德之廣也其德之廣也其德之廣也











還冤記

北齊顏之推著

臨川饒本



魯桓公夫人文姜者。齊襄公之妹也。桓公與文姜俱
朝于齊。襄公通其妹焉。桓公譴責文姜。文姜告襄公。
襄公怒。乃與桓公飲酒。桓公出。襄公使公子彭生送
桓公于車。彭生多力。乃抵桓公脅。桓公薨于車上。魯
人告于齊曰。寡君畏君之威。不敢寧居。來修舊好。禮
成而不反。無所歸咎惡。何辭以告于諸侯。請以彭生
除耻辱也。齊人歸罪于彭生。而殺之。後襄公獵于貝

止。有大豕從者曰。臣見豕乃彭生也。襄公怒曰。彭生何敢見乎。射之。豕乃人立而啼。公懼墜于車。傷足而還。其臣連稱管至甫二人作亂。遂殺襄公焉。

吳王夫差殺其臣公孫聖而不以罪。後越伐吳。吳敗走。謂太宰嚭曰。吾前殺臣公孫聖。投于餘杭山之下。今道當由之。吾上畏蒼天。下慙于地。吾舉足而不進。心不忍往。子試唱于前。若聖猶在。當有應。嚭乃向餘杭之山。呼曰。公孫聖。聖卽從上應曰在。三呼而三應。吳王大懼。仰天歎曰。蒼天蒼天。寡人豈可復歸乎。吳

王遂死不反

漢世何敞爲交趾刺史。行部蒼梧郡高要縣。暮宿鵲
奔亭。夜猶未半。有一女子從樓下出。自云妾姓蘓名
娥。字始珠。本廣信縣修里人。早失父母。又無兄弟。夫
亦久亡。有雜繒百二十疋。及婢一人名致富。妾孤窮
羸弱。不能自振。欲往旁縣賣繒。就同縣人王伯賃車
牛一乘。直錢萬二千。載妾并繒。令致富執轡。乃以前
年四月十日到此亭外。于時日暮。行人旣絕。不敢前
行。因卽畱止。致富暴得腹痛。妾往亭長舍乞漿取水。

亭長龔壽操刀持戟。來至車旁。問妾曰。夫人從何所來。車上何載。丈夫安在。何故獨行。妾應之曰。何勞問之。壽因執妾臂曰。少愛有色。寧可相樂耶。妾時怖懼。不肯聽從。壽卽以刀刺脅。一創立死。又殺致富。壽掘樓下埋妾并婢。取財物去。殺牛燒車。車杠及牛骨貯亭東空井中。妾死痛酷。無所告訴。故來自歸於明使君。敝曰。今欲發汝屍骸。以何爲驗。女子曰。妾上下皆着白衣。青絲履。猶未朽也。掘之果然。敝乃遣吏捕壽。拷問具服。下廣信縣。驗問與娥語同。收壽父母兄弟。

皆繫獄。敝表壽殺人，干常律，不致族誅。但壽爲惡，密經年。王法所不能得，鬼神訴千載，無一請皆斬之，以助陰殺。上報聽之。

漢時有王恠，字少林，爲郿縣令。之縣到釐亭，亭常有鬼殺人。恠宿樓上，夜有女子稱欲訴冤，無衣白蓋。恠以衣與之，乃進曰：「妾本涪令妻也，欲往之官，過此亭宿。亭長殺妾大小十餘口，埋在樓下，奪取衣裳財物。亭長今爲縣門下游徼。」恠曰：「當爲汝報之，勿復妄殺良善耶？」鬼捉衣而去。恠旦收游徼詰問，卽服。收同謀。

十餘人并殺之掘取諸喪歸其家殯葬亭永清寧人
謠曰信哉少林世無偶飛被走馬與鬼語飛被走馬
別爲他事今所不錄

漢孫策既定會稽引兵迎漢帝時道人于吉在策軍
中遇天大旱船路艱澀策嘗自出督切軍中人每見
將士多在吉所因憤怒曰吾不如吉遂收吉縛置日
中令其降雨如不能者便當受誅俄頃之間雲雨滂
沛未及移時州澗涌溢時並來賀吉免其死策轉忿
恚意竟殺之因是策頗愍常每彷彿見吉復出射獵

爲刺客所傷，治療將差，引鏡自窺，鏡中見吉顓，則無之。如是再三，遂撲鏡大叫，瘡皆崩裂，須臾而死。

晉明帝殺刀士金原，原謂持刀者曰：「我頸多筋，斫之必令卽斷。」吾將報汝。持刀者不能留意，遂斫數瘡，然後始絕。尋見原絳冠朱服，赤弓彤矢射之。持刀者呼曰：「金原緩我，少時而死。」

瑯琊諸葛覆，永嘉年爲元真太守，家累悉在揚都。唯將長子元崇送職，覆於郡病亡。元崇年始十九，送喪欲還，覆門生何法僧貪其資貨，與伴共推元崇墮水。

而死。因分其財。爾夜元崇母陳氏夢元崇還具敘亡父事及身被殺委曲。屍骸流漂。怨酷無雙。違奉累載。一旦長辭。銜悲茹恨。如何可說。歔歔不能自勝。又云行速。極困臥牕下牀上。以頭枕牕。母視兒眠處。足知非虛。大陳氏悲怛驚起。把火照兒眠處。沾濕猶如人形。於是舉家號泣。便發聞。至時徐森之始除交州。徐道立爲長史。道立卽陳氏從姑兒也。具疏所夢。托二徐驗之。二徐道遇諸葛喪船。驗其父子亡日如鬼。乃收其行克二人。卽皆歟。服依法殺之。更差人送。

喪楊都

晉夏侯元字太初亦當時才望爲司馬景王所忌其
殺之元宗族爲之設祭見元來靈座脫頭置其旁悉
取果食酒肉以內頸中既畢還自安言曰吾得訴于
上帝矣司馬子元無嗣也尋而景王薨遂無子其弟
文王封次子爲齊繼景王後攸薨攸子因嗣立又被
殺及永嘉之亂有巫見弟云我國傾覆正由曹爽夏
侯元二人訴寃得申故也

晉安定張祚以永和中外作涼州刺史因自立爲涼王

河州刺史張瓘士衆強盛祚猜忌之密遣兵進圖瓘
瓘率衆拒祚祚遂爲瓘所殺瓘後數見祚來部從鎧
甲舉手指瓘云底奴要當截汝頭瓘入姑臧立張元
嘗與元靜同車出城西門橋梁牢壯而忽摧折刺史
舊事正旦放鳥瓘所放出手輒死有鵲來巢廣夏門
彈逐不去自往看之守燉煌宋混遣弟澄卽于巢所
害瓘瓘臨命語澄曰汝荷婚姻而爲反逆皇天后土
必當照之我自可死當令汝刺我矣混自爲尙書令
輔政有疾盡日見瓘從屋而下奄入柱

火燒掘土則無所見混因病死澄又然燈油變爲血
廐中馬一夕無尾二歲小兒作老公聲乎曰宋混澄
斫汝頭又城東水中出火後三年澄爲張邕所殺
晉西域校尉張頤以怨殺麴儉臨死有恨言後頤夜
見白狗自拔劍斫之不中頃便倒地不起左右見儉
在旁遂以暴卒

宋元嘉中李龍等夜行劫掠于時丹陽陶繼之爲秣
陵縣令微密尋捕遂擒龍等取龍引一人是太樂伎
忘其姓名劫發之夜此伎推同伴往就人宿共奏音

聲陶不詳審爲作款列隨例申土及所宿主人士貴
賓客並相明證陶知枉濫但以文書已行不欲自爲
通塞遂并諸劫十人于郡門斬之此伎聲伎精能又
殊辨慧將死之日親隣知識看者甚衆伎曰我雖賤
隸少懷慕善未嘗爲非實不作劫陶令已當具知枉
見殺害若死無鬼則已有鬼必自陳訴因彈琵琶歌
曲而就死衆知其枉莫不頌泣經月餘陶遂夜夢伎
來至案前云昔枉見殺實所不忿訴之得理今故取
君便入陶口乃落腹中陶卽驚寤俄而倒絕狀若風

癰良久方醒、有時而發、輒天矯頭反着背、四日而亡、
亡後家便貧頓、一兒早死、餘有一孫、窮寒路次、

宋泰初元年、江州刺史鄧琬立刺史晉安王子勛爲
帝以作亂、初南郡太守張悅、得罪鎖歸楊都、及湓口、
琬赦之以爲冠軍將軍、與共經紀軍事、琬前軍袁顗
旣敗、張悅懼誅、乃稱暴疾、伏甲而召鄧琬、旣至謂之
曰、卿始此禍而欲賣死少帝乎、命斬于牀前、并殺其
子、以琬頭至、五年、悅寢疾、見琬爲厲、遂死、
朱齊豫章王蕭嶷亡後、忽見形于沈文季曰、我病未

應死、皇太子加膏中十一種藥、使我不差、湯中復加藥一種、使我利不斷、吾已訴先許還東、卿判此事、便懷出青紙文書示文季云、與卿少舊、爲呈主上也。俄而失所在、文季懼不敢傳、少時文惠太子薨、

魏城陽王元徽初爲孝莊帝畫計殺爾朱榮及爾朱

兆入洛害孝莊而徽懼走投洛陽令寇祖仁祖仁父

叔兄第三人爲刺史皆徽之力也旣而爾朱兆購徽

萬戶侯祖仁遂斬徽送之并匿其金百斤馬五十匹

及兆得徽首亦不賞侯兆乃夢徽曰我金二百斤馬

百匹、在祖仁家、卿可取也、兆覺曰、城陽家本巨富、昨令收捕、全無金銀、此夢或實、至曉即令收祖仁、祖仁又見徽曰、足得相報矣、祖仁歛得金百斤、馬五十疋、兆不信之、祖仁私歛戚屬得金三十斤、馬三十疋、輪兆猶不完數、兆乃發怒、懸頭于樹、以石砸其足、鞭捶殺之、

晉桓溫負其才名、久懷異志、須先立功河朔、還受九錫、旣逢覆敗、名實頓減、于是參軍郗超進廢立之計、乃廢帝而立簡文帝、及帝崩、孝武卽位、溫因入朝、威

逼愈甚、後謁簡文高平陵、方欲伏、見帝在墳前、舉衣語溫云、家國不造、委任失所。溫答臣不敢、臣不敢、既登車、爲左右說之、又問殷涓形狀、答以肥短、溫云、向亦見在帝側、十餘日、便病、因此憂懣而死、

秦姚萇字景茂、赤亭羌也、父弋仲、事石勒、石氏旣滅、萇隨其兄襄與苻永固戰于三原、軍敗、襄死、萇乃降永固、卽受祿位、累加爵邑、及轉龍驤將軍、督梁益州諸軍事、永固謂之曰、朕昔以龍驤建業、此號未曾假人、今持山南委卿、卿其相授、其蒙寵任優隆如此、

後隨永固子穀討慕容泓。爲泓所敗。穀獨死之。苻遣
長史詣永固謝罪。永固怒既甚。卽戮其使。苻益恐懼。
遂奔西州。邀聚士卒而自樹。置永固頻爲慕容沖所
敗。沖轉侵逼永固。又見妖怪屢起。遂走五將山。苻卽
遣驍騎將軍吳中圍永固。中執永固以送苻。卽日囚
之。以求傳國璽。及令禪讓。永固不從。數以叛逆之罪
苻遂殺之。遂稱帝。後又將永固屍鞭撻無數。裸剝衣
裳。薦之以棘。掘坎埋之。及苻遇疾。卽夢永固將天官
使者。鬼兵數百突入營中。苻甚悚懼。走入後帳。宮人

逆來刺鬼。誤中萇陰。鬼卽相謂曰。正着死所。拔去矛
刃。出血石餘。忽然驚寤。卽患陰腫。令醫刺之。流血如
夢。又狂言曰。殺陛下者。臣兄襄耳。非臣萇罪。願不賜
枉。後三日萇死。

秦李雄旣王於蜀。其第四子期。從叔壽。襲期而廢。爲
邛都公。尋復殺之。而壽自立。壽性素兇狠猜忌。僕射
蔡射等以正直忤旨。遂誅之。無幾壽病。恒見李期。蔡
射爲祟。嘔血而死。

宋高平金鄉張超。與同郡翟願不和。願以宋元嘉中

爲方與金忽爲人所殺咸疑是超超後除金鄉縣職
解宜還家入山伐木翟兄子銅烏執弓持矢并賁酒
醕就山貺之斟酌已畢銅烏曰明府昔害我叔無緣
同戴天日引弓射之卽死銅烏其夜見超云我不殺
汝叔枉見殘害今已上訴故來相報引刀刺之吐血
而死

宋下邳張稗者家世冠族末葉衰微有孫女殊有姿
色隣人求聘爲妾稗以舊門之後耻而不與隣人憤
之乃焚其屋稗遂燒死其息邦先行不知後還亦知

情狀而畏隣人之勢。又貪其財而不言。嫁女與之後。經一年。邦夢見稗曰。汝爲兒子。逆天不孝。棄親就怨。潛同兇黨。捉邦頭以手中桃杖刺之。邦因嘔血而死。邦死之日。隣人又見稗排門直入。張目攘袂曰。君恃勢縱惡。酷暴之甚。杜見殺害。我已上訴。事獲申雪。邦後數日。令君知之。隣人得病。壽亦殂歿。

宋世永康人呂慶祖。家甚溫富。嘗使一奴名教子。守視塹舍。以元嘉中。便在案行。忽爲人所殺。族弟無期先大舉慶祖餞。咸謂爲害無期。賣羊酒脯至柩所而

祝曰君茶酷如此。乃云是我。竟而有靈。使知其既還。至三更。見慶祖來云。近教子哇疇不理。計當痛治。奴遂以斧斫我背。將帽塞口。因得嚙奴三指。悉皆破碎。便取刀刺我頭。我曳著後門。初見殺時。諸從行人亦在其中。奴今欲叛我。已釘其頭著壁。言畢而滅。無期。早旦以告父母。潛視奴所住壁。果有一把髮以竹釘之。又看其指。並見破傷。錄奴語驗具伏。又云汝既反逆。何以不叛。奴云。頭如被繫。欲逃不得。諸同見者。事事相符。卽焚教子并其二息。

宋高祖平桓元後。以劉毅爲撫軍將軍。荊州刺史。到州。便收牧牛寺僧主云。藏桓家兒度爲沙彌。并殺四道人。後夜夢見此僧來云。君何以枉見殺貧道。貧道已白於天帝。恐君亦不得久。因遂得病不食。日彌羸瘦。當發揚都時。多有爭競。侵凌宰輔。宋高祖因遣人征之。毅敗。夜單騎突出。投牧牛寺僧曰。撫軍昔枉殺我師。我道人自無報仇之理。然何宜來此。亡師屢有靈驗云。天帝當收撫軍於寺。殺之。毅便嘆叱。出寺後。崗上大樹自縊而死。

宋東海徐某甲前妻許氏生一男名鍊白而許氏亡
甲改娶陳氏陳氏凶虐志滅鍊白陳氏產一男生而
咒之曰汝若不除鍊白非吾子也因名之曰鍊杵欲
以杵擣鍊白也於是捶打鍊白備諸苦毒飢不給食
寒不加絮甲性闇弱又多不在舍後妻恣意行其暴
酷鍊白竟以凍餓被杖而死時年十六亡後旬餘鬼
忽還家登陳牀曰我鍊白也實無片罪橫見殘害我
母訴怨于天今得天曹符來取鍊杵當令鍊杵疾病
與我遭苦時同將去自有期日我今停此待之聲如

生時家人賓客不見其形。皆聞其語。于是恒在屋梁上住。陳氏跪謝。搏頰爲設祭奠。鬼云。不須如此。餓我令死。豈是一餐所能酬謝。陳夜中竊語道之。鬼厲聲曰。何敢道我。令當斷汝屋棟。便聞鋸聲。屑亦隨落。拉然有響。如棟實崩。舉家走出。炳燭照之。亦了無異。鬼又罵鍊杵曰。汝旣殺我。安坐宅上。以爲快也。當燒汝屋。卽見火然。烟焰大猛。內外狼狽。俄爾自滅。茆茨儼然不見虧損。日日罵詈。時復歌云。桃李花。嚴霜落。奈何桃李子。嚴霜早已落。聲甚傷切。似是自悼。不得長。

宗族六族至
痛腹大上氣妨食

功
鬼便寂然無聞

功
大將軍曹爽篡位

帝制於強臣不堪

充州刺史華歆

王宣王送凌還京師凌王

王宣王送凌還京師凌王

王宣王送凌還京師凌王

王宣王送凌還京師凌王

一見後來，許實達為祟，因呼字曰彥雲，緩我。

一見亦有打虎，少日遂。

一見寺者，本通明人在，居州妙善醫術，遂成巨。

一見是夫，能作百種，又有沉香入。

一見居常，不願王談，為刺，其大兒，砂之，屢求。

一見在不，一談，而籍沒家財。

一見見，而，而，若稱冤魂，如此經，包。

一見，恒見，法，少時，遂亡，而之，至楊都。

宋沮渠蒙遜時有沙門曇摩讖者博達多識爲蒙遜之所信重。魏氏遣李順拜蒙遜爲涼王。仍求曇摩讖。蒙遜怯而不與。摩讖意欲入魏。屢從蒙遜請行。蒙遜怒殺之。旣而左右白曰。見摩讖以劍擊蒙遜。因疾而死。

漢時王濟左右嘗于闇中就婢取濟衣物。婢欲奸之。其人云不敢。婢言若不從我。我當大叫。此人卒不肯。婢遂呼云。某甲欲奸我。濟卽令人殺之。此人具自陳訴。濟猶不信。故牽將去。顧謂濟曰。枉不可受。要當訟。

府君於天。後濟乃病。忽見此人。語之曰。前具告實不
見。理今便應去。濟數日卒。

漢時游殷字幼齊。漢世爲羽林中郎將。先與司隸校
尉胡軫有隙。軫遂誣構殺之。殷死月餘。軫得病。目精
脫。但伏罪伏罪。游幼齊將鬼來。於是遂死。

晉富陽縣令王範。有妾桃英。殊有姿色。遂與閣下丁
豐。史華期二人姦通。範嘗出行不還。帳內都督孫元
彌。聞丁豐戶內有環珮聲。覘視見桃英與同被而臥。
元彌叩戶面叱之。桃英卽起。攬裙理髻。躡履還內。元

弼又見華期帶珮桃英麝香。二人懼元弼告之。乃共
謗元弼與桃英有私。範不辨察。遂殺元弼。有陳超者
當時在座。勸成元弼罪。後範代還。超亦出都看範。行
至赤亭山下。值雷雨日暮。忽然有人扶超腋脰。曳將
去。入荒澤中。電光照見一鬼。面甚青黑。眼無瞳子。曰
吾孫元弼也。訴怨皇天。早見申理。連時候汝。乃今相
遇。超叩頭流血。鬼曰。王範旣爲事主。當先殺之。賈景
伯孫文度在太山元堂下。共定死生名錄。桃英魂魄
亦收在女青亭者。是第三地獄名在黃泉下。專治女

鬼投至天明失鬼所在。超至楊都詣範。未敢說之。便見鬼從外來。逕入範帳。至夜範始眠。忽然大驚。連呼不醒。家人牽青牛臨範上。并加桃人。左索。向明小蘓。十許日而死。妾亦暴亡。超亦逃走長干寺。易姓名爲何規。後五年三月三日臨水酒酣。超云。今當不復畏此鬼也。低頭便見鬼影已在水中。以手擣超鼻。血大出。可一升許。數日而殂。

晉時張駿據有涼州。忌害鎮軍將軍武威郝鑒。以其宗族強大而多功也。遂諷其主簿魏纂。使誣鑒謀反。

駿逼鑒自殺。後三年，纂病見鑒在側，遂死。

晉時羊聃字懿彭祖，晉世廬陵太守，爲人剛克粗暴，恃國姻親，縱恣尤甚。睚眦之嫌，輒加刑殺。征西大將軍庾亮檻送具以狀聞。有司奏聃殺郡將吏及民簡良等二百九十人，徒譴一百餘人，應棄市。依八議請宥。中宗詔曰：「此事古今所未有，此而可忍，孰不可忍。」何入議之有。下獄。所賜命，聃兄子賁先尙南郡公主，自表解婚，詔不許。瑯琊孝王妃山氏，聃之甥也，苦以爲請。于是司徒王遵啟聃罪不可容恕，宜極重法。山

太妃憂感動疾陛下罔極之恩宜蒙生全之宥于是
詔下曰山太妃唯此一舅發言摧鯁乃至吐血情慮
深重朕丁荼毒受太妃撫育之恩同于慈親若不堪
難忍之痛以致頓斃朕亦何顏以寄今便原賜生命
以慰太妃渭陽之恩于是除名爲民少時腫病恒見
簡良等曰枉豈可受今來相取經宿而死

晉時會稽孔基勤學有志操馮結族入孔敞敞使其
二子以基爲師而敞子並凶趣尙不同基
於敞此兒常有忿恚敞尋喪亡服制旣除基

乃賚羊酒往看二子。子猶懷宿怨。潛遣奴于路側殺基。奴還未之至。仍見基來。張目攘袂厲聲言曰。姦醜小豎。人面獸心。吾蒙顧存昔。敦舊平生。有何怨惡。候道見害。謾天忘父。神人不容。要當斷汝家種。從此之後。數數見形。無幾大兒向廁。忽便絕倒。絡繹往看。已斃于地。次者尋復病殂。兄弟無後。晉時庾亮誅陶稱後。咸康五年冬。節會文武數十人。忽然悉起。向階拜揖。庾驚問故。並云陶公來。陶公素稱父侃也。庾亦起迎。陶公扶兩人。悉是舊怨。傳詔之。

右數十人皆操伏戈。陶公謂庾曰。老僕舉君自代。不圖此恩。反戮其孤。故來相問。陶稱何罪。身已得訴于帝矣。庾不得一言。遂寢疾。八年一日死。

右顏之推還冤記一卷隋志本作冤魂志三卷文獻通考又作北齊還冤志二卷入子部小說家次述異記續齊諧記後今考本書所記還冤故事上起春秋下訖晉宋無及北齊者徒以著書人係北齊遂目爲北齊還冤志非也今書亦祇一卷中又脫第七第八兩葉其第九葉載桓溫謁高平陵見殷涓事前亦脫去數行今略從晉書采補遂以屬魏城陽王元徽後其他脫簡無得而考矣大抵記中事實多見正史然採摭未備亦間有異聞可補

史傳之闕者何氏叢書元本不收此書今從唐末叢書采入要非足本好事君子有能蒐而輯之者
是所望也汝上王謨識

神異經目錄

東荒經

東南荒經

九則

五則

南荒經

西南荒經

十則

三則

西荒經

西北荒經

八則

六則

北荒經

東北荒經

三則

一則

神異記

卷之五

中荒經

十則

神異經

漢 東方朔著 南豐趙秉清校

東荒經

東荒山中有大石室東王公居焉長一丈頭髮皓白人形鳥面而虎尾載一黑熊左右顧望恒與一玉女

投壺每投千二百簠

埤按仙傳拾遺矯字作梟

設有人不出者天

爲之嚙噓

華曰噓也

矯出而脫悞不接者

言失之

天爲之笑

華云言笑者天口流火炤灼今天下不雨而有電光是天笑也

東方有人焉男皆朱衣編帶元冠女皆采衣男玄便

轉可愛恒恭坐而不相犯相譽而不相毀見人有患

投死救之名曰善人

俗云士人

一名敬

俗云敬謹

一名美

俗云美人

不妄言嚶嚶然而笑倉卒見之如癡

俗云善人如癡此之謂也

東方荒外有豫章焉此樹主九州其高千丈圍百尺

本上三百丈本如有條枝敷張如帳上有弓狐黑猿

枝主一州南北竝列面向西南有九力士操斧伐之

以占九州吉凶斫之復生其州有福創者州伯有病

積歲不復者其州滅亡

亡者州伯死復者木創復也

東方有桑樹焉高八十丈敷張自輔其葉長一丈廣

六七尺其上自有蠶作繭長三尺線一繭得絲一斤有樵焉長三尺五寸圍如長

東方有樹焉高百丈敷張自輔葉長一丈廣六尺其
名曰梨如今之樵梨但樹大耳其子徑三尺剖之少
瓢曰如雪食之為地仙衣服不敗辟穀可以入
水火一名木梨

東方有樹高五十丈葉長八尺名曰梨其子徑三尺
二寸和核羹食之令人益壽埤按無本
作壽延誤食核中仁埤按別本作嘔
以治嗽小桃溫潤嘔嗽人食之即止嗽人而滑者誤

東海之外荒海中有山焦炎而峙高深莫測蓋稟至陽之爲質也海中激浪投其上噏然而盡計其晝夜噏攝無極若熬鼎受其洒汁耳

大荒之東極至兎府山管沃椒山

埤按中記云天下之疆者東海之

惡焦焉水瀦而不見惡焦山名在東海南方三萬里海水灌之即消即沃椒也

脚巨洋海中

昇載海山蓋扶桑山有玉雞玉雞鳴則金雞鳴金雞

鳴則石雞鳴石雞鳴則天下之雞悉鳴潮水應之矣

東海滄浪之洲注水爲洲人多居之其上有

以爲玉雞巖物雖是居負其水在東海之

縱石鎮之不能沒

東方荒中有木名曰栗其殼徑三尺三寸殼刺長丈餘實徑三尺殼亦黃其味甜食之多令人短氣而渴

埤按太平御覽引此云東荒北有栗樹高三十丈栗徑三尺其殼赤其肉黃白味甘食之令人短氣而渴

廣記所引
出酉陽記

東方裔外有建山其上多橘柚

東南荒經

東南方有人焉周行天下身長七丈

埤按說郛所引作七尺誤腹

闊如其長頭戴雞父魃頭

華曰髮頰亂也
埤曰雞父未詳

未衣綳帶

以赤蛇繞額

一作惡蛇遶頂

尾合於頭不飲不食朝吞惡鬼

三千暮吞三百此人以鬼為飯

埤按廣記飯作食別本作飲誤

以露

為漿

廣記作霧

名曰尺郭一名食邪道師云吞邪鬼一名

赤黃父今世有黃父鬼

東南荒中有邪木高三千丈或十餘圍或七八尺其

枝喬直上不可擗也

埤云邪猶何也

葉如甘瓜二百歲葉落

而生花花形如甘瓜花復二百歲落盡而生萼萼下

生子三歲而成熟成熟之後不長不減子形如寒瓜

長七八寸徑四五寸萼復覆生頂

言發萼而得成實

此不取

萬世如故若取子而留萼萼復生子如初年

熟復二年則成萼而復生子其子形如甘瓢少

甘美食之令人身澤不可過三升令人冥醉半日

醒木高人取不能得唯木下有多羅之人緣能得之

多羅一名無葉世人後生不見葉故謂之無葉也一

名倚驕按太平廣記引此作綺縞而張茂先注云驕謂直上不可那也知廣記誤

東南隅太荒之中有樸父焉夫婦竝高千里腹圍自

輔天初立時使其夫妻導開百川嬾不用意說郭作用力

謫之竝立東南男露其勢女露其牝勢牝謂男女之陰陽御覽作殺

不飲不食，不畏寒暑，唯飲天露，須黃河清，當復使其
夫婦導護百川。古者初立此人，開導河，河或深或淺，
或隘或塞，故禹更治，使其水不壅，天責其夫妻，倚而
立之。若黃河清者，則河海絕流，水自清矣。

東南海中有烜洲，洲有溫湖，鮒魚生焉。其長八尺，食
之宜暑而辟風寒。

東南有石井，其方百丈，上有二石闕，俠東南面。上有
蹲熊，有榜著闕曰地戶。

南方有大人面鳥喙而有翼手足扶翼而行食海中
魚有翼不足以飛一名鵬堯書曰放鵬堯于崇山古
文尚書作鵬堯一名驩堯爲人狠惡不畏風雨禽獸犯死乃
休耳

南方有人長二三尺袒身而目在頂上走行如風名

曰鵲所之國大旱

俗曰旱魃

一名格子善行市朝衆中過

之者投著廁中乃死旱災消詩曰旱魃爲虐或曰生

捕得殺之禍去福來

南荒外有火山其中生不盡之木

埤按別本作不盡之木

晝夜

火燃得暴風不猛。雨不滅。

埤按子月記南方有炎火山四月生火其木皮

爲人浣布

南方大荒之中有樹焉名曰祖稼。樞杻者祖梨也。稼

者株稼也。樞親臘也。三千歲作華。九千歲作實。其華

葉紫色。其實赤色。其高百丈。或千丈也。敷張自輔。東

西南北方枝各近五十丈。葉長七尺。廣五尺。色如綠

青。木皮如梓樹。理如甘草。味飴。實長九尺。圍如其長。

而無瓢核。以竹刀剖之。如凝蜜。

一作如酥

得食復見。實卽

滅矣。言復見後實熟者。壽一萬二千歲。

埤按言復見以下十三字

刀茂
先註

南方大荒有樹焉名曰如何三百歲作華九百歲作實華色朱其實正黃高五十丈敷張如蓋葉長一丈廣二尺餘似管苧色青厚五分可以絮如厚朴材理如支九子味如飴實有核形如棗子或作棘子長五尺圍如長金刀剖之則酸蘆刀剖之則辛食之者地仙不畏水火不畏白刃

南方荒中有涕竹長數百丈圍三丈六尺厚八九寸可以爲船其筴甚美食之可以止瘡癘

張茂先註曰子筴也

南方有訐蟻之林，其高百丈，圍三尺八寸，促節多汁，甜如蜜。咋嚙其汁，令人潤澤，可以節虺蟲。廣記引人作虺蟲腹中虺蟲，其狀如蚓，此消穀蟲也。多則傷人，少則穀不消。是甘蔗能滅多，益少。凡蔗亦然。

不盡木火，中有鼠，重千斤，毛長二尺餘，細如絲，但居火中，洞赤時時出外，而毛白，以水逐而沃之，即死，取其毛績紡織以爲布用之。若有垢澁，以火燒之則淨。南方蚊翼下有小白蟲焉，目明者見之，每生九卵，復亦嘗有卵復成九子，蜚而復去，故遂不知，亦食人及

百獸食者知言蟲小食人不去也此蟲既細且小因

曰細蠖陳章對齊桓公小蟲是也

埤按陳章鰲蟬巢於蚊睫事見晏子

春秋此蟲常春生以季夏藏于鹿耳中名嬰蜋

南方有獸似鹿而豕首有牙善依人求五穀名無損

之獸人割取其肉不病肉復自復其肉惟可作鮓使

糯肥美而咋肉不壞吞之不入糯盡更添肉復作鮓

如初愈美名曰不盡鮓是也

御覽獸部引此糯寄作潛鮓字作鮓

南荒之外有火山長四十里廣五十里其中皆生不

燼之木火鼠生其中

南方有銀山長五十里高百餘丈悉是白銀

西南荒經

西南大荒中有人長一丈腹圍九尺踐龜蛇戴朱鳥
左手憑白虎知河海水斗斛識山石多少知天下鳥
獸言語土地土人民所遁知百穀可食識草木鹹苦
名曰聖一名哲一名賢俗曰先知一名無不達凡人見而

拜之令人神智此人爲天下聖人也一名先通

西南方有人焉身多毛頭上戴豕貪如狼惡好自積
財而不食人穀彊者奪老弱者畏羣而擊單名曰饕

餐春秋言饕餮者縉雲氏之不才子也、一名貪惏、一名彊奪、一名凌弱、此國之人皆如此也、

西南荒中出訛獸、其狀若菟、人面能言、常欺人、言東而西、言惡而善、其肉美食之言不真矣、言食其肉則其人言不誠

一名誕

西荒經

崑崙西有獸焉、其狀如犬、長毛四足、似羆而無爪、有目而不見、行不開、有兩耳而不聞、有人知往有腹無五臟、有腸直而不旋、食物徑過、人有德行而往牴觸

之有凶德則往依憑之天使其然名爲渾沌春秋云渾沌帝鴻氏不才子也空居無爲常咋其尾同轉仰

天而笑

以史記正義校

西方荒中有獸焉其狀如虎而犬毛長二尺人面虎足猪口牙尾長一丈八尺攪亂荒中名檮杌一名傲狠一名難訓春秋云顓頊氏有不才子名檮杌是也有人面目手足皆人形而胷下有翼不能飛爲人饕餮淫逸無理名曰苗民春秋所謂三苗書云竄三苗于三危

西荒之中有人焉長短如人著百結敗衣手虎爪名

曰獠獠伺人獨行輒食人腦或舌出盤地丈餘人先

聞其聲燒大石以投其舌乃氣絕而死不然食人腦

矣一本云伺人眠輒往就人欲食人腦

西方曰宮之外廣記引作自宮有山焉其長十餘里廣二三

里高百餘丈皆大黃之金其色殊美不雜土石不生

草木上有金人高五丈餘皆純金名曰金犀入山下

一丈有銀又一丈有錫又入一丈有鉛又入一丈有

丹陽銅似金可鍛以作錯塗之器淮南子術曰餌丹

陽之爲金是也

淮南子以下乃茂先註後人誤合爲經梁簡文帝詩云劍鑊丹陽銅用此

西荒中有獸如虎豪長三尺人面虎足口牙一丈八
尺人或食之獸鬪終不退却唯死而已荒中人張捕
之復點逆知一名倒壽

西方深山中有人焉身長尺餘袒身捕蝦蟹性不畏
人見人止宿暮依其火以炙蝦蟹伺人不在而盜人
鹽以食蝦蟹在深山臊其音自叫人嘗以竹著火中
爆州而出臊皆驚彈犯之令人寒熱此雖人形而變
化然亦鬼魅之類今所在山中皆有之

西海水。上有人乘白馬朱鬣白衣平冠從十二童子。

馳馬西海水上如飛如風名曰河伯使者或時上岸

馬跡所及水至其處所之之國雨水滂沱暮則還河

西海之外有鵠國焉男女皆長七寸爲人自然有禮

好經綸拜跪其人皆壽三百歲其行如飛日行千里

百物不敢犯之唯畏海鵠過輒吞之亦壽三百歲此

人在鵠腹中不死而鵠一舉千里華曰陳章與齊桓公論小兒也

西方山中有蛇頭尾差大有色五彩入物觸之者中

頭則尾至中尾則頭至中腰則頭尾並至名曰率然

廣雅云、會稽常山最多此蛇、孫子兵法三軍勢如
率然者是也。

西北荒經

西北有獸焉、狀似虎、有翼能飛、便勑食人、知人言語
聞人譟、輒食直者。聞人忠信、輒食其鼻。聞人惡逆不

善、輒食獸。往饋之、名曰窮奇。亦食諸禽獸也。梓換別

青似牛而狸尾、尾長曳地、其聲似狗、狗頭人形、鉤爪
鋸牙、逢惠信之人齧而食之、逢姦邪者則禽禽獸而

何之

西北荒有人焉、人而朱髮、蛇身、人手足而食五穀、禽

獸貪惡愚頑名曰共工書流共工於幽州幽州北裔也而此言西北方相近也皆西裔之族耳

西北荒中有玉饋之酒酒泉注焉廣一丈長深三丈酒美如肉澄清如鏡上有玉尊玉盞取一罍一尊復生焉與天同休無乾時石邊有脯焉味如麀鹿脯飲此酒人不生死一名遺酒其脯名曰追復食一片復

一片

或作一斤

西北荒中有二金闕高百丈金闕銀盤圓五十丈二闕相去百丈上有明月珠徑三丈光照千里中有金

西北入兩關中名曰天門

埤按陸公佐新闕銘云北荒明月卽此事

西北荒中有小人長一分其君朱衣平冠乘輅車馬引爲威儀居人遇其乘車抵而食之其味辛終年不爲物所咋并識萬物名字又殺腹中三蟲三蟲死便可食僊藥也

西北海外有人長二千里兩腳中間相去千里腹圍一千六百里但日飲天酒五斗

張華云天酒甘露也

不食五穀

魚肉唯飲天酒忽有饑時向天仍飲好遊山海間不犯百姓不干萬物與天地同生名曰無路之人一名

一名信一名神

北方荒經

北方荒中有棗林其高五十丈敷張枝條數里餘疾風不能偃雷電不能摧其子長六七寸圍過其長熟赤如朱乾之不縮氣味潤澤殊於常棗食之可以安軀益於氣力故方書稱之赤松子云北方大棗味有殊既可益氣又安軀北方荒中有石湖方千里岸深五丈餘恒冰唯夏至左右五六十日解耳湖有橫公魚長七八尺形如鯉而赤晝在水中夜化爲人刺之

不入煮之不死以烏梅二枚煮之則死食之可止邪
病其湖無凸凹平滿無高下

北方層冰萬里厚百丈有磤鼠在冰下

埤按御覽
引作鼯鼠

土

中焉形如鼠食草木肉重千斤可以作脯食之已熱
其毛八尺可以爲褥臥之却寒其皮可以蒙鼓聞千
里其毛可以來鼠此毛所在鼠輒聚焉

北海有大鳥其高千尺頭文曰天胸又曰候左翼文
曰鷺右翼文曰勒頭向東正海中央捕魚或時舉翼
而飛其羽相切如風雷也

東北荒經

東北荒中有木，高四十丈，葉長五尺，廣三尺，名曰栗。其實徑三尺二寸，其殼赤，其肉黃白，味甜，食之令人短氣而渴。

中荒經

崑崙之山有銅柱焉，其高入天，所謂天柱也，圍三千里，周圍如削，下有回屋，方百丈，仙人九府治之。上有大鳥，名曰希有，南向，張左翼覆東王公，右翼覆西王母，背上小處無羽，一萬九千里。西王母歲登翼上會。

東王公也。故其柱銘曰。崑崙銅柱。其高入天。員周如削。膚體美焉。其鳥銘曰。有鳥希有。碌赤煌煌。不鳴不食。東覆東王公。西覆西王母。王母欲東登之。自通陰陽。相須唯會。益工。

九府玉童玉女。與天地同休息。男女無爲匹配。而仙道自成。張茂先曰。言不爲夫妻也。男女名曰玉人。東方有宮。青石爲牆。高三仞。左右闕高百尺。畫以五色。門有銀榜。以青石碧鏤。題曰。天地長男之宮。西方有宮。白石爲牆。五色。平黃。門有金榜。而銀鏤。題曰。天

地少女之宮、中央有宮、以金爲牆、門有金榜、以銀鏤、
題曰天皇之宮、南方有宮、以赤石爲牆、赤銅爲門闕、
有銀榜、曰天皇中女之宮、北方有宮、以黑石爲牆、題
曰天地中男之宮、東南有宮、黃石爲牆、黃榜碧鏤、題
曰天地少男之宮、西北有宮、黃銅爲牆、題曰地皇之
宮、

東方齋外有東明山、以青石爲牆、西方齋外有大夏
山、以金爲牆、南方齋外有岡明山、以赤石爲牆、西南
齋外老壽山、以黃銅爲牆、東南齋外闡清山、以青石

爲牆西北齋外西明山以白石爲牆皆有宮

蓋神仙之宅也

東北有鬼星石室三百戶共一門石榜題曰鬼門西南銅關夾榜題曰人往門東北銅關夾門榜題曰人來門

南方有獸焉角足大小形狀如牛皮毛黑如漆食鐵飲水其糞可爲兵器其利如剛名曰齧鐵

予黃經云南方

齧鐵糞利爲剛食鐵飲水腸中不傷

按今蜀中深山亦有齧鐵獸

鬼門晝日不開至暮卽有人語有青火色

南大荒有馬其大二丈髯至膝尾委地蹄如丹踠

行千里至日中而汗血乘者當以絮纏頭以
解風病彼國人不纏

北方有獸焉其狀如獅子食人吹人則病名曰狔音恙
恒近人村里人人居室百姓患苦天帝徙之北方荒
中

西方深山有獸焉面目手足毛色如猴體大如驢善
緣高木皆雌無雄名綢順人三合而有子要路彊牽
男人將上絕冢之上取菓并竊五穀食更合三畢而
定十月乃生

不孝鳥狀如人身犬毛有齒猪牙額上有文曰不孝
口下有文曰不慈鳥上有文曰不道左脅有文曰愛
夫右脅有文曰憐婦故天立此異畀以顯忠孝也

右東方朔神異經一卷十洲記一卷隋志並入史
部地理類唐志並入子部神仙類其入地理者以
二書所言皆四海八荒事爲倣山海經而作其入
神仙者以神異經第一篇卽言東王公玉女而十
洲記有蓬萊瀛洲方丈又卽海中三神山也謨謂
朔之博物雖能曉畢方辨騶牙初不若禹伯翳之
隨刊焚烈徧歷九州又不能與羨門安期生之屬
憑虛御風神遊六合二者所托皆似是而非也善
乎班史之論曰朔之詭譎逢占射覆其行事浮淺

行於衆庶童兒牧豎莫不眩耀而後世好事者因
取奇言怪語附著之朔若此二書明非朔所自撰
在當時固必有樂爲之傳會者史家欲祛妄惑絕
異端故詳著其說且於本傳篇末直斷之曰凡劉
向所錄朔書具是世所傳他事非也今考漢書藝
文志諸子雜家有東方朔二十篇次呂覽淮南鴻
烈後惜其書不傳而後世獨流傳此二書及靈棋
經甚矣入之好怪也文獻通考以二書入小說家
蓋亦有見於此云汝上王

內十洲記

漢 東方朔著 峽江郭廷廣校

祖洲在東海

瀛洲在東海

矜洲在北海

炎洲在南海

長洲在東海

元洲在北海

流洲在西海

生洲在東海

鳳麟洲在東海

聚窟洲在西海

漢武帝既聞王母說八方巨海之中有祖洲、瀛洲、矜洲、炎洲、長洲、元洲、流洲、生洲、鳳麟洲、聚窟洲有此十

洲乃人跡所稀絕處。又始知東方朔非世常人。是以
延之曲室而親問十洲所在。所有之物名。故書記之。
方朔云。臣學仙者耳。非得道之人。以國家之盛美。將
招名儒墨於文教之內。抑絕俗之道於虛詭之迹。臣
故韜隱逸而赴王庭。藏養生而侍朱闕。亦由尊上好
道。且復欲抑絕其威儀也。曾隨師主履行。比至朱陵。
扶桑蜃海。冥夜之止。純陽之陵。始青之下。丹宮之開。
內遊七止。中旋十洲。踐赤縣而遨五嶽。行陂澤而息
名山。臣自少及今。周流六天。廣陟天光。極於是矣。未

若凌虛之子飛真之官，上下九天，洞視百萬，北極句
陳而并華蓋，南翔太丹而棲大夏，東之通陽之霞，西
薄寒穴之野，日月所不逮，星漢所不與，其上無復物，
其下無復底。臣所識乃及於是，愧不足以酬廣訪矣。
祖洲近在東海之中，地方五百里，去西岸七萬里，上
有不死之草，草形如菰，苗長三四尺，人已死三日者，
以草覆之，皆當時活也。服之令人長生。昔秦始皇大
苑中多枉死者，橫道有鳥如鳥狀，嚼此草，覆死人面，
當時起坐而自活也。有司聞奏，始皇遣使者齎草以

問北郭鬼谷先生、鬼谷先生云、此草是東海祖洲上、有不死之草、生瓊田中、或名爲養神芝、其葉似菰、苗叢生、一株可活一人、始皇於是慨然言曰、可採得否、乃使使者徐福發童男童女五百人、率攝樓船等入海尋祖洲、遂不返、福道士也、字君房、後亦得道也、瀛洲在東海中、地方四千里、大抵是對會稽、去西岸七十萬里、上生神芝仙草、又有玉石、高且千丈、出泉酒味甘、名之爲玉醴泉、飲之數升輒醉、令人長生、上多仙家、風俗似吳人、山川如中國也。

洲在北海之中，戊亥之地方七千二百里，去南岸二十六萬里，上有太皞都仙伯真公所治多正山，又有風山，聲響如雷電，對天西北門，上多太皞仙官宮室，宮室各異，饒金芝玉草，乃是三天君下治之處，甚肅肅也。

炎洲在南海中，地方二千里，去北岸九萬里，上有風生獸，似豹青色，大如狸，張網取之，積薪數車以燒之，薪盡而獸不然，灰中而立，毛亦不焦，斫刺不入，打之如灰囊，以鉄鎚鍛其頭，數十下乃死，而張口向風，須

夷復活以石上菖蒲塞其鼻卽死取其腦和菊花服之盡十斤得壽五百年又有火林山山中有火光獸大如鼠毛長三四寸或赤或白山可三百里許晦夜卽見此山林乃是此獸光照狀如火光相似取其獸毛以緝爲布時人號爲火浣布此是也國人衣服垢汚以灰汁浣之終無潔淨唯火燒此衣服兩盤飯間振擺其垢自落潔白如雪亦多仙家

長洲一名青丘在南海辰巳之地地方各五千里去

崑崙二十五萬里上饒山川及多大樹樹乃有二千圍

者一洲之上，專是林木，故一名青丘。又有仙草靈藥，甘液玉英，靡所不有。又有風山，山恒震聲，有紫府宮。天真仙女遊於此地。

元洲在北海中，地方三千里，去南岸十萬里。上有五芝，彳澗澗水如蜜漿，飲之長生，與天地相畢。服此五芝，亦得長生不死，亦多仙家。

流洲在西海中，地方三千里，去東岸十九萬里。上多山川積石，名爲昆吾，冶其石成鐵，作劍光明洞照，如水精狀，割玉物如割泥，亦饒仙家。

生洲在東海丑寅之間、接蓬萊十七萬里、地方二千五百里、去西岸二十三萬里、上有仙家數萬、天氣安和、芝草常生、地無寒暑、安養萬物、亦多山川仙草、衆芝一洲之水、味如飴酪、至良洲者也。

鳳麟洲在西海之中央、地方一千五百里、洲四面有弱水繞之、鴻毛不浮、不可越也、洲上多鳳麟、數萬各爲羣、又有山川池澤、及神藥百種、亦多仙家者、鳳喙及麟角、合煎作膏、名之爲續弦膠、或名連金泥、此膠能續弓弩已斷之弦、刀劍斷折之金、更以膠連續之。

使力士掣之他處乃斷。所續之際終無斷也。武帝天
漢三年帝幸北海祠恒山。四月西國王使至獻此膠
四兩。吉光毛裘。武帝受以付外庫。不知膠裘二物之
妙用也。以爲西國雖遠而上貢者不奇。稽留使者未
遣。又時武帝幸華林園射虎而弩弦斷。使者時從駕
又上膠一分使口濡以續弩。弦帝驚曰異物也。乃使
武士數人共對掣引之終日不脫。如未續時也。膠色
青如碧玉。吉光毛裘黃色。蓋神馬之類也。裘入水數
日不沉。入火不焦。帝於是乃悟。厚謝使者而遣去。賜

以牡桂乾姜等諸物，是西方國之所無者。又益思東方朔之遠見。周穆王時，西胡獻昆吾割玉刀，及夜光常滿杯。刀長一尺，杯受三升。刀切玉如切泥，杯是白玉之精，光明夜照。冥夕出杯於中庭，以向天，比明而水汁已滿於杯中。也。汁甘而香美，斯實靈人之器。秦始皇時，西胡獻切玉刀，無復常滿杯耳。如此膠之所出，從鳳麟洲來。劍之所出，必從流洲來。並是西海中有也。

桑榆洲在西海中，中未之地。地方三千里，北接崑崙。

二十萬里去東岸二十四萬里上多真仙靈官宮
第此門不可勝數及有獅子辟邪鑿齒天鹿長牙
頭鉄額之獸洲上有大山形似人鳥之象因名之爲
神鳥山山多大樹與楓木相類而花葉香聞數百里
名爲反魂樹扣其樹亦能自作聲聲如羣牛吼聞之
者皆心震神駭伐其木根心於玉釜中煮取汁更微
火煎如黑錫狀令可丸之名曰驚精香或名之爲震
靈丸或名之爲反生香或名之爲震檀香或名之爲
人鳥精或名之爲却死香一種六名斯靈物也香氣

聞數百里，死者在地，聞香氣，乃却活，不復亡也。以香薰死人，更加神驗。征和三年，武帝幸安定，西胡月支國王遣使獻香四兩，大如雀卵，黑如桑椹。帝以香非中國所有，以付外庫。又獻猛獸一頭，形如五六十日犬子，大似狸而色黃。命國使將入呈，帝見之，使者抱之似犬，羸細禿悴，尤怪其之非也。問使者：此小物可弄，何謂猛獸？使者對曰：夫威加百禽者，不必繫之以大小。是以神麟故爲巨象之王，鸞鳳必爲大鵬之宗。百足之蟲，制於螭蛇，亦不在於巨細也。臣國去此二

十萬里國有常占。東風入律。百旬不休。青雲干呂。連月不散者。當知中國時有好道之君。我王固將賤百家而貴道儒。薄金玉而厚靈物也。故搜奇蘊而貢神香。步天林而請猛獸。乘毳車而濟弱淵。策驥足以度飛沙。契闊途遙。辛苦蹊路。于今已十三年矣。神香起天。殘之死疾。猛獸却百邪之魅鬼。夫此二物。實濟衆生之至要。助政化之昇平。豈圖陛下反不知真乎。是臣國占風之謬矣。今日仰鑒天姿。亦乃非有道之君也。眼多視則貪色。口多言則犯難。身多動則淫賊。心

多飾則奢侈。未有用此四者而成天下之治也。武帝
恧然不平。又問使者猛獸何方而伏百禽。食噉何物。
膂力何比。其所生何鄉耶。使者曰。猛獸所出。或生崑
崙。或生平圃。或生聚窟。或生天路。其壽不窮。食氣飲
露。解人言語。仁慧忠恕。當其仁也。愛護蠢動。不犯虎
豹。當其威也。一聲叫發。千人伏息。牛馬百物。驚斷絙
繫。武士奄忽。失其勢力。當其神也。立興風雲。吐嗽雨
露。百邪迸走。蛟龍騰驚。處于太上之廐。役御獅子。名
曰猛獸。蓋神光無常。能爲大禽之宗主。乃攬天之元

王辟邪之長帥者也。靈香雖少，斯更生之神丸也。疫
病災死者將能起之。及聞氣者，卽活也。芳又特甚，故
難歇也。於是帝使使者令猛獸發聲試聽之。使者乃
指獸命喚一聲，獸馳，脣良久忽叫，如天大雷霹靂，又
兩日如礮礮之交光，光明衝天，良久乃上。帝登時顛
蹶，掩耳震動，不能自止。侍者及武士虎賁皆失伏，伏
地。諸內外牛馬豕犬之屬皆絕絆離繫，驚駭放蕩。久
許咸定，帝忌之，因以此獸付上林苑，令虎食之。於是
虎聞獸來，乃相聚屈積如死。虎伏獸入苑徑上虎頭。

溺虎口去十步已來、顧視虎、虎輒閉目、帝恨使者言不遜、欲收之、明日失使者及猛獸所在、遣四出尋討、不知所止、到後元元年、長安城內病者數百、亡者大半、帝試取月支神香燒之於城內、其死未三月者皆活、芳氣經三月不歇、於是信知其神物也、乃更秘錄餘香、後一旦又失之、檢函封印如故、無復香也、帝愈懊恨、恨不禮待於使者、益貴方朔之遺語、自愧求李君之不勤、慙衛叔卿於階庭矣、明年帝崩于五柞宮、已亡、月支國人烏山震檀却死等香也、向使厚待使

有帝崩之時、何緣不得靈香之用耶、自合命殞矣、
滄海島在北海中、地方三千里、去岸二十一萬里、海
四面繞島、各廣五千里、水皆蒼色、仙人謂之滄海也、
島上俱是大山、積石至多、石象、入石、石腦、石桂、英流、
丹黃子、石膽之輩、百餘種、皆生於島、石服之、神仙長
生、島中有紫石宮室、尤老仙都所治、仙官數萬人居
焉、

方丈洲在東海中心、西南東北岸正等、方丈方面各
五千里、上專是羣龍所聚、有金玉琉璃之宮、三天司

命所治之處羣仙不欲昇天者皆往來此洲受太平
生籙仙家數十萬耕田種芝草課計頃畝如種稻狀
亦有玉石泉上有九源丈人宮主領天下水神及龍
蛇巨鯨陰精水獸之輩

扶桑在東海之東岸岸直陸行登岸一萬里東復有
碧海廣狹浩沃與東海等水既不鹹苦正作碧色
甘香味美扶桑在碧海之中地方萬里上有太帝宮
太真東王父所治處地多林木葉皆如桑又有樾樹
長者數千丈大二千餘圍樹兩兩同根偶生更相依

倘是以名爲扶桑仙人食其榘而一體皆作金光色
飛翔空立其樹雖大其葉榘故如中夏之桑也但榘
稀而色赤九千歲一生實耳味絕甘香美地生紫金
九玉如中夏之瓦石狀真仙靈宮變化萬端蓋無常
形亦有能分形爲百身十丈者也

蓬丘蓬萊山是也對東海之東北岸周廻五千里外
別有圓海繞山圓海水正黑而謂之冥海也無風而
洪波百丈不可得往來上有九老丈人九天真玉宮
蓋太上真人所居唯飛仙有能到其處耳

崑崙號曰崑崙在西海之戌地北海之亥地去岸十三萬里又有弱水周迴繞市山東南接積石園西北接北戶之室東北臨大活之井西南至承洲之谷此四角大山是崑崙之支輔也積石園南頭是王母居周穆王云咸陽去此四十六萬里山高平地三萬六千里上有三角方廣萬里形似偃盆下狹上廣故名曰崑崙山三角其一角正北干辰之輝名曰閼風巔其一角正西名曰平圃堂其一角正東名曰崑崙宮其一角有積金爲天墉城面方千里城上安金臺五

所玉樓十二所其北戶山承淵山又有墉城金臺玉樓相鮮如流精之闕光碧玉之堂瓊華之室紫翠丹房錦雲燭日朱霞九光西王母之所治也真宮仙靈之所宗上通璿璣元氣流布五常玉衡理九天而調陰陽品物羣生希奇特出皆在於此天人濟濟不可具記此乃天地之根紐萬度之綱樞矣是以太上名山鼎於五方鎮地理也號天柱於珉城象綱輔也諸百川極深。水靈居之其陰難到故治無常處非如上陵而可得論爾乃天地設位物象之宜上聖觀方緣

形而著爾乃處乎風於西極坐王母於坤鄉昆吾鎮
於流澤扶桑植於碧津離合火生而光獸生於炎野
坎總衆陰是以仙都宅於海島艮位名山蓬山鎮於
寅丑巽體元女養巨木於長洲高風鼓於羣龍之位
暢靈符於瑕丘至妙乎深幽神難盡真人隱宅靈陵
所在六合之內豈唯數處而已哉此蓋舉其標末爾
臣朔所見不博未能宣通王母及上元夫人聖旨昔
曾聞之於得道者說此十洲大正靈阜皆是真仙隲
墟神官所治其餘山川萬端並無覲者矣其北海外

又有鐘山在北海之子地，隄弱水之北，一萬九千里，高一萬三千里，上方七千里，周旋三萬里，自生玉芝及神草四十餘種，上有金臺玉闕，亦元氣之所舍，天帝居治處也。鐘山之南有平邪山，北有蛟龍山，西有勁草山，東有束木山，四山並鐘山之枝幹也。四山高鐘山三萬里，官城五所，如一登四面山下望，乃見鐘山，爾四面山乃天帝君之城域也。仙真之人出入道經，自一路從平邪山東南入穴中，乃到鐘山北河門外也。天帝君總九天之維，貴無比焉。山源周廻，具有

四城之高，但當心有觀於崑崙也。昔禹治洪水，既畢，乃乘蹻車度弱水而到此山，祠上帝於北阿，歸大功於九天。又禹經諸五嶽，使工刻石識其里數高下，其字科斗書，非漢人所書。今丈尺里數皆禹時書也，不但刻剗五岳，諸名山亦然。刻山之獨高處爾，今書是臣朔所具見，其王母所道諸靈藪，禹所不履，唯書中夏之名山爾。臣先師谷希子者，太上真官也。昔授臣崑崙鐘山蓬萊山及神洲真形圖，昔來入漢，留以等知故人。此書又尤重於嶽形圖矣。昔也傳授年限正

同爾陛下。知道思微，甄心內向，天尊下降，並傳授寶秘。臣朔區區亦何嫌惜而不止所有哉？然術家幽其事，道法秘具師，術泄則事多疑。師顯則妙理散，願且勿宣臣之意也。

武帝欣聞，主說明年遂復從受諸真形圖，常帶之肘後。八節當朔拜靈書，以書求度脫焉。朔謂滑稽逆知，預觀帝心，故弄萬乘，傲公侯，不可得而師友，不可得而喜怒。故武帝不能盡至理於此人。

海內十洲記終

訓
訓

訓
訓

訓
訓

訓
訓

訓
訓

訓
訓

訓
訓

訓
訓

訓
訓

洞冥記序

富家世述道書推求先聖往賢之所
撰集不可窮盡千室不能藏萬乘不
能載猶有漏逸或言浮誕非政教所
同經文史官記事略而不取蓋偏
國殊方竝不在錄愚謂古曩餘事不

可得而棄况漢武帝明俊特異之主
東方朔因滑稽浮誕以匡諫洞心於
道教使冥迹之奧昭然顯著今籍舊
史之所不載者聊以聞見撰洞冥記
四卷成一家之書庶明博君子該而
異焉武帝以欲窮神仙之事故絕域

選方貢其珍異奇物及道術之人故
於漢世盛於羣主也故編次之云爾
東漢郭憲序

派實訓片

二

洞冥記總目

卷一

十一則

卷二

二十一則

卷三

二十二則

卷四

六則

六風

卷四

二十二風

卷五

二十一風

卷二

十一風

卷一

江表詩目錄

別國洞冥記卷一

漢 郭憲著 宜黃洪章煥校

漢武帝未誕之時。景帝夢一赤彘從雲中直下入崇蘭閣。帝覺而坐于閣上。果見赤氣如烟霧來蔽戶牖。望上有丹霞蓊鬱而起。乃改崇蘭閣爲猗蘭殿。後王夫人誕武帝于此殿。有青雀羣飛于霸城門。乃改爲青雀門。乃更修飾。刻木爲綺櫺。雀去。因名青綺門。東方朔字曼倩。父張夷。字少平。妻田氏女。夷年二百歲。顏如童子。朔生三日而田氏死。時景帝三年也。鄰

母拾而養之。三歲。天下秘識一覽。聞誦于口。居常指
撫天下。空中獨語。鄰母忽失朔。累月方歸。母笞之。後
復去。經年乃歸。母忽見大驚。曰。汝行經年一歸。何以
慰我耶。朔曰。兒至紫泥海。有紫水汚衣。仍過虞淵。溺
浣。朝發中返。何云經年乎。母問之。汝悉是何處行。朔
曰。兒溺衣竟。暫息都崇堂。王公飴之以丹霞漿。兒食
之太飽。悶幾死。乃飲元天黃露半合。卽醒。旣而還路。
遇一蒼虎。息于路傍。兒騎虎還。打捶過痛。虎噬兒脚。
傷母悲嗟。乃裂青布裳裹之。朔復去。家萬里。見一枯

樹脫布挂於樞。布化爲龍。因名其地爲布龍澤。朔以
元封中遊濛鴻之澤。忽見王母采桑於白海之濱。俄
有黃翁指阿母以告。朔曰。昔爲吾妻。託形爲太白之
精。今汝此星精也。吾却食吞氣已九千餘歲。目中瞳
子色皆青光。能見幽隱之物。三千歲一反骨洗髓。二
千歲一刻骨伐毛。自吾生已三洗髓五伐毛矣。

建元二年帝起騰光臺以望四遠。於臺上撞碧玉之
鍾。掛懸黎之磬。吹霜條之簫。唱來雲依日之曲。方朔
再拜於帝前曰。臣東遊萬林之野。獲九色鳳雛。涿源

丹瀨之水赤色。西過洞壑。得滄淵。虬子靜海遊珠洞。
壑在虞淵西。虬泉池在五柞宮北。中有追雲舟。起風
舟。侍仙舟。含烟舟。或以沙棠爲柁楫。或以木蘭文柘
爲櫓棹。又起五層臺於月下。

釣影山。去昭河三萬里。有雲氣。望之如山影。丹藿生
於影中。葉浮水上。有紫河萬里。深十丈。中有寒荷霜
下方香盛。有降靈壇。養靈池。分光殿五間。玉書室七
間。望蟾閣十二丈。上有金鍾。廣四尺。元封中有祇園
獻此鏡。照見魑魅。不獲隱形。

都夷香如棗核食一片則歷月不饑以粒如粟米許投水中俄而滿大盂也。

甘泉宮南昆明池中有靈波殿七間皆以桂爲柱風來自香帝旣耽於靈怪常得丹豹之髓白鳳之膏磨青錫爲屑以蘇油和之照於神壇夜暴雨光不滅有雙蛾如蜂赴火侍者舉麟鬚拂拂之。

元光中帝起壽靈壇壇上列植垂龍之木似青梧高十丈有朱露色如丹汁灑其葉地皆成珠其枝似龍之倒垂亦曰珍枝樹此壇高八尺帝使董謁乘雲霞

之輦以昇壇。至夜三更聞野鷄鳴。忽如曙。西王母駕
元鸞。歌春歸樂。謁乃聞王母歌聲而不見其形。歌聲
遶梁三匝乃止。壇傍草樹枝葉或翻或動。歌之感也。
四面列種軟棗。條如青桂。風至自拂堦上遊塵。

董謁字仲元。武都郁邑人也。少好學。嘗遊山澤。負挾
圖書。患其繁重。家貧。拾樹葉以代書簡。言其易卷懷
也。編荆爲牀。聚鳥獸毛以寢其上。
波祗國亦名波弋國。獻神精香草。亦名荃靡。一名春
蕪。一根百條。其間如竹節柔軟。其皮如絲可爲布。所

謂春蕪布亦名香荃布堅密如紈冰也握一片滿室皆香婦人帶之彌月芬馥

翁韓國獻飛骸獸狀如鹿青色以寒青之絲爲繩繫之及死帝惜之而不瘞掛於苑門皮毛皆爛朽惟骨色猶青時人咸知其神異更以繩繫其足往視之唯見所繫處存而頭尾及骨皆飛去

且露池西有靈池方四百步有連錢荇浮根菱倒枝藻連錢荇荇如錢文浮根菱根出水上葉沉波下實細薄皮甘香葉半青半黃霜降彌美因名青冰菱也

倒枝藻者枝橫倒水中長九尺餘如結網有野鴨秋
鳧及鷗鷺來翔水上入此草中皆不得出如繒網也
亦名水網藻中有轉羽舫凌龍舫凌波舫帝嘗遊宴
於此

洞冥記卷一終

洞冥記卷二

元鼎元年起招仙閣於甘泉宮西。編翠羽麟毫爲簾。青瑠璃爲扇。懸黎火齊爲床。其上懸浮金輕玉之磬。浮金者色如金。自浮於水上。輕玉者其質貞明而輕。有霞光繡。有藻龍繡。有連煙繡。有走龍錦。有雲鳳錦。鸞鴻錦。閣上燒荃靡香屑。燒粟許其氣三月不絕。進幄。幄細棗出。幄幄山。山臨碧海上。萬年一實。如今之軟棗。咋之有膏。膏可燃燈。西王母握以獻帝。燃芳似燈光。色紫有白鳳。黑龍鼻足來戲於閣邊。有青鳥赤

頭道路而下以迎神女。神女留玉釵以贈帝。帝以賜趙婕妤。至昭帝元鳳中。宮人猶見此釵。黃琳欲之。明日示之。既發匣。有白燕飛昇天。後宮人學作此釵。因名玉燕釵。言吉祥也。

元鼎五年。郅支國貢馬肝石百斤。常以水銀養之。內玉櫃中。金泥封其上。國人長四尺。惟餌此石而已。半青半白。如今之馬肝。舂碎以和九轉之丹。服之。彌年不饑渴也。以之拂髮。白者皆黑。帝坐羣臣於甘泉殿。有髮白者。以石拂之。應手皆黑。是時公卿語曰。不用

作方伯。惟須馬肝石。此石酷烈不和丹砂不可近髮。
帝寢靈莊殿。召東方朔於青綺窓。不隔綈執重幕。問
朔曰。漢承庚運火德。以何精瑞爲祥應。朔跪而對曰。
臣常過吳明之墟。是長安東過扶桑七萬里有及雲
山。山頂有井。雲起井中。若土德王黃雲出。火德王赤
雲出。水德王黑雲出。金德王白雲出。木德王青雲出。
此皆應瑞德也。帝曰善。

元封中起方山像。招諸靈異。召東方朔言其秘奧。乃
燒天下異香。有沉光香。精祇香。明庭香。金磬香。塗魂

香外國所貢精檀之燈。青檀木。有膏如淳漆。削置器中。以蠟和之。塗布。燃照數里。

起神明臺。上有九天道。金牀。象席。虎珀鎮。雜玉爲簾。帝坐良久。設甜水之冰。以備沐浴。酌瑤琨碧酒。炮青豹之脯。果則有塗陰紫梨。琳國碧李。仙衆與食之。吠勒國貢文犀。四頭狀如水兕。角表有光。因名明星。置暗中有光影。亦曰影犀。織以爲簾。如錦綺之文。此國去長安九千里。在日南。人長七尺。被髮至踵。乘犀象之車。乘象入海底取寶。宿於鯨人之舍。得淚珠則

鮫所泣之珠也。亦曰泣珠。甜水去虞淵八十里。有甜
溪水。味如蜜。東方朔遊此水。得數斛。以獻帝。投水於
井。井常甜。而寒洗沐。則肌理柔滑。

瑤琨去玉門九萬里。有碧草如麥。割之以釀酒。則味
如醇酎。飲一合。三旬不醒。但飲甜水。隨飲而醒。

塗山之背。梨大如升。或云斗。紫色。千年開花。亦曰紫
輕梨。

琳國去長安九千里。生玉葉李。色如碧玉。數十年一
熟。味酸。昔韓終常餌此李。因名韓終李。

元封三年大秦國貢花蹄牛其色駁高六尺尾環繞其身角端有肉蹄如蓮花善走多力帝使輦銅石以起望仙宮跡在石上皆如花形故陽關之外花牛津時得異石長十丈高三丈立於望仙宮因名龍鍾石武帝末此石自陷入地唯尾出土上今人謂龍尾墩也

帝好微行於長安城西夜見一螭遊於路董謁曰昔桀媚末喜於膝上以金簪貫玉螭腹爲戲今螭腹餘金簪穿痕得罪此耶曰白龍魚鱗網者食之帝曰試

我也。

元封四年脩彌國獻駁騾。高十尺。毛色赤斑。皆有日月之象。帝以金埏爲鎖絆。以寶器盛芻以飼之。

元封五年。勒畢國貢細鳥。以方尺之玉籠。盛數百頭。形如大蠅。狀似鸚鵡。聲聞數里之間。如黃鵠之音也。國人常以此鳥候時。亦名曰候日蟲。帝置之於宮內。旬日而飛盡。帝惜求之不復得。明年見細鳥集帷幕。或入衣袖。因名蟬宮。內嬪妃皆悅之。有鳥集其衣者。輒蒙愛幸。至武帝末。稍稍自死。人猶愛其皮。服其皮。

者多爲丈夫所媚。

勒畢國人長三寸有翼善言語戲笑因名善語國常羣飛徃日下自曝身熱乃歸飲丹露爲漿丹露者口初出有露汁如珠也。

大初二年東方朔從西郡汗國歸得聲風木十枝獻帝長九尺大如指此木臨因桓之水則禹貢所謂因桓是也其源出甜波樹上有紫燕黃鵠集其間實如油麻風吹枝如玉聲因以爲名帝以枝遍賜羣臣臣有啗者枝則汗臣有死者枝則折昔老聃在於周世

七百歲枝竟未汗。偃臥生於堯時。年三千歲。枝竟未一折。帝乃以枝問朔。朔曰。臣已見此枝三過而枯而復生。豈汗折而已哉。語曰。年未半。枝不汗。此木五千年一汗。萬歲不枯。

太初三年起甘泉望風臺。臺上得白珠如花一枝。帝以錦蓋覆之。如照月矣。因名照月珠。以賜董偃。盛以琉璃之筐。

太初四年東方朔從支墀國來。國人長三丈二尺。三手三足。各三指。多力善走。國內小山能移之。有澗泉。

飲能盡。結海管爲衣。其戲笑。取羶氣相投擲爲樂。
東方朔遊結雲之地。得神馬一疋。高九尺。帝問朔是
何獸也。朔曰。昔西王母乘靈光輦以適東王公之舍。
稅此馬遊於芝田。乃食芝田之草。東王公怒。棄馬于
清津天岸。臣至王公之壇。因騎馬返。繞日三匝。然入
漢關。關猶未掩。臣於馬上睡。不覺而至。帝曰。其名云
何。對曰。因疾爲名。步景朔當乘之時。如驚蹇之驢耳。
東方朔曰。臣有吉雲草十種。種於九景山東二千歲
一花。明年應生。臣走請刈之。得以秣馬。馬終不飢也。

朔曰臣至東極過吉雲之澤。多生此草。移於九景之山。全不如吉雲之地。帝曰何謂吉雲。朔曰其國俗以雲氣占吉凶。若樂事則滿室雲起。五色照人。著於草樹。皆成五色。露珠甚甘。帝曰吉雲露可得乎。朔方東走。至夕而返。得元露青露。盛青琉璃。各受五合。跪以獻帝。遍賜羣臣。羣臣得嘗者。老者皆少。疾者皆愈。凡五官嘗露。董謁。李克。孟岐。郭瓊。黃安也。李克。馮翊人也。自言三百歲。荷草畚。負五岳真圖而至。帝禮待之。亦號負圖先生也。

孟岐河清之逸人也。年可七百歲。語及周初事。了然如目前。岐侍周公昇壇上。岐以手摩成王足。周公以玉笏與之。岐嘗寶執。每以衣袂拂拭。笏厚七分。今銳斷恒切。桂葉食之。聞帝好仙。拔草蓋而來謁帝焉。郭瓊東郡人也。形貌醜劣。而意度過人。曾宿人家。輒乞薪自照讀書。晝眠。眼不閉。行地無迹。帝聞其異。徵焉。

黃安代郡人也。爲代郡卒。自云卑猥。不獲處人間。執鞭懷荆。而讀書。畫地以記數。日久地成池矣。時人謂

黃安年可八十餘。視如童子。常服朱砂。舉體皆赤。冬
不着裘。坐一神龜。廣二尺。人問子坐此龜幾年矣。對
曰。昔伏羲始造網罟。獲此龜。以授吾。吾坐龜背已平
矣。此龜畏日月之光。二千歲卽一出頭。吾坐此龜已
見五出頭矣。行卽負龜以趨。世人謂黃安萬歲矣。

洞冥記卷三

天漢二年帝昇蒼龍閣思仙術召諸方士言遠國遐方之士唯東方朔下席操筆跪而進帝曰大夫爲豈言乎朔曰臣遊北極至種火之山日月所不照有青龍銜燭火以照山之四極亦有園圃池苑皆植異木異草有明莖草夜如金燈折枝爲炬照見鬼物之形仙人甯封常服此草於夜暝時轉見腹光通外亦名洞冥草帝令剉此草爲泥以塗雲明之館夜坐此館不加燈燭亦名照魅草以藉足履水不沉

有夢草。似蒲。色紅。晝縮入地。夜則出。亦名懷夢。懷其
葉。則知夢之吉凶。立驗也。帝思李夫人之容不可得。
朔乃獻一枝。帝懷之。夜果夢夫人。因改曰懷夢草。
有鳳葵草。色丹。葉長四寸。味甘。久食。令人身輕肌滑。
赤松子餌之三歲。乘黃蛇入水。得黃珠一枚。色如真
金。或言是黃蛇之卵。故名蛇珠。亦名銷疾珠。語曰。寧
失千里駒。不失黃蛇珠。

有五味草。初生味甘。花時味酸。食之使人不眠。名曰
却睡草。末多國獻此草。此國人長四寸。織鱗毛爲布。

以文石爲牀。人形雖小而室宇崇曠。織鳳毛錦。以錦爲帷幕也。

鳥哀國有龍爪薤。長九尺。如玉。煎之有膏。以和紫桂爲丸服一粒。千歲不飢。故語曰。薤和膏。身生毛。

有掌中芥。葉如松子。取其子置掌中吹之而生。一吹長一尺。至三尺而止。然後可移於地上。若不經掌中吹者。則不生也。食之能空中孤立。足不躡地。亦名躡空草。

帝常見彗星。東方朔折指星之木。以授帝。帝以木指

彗星星後則尋也。星出之夜。野獸皆鳴。別說謂之獸鳴星。

有紫柰。大如斗。甜如蜜。核紫。花青。研之有汁如漆。可染衣。其汁着衣。不可湔浣。亦名闡衣柰。

有龍肝瓜。長一尺。花紅。葉素。生於水谷。所謂水谷素葉之瓜。仙人瑕丘仲採藥得此瓜。食之千歲不渴。瓜上恒如霜雪。刮嘗如蜜滓。及帝封泰山。從者皆賜水谷素葉之瓜。帝解鳴鴻之刀。以賜朔。刀長三尺。朔曰。此刀黃帝采首山之銅鑄之。雄已飛去。雌者猶存。帝

臨崩舉刀以示朔。恐人得此刀欲銷之。刀於手中化爲鵲赤色飛去雲中。

有鵲銜火於清溪之上。鵲化成龍。

西域獻火龍。高七尺。映目。看之光如聚炬火。有童子遙見有黃鵠白首鼓翅於帝前。卽方朔着黃綾單衣。頭已斑白。漢朝皆異其神化而不測其年矣。

善苑國嘗貢一蟹。長九尺。有百足四螯。因名百足蟹。煮其殼。勝於黃膠。亦謂之螯膠。勝於鳳喙之膠也。

帝嘗夕望東邊有青雲起。俄而見雙白鵠集臺之上。

倏忽變爲二神女。舞於臺。握鳳管之簫。撫落霞之琴。
歌青吳春波之曲。帝舒閭海元落之席。散明天發日
之香。香出胥池寒國。地有發日樹。言日從雲出。雲來
掩日。風吹樹枝拂雲。開日光也。亦名開日樹。樹有汁
滴如松脂也。

有元都翠水。水中有菱。碧色。狀如鷄飛。亦名翔鷄菱。
仙人臯伯子常遊翠水之涯。采菱而食之。令骨輕。舉
身生毛羽也。

有遠飛鷄。夕則還依人。曉則絕飛。四海朝往夕還。常

銜桂枝之實歸於南山。或落地而生高七八尺。衆仙
奇愛之。剉以釀酒。名曰桂醪。嘗一滴舉體如金色。陸
通嘗餌黃桂之酒。祝鷄公善養鷄。得遠飛。鷄之卵伏
之名曰翻明鷄。如鵠大。色紫有翼。翼下有目。亦曰目
羽鷄。

帝於望鵠臺西起俯月臺。臺下穿池廣千尺。登臺以
眺。月影入池中。使仙人乘舟弄月影。因名影娥池。亦
曰眺蟾臺。酌雲菹酒。菹以元草黑蕨金蒲甜蓼。果以
青櫻龍瓜白芋紫莖寒蕨。地花氣葛。此葛於地下生。

花入地十丈乃得此葛。其根倒出。亦名金虎鬚草。因名紫鬚葛也。

影娥池中有遊月船。觸月船。鴻毛船。遠見船。載數百人。或以青桂之枝爲擢。或以木蘭之心爲檝。練實之竹爲篙。紉石脉之爲繩纜也。石脉出晡東國。細如絲。可縋萬斤。生石裏。破石而後得此脉。縈緒如麻紵也。名曰石麻。亦可爲布也。

影娥池中有鼃龜。望其羣出岸上。如連壁弄於沙岸也。故語曰。夜未央。待龜黃。

影娥池北作鳴禽之苑。有生金樹。破之皮間有屑如金而色青。亦名青金樹。

有司夜鷄。隨鼓節而鳴不息。從夜至曉。一更爲一聲。五更爲五聲。亦曰五時鷄。

有喜日鵝。至日出時銜翅而舞。又名曰舞日鵝。

有升菡鴨。赤色。每止於芙蓉上。不食五穀。唯啣葉上垂露。因名垂露鴨。一名丹毛鳧。

有女香樹。細枝葉。婦人帶之。香終年不減。

洞冥記卷三終

卷三

...

...

...

...

...

...

...

...

洞冥記卷四

武帝末年。彌好仙術。與東方朔狎暱。帝曰。朕所好甚者。不老。其可得乎。朔曰。臣能使少者不老。帝曰。服何藥耶。朔曰。東北有地。日之草。西南有春生之草。帝曰。何以知之。朔曰。三足鳥數下地。食此草。義和欲馭以手。揜鳥目。不聽下也。食草能不老。他鳥獸食此草。則美。悶不能動矣。帝曰。子何以知乎。朔曰。臣小時掘井。陷落地下。數十年。無所託寄。有人引臣欲往此草中。隔紅泉。不得渡。其人以一隻屐與臣。臣泛紅泉。得至。

此草之處。臣采而食之。其國人皆織珠玉爲業。邀臣入雲煥之幕。設元珉雕枕。刻黑玉銅鏤爲日月雲霄之狀。亦曰縷雲枕。又薦蛟毫之白褥。以蛟毫織爲褥也。此毫柔而冷。常以夏日舒之。因名柔毫褥。又有水藻之屏。臣舉手拭之。恐水流濕其席。乃其光也。

帝所幸宮人。名麗娟。年十四。玉膚柔軟。吹氣勝蘭。不欲衣纓拂之。恐體痕也。每歌。李延年和之於芝生殿。唱迴風之曲。庭中花皆翻落。置麗娟於明離之帳。恐塵垢污其體也。帝常以衣帶縛麗娟之袂。閉於重幕。

之中。恐隨風而去也。麗娟以琥珀爲佩。置衣裾裏。不使人知。乃言骨節自鳴。相與爲神怪也。

有丹蝦長十丈。鬚長八尺。有兩翅。其鼻如鋸。載紫桂之林。以鬚纏身。急流以爲栖息之處。馬丹嘗折蝦鬚爲杖。後棄杖而飛。鬚化爲丹。亦在海傍。

帝昇望月臺時。暝望南端。有三青鴨羣飛。俄而止於臺上。帝悅之。至夕。鴨宿於臺端。日色已暗。帝求海肺之膏。以爲燈焉。取靈潁布爲纏。火光甚微。而光色無幽不人。青鴨化爲三小童。皆着青緒文繡。各握鯨文。

大錢五枚。置帝几前。身止影動。因名輕影錢。

元封三年。數過國。獻能言龜一頭。長一尺二寸。盛以青玉匣。廣一尺九寸。匣上豁一孔以通氣。東方朔曰。唯承桂露以飲之。置於通風之臺上。欲往卜命。朔而問焉。言無不中。

唯有一女人。愛悅於帝。名曰巨靈。帝傍有青珉唾壺。巨靈乍出入其中。或戲笑帝前。東方朔望見巨靈。乃目之。巨靈因而飛去。望見化成青雀。因其飛去。帝乃起青雀臺。時見青雀來。則不見巨靈也。

右別國洞冥記四卷漢光祿勳郭憲撰憲汝南人
卽所謂關東觥觥郭子橫者也出處大節具見本
傳徒以撰酒厭火一事降入方術是固儼人不於
其倫已好事者因依爲此記并託憲自序言漢武
明雋特異之主東方朔因滑稽浮誕以匡諫洞心
於道教使沉奧之跡昭然顯著故曰洞冥然則此
書殆卽祖述神異經十洲記而作者也通考又載
有洞冥記拾遺一卷陳氏謂於御覽中抄出則四
卷亦非全書凡若是者藏書之家備名數而已無

之不足爲損有之不足爲益况於詳略尤非所計
可謂知言可以蔽諸小說矣汝上王謨識

枕中書

晉 葛洪著

瀘溪周 濂校

洪歷觀天地之寶藏。上聖之宮第。至上之尊神。仙圖
記猶未知極妙之根。以去月乙丑夜半。靜齋于羅浮
山。忽驚風駭起。香馥亂芳。龍鳴虎嘯。躑躅空中。有頃
之間。紫雲覆林。忽見一真人。眼瞳正方。項負圓光。天
顏絕世。乘白麟之車。建九旄之節。腰帶瓊文鳳繡之
錦。旂頭載六通之冠。年可二十許。侍者執夜光之火
玉羽衛。可有千人。自號元都太真王。問曰。子是葛洪

乎何爲而希長存。洪稽首披陳。長跪執禮。神告余曰。子是籍九天之嘉慶。乘運挺英。復千年之後。太清有仙伯之名。今當遠變去世。卜宅西鄉。相携於太華之上。丹宮之中。且還時朝。以龍淵代身。密乎寂往。莫識今真子窮翫墳典。聰秀逸羣。解滯悟惑。可謂妙才矣。但未知真仙之宮第。上聖之所由耳。吾今行矣。相告計共事不復爲久也。洪因伏叩頭。於是真人卽令侍者執筆。擘紙。口授妙言。旣畢。左手授與洪云。吾往方丈簡仙宮。致復相過。子勗之焉。吾去矣。見駕乘輿而

乃失所在也。

真書曰。昔二儀未分。溟滓鴻濛。未有成形。天地日月未具。狀如雞子。混沌元黃。已有盤古真人。天地之精。自號元始。天王遊乎其中。溟滓經四劫。天形如巨蓋。上无所係。下无所依。天地之外。遼屬無端。元元太空。無響無聲。元氣浩浩。如水之形。下無山嶽。上無列星。積氣堅剛。大柔服維。天地浮其中。展轉無方。若無此氣。天地不生。天者如龍。旋迴雲中。復經四劫。二儀始分。相去三萬六千里。崖石出血成水。水生元蟲。元蟲

生濱牽生剛須。剛須生龍元。始天王在天中心之上。
名曰玉京山。山中宮殿並金玉飾之。常仰吸天氣。俯
飲地泉。復經二劫。忽生太元玉女。在石澗積血之中。
出而能言。人形具足。天姿絕妙。常遊厚地之間。仰吸
天炁。號曰太元聖母。元始君下遊見之。乃與通氣。結
精。招還上宮。當此之時。二氣細縕。覆載氣息。陰陽調
和。无熱无寒。天得一以清。地得一以寧。並不復呼吸。
宣氣合會相成。自然飽滿。大道之興。莫過于此。結積
堅固。是以不朽。金玉珠者。天地之精也。服之。服與天

地相畢元始君經一劫乃一施太元母生天皇十三
頭治三萬六千歲書爲扶桑大帝東王公號曰元陽
父又生九光元女號曰太真西王母是西漢夫人天
皇受號十三頭後生地皇地皇十一頭地皇生人皇
九頭各治三萬六千歲聖真出見受道天无爲建初
混成天任於令所傳三皇天文是此所宜故能召請
天上大聖及地下神靈无所不制故天真皇人三天
真王駕九龍之輿是也次得八帝大庭氏庖羲神農
祝融五龍氏等是其苗裔也今治五嶽是故道隆上

代弊極三王。三王夏禹殷湯周武也。是以淳風旣澆。易變而禮興。禮爲亂首也。周末陽弱而陰強。國多寡婦。西戎金兵起而異法興焉。旣而九州湮沒。帝業荒蕪。此言驗也。後來方有此事。道隆之代。其人混沌異法之盛。人民猾僞也。洪曰。此事元遠。非凡學所知。吾以庸才。幸遭上聖。眎目論天地之奧。藏暢至妙之源。本輒條所誨。銘之于素。以爲絕思矣。夫無心分之人。真勿以此元始告之也。故置遺跡示乎世之賢耳。

記曰。元都玉京七寶山。週廻九萬里。在大羅之上。

上寶宮內七寶臺有上中下三宮如一宮
面二百四十門方坐八行寶林綠葉采實五色
有萬二千種芝沼中蓮花徑度十丈上宮是
古真人元始天王太元聖母所治中宮太上真人金
闕老君所治下宮九天真皇三天真王所治玉京有
八十一萬天路通八十一萬山嶽洞室夫以得道大
聖衆並賜其宮第居宅皆七寶宮闕或在名山山嶽
羣真所居都有八十一萬處古今有言九九八十一
是終天路玉京山也上仙受天任者一日三朝元都

太真人也。雖有億萬里。往還如一步耳。世人安知此哉。衆仙或有曰。三朝扶桑公。或三朝西王母。玉京金闕。是太上真人。月三朝元始天王。太上真人。元始之弟子。皆如帝王有司徒丞相也。金闕老子。太上弟子也。扶桑大帝。元始陽之氣治東方。故世間帝王之子。應東宮也。

西漢九光夫人始陰之氣治西方。故曰木公金母。天地之尊神。元氣鍊精。生育萬物。調和陰陽。光曜日月。矣。不由之。精神長存。命則无終。抱一不離。故能長久。

天失陰陽。水旱不節。人失陰陽。神根命竭。世人不能保一守三。修生反死。固其宜矣。可後怨耶。吾復千年之間。當招子登太上金闕朝宴玉京也。此電頃未足爲久。今且可浮遊五嶽。採靈芝。尋隱仙之友。逍遙無爲。吾言信可望哉。

扶桑大帝住在碧海之中。宅地四面並方三萬里。上有太真宮。碧玉城。萬里多生林木。葉似桑。又有樵樹長數千丈。二十圍。兩同根偶生。更相依倚。名爲扶桑宮。第象玉京也。衆仙無量數。元洲方丈諸羣仙未昇。

者在此。去會稽岸六萬里。太清仙伯太上丈人所治。蓬萊山對東大海之東北岸。山週迴五千里。溟海中濤浪衝天。九氣丈人所治。

崑崙元圃。金爲墉。城四方千里。城上安金臺五所。玉樓十二。瓊華之屋。紫翠丹房。七寶金玉。積之連天。巨獸萬尋。靈香億千。西王母九光所治。羣仙无量也。廣成丈人。今爲鍾山真人。九天仙王。漢時四皓仙人。安期彭祖。今並在此輔焉。

容成子。力墨子。爲岷山真人。今元子五子。爲岷山侯。

太昊氏爲青帝治岱宗山。顓頊氏爲黑帝治太恒山。
祝融氏爲赤帝治衡霍山。軒轅氏爲黃帝治嵩高山。
金天氏爲白帝治華陰山。

右五氏爲五帝。

堯治熊耳山。舜治積石山。禹治蓋竹山。湯治元極山。
青鳥治長山。及馮修山長。

右五人爲五帝佐相領五帝事。五帝一劫遷佐者
代焉。

許由巢父今爲九天侍中箕山公。夏啓周發受書爲

田極明公或住羅鄧或在洞天三周大者爲降陵真人二人並在金華山漢高祖光武並爲四明賓友周靈王令爲太虛侍郎治波龍山樂子長闔家得仙未昇天任並住方丈之室神洲受太元生籙五芝爲糧也郭景純爲都錄司命治虛臺也左元放今爲天柱真人監仙侯葛元受金闕君命爲太極左仙公治蓋竹山又在女兒山常駕乘虎騎也許映始爲霍林仙入許穆在華陽洞天立宅爲真人許玉斧在童初之

立爲真人未有掌領鮑靚爲地下主者帶潛山真

人復五百年當爲崑崙兵侍郎鄭思遠住南霍常乘虎
豹白鹿未有職事蔡鬱壘爲東方鬼帝治桃止山張
衡楊雲爲北方鬼帝治羅酆山杜子仁爲南方鬼帝
治羅浮山領羌蠻鬼周乞稽康爲中央鬼帝治抱犢
山趙文和王真人爲西方鬼帝治嶓冢山

夫地仙遊五嶽朝朝西王母夕憇鍾山嶽雖未昇天
此觀樂亦難言也及童初之府易遷之宮唯有此樂
也。名山之中年年有仙去者。世人不見不信神仙可
哀嘆也。夫學不顧軀命心志清白者吾未見虛往也。

或修之不勤。勤而不除貪慾之樂。三業十惡未改。猶抱石而赴長津矣。

吳越及梁益風氣清貞。故多仙人。是以成都之境。丹陽之域。會稽之東南。天路所衝。善宜修尚也。凡此衆仙及命過受書者。巨衆不可具記。在小嶽之中者。亦畧舉之也。

鬼谷先生爲太元師。治青城山。王子喬爲金闕侍中。治桐栢山。赤松爲崑林仙伯。治南嶽山。王子登爲小。有天王。治王屋山。孤竹伯夷叔齊等並爲九天僕。

治天台山，孔丘爲太極上真公，治九疑山，顏回受書，
初爲明泉侍郎，後爲三天司真，七十二人受名，元洲，
門徒三千，不經北，鄠之門，項儀山爲蓬萊司馬，周公，
且爲北帝師，治勁華山，莊周爲太元博士，治在荆山，
孫權受任，治亦在荆山，張道陵爲三天法師，統御六，
虛，數侍金闕，太上之股肱，治在廬山，三師同宅，王方，
平今爲上相，治月支國人鳥山，墨翟爲太極仙卿，治，
馬跡山，徐來勒爲太極真，治括蒼山，小宮在天台山，
陳世安治小台山，嚴君平今治在峨嵋山，屈原爲海

伯統領八海，王弼爲北海監，郭聲子爲閭風真人，魏夫人治南嶽山，裴清靈治四明山，馬明生今在鍾山，陰長生爲地肺真人，孫登閭丘真人，九華真妃治夏蓋山，或在龍山，王長趙昇受書爲廬山中正，一三天都護韓衆今爲霍林真人，瑯琊爲太虛左掾侍史，三茅爲保命定錄司，非監在華陽洞府治北，居棲憩包山，有數千小山，亦不減百，皆是神山，今略證仙人之數，足以令子心堅仰慕矣，祕之勿宣，若高賢心馳，額外子去世之際，可緘以示之，苟行業不建，德務不

才終天元令見也。凡青嶂之裏。千嶺之際。仙人无
聖與世人比肩而不知。凡人有因緣者。或在深山迷
誤入仙家。使爲仙洞玉女所留。請先功厚也。初學道
不必入山。閉門勤修。不雜人物。長齋執志。或清香灑
掃。亦能降真矣。魏夫人許氏之徒。皆其流也。要當摺
拾方術真書。良久傳影。響龕應。便當絕逆耳。若出入
人間。覓拾山谷事。緣衣服飲食。不須與世交。當有異
矣。外和光同塵。內守其真一。斯言之妙也。

右葛洪枕中書一卷始載陶氏說郭唐宋叢書采
入子餘按唐志神仙家亦載有枕中素書一卷而
不詳撰人未知卽此書否也若隋志謂道經者云
有元始天尊生於太元之先稟自然之氣冲虛凝
遠莫知其極所以說天地淪壞劫數終盡略與佛
經同而以天尊之體常存不滅每至天地初開或
在玉京之上或在窮桑之野授以祕道謂之開劫
非一度矣今洪此書自云得授上真亦有元始四
劫二劫玉京扶桑之論與道經相應則固不可以

常理測矣至言三皇五帝及諸聖賢皆爲仙官主
治某山又多與陶宏景真靈位業圖合而說較有
原委要其荒誕不經駭人耳目不過與神異洞冥
諸書等耳姑從唐宋叢書采錄於此汝上王謨識

佛國記

晉 釋法顯

南昌許旭恭校

法顯昔在長安。慨律藏殘缺。於是遂以宏始二年。歲在己亥。與慧景道整。慧應。慧鬼等同契。至天竺尋求戒律。初發跡長安度隴。至乾歸國。夏坐。夏坐訖。前行至犍檀國。度養樓山。至張掖鎮。張掖大亂。道路不通。張掖王慙懃。遂留爲作檀越。於是與智嚴。慧簡。僧紹。寶雲。僧景等相遇。欣於同志。便共夏坐。夏坐訖。復進到燉煌。有塞東西可八十里。南北四十里。其停一月。

餘日法顯等五人隨使先發。復與寶雲等別。燉煌太守李浩供給度沙河。沙河中多有惡鬼熱風。遇則皆死。無一全者。上無飛鳥。下無走獸。遍望極目。欲求度處。則莫知所擬。唯以死人枯骨爲標幟耳。行十七日。計可千五百里。得至鄯善國。其地崎嶇。薄瘠。俗人衣服。麤與漢地同。但以氍毹爲異。其國王奉法。可有四千餘僧。悉小乘學。諸國俗人及沙門。盡行天竺法。但有精麤。從此西行。所經諸國。類皆如是。唯國國胡語不同。然出家人皆習天竺書天竺語。住此一月。日復

西北行十五日到烏爨國。烏爨國僧亦有四千餘人。皆小乘學。法則齊整。秦土沙門至彼都不預其僧例。法顯得符行堂公孫經理。住二月餘日。於是還與寶雲等。其爲烏爨國人。不修禮義。遇客甚薄。智嚴慧簡慧鬼遂返向高昌。欲求行資。法顯等蒙符公孫供給。遂得直進西南行。路中無居民。涉行艱難。所經之苦。人理莫比。在道一月五日。得到于闐。其國豐樂。人民殷盛。盡皆奉法。以法樂相娛。衆僧乃數萬人。多大乘學。皆有衆食。彼國人民星居。家家門前皆起小塔。最

小者可高二丈許作四方僧房供給客僧及餘所須
國主安堵法顯等於僧伽藍僧伽藍名瞿摩帝是大
乘寺三千僧共鍵槌食入食堂時威儀齊肅次第而
坐一切寂然器鉢無聲淨人益食不得相喚但以手
指麾慧景道整慧達先發向竭叉國法顯等欲觀行
像停三月日其國中十四大僧伽藍不數小者從四
月一日城裏便掃灑道路莊嚴巷陌其城門上張大
幃幕事事嚴飾王及夫人采女皆住其中瞿摩帝僧
是大乘學王所敬重最先行像離城三四里作四輪

像車高三丈餘。狀如行殿。七寶莊校。懸繒幡蓋。像立車中。二菩薩侍作諸天侍從。皆金銀彫瑩。懸於虛空。像去門百步。王脫天冠。易著新衣。徒跣持華香翼從。出城迎像。頭而禮足。散華燒香。像入城。時門樓上夫人采女。搖散衆華紛紛而下。如是莊嚴供具。車車各異。一僧伽藍則一日行像。四月一日爲始。至十四日行像。乃訖。行像訖。王及夫人乃還宮耳。其城西七八里有僧伽藍。名王新寺。作來八十年。經三王方成。可高二十五丈。彫文刻鏤。金銀覆上。衆寶合成。塔後作

佛堂莊嚴妙好。梁柱戶扇窗牖皆以金薄。別作僧房。亦嚴麗整飾。非言可盡。嶺東六國諸王。所有上價寶物。多作供養人用者。少。旣過四月。行像僧紹一人。隨胡道人向罽賓。法顯等進向子合國。在道二十五日。便到其國。國王精進。有千餘僧。多大乘學。住此十五日。已於是南行。四日入葱嶺山。到於摩國安居。安居已止。行二十五日。到竭叉國。與慧景等合。值其國王作般遮越師。般遮越師。漢言五年大會也。會時請四方沙門皆來雲集。已莊嚴衆僧坐處。懸繪幡蓋。作金

銀蓮華著繒座後鋪淨坐具王及羣臣如法供養或
一月二月或三月多在春時王作會已復勸諸羣臣
設供供養或一日二日三日五日供養都畢王以所
乘馬鞍勒自副使國中貴重臣騎之并諸白氎種種
珍寶沙門所須之物其諸羣臣發願布施布施已還
從僧贖其地山寒不生餘穀唯熟麥耳衆僧受歲已
其晨輒霜故其王每讚衆僧令麥熟然後受歲其國
中有佛唾壺以石作色似佛鉢又有佛一齒國人爲
佛齒起塔有千餘僧盡小乘學自山以東俗人被服

麋類。秦土亦以氈褐爲異。沙門法用轉轉勝。不可具記。其國當葱嶺之中。自葱嶺已前。草木果實皆異。唯竹及安石榴甘蔗三物與漢地同耳。從此西行向北天竺。在道一月。得度葱嶺。葱嶺冬夏有雪。又有毒龍。若失其意。則吐毒風。雨雪飛沙礫石。遇此難者。萬無一全。彼土人人卽名爲雪山人也。度嶺已。到北天竺。始入其境。有一小國名陀歷。亦有衆僧。皆小乘學。其國昔有羅漢。以神足力。將一巧匠。上兜術天觀彌勒。菩薩長短色貌。還下刻木作像。前後三上。觀然後乃

成像長八丈足跌八尺。齋日常有光明。諸國王競興
供養。今故現在於此。順嶺西南行十五日。其道艱阻。
崖岸險絕。其山唯石壁立千仞。臨之目眩。欲進則投
足無所。下有水名新頭河。昔人有鑿石通路。施傍梯
者。凡度七百度。梯已躡。懸絙過河。河兩岸相去減八
十步。九驛所記。漢之張騫。甘英皆不至。衆僧問法顯。
佛法東過。其始可知耶。顯云。訪問彼土人。皆云。古老
相傳。自立彌勒菩薩像後。便有天竺沙門賁經律過
此河者。像立在佛泥洹後三百許年。計於周氏平王

時由茲而言。大教宣流。始自此像。非夫彌勒大士。繼軌釋迦。熟能令三寶宣通。邊人識法。固知冥運之開。本非人事。則漢明之夢有由而然矣。渡河便到烏菴國。烏菴國是正北天竺也。盡作中天竺語。中天竺所謂中國。俗人衣服飲食。亦與中國同。佛法盛甚。名衆僧住止處。爲僧伽藍。凡有五百僧伽藍。皆小乘學。若有客比丘。到悉供養三日。三日過已。乃令自求所安。常傳言。佛至北天竺。卽到此國已。佛遺足跡於此。跡或長或短。在人心念。至今猶爾。及曬衣石。度惡龍處。

亦悉現在。石高丈四。闊二丈許。一邊平。慧景道整。連三人先發。向佛影那竭國。法顯等住此國。夏坐坐。訖南下。到宿呵多國。其國佛法亦盛。昔天帝釋試菩薩。化作鷹。鵠割肉。貿鵠處。佛卽成道。與諸弟子遊行。語云。此本是吾割肉。貿鵠處。國人由是得。知於此處起塔。金銀校飾。從此東下五。日行到犍陀衛國。是阿育王子法益所治處。佛爲菩薩時。亦於此國以眼。施人。其處亦起大塔。金銀校飾。此國人多小乘學。自此東行七日。有國名竺剎尸羅。竺剎尸羅。漢言截頭也。

佛爲菩薩時。於此處以頭施人。故因以爲名。復東行二日至投身餓餓虎處。此二處亦起大塔。皆衆寶校飾。諸國王臣民競興供養。散華然燈。相繼不絕。通上二塔。彼方人亦名爲四大塔也。從犍陀衛國南行四日。到弗樓沙國。佛昔將諸弟子遊行此國。語阿難云。吾般泥洹後。當有國王名剎膩伽。於此處起塔。後膩伽王出世。出行遊觀。時天帝釋欲開發其意。化作牧牛小兒。當道起塔。王問言。汝作何等。答曰。作佛塔。王言大善。於是王卽於小兒塔上起塔。高四十餘丈。衆

寶校飾。凡所經見塔廟。壯麗威嚴。都無此比。傳云。閼
浮提塔。唯此爲上。王作塔成。已小塔。卽自傍出大塔。
南高三尺許。佛鉢卽在此國。昔月氏王大興兵衆來
伐此國。欲取佛鉢。旣伏此國已。月氏王篤信佛法。欲
持鉢去。故興供養。供養三寶畢。乃校飾大象。置鉢其
上。象便伏地。不能得前。更作四輪車載鉢。八象共牽。
復不能進。王知與鉢緣未至。深自愧歎。卽於此處起
塔。及僧伽藍。并留鎮守。種種供養。可有七百餘僧。日
將中衆僧。則出鉢與白衣等。種種供養。然後中食。至

暮燒香時復爾。可容二斗許。雜色而黑多。四際分明。厚可二分。瑩徹光澤。貧人以少華投中。便滿。有大富者。欲以多華而供養。正復百千萬斛。終不能滿。寶雲僧景只供養佛鉢。便還。慧景慧達道整。先向那竭國供養佛影佛齒及頂骨。慧景病。道整住看慧達一人。還於弗樓沙國相見。而慧達寶雲僧景遂還秦土。慧景應在佛鉢寺無常。由是法顯獨進。向佛頂骨所。西行十六由延。便至那竭國界。臨羅城中。有佛頂骨精舍。盡以金薄七寶校飾。國王敬重頂骨。慮人抄奪。乃

取國中豪姓八人人持一印。印封守護。清晨八人俱到。各視其印。然後開戶。開戶已。以香汁洗手。出佛頂骨。置精舍外高座上。以七寶圓碓。碓下琉璃鍾覆。上皆珠璣校飾。骨黃白色。方圓四寸。其上隆起。每日出後。精舍人則登高樓。擊大鼓。吹螺。敲銅鈸。王聞已。則詣精舍。以華香供養。供養已。次第頂戴而去。從東門入西門出。王朝朝如是。供養禮拜。然後聽國政。居士長者亦先供養。乃修家事。日日如是。初無懈怠。供養都訖。乃還頂骨於精舍中。有七寶解脫塔。或開或閉。

高五尺許以盛之。精舍門前朝朝恒有賣華香人。凡欲供養者。種種買焉。諸國王亦恒遣使供養。精舍處方四十步。雖復天震地裂。此處不動。從此北行一由延到那竭國城。是菩薩本以銀錢買五莖華供養。定光佛處。城中亦有佛齒塔。供養如頂骨法。城東北一由延到一谷口。有佛錫杖亦起精舍供養。杖以牛頭栴檀作。長丈六七許。以木筒盛之。正復百于人舉不能移。入谷口四日。西行有佛僧伽梨精舍供養。彼國土亢旱。府國人相率出衣禮拜供養。天卽大雨。那竭

城焉。牛忠延有石室博山。西南向佛留影。此中去十餘步。觀之如佛真形。金色相好。光明炳著。轉近轉微。髣髴如有諸方國。王遣工畫師模寫莫能及。彼國人傳云。千佛盡當於此留影。影西百步許。佛在時剃髮。翦爪。佛自與諸弟子共造塔。高七八丈。以爲將來塔法。今猶在邊有寺。寺中有七百餘僧。此處有諸羅漢。辟支佛塔乃千數。住此冬二月。法顯等三人南度小雲山。雪山冬夏積雪。山北陰中過。寒暴起。人皆噤戰。慧景一人不堪復進。口出白沫。語法顯云。我亦不復

活。便可時去。勿得俱死。於是遂終。法顯撫之悲號。本圖不果。命也奈何。復自力前得過嶺。南到羅彝國。近有三千僧兼大小乘學。住此夏坐坐訖。南下行十日。到跋那國。亦有三千許僧。皆小乘學。從此東行三日。復渡新頭河。兩岸皆平地。過河有國名毗荼。佛法興盛。兼大小乘學。見秦道人往。乃大憐愍。作是言。如何邊地人能知出家。爲道遠求佛法。悉供給所須待之。如法從此東南行。減八十由延。經歷諸寺甚多。僧衆萬數。過是諸處已。到一國。國名摩頭羅。又經捕那河。

河邊左右有二十僧伽藍。可有三千僧。佛法轉盛。凡
沙河已西。天竺諸國。國王皆篤信佛法。供養衆僧。時
則脫天冠。共諸宗親羣臣。手自行食。行食已。鋪氍毹於
地。對上座前。坐於衆僧前。不敢坐床。佛在世時。諸王
供養法式相傳。至今從是。以南名爲中國。中國寒暑
調。無霜雪。人民殷樂。無戶籍官法。唯耕王地者。乃
輸地利。欲去便去。欲往便往。主治不用刑罔。有罪者
但罰其錢。隨事輕重。雖復謀爲惡逆。不過截右手而
已。王之侍衛左右。皆有供祿。舉國人民。悉不殺生。不

飲酒不食葱蒜。唯除旃荼羅。旃荼羅名爲惡人與人
別居。若入城市。則擊木以自異。人則識而避之。不相
搪揆。國中不養豬雞。不賣生口。市無屠行。及酤酒者。
貨易則用貝齒。唯旃荼羅獵師賣肉耳。自佛般泥洹
後。諸國王長者居士。爲衆僧起精舍。供養供給田宅
園圃。民戶牛犢鐵券。書錄後王。王相傳無敢廢者。至
今不絕。衆僧住止房舍。床褥飲食衣服都無缺乏處。
處皆爾。衆僧常以作功德爲業。及誦經坐禪。客僧往
到。舊僧迎逆。代擔衣鉢。給洗足水塗足油。與非時漿。

須臾息已復問其數次第得房舍臥具種種如法
衆僧住處作舍利佛塔。目連阿難塔。并阿毗曇律師經
塔。安居後一月。諸希福之家。勸化供養僧作非時漿
衆僧大會說法。說法已。供養舍利弗塔。種種香華通
夜然燈。使彼人作舍利弗本婆羅門時詣佛求出家。
大目連大迦葉亦如是。諸比丘尼多供養阿難塔。以
阿難請世尊聽女人出家。故諸沙彌多供養羅云。阿
毗曇律師者。供養阿毗曇律師者。供養律。年年一供養
各自有日。摩阿衍人。則供養般若波羅蜜文殊師利

觀世音等衆僧受歲竟。長者居士婆羅門等。各持種種衣物沙門所須。以布施僧衆。僧亦自各各布施佛泥洹。已來聖衆所行威儀法則。相承不絕。自渡新頭河至南天竺。迄于南海四五萬里。皆平坦無大山。川止有河水。從此東南行十八由延。有國名僧伽施佛上忉利天。三月爲母說法來下。處佛上忉利天。以神通力都不使諸弟子知。未滿七日。乃放神足。阿那律以天眼遙見世尊。卽語尊者大目連。汝可往問訊世尊。目連卽往。頭面禮足。共相問訊。問訊已。佛語目連。

吾却後七日當下閻浮提。目連既還。于時八國大王
及諸臣民不見佛矣。咸皆渴仰雲集。此國以待世尊
時優鉢羅比丘尼卽自心念。今日國王臣民皆當奉
迎佛。我是女人何由得先見佛。卽以神足化作轉輪
聖王。最前禮佛。佛從忉利天上來向下。下時化作三
道寶階。佛在中道七寶階上行。梵天王亦化作白銀
階在右邊。執白拂而侍。天帝釋化作紫金階在左邊。
執七寶蓋而侍。諸天無數從佛下。佛既下。三階俱沒
於地。餘有七級。現後阿育王欲知其根際。遣人掘看。

下至黃泉根猶不盡。王益信敬。卽於階上起精舍。當中階作丈六立像。精舍後立石柱。高三十肘。上作師子柱內。四邊有佛像。內外映徹。淨若琉璃。有外道論師與沙門諍此住處。時沙門理屈。於是共立誓言。此處若是沙門住處者。今當有靈驗。作是言已。住頭師子乃大鳴吼見證。於是外道懼怖。心伏而退。佛以受天食三月。故身作天香。不同世人。卽便浴身。後人於此處起浴室。浴室猶在優鉢羅比丘尼初禮佛處。今亦起塔。佛在世時有翦髮爪作塔。及過去三佛并釋

迦文佛坐處經行處。及作諸佛形像處。盡有塔。今悉
在。天帝釋梵天王。從佛下處亦起塔。此處僧及尼可
有千人。皆同衆食。雜大小乘。學住處。一白耳龍。與此
衆僧作檀越。令國內豐熟。雨澤以時。無諸災害。使衆
僧得安。衆僧感其惠。故爲作龍舍。敷置坐處。又爲龍
設福食供養。衆僧日日衆中。別差三人到龍舍中食。
每至夏坐訖。龍輒化形作一小蛇。兩耳邊白。衆僧識
之。銅盂盛酪以龍置中。從上座至下座行之。似若問
訊。遍便化去。年年一出。其國豐饒。人民熾盛。最樂無

比諸國人來。無不經理供給所須。寺北五十由延。有一寺名火境。火境者惡鬼名也。佛本化是惡鬼。後人於此處起精舍。以精舍布施阿羅漢。以水灌手。水瀝滴地。其處故在。正復掃除。常現不滅。此處別有佛塔。善鬼神常掃灑。初不須人王。有邪見國王言。汝能如是者。我當多將兵衆住此。益積糞穢。汝復能除不。鬼神卽起大風吹之令淨。此處有百枚小塔。人終日數之。不能得知。若至意欲知者。便一塔邊置一人。已復計數人。人或多或少。具不可得知。有一僧伽藍可六

七百僧。此中有辟支佛食處。泥洹地大如車輪。餘處生草。此處獨不生。乃曬衣地處。亦不生草。衣條著地跡。今故現在。法顯住龍精舍夏坐。坐訖。東南行七由延。到罽饒犍城。城接恒水。有二僧伽藍。盡小乘學。去城西六七里。恒水北岸。佛爲諸弟子說法處。傳云說無常。苦。說身如泡沫等。此處起塔。猶在度恒水南行三由延。到一林名呵梨。佛於此中說法。經行坐處。盡起塔。從此東南行十由延。到沙祇大國。出沙祇城南門道東。佛本在此嚼楊枝刺土中。卽生長七尺。不增。

不滅。諸外道婆羅門嫉妬。或斫或拔。遠棄之。其處續生如故。此中亦有四佛經行坐處。起塔故在。從此南行八由延。到拘薩羅國舍衛城。城內人民稀曠。都有二百餘家。卽波斯匿王所治城也。大愛道故精舍處。須達長者井壁。及鴛掘魔得道。般泥洹燒身處。後人起塔。皆在此城中。諸外道婆羅門生嫉妬心。欲毀壞之。天卽雷電霹靂。終不能得壞。出城南門千二百步。道西長者須達起精舍。精舍東向。開門。后兩廂有二石柱。左柱上作輪形。右柱上作牛形。池流清淨。林木

尚茂。衆華異色蔚然可觀。卽所謂祇洹精舍也。佛上
忉利天爲母說法九十日。波斯匿王思見佛。卽刻牛
頭栴檀作佛像置佛坐處。佛後還入精舍。像卽避出
迎佛。佛言還坐。吾般泥洹後。可爲四部衆作法式。像
卽還坐。此像最是衆像之始。後人所法者也。佛於是
移住南邊小精舍。與像異處相去二十步。祇洹精舍
本有七層。諸國王人民競興供養。懸繒幡蓋。散華燒
香。然燈續明。日日不絕。鼠銜燈炷燒花。幡蓋遂及精
舍。七重都盡。諸國王人民皆大悲惱。謂栴檀像已燒

却後四五日。開東小精舍戶。忽見本像皆大歡喜。其治精舍。得作兩重。遠移像本處。法顯道整初到。祇洹精舍。念昔世尊住此二十五年。自傷生在邊鄙。其諸同志遊歷諸國。而或有還者。或有無常者。今日乃見佛空處。愴然心悲。彼衆僧出問顯等。言汝從何國來。答云。從漢地來。彼衆僧歎曰。奇哉。邊地之人。乃能求法至此。自相謂言。我等諸師和尚相承已來。未見漢道人來到此也。精舍西北四里有榛名。曰得眼。本有五百盲人。依精舍住此。佛爲說法。盡還得眼。盲人歎

喜刺杖著地頭面作禮。杖遂生長大。世人重之。無敢伐者。遂成爲榛。是故以得眼爲名。祇洹衆僧中食後。多往彼榛中坐禪。祇洹精舍。東北六七里。毗舍佉母作精舍。請佛及僧。此處故在。祇洹精舍大。援落有二門。一門東向。一門北向。此園卽須達長者布金錢買地處也。精舍當中央。佛住此處。最久說法度人。經行坐處亦盡起塔。皆有名字。乃孫陀利殺身謗佛處。出祇洹。東門北行七十步。道西。佛昔共九十六種。外道論議。國王大臣居士。人民皆雲集而聽。時外道女名

旃遮摩那起嫉妬心。及懷衣著腹前。似若妊身。於衆會中謗佛以非法。於是天帝釋卽化作白鼠。齧其腰帶。斷所懷衣墮地。地卽劈裂。生入地獄。及調達毒瓜。欲害佛。生入地獄處。後人皆標識之。又於論議處起精舍。精舍高六丈許。裏有坐佛。其道東有外道天寺。名曰影覆。與論議處精舍夾道相對。亦高六丈許。所以名影覆者。日在西時。世尊精舍影則映外道天寺。日在東時。外道天寺影則北映。終不得映佛精舍也。外道常遣人守其天寺。掃灑燒香。然燈供養。至明旦

其燈輒移在佛精舍中。婆羅門悲言。諸沙門取我燈。自供養佛。爲爾不止。婆羅門於是夜自伺候。見其所事天神持燈。繞佛精舍三匝。供養佛已。忽然不見。婆羅門乃知佛神太。卽捨家入道。傳云近有此事。繞祇洹精舍有九十八僧伽藍。盡有僧住處。唯一處空。此中國有九十六種外道。皆知今世各有徒衆。亦皆乞食。但不持鉢。亦復求福。於曠路側立福德舍。屋宇床卧飲食供給行路人。及出家人來去客。但所期異耳。調達亦有衆在供養。過去三佛。唯不供養釋迦文佛。

舍衛城東南四里。瑠璃王欲伐舍彝國。世尊當道側立。立處起塔。城西五十里。到一邑名都維是。迦葉佛本生處。父子相見處。般泥洹處。皆悉起塔。迦葉如來全身舍利亦起大塔。從舍衛城東南行十二由延。到一邑名那毗伽。是拘樓秦佛所生處。父子相見處。般泥洹處。亦有僧伽藍起塔。從此北行減一由延。到一邑。是拘那含牟尼佛所生處。父子相見處。般泥洹處。亦皆起塔。從此東行減一由延。到迦維羅衛城。城中都無王民。甚如坵荒。只有衆僧民戶數十家而已。白

淨王故宮處。作太子母形像。乃太子乘白象入母胎時。太子出城東門。見病人迴車還處。皆起塔。阿鼻相太子處。與難陀等撲象擒射處。箭東南去三十里。入地令泉水出。後世人治作井。令行人飲之。佛得道還見父王處。五百釋子出家向優波離。作禮地六種震動處。佛爲諸天說法。四天王守四門。父王不得入處。佛在尼拘律樹下。東向坐大愛道。布施佛僧伽梨處。此樹猶在。瑠璃王殺釋種子。釋種子先盡得須陀洹立塔。今亦在。城東北數里有王田。太子樹下觀耕者。

處城東五十里。有王園。園名論民。夫人入池洗浴。出池北岸二十步。舉手攀樹枝。東向生太子。太子墮地行七步。二龍王浴太子身。浴處遂作井。及上洗浴池。今衆僧常取飲之。凡諸佛有四處常定。一者成道處。二者轉法輪處。三者說法論議伏外道處。四者上忉利天爲母說法來下處。餘則隨時示現焉。迦維羅衛國大空荒。人民稀疎。道路怖畏。白象師子不可妄行。從佛生處。東行五由延。有國名藍草。此國王得佛一分。舍利還歸起塔。卽名藍莫塔。塔邊有池。池中有龍。

常守護此塔。晝夜供養。阿育王出世。欲破八塔作八萬四千塔。破七塔已。次欲破此塔。龍便現身持阿育王入其宮中。觀諸供養具已。語王言。汝供若能勝。是便可壞之。持去。吾不與汝爭。阿育王三知其供養具非世之有。於是便還。此中荒蕪無人灑掃。常有羣象以鼻取水灑地。取雜華香而供養塔。諸國有道人來。欲禮拜塔。遇象大怖。依樹自翳。見象如法供養。道人大自悲感。此中無有僧伽藍。可供養此塔。乃令象灑掃。道人卽捨大戒還。作沙彌。自挽草木。平治處所。使得

淨潔。勸化國王作僧住處。已爲寺。今現有僧住。此事
在近。自爾相承至今。恒以沙彌爲寺主。從此東行三
由延。太子遣車匿白馬還處。亦起塔。從此東行四由
延。到炭塔。亦有僧伽藍。復東行十二由延。到拘犍那
竭城。城北雙樹間。希連河邊。世尊於此北首而般泥
洹。及須跋最後得道處。以金棺供養世尊七日處。金
剛力士放金杵處。八王分舍利處。諸處皆起塔。有僧
伽藍。今悉現在。其城中人民亦稀曠。止有衆僧民戶。
從此東南行十二由延。到諸梨車。欲逐佛般泥洹處。

而佛不聽。戀佛不肯去。佛化作大深壑。不得渡。佛與鉢作信。遣還其家。立石柱上有銘題。自此東行五由延到毗舍離國。毗舍離城北大林重閣精舍。佛住處。及阿難半身塔。其城裏本菴婆羅女家。爲佛起塔。今故現在城南三里。道西菴婆羅女以園施佛。作佛住處。佛將般泥洹。與諸弟子出毗舍離城西門。殞身右轉。顧看毗舍離城。告諸弟子。是吾最後所行處。後人於此處起塔。城西北三里有塔。名放弓俠。以名此者。恒水上流有一國王。王小夫人生一肉胎。大夫人妬。

之言汝生不祥之徵。卽盛以木函。擲恒水中不流。有國王遊觀。見水上木函。開看見于小兒端止殊特。王卽取養之。遂便長大甚勇健。所往征伐無不摧伏。次伐父王本國。王大愁憂。小夫人問王何故愁憂。王曰。彼國王有千子勇健無比。欲來伐吾國。是以愁耳。小夫人言王勿愁憂。但於城東作高樓。賊來時置我樓上。則我能却之王如其言。至賊到時。小夫人於樓上語賊。言汝是我子。何故作反逆事。賊曰。汝是何人。云是我母。小夫人曰。汝等若不信者。盡仰向張口。小夫

人卽以兩手搆兩乳。乳各作五百道。墮于子口中。賊知是我母。卽放弓。仗二父王。於是思惟。皆得辟支佛。二辟支佛塔猶在。後世尊成道。告諸弟子。是吾昔時放弓仗處。後人得知。於此立塔。故以名焉。千小兒者。卽賢劫千佛是也。佛於放弓仗塔邊。告阿難。言我却後三月。當般泥洹。魔王婁固阿難。使不得請佛住世。從此東行三四里。有塔。佛般泥洹後百年。有毗舍離比丘。錯行戒律十事。證言佛說如是。爾時諸羅漢及持戒律比丘凡夫者。有七百僧。更檢校律藏。後人於

此處起塔。今亦在從。此東行四由延。到五河合口。阿
難從摩竭國向毗舍離。欲般涅槃。諸天告阿闍世王。
卽自嚴駕將士衆。追到河上。毗舍離諸梨車聞阿難
來。亦復來迎。俱到河上。阿難思惟。前則阿闍世王致
恨。還則梨車復怨。則於河中央入火光三昧。燒身而
般泥洹。分身作二分。一分在一岸邊。於是二王各得
半身舍利。還歸起塔。度河南下一由延。到摩竭提國
巴連弗邑。巴連弗邑是阿育王所治。城中王宮殿皆
使鬼神作累石起墻闕。雕文刻鏤。非世所造。今故現

在。阿育王弟得羅漢道。常住耆闍崛山。志樂閑靜。王
敬心請於家供養。以樂山靜。不肯受請。王語弟言。但
受我請。當爲汝於城裏作山。王乃具飲食。召諸鬼神
而告之曰。明日悉受我請。無坐席。各自賁來。明日諸
大鬼神各持大石來。辟方四五步。坐訖。即使鬼神累
作大石山。又於山底以五大方石作石室。可長三丈
廣二丈。高丈餘。有一大乘婆羅門子。名羅汰私婆迷
住此城裏。爽悟多智。事無不達。以清淨自居。國王宗
敬師事。若往問訊。不敢並坐。王設以愛敬心執手。執

手已。婆羅門輒自灌洗。年可五十餘。舉國瞻仰。賴此
一人宏宣佛法。外道不能得加陵。衆僧於阿育王塔
邊造摩訶衍僧伽藍。甚嚴麗。亦有小乘寺。都合六七
百僧衆。威儀庠序可觀。四方高德沙門。及學問人欲
求義理。皆詣此寺。婆羅門子師。亦名文殊師利。國內
大德沙門諸大乘比丘。皆宗仰焉。亦住此僧伽藍。凡
諸中國。唯此國城邑爲大。民人富盛。競行仁義。年年
常以建卯月八日。行像作四輪車。縛竹作五層。有承
檣。握戟高二丈餘許。其狀如塔。以白氎纏上。然後彩

畫作諸天形像。以金銀琉璃莊校。其上懸繒幡蓋。四
邊作龕。皆有坐佛。菩薩立侍。可有二十車。車車莊嚴
各異。當此日。境內道俗皆集。作倡伎樂。華香供養。婆
羅門子來請佛。佛次第入城。入城內再宿。通夜然燈
伎樂供養。國國皆爾。其國長者居士。各於城中立福
德醫藥舍。凡國中貧窮孤獨踐跛一切病人。皆詣此
舍。種種供給。醫師看病。隨宜飲食及湯藥。皆令得安
差者。自去。阿育王壞七塔。作八萬四千塔。最初所作
大塔。在城南三里。餘此塔前有佛腳跡。起精舍。戶北

向塔。塔南有一石柱。圍丈四五。高三丈餘。上有銘題云。阿育王以閭浮提。布施四方僧。還以錢贖。如反。是三反。塔北三四百步。阿育王本於此作泥犁城。中央有石柱。亦高三丈餘。上有師子。柱上有銘記。作泥犁城。因緣及年數日月。從此東南行九由延。至一小孤石山。山頭有石室。石室南向。佛坐其中。天帝釋將天樂。般遮彈琴樂佛處。帝釋以四十二事問佛。一一以指畫石。畫跡故在。此中亦有僧伽藍。從此西南行一由延。到那羅聚落。是舍利弗本生村。舍利弗還於此村。

中般泥洹卽此處起塔。今亦現在從此西行一由延到王舍新城。新城者。是阿闍世王所造。中有二僧伽藍。出城西門三百步。阿闍世王得佛一分舍利起塔。高大嚴麗。出城南四里南向入谷至五山裏。五山周圍狀若城郭。卽是蒔沙王舊城。城東西可五六里。南北七八里。舍利弗目連初見頹鞞處。尼犍子作火坑。壽飯請佛處。阿闍世王酒飲黑象欲害佛處。城東北角曲中者。舊於菴婆羅園中起精舍。請佛及千二百五十弟子供養處。今故在。其城中空荒無人住。入谷

搏山東南上十五里。到耆闍崛山。未至頭三里。有石窟南向。佛本於此坐禪。西北三十步復有一石窟。阿難於中坐禪。天魔波旬化作鵬鷺住窟前。恐阿難佛以神足力隔石舒手摩阿難肩。怖即得止。鳥跡手孔今悉存。故曰鵬鷺窟山。窟前有四佛坐處。又諸羅漢各各有石窟坐禪處。動有數百佛。在石室前東西。經行調達於山北嶮巖間。橫擲其石傷佛足指處。石猶在。佛說法堂已毀壞。止有磚壁基在其山。峰秀端嚴。是五山中最高顯。於新城中買香華油燈。倩二舊比

止送法顯上耆闍崛山華舌供養然燈續明慨然悲
傷收淚而言佛昔於此住說首楞嚴法顯生不值佛
但見遺跡處所而已卽於石窟前誦首楞嚴停止一
宿還向新城出舊城北行三百餘步道西迦蘭陀竹
園精舍今現在衆僧掃灑精舍北二三里有尸摩賒
那尸摩賒那者漢言棄死人墓田搏南山西行三百
安有一石室名賓波羅窟佛食後常於此坐禪又西
行五六里山北陰中有一石室名車帝佛泥洹後五
百阿羅漢結集經處出經時鋪三空座莊嚴校飭舍

利弗在左。目連在右。五百數中少一阿羅漢。大迦葉
爲上座。時阿難在門外不得入。其處起塔。今亦在。搏
山亦有諸羅漢坐禪石窟甚多。出舊城北東下三里
有調達石窟。離此五十步。有大方黑石。昔有此石在
上。經行思惟是身無常。苦空不得淨觀。厭患是身。卽
捉刀欲自殺。復念世尊制戒不得自殺。又念雖爾。我
今但欲殺三毒賊。便以刀自刎。始傷再得須陀洹。旣
半得阿。那含斷。已成阿羅漢。果般泥洹。從此西行四
由延到伽耶城。城內亦空荒。復南行二十里到菩薩

本苦行六年處處有林木從此西行三里到佛入水
洗浴天按樹枝得攀出池處又北行二里得彌家女
奉佛乳糜處從此北行二里佛於一大樹下石上東
向坐食糜樹石今悉在石可廣長六尺高二尺許中
國寒暑均調樹木或數千歲乃至萬歲從此東北行
半由延到一石窟菩薩入中西向結跏趺坐心念若
我成道當有神驗石壁上卽有佛影現長三尺許今
猶明亮時天地大動諸天在空中自言此非過去當
來諸佛成道處去此西南行減半田延貝多樹下是

過去當來諸佛成道處。諸天說是語已。卽便在前唱
導導引而去。菩薩起行離樹三十步。天授吉祥草。菩
薩受之。復行十五步。五百青雀飛來繞菩薩三匝而
去。菩薩前到貝多樹下。敷吉祥草東向而坐。時魔王
遣三玉女從北來試魔王。自從南來試菩薩。以足指
按地。魔兵退散。三女變老。自上苦行六年處。及此諸
處。後人皆於中起塔立像。今皆在佛成道已七日。觀
樹受解脫樂處。佛於貝多樹下東西經行七日處。諸
天化作七寶屋供養佛七日處。文鱗育龍七日繞佛

處佛於尼拘律樹下方石上東向坐梵天來請佛處
四天王奉鉢處五百賈客授妙蜜處度迦葉兄弟師
徒于人處此諸處亦起塔佛得道處有三僧伽藍皆
有僧住衆僧民戶供給饒足無所乏少戒律嚴峻威
儀坐起入衆之法佛在世時聖衆所行以至于今佛
泥洹已來四大塔處相承不絕四大塔者佛生處得
道處轉法輪處般泥洹處阿育王昔作小兒時當道
戲遇釋迦佛行乞食小兒歡喜卽以一掬土施佛佛
持還泥經行地因此果報作鐵輪王王閻浮提乘鐵

輪案行閻浮提見鐵圍兩山間地獄治罪人卽問羣
臣此是何等答言是鬼王閻羅治罪人王自念言鬼
王尚能作地獄治罪人我是人主何不作地獄治罪
人耶卽問臣等誰能爲我作地獄主治罪人者臣答
言唯有極惡人能作耳王卽遣臣遍求惡人見泄水
邊有一長壯黑色髮黃眼青以脚鈎兼魚口呼禽獸
禽獸來便射殺無得脫者得此人已將來與王王密
勅之汝作四方高牆內殖種種華果并好谷池莊嚴
校飾令人渴仰牢作門戶有人入者輒捉種種治罪

莫使得出。設使我入。亦治罪。莫放。今拜汝作地獄主。
有比止。次第乞食入其門。獄卒見之。便欲治罪。比止
惶怖求請。須臾聽我中食。俄頃得有人入。獄卒內置
碓。臼中擣之。赤沫出。比止見已。思惟此身無常。苦空
如泡如沫。卽得阿羅漢。旣而獄卒捉內鑊湯中。比止
心頗欣悅。火滅湯冷。中生蓮華。比止坐上。獄卒卽往
白王。獄中奇恠。願王往看。王言我前有要。今不敢往。
獄卒言此非小事。王宜疾往。更改先要。王卽隨入。比
止爲說法。王得信解。卽壞地獄。悔前所作衆惡。由是

信重三寶常至貝多樹下悔過自責受八齋王夫人
問王常遊何處羣臣答言恒在貝多樹下夫人伺王
不在時遣人伐其樹倒王來見之迷悶躡地諸臣以
水灑面良久乃蘇王卽以塼累四邊以百甕牛乳灌
樹根身四布地作是誓言若樹不生我終不起誓已
樹便卽根上而生以至于今今高減十丈從北南三
里行到一山名雞足大迦葉今在此山中劈山下入
入處不容人下入極遠有旁孔迦葉全身在此中住
孔外有迦葉本洗手土彼方人若頭痛者以此土塗

之卽差。此山中卽日故有諸羅漢住。彼方諸國道人，
年年往供養迦葉。心濃至者，夜卽有羅漢來，共言論
釋其疑。已忽然不現。此山榛木茂盛，又多師子虎狼，
不可妄行。法顯還向巴連弗邑。順恒水西下十由延，
得一精舍名曠野，佛所住處。今現有僧。復順恒水西
行十二由延，到迦尸國波羅捺城。城東北十里許，得
仙人鹿野苑精舍。此苑本有辟支佛住，常有野鹿栖
宿。世尊將成道，諸天於空中唱言：白淨王子出家學
道，却後七日當成佛。辟支佛聞已，卽取泥洹，故名此。

處爲仙人鹿野苑。世尊成道已。後人於此處起精舍。
佛欲度拘鱗等五人。五人相謂。言此瞿曇沙門。本六
年苦行。日食一麻一米。尚不得道。況入人間。恣身口
意。何道之有。今日來者。慎勿與語。佛到五人。皆起作
禮。處復北行六十步。佛於此東向坐。始轉法輪。度拘
鱗等五人。處其北二十步。佛爲彌勒授記處。其南五
十步。翳羅鉢龍問佛。我何時當得免此龍身。此處皆
起塔見在。中有二僧伽藍。悉有僧住。自鹿野苑精舍
西北行十三由延。有國名拘睢彌。其精舍名瞿師羅。

園佛昔住處。今故有衆僧。多小乘學。從東行八由延。
佛本於此度惡鬼處。亦嘗在此住。經行坐處皆起塔。
亦有僧伽藍可百餘僧。從此南行二百由延。有國名
達嚩。是過去迦葉佛僧伽藍。穿大石山作之。凡有五
重。最下重作象形。有五百間石室。第二層作師子形。
有四百間。第三層作馬形。有三百間。第四層作牛形。
有二百間。第五層作鵠形。有百間。最上有泉水。循石
室前繞房而流。周圍廻曲。如是乃至下重。順房流從
戶而出。諸層室中。處處穿石作窻牖。通明室中朗然。

都無幽暗。其室四角頭穿石作梯磴上處。今人形小
豚梯上正得至。昔人一脚所躡處。因名此寺爲波羅
越。波羅越者。天竺名。鵠也。其寺中常有羅漢住。此土
正荒。無人民居。去山極遠。方有村。皆是邪見。不識佛
法。沙間婆羅門。及諸異學。彼國人民。常見人飛來入
此寺。於時諸國道人欲來禮此寺者。彼村人則言。汝
何以不飛耶。我見此間道人皆飛。道人方便答言。翅
未成耳。達嚩國嶮。道路艱難。而知處欲往者。要當費
錢貨。施彼國王。王然後遣人送。展轉相付。示其逕路。

法顯竟不得往。承彼土人言故說之耳。從波羅捺國東行還到巴連弗邑。法顯本求戒律而北天竺諸國皆師師口傳無本可寫。是以遠步乃至中天竺。於此摩訶衍僧伽藍得一部律。是摩訶僧祇衆律。佛在世時最初大衆所行也。於祇洹精舍傳其本。自餘十八部各有師資。犬歸不異於小小不同。或用開塞。但此最是廣說備悉者。復得一部抄律。可七千偈。是薩婆多衆律。卽此秦地衆僧所行者也。亦皆師師口相傳授。不書之於文字。復於此衆中得雜阿毗曇心可六

于偈又得一部經二千五百偈又得一卷方等般
泥洹經可五千偈又得摩訶僧祇阿毗曇故法顯住
此三年學梵書梵語寫律道整既到中國見沙門法
則衆僧威儀觸事可觀乃追歎秦土邊地衆僧戒律
殘缺誓言自今已去至得佛願不生邊地故遂停不
歸法顯本心欲令戒律流通漢地於是獨還順恒水
東下十八由延其南岸有瞻波大國佛精舍經行處
及四佛坐處悉起塔現有僧住從此東行近五十由
延到多摩梨帝國卽是海口其國有二十四僧伽藍

盡有僧住。佛法亦興。法顯住此二年。寫經及畫像。於是載商人大舶汎海西南行。得冬初信風。晝夜十四日到師子國。彼國人云。相去可七百由延。其國大在洲上。東西五十由延。南北三十由延。左右小洲。乃有百數。其間相去或十里。二十里。或二百里。皆統屬大洲。多出珍寶珠璣。有出摩尼珠地方。可十里。王使人守護。若有採者。十分取三。其國本無人民。止有鬼神及龍居之。諸國商人共市易。市易時鬼神不自現身。但出寶物題其價直。商人則依價直取物。因商人

來往往。故諸國人聞其土樂。悉亦復來。於是遂成大國。其國和適。無冬夏之異。草木常茂。田種隨人。無有時節。佛至其國。欲化惡龍。以神足力。一足躡王城北。一足躡山頂。兩跡相去十五由延。於王城北跡上起大塔。高四十丈。金銀莊校。衆寶合成。塔邊復起一僧伽藍。名無畏山。有五千僧。起一佛殿。金銀刻鏤。悉以衆寶。中有一青王像。高二丈許。通身七寶炎光。威相嚴顯。非言所載。右掌中有一無價寶珠。法顯去漢地積年。所與交接。悉異域人。山川草木。舉目無舊。又同。

行分枿。或留或亡。顧影唯已。心常懷悲。忽於此王像
邊。見商人以晉地一白絹扇供養。不覺淒然淚下。滿
目。其國前王遣使中國。取貝多樹子於佛殿旁種之。
高可二十丈。其樹東南傾。王恐倒。故以八九圍柱拄
樹。樹當拄處。心生。遂穿柱而下入地。成根。大可四圍。
許柱雖中裂。猶裹在其外。人亦不去。樹下起精舍。中
有坐像。道俗敬仰無倦。城中又起佛齒精舍。皆七寶
作。王淨修梵行。城內人信敬之情亦篤。其國立治已
來。無有飢荒喪亂。衆僧庫藏多有珍寶。無價摩尼。其

王入僧庫遊觀。見摩尼珠。卽生貪心。欲奪取之。三日
乃悟。卽詣僧中稽首悔前罪。心告白僧言。願僧立制。
自今已後。勿聽王入其庫看。比止滿四十臘。然後得
入。其城中多居士長者。薩薄商人。屋宇嚴麗。巷陌平
整。四衢道頭。皆作說法堂。月八日。十四日。十五日。鋪
施高座。道俗四衆皆集聽法。其國人云。都可五六萬
僧。悉有衆食。王別於城內供五六千人。衆食須者則
持鉢往取。隨器所容。皆滿而還。佛齒常以三月中
出之。未出十日。王莊校大象。使一辯說人著王衣服。

騎象上。擊鼓喝言。菩薩從三阿僧祇劫。苦行不惜身命。以國妻子。及挑眼。與人割肉。貿鴿。截頭布施。投身餓虎。不恡髓腦。如是種種苦行。爲衆生故。成佛在世四十九年。說法教化。令不安者安。不度者度。衆生緣盡。乃般泥洹。泥洹已來。一千四百九十七年。世間眼滅。衆生長悲。却後十日。佛齒當出。至無畏山精舍。國內道俗。欲植福者。各各平治道路。嚴飭巷陌。辦衆華香。供養之具。如是唱已。王便夾道兩邊。作菩薩五百身。已來種種變現。或作須大拏。或作睽變。或作象王。

或作鹿馬。如是形像。皆彩畫莊校。狀若生人。然後佛
齒乃出。中道而行。隨路供養。到無畏精舍佛堂上。道
俗雲集。燒香然燈。種種法事。晝夜不息。滿九十日。乃
還城內精舍。城內精舍至齊日。則開門戶。禮敬如法。
無畏精舍東四十里。有一山。山中有精舍。名跋提。可
有二千僧。僧中有一大德沙門。名達摩瞿諦。其國人
民皆共宗仰。住一石室中四十許年。常行慈心。能感
蛇鼠使同止一室而不相害。城南七里。有一精舍。名
摩訶毗訶羅。有三千僧住。有一高德沙門。戒行清潔。

國人咸疑是羅漢。臨終之時。王來省視。依法集僧而問。比正得道耶。其便以實答言。是羅漢。旣終。王卽案經律。以羅漢法葬之。於精舍東四五里。積好大薪。縱廣可三丈餘。高亦爾。近上著梅檀沈水諸香木。四邊作階。上持淨好白氎周匝。蒙積上作大輦床。似此間輪車。但無龍魚耳。當闍維時。王及國人四衆咸集。以羣香供養。從輦至墓所。王自華香供養。供養訖。輦著積上。蘓油遍灌。然後燒之。火然之時。人人敬心。各脫上服及羽儀傘蓋。遙擲火中。以助闍維。闍維已。卽檢

取骨卽以起塔。法顯至。不及其生存。唯見葬時。王篤信佛法。欲爲衆僧作新精舍。先設大會。飯食僧供養。已乃選好上牛一雙。金銀寶物。莊校角上。作好金犁。王自耕頃四邊。然後割給民戶田宅。書以鐵券。自是已後。代代相承。無敢廢易。法顯在此國。聞天竺道人於上誦經云。佛鉢本在毗舍離。今在犍陀衛。竟若干百年。法顯聞誦之時。有定歲數。但今忘耳。當復至西月氏國。若干百年。當至于闐國。住若干百年。當至屈茨國。若干百年。當復來到漢地。住若干百年。當復至師子國。若干

百年當還中天竺。到中天已。當上兜術天上。彌勒菩薩見而歎曰。釋迦文佛鉢至。卽共諸天華香供養七日。七日已。還閻浮提海龍王持入龍宮。至彌勒將成道時。鉢還分爲四。復本頻那山上。彌勒成道已。四天王當復應念佛如先佛法。賢劫千佛共用此鉢。鉢去已。佛法漸滅。佛法滅後。人壽轉短。乃至五歲十歲之時。糯米酥油皆悉化滅。人民極惡。捉木則變成刀杖。其相傷剗殺。其中有福者逃避入山。惡人相殺盡已。還復來出。其相謂言。昔人壽極長。但爲惡甚。作諸非。

法故我等壽命遂爾短促。乃至十歲。我今共行諸善。起慈悲心。修行仁義。如是各行信義。展轉壽倍。乃至八萬歲。彌勒出世。初轉法輪時。先度釋迦遺法弟子。出家人。及受三歸五戒齋法。供養三寶者。第二第三次度有緣者。法顯爾時欲寫此經。其人云。此無經本。我止口誦耳。法顯住此國二年。更求得彌沙塞律藏本。得長阿含雜阿含。復得一部雜藏。此悉漢土所無者。得此梵本已。卽載商人大船上。可有二百餘人。後係一小船。海行艱險。以備大船毀壞。得好信風。東下。

二日。便值大風。船漏水入。商人欲趲小船。小船上人。恐人來多。卽斫絙斷。商人大怖。命在須臾。恐船水漏。卽取麤財貨。擲著水中。法顯亦以軍持及澡灌并餘物。棄擲海中。但恐商人擲去經像。唯一心念觀世音。及歸命漢地衆僧。我遠行求法。願威神歸流。得到所止。如是大風。晝夜十三日。到一島邊。潮退之後。見船漏處。卽補塞之。於是復前。海中多有抄賊。遇輒無全。大海瀰漫無邊。不識東西。唯望日月星宿而進。若陰雨時。爲逐風去。亦無准。當夜闇時。但見大浪相搏。晃

然火色。鼃鼃水性怪異之屬。商人荒遽。不知那向。海深無底。又無下石住處。至天晴已。乃知東西。還復望正而進。若值伏石。則無活路。如是九十日許。乃到一國名耶婆提。其國外道婆羅門興盛。佛法不足言。停此國五月日。復隨他商人大船上。亦二百許人。賣五十日糧。以四月十六日發。法顯於船上安居。東北行。趣廣州。一月餘日。夜鼓二時。遇黑風暴雨。商人賈客。皆悉惶怖。法顯爾時亦一心念觀世音及漢地衆僧。蒙威神佑。得至天曉。曉已。諸婆羅門議言。坐載此沙。

門使我不利。遭此大害。當下比止。置海島邊。不可爲
一人令我等危。法顯本檀越言。汝若下此比止。亦
并下我。不爾便當殺我。汝其下此沙門。吾到漢地。當
向國王言汝也。漢地王亦敬信佛法。重比止僧。諸商
人躊躇不敢便下。於時天多連陰。海師相望。僻誤。遂
經七十餘日。糧食水漿欲盡。取海鹹水作食。分好水
人可得二升。遂便欲盡。商人議言。常行時正可五十
日。便到廣州。爾今已過其多日。將無僻耶。即便西北
行求岸。晝夜十二日。長廣郡界。牢山南岸。便得好水。

菜但經涉險難。憂懼積日。忽得至此岸。見藜藿菜。依
然知是漢地。然不見人民及形跡。未知是何許。或言
未至廣州。或言已過。莫知所定。卽乘小船入浦。覓人
欲問其處。得兩獵人。卽將歸。令法顯譯語問之。法顯
先安慰之。徐問汝是何人。答言我是佛弟子。又問汝
入山何所求。其便詭言。明當七月十五日。欲取挑臘
佛。又問此是何國。答言此青州長廣郡界統屬劉家。
聞已。商人歡喜。卽乞其財物。遣人往長廣。太守李疑
敬信佛法。問有沙門持經像乘船汎海而至。卽將人

從至海邊迎接經像歸至郡治商人於是還向楊州
劉法青州請法顯一冬一夏夏坐訖法顯遠離諸師
人欲趣長安但所營事重遂便南下向都就諸師出
經律法顯發長安六年到中國停六年還三年達青
州凡所遊歷減三十國沙河已西迄于天竺衆僧威
儀法化之奏不可詳說竊唯諸師未得備聞是以不
顧微合浮海而還艱難具更幸蒙三尊威靈危而得
濟故竹帛疏所經歷欲令賢者同其聞見。

是歲甲寅晉義熙十二年歲在壽星夏安居未迎

法顯道人既至。留其冬。齋因講集之際。重問遊歷
其人恭順。言輒依實。由是先所略者。勸令詳載。顯
復具叙始末。自云。顧尋所經。不覺心動汗流。所以
乘危履險。不惜此形者。蓋是志有所存。專其愚直。
故投命於不必全之地。以達萬一之冀。於是感歎
斯人。以爲古今罕有。自大教東流。未有忘身求法
如顯之比。然後知誠之所感。無窮否而不通。志之
所獎。無功業而不成。成夫功業者。豈不由忘失所
重。重夫所忘者哉。

右法顯佛國記一卷見隋書經籍志云法顯自長
安遊天竺經三十餘國隨有經律之處學其書語
譯而寫之還至金陵與天竺禪師跋羅參共辨定
謂僧祇律學者傳之此佛國記所由作也按高僧
傳法顯姓龔氏平陽武陽人三歲便度爲沙彌及
受大戒以晉隆安三年西度流沙至天竺本記則
云以宏始二年歲在己亥發長安六年到中國停
六年還三年往反凡十五年後有跋云是歲甲寅
晉義熙十二年其宏始則後秦姚興年號也興方

敬信佛法以鳩摩羅什爲國師命翻譯西域經論
法顯之遊天竺尋求戒律正當是時則其往反事
跡皆在姚秦義熙十二年姚興始卒太子泓立十
三年劉裕始滅秦執泓送建康則如隋志所云還
至金陵乃在姚秦旣滅之後故未得趨長安也記
中厯敘諸國具有本末次第宜無脫簡而白帖引
法顯記有僧尼羅國佛像俯首與人取金珠事今
本佛國記獨無此國白帖又引法顯記佛生于殷
末道成于周初至成王十二年經律始到新頭河

注河卽張騫所到之處今攷佛國記亦載有新頭
河下乃云漢之張騫甘英皆不到又云菩薩像立
在佛泥洹後三百許年計於周氏平王時亦與彼
文不同又水經河水注於河水經歷時時引法顯
傳與釋氏西域記支僧載外國事參錯成文朱謀
埴箋亦多引佛國記爲證而不知隋志固別有法
顯傳也至高僧傳記顯欲詣耆闍崛山寺僧諫曰
路甚難阻多黑獅子亟經噉人何由可至顯曰遠
涉數萬里誓到靈鷲雖有險難吾不懼也旣至果

有三黑獅子來舐唇搖尾顯誦經不輟獅子乃低
頭下尾伏顯足前良久乃去而今記文但言有山
榛木茂盛又多獅子虎狼不可妄行顯因還向巴
連弗邑不著此事豈以道行清高故不欲自表暴
耶今本佛國記載說郛及唐宋叢書尙稱完善而
于法顯事跡多不具故于校刊是書略爲攷其顛
末如此汝上王謨識

伽藍記序例

後魏撫軍府司馬楊銜之撰



三墳五典之說九流百代之言。並理在人區而義兼
天外。至於一乘二諦之原。三明六通之旨。西域備詳。
東土靡記。自頂日感夢。滿月流光。陽門飾毫眉之像。
夜臺圖紺髮之形。邇來奔競其風。遂廣至晉永嘉。惟
有寺四十二。所逮皇魏受圖。光宅嵩洛。篤信彌繁。法
教逾盛。王侯貴臣。棄象馬如脫履。庶士豪家。捨資財
若遺跡。於是招提櫛比。寶塔駢羅。爭寫天上之姿。競

模山中之影。金剝與靈臺比高。宮殿共阿房等壯。豈
直木衣綈繡。土被朱紫而已哉。暨永熙多難。皇輿遷
鄴。諸寺僧尼亦與時徙。至武定五年。歲在丁卯。余因
行役。重覽洛陽城郭崩毀。宮室傾覆。寺觀灰燼。廟塔
圯墟。牆被蒿艾。巷羅荆棘。野獸穴於荒階。山鳥巢於
庭樹。遊兒牧豎。躑躅於九達。農夫耕稼。藝黍於雙闕。
麥秀之感。非獨殷墟。黍離之悲。信哉周室。京城表裏
凡有一千餘寺。今日寥廓。鐘聲罕聞。恐後世無傳。故
撰斯記。然寺數最多。不可遍寫。今之所錄。止大伽藍。

其中小者取其詳異世諦事因而出之。先以城內爲始次及城外表列門名。以遠近爲丑篇。余才非著述多有遺漏後之君子詳其闕焉。

大和十七年。後魏高祖遷都洛陽。詔司空公穆亮營造宮室洛陽城門。依魏晉舊門名。東面有三門。北頭第一曰建春門。漢曰上東門。阮籍詩曰步出上東門是也。魏晉曰建春門。高祖因而不改。

次南曰東陽門。漢曰東中門。魏晉曰東陽門。高祖因而不改。

次南曰青陽門。漢曰望京門。魏晉曰清明門。高祖改爲清陽門。

南面有四門。東頭第一曰開陽門。初漢光武遷都洛陽。作此門始成而未有名。忽夜中有柱自來在樓上。後瑯琊郡開陽縣言南門一柱飛去。使來視之。則是也。因以開陽縣爲名。自魏及晉。因而不改。高祖亦然。次西曰平昌門。漢曰平門。魏晉曰平昌門。高祖因而不改。

次西曰宣陽門。漢曰津陽門。魏晉曰宣陽門。高祖因

而不改

西面有四門南頭第一門曰西明門漢曰廣陽門魏
晉因而不改高祖改爲西明門

次北曰西陽門漢曰雍門魏晉曰西明門高祖改爲
西陽門

次北曰閭闔門漢曰上西門上有銅璇璣玉衡以齊
七政魏晉曰閭闔門高祖因而不改

次北曰承明門承明者高祖所立金墉城前東西大
道遷京之始宮闕未就高祖住在金墉城城西有王

南寺高祖數詣寺沙門論義故通此門而未有名世
人謂之新門時王公卿士當迎駕於新門高祖謂御
史中尉李彪曰曹植詩云謁帝承明廬此門宜以承
明爲名遂名之

北有二門西頭曰大夏門漢曰夏門魏晉曰太夏門
帝造三層樓去地十丈高祖世宗造三層樓去地二
十丈洛陽城門樓皆兩重去地百尺唯大夏門薨棟
干雲

東頭曰廣莫門漢曰穀門魏晉曰廣莫門高祖因而

不改自廣莫門以西至於大夏門宮觀相連被諸城上也

一門有三道所謂九達

佛藍詩序

一

江陽伽藍記目錄

卷一

城內

永寧寺

建中寺

長秋寺

瑤光寺

景樂寺

昭儀尼寺

胡統寺

修梵寺

景林寺

建春門司農寺

卷二

城東

明懸尼寺

龍華寺

瓊瑤寺

宗聖寺

崇真寺

魏昌尼寺

石橋南景興寺

建陽里太康寺

莊嚴寺

秦太上君寺

正始寺

平等寺

景寧寺

卷三

城南

景明寺

天統寺

太上公二寺

報德寺

勸學里正覺寺

龍華寺

菩提寺

高陽王寺

崇虛寺

卷四

城西

冲覺寺

宣忠寺

王典御寺

白馬寺

光寶寺

法雲寺

準財里開善寺

追光寺

融覺寺

大覺寺

永明寺

卷五

城北

禪虛寺

疑予寺

目錄終

仙臺記

金

四

伽藍記卷一

後魏 楊銜之著

寧都廖飛熊校

城內

永寧寺。熙平元年。靈太后胡氏所立也。在宮前閭闔門南一里御道西。其寺東有太尉府。西對永康里。南界昭平曹。北隣御史臺。閭闔門前御道東有左衛府。府南有司徒府。南有國子學堂。內有孔丘像。顏淵問仁子路問政在側。國子南有宗正寺。寺南有太廟。廟有護軍府。府南有衣冠里。御道西有石衛府。府南有

太尉府。府南有將作曹。曹南有九級府。府南有太社。
社南有凌陰里。卽四朝時藏冰處也。凌里孕切又有

又如字

中有

九層浮圖一所。架木爲之。舉高九十丈。有剎復高十
丈。合去地一千尺。去京師百里。遙已見之。初掘基至
黃泉下。得金像三十軀。太后以爲信法之徵。是以營
建過度也。剎上有金寶瓶容二十五石。寶瓶下有承
露金盤三十重。周匝皆垂金鐸。復有鐵鎖四道引剎
向浮圖四角。鎖上亦有金鐸。鐸大小如一石甕子。浮
圖有九級角。角皆懸金鐸。合上下有一百二十鐸。浮

圖有四面面有三戶六窗戶皆朱漆扉上有五行金鈴合有五千四百枚復有金環鋪首殫土木之功窮造形之力佛事精妙不可思議繡柱金鋪駭人心目至於高風永夜寶鐸和鳴鏗鏘之音聞及十餘里浮圖北有佛殿一所形如太極殿中有丈八金像一軀人中長金像十軀繡珠像三軀織成五軀作功奇巧冠於當世僧房樓觀一千餘間雕梁粉壁青瑱綺疏難得而言枯椿松栢扶踈拂檐翠竹香草布濩堦墀是以常景碑云須彌寶殿兜率淨宮莫尚於斯也外

國所獻經像皆在此寺寺院牆皆施短椽以瓦覆之
若今宮牆也四面各開一門南門樓三重通三道去
地二十丈形製似今端門圖以雲氣畫彩仙靈綺錢
青瑱赫麗華拱夾門有四力士四獅子飾以金銀加
之珠玉裝嚴煥炳世所未聞東西兩門皆亦如之所
可異者唯樓兩重北門一道不施屋似烏頭門四門
外樹以青槐亘以綠水京邑行人多庇其下路斷飛
塵不由奔雲之潤清風送涼豈藉合歡之發詔中書
舍人常景爲寺碑文景永昌河內人也繁學博通知

名海內。太和十九年，爲高祖所器，拔爲律學博士。刑法疑獄多訪於景。正始初，詔刊律令，永作通式。敕景共治書。侍御史高僧裕、羽林監王元龜、尚書郎相璽、員外散騎侍郎李琰之等撰集其事。又詔太師彭城王勰、青州刺史劉芳入預其議。景討正科條，商榷古今，甚有倫序。見行於世。今律二十篇是也。又其芳造洛陽宮殿門閣之名，經塗里邑之號。出除長安令。時人比之潘岳。其後歷位中書舍人、黃門侍郎、秘書監、幽州刺史、儀同三司。學徒以爲榮焉。景入參近侍，出

爲侯牧。居室貧儉。事等農家。唯有經史盈車滿架。景
所著文集數百餘篇。給事封暉伯作序。行於世。裝飾
畢功。明帝與太后共登之。視宮內如常中。臨京師若
家庭。以其目見宮中。禁人不聽升。銜之。常與河南君
胡孝世共登之。下臨雲雨。信哉不虛。時有西域沙門
菩提達摩者。波斯波國胡人也。起自荒裔。來遊中土。
見金盤炫日光。照雲表。寶鐸含風響。出天外。歌詠贊
歎。實是神功。目云年一百五十歲。歷涉諸國。靡不周
遍。而此寺精麗。遍閭浮所無也。極佛界亦未有此。口

唱南無。或合掌連日。至孝昌二年。大風發屋拔樹。剝上寶瓶。隨風而落。入地丈餘。復命工匠更著新瓶。建義元年。太原王爾朱榮總士馬於此寺。榮字天寶。北地秀容人也。世爲第一領民酋長。博陵郡公。邵落八千餘家。馬有數萬匹。富等天府。武泰元年二月中。帝崩。無子。立臨洮王世子釗。以紹大業。年三歲。太后貪秉朝政。故以立之。榮謂并州刺史元天穆曰。皇帝晏駕。春秋十九。海內士庶。猶曰幼君。況今奉未言之兒。以臨天下。而望昇平。其可得乎。吾世荷國恩。不能坐

看成敗。今欲以鐵馬三千。赴哀山陵。兼問侍臣。帝崩之山。君竟謂何如。穆曰。明公世誇英武。志雄才傑。出部落之民。控弦一萬。若能行廢立之事。伊霍復見於今日。榮卽其穆結異姓兄弟。穆年大。榮兄事之。榮爲盟主。穆亦拜榮。於是密議長君。諸王之中。不知誰應當壁。遂於晉陽。令別鑄像。不成。唯長樂王子攸。像光相具足。端嚴特妙。是以榮意在長樂。遣蒼頭王豐入洛。約以爲主。長樂卽許之。共剋期契。榮三軍皓素。揚旌南出。太后聞榮舉兵。召王公議之。時胡氏專寵。皇

宗怨望入議者莫肯致言唯黃門郎徐紘曰爾朱榮馬邑小胡人才凡鄙不度德量力張戟指闕所謂窮轍拒輪積薪候燎今宿衛文武足得一戰但守河橋觀其意趣榮懸軍千里兵老師敝以逸待勞破之必矣后然紘言卽遣都督李神軌鄭季等領衆五千鎮河橋四月十一日榮過河內至高頭驛長樂王從雷陵北渡赴榮軍所神軌季等見長樂王往遂開門降十二日榮軍於芒山之北河陰之野十三日召百官赴駕至者盡誅之王公卿士及諸朝臣死者二

千餘人十四日車駕入城大赦天下改號爲建義元年是爲莊帝肇升太極解網垂仁唯散騎常侍山偉一人拜恩南闕加榮使持節中外諸軍事大將軍開府北道大行臺都督十州諸軍事大將軍領左右太原王其天穆爲侍中太尉公世襲并州刺史上黨王起家爲公卿牧守者不可勝數二十日洛中草草猶自不安死生相怨人懷異慮貴室豪家棄宅競竄貧夫賤士襁負爭逃於是出詔濫死者普加褒贈三品以上贈三公五品以上贈令僕七品以上贈州牧白

民贈郡鎮於是稍安帝納榮女爲皇后進榮爲杜國
大將軍錄尚書事餘如故進天穆爲大將軍餘官
皆如故永安二年五月北海王元顥復入洛在此寺
聚兵顥莊帝從兄也孝昌末鎮汲郡聞爾朱榮入洛
陽遂南奔蕭衍是年入洛莊帝北巡顥登皇帝位改
年曰建武元年顥與莊帝書曰大道旣隱天下匪公
禍福不追與能義絕朕猶庶幾五帝無取六軍故以
糠粃萬乘鎰銖大寶非貪皇帝之尊豈圖六合之富
直以爾朱榮往歲入洛順而勤王終爲魏賊逆刃加

於君親鋒鏑肆於卿宰元氏少長始欲無疑已有陳
恒盜齊之心非無六卿分晉之計但以四海橫流欲
篡未可暫樹君臣假相拜置害卿兄弟獨夫介立遵
養待時臣節詎久朕覩此心寒遠投江表泣請梁朝
誓在復恥風行建業電赴三川正欲問罪於爾朱脫
公卿於桎梏恤深怨於骨肉解蒼生於倒懸謂卿明
昨擊節供來見吾共叙哀悴同討兇羯不意駕入城
臯便爾北渡雖迫於兇手勢不自由或訢生素懷棄
劍猜吾聞之永歎撫衿而失何者朕之於卿兄弟非

遠連枝分葉、興滅相依、假有內闕、外猶禦侮、況吾與卿睦厚偏篤、其於急難、凡今莫如棄親、卽讐義將焉據也、且爾朱榮不臣之跡、暴於旁午、謀魏社稷、愚智同見、卿乃明白疑於必然、託命豺狼、委身虎口、棄親助賊、兄弟尋戈、假獲民地、本是榮物、若剋城邑、絕非卿有、徒危宗國、以廣寇仇、快賊莽之心、假卞莊之利、有識之士、咸爲慚之、今國家隆替、在卿與吾、若天道助順、誓茲奉舉、則皇魏宗社、與運無窮、脫天不厭亂、胡羯未殄、鴟鳴狼噬、薦食河北、朱榮爲福、於卿爲禍、

豈伊異人尺書道意卿宜三覆義利是圖富貴可保
狗人非慮終不食言自相魚肉善擇元吉勿貽後悔
北黃門郎祖瑩之詞也時帝在長子城太原王上黨
王來赴急難六月帝圍河內太守元桃湯車騎將軍
宗正珍孫等爲顥守攻之弗克時暑炎赫將士疲勞
太原王欲使帝幸晉陽至秋更舉大義未決召劉助
筮之助曰必克於是至明盡力攻之如其言桃湯珍
孫並斬首以殉三軍顥聞河內不守親率百僚出鎮
河橋特遷侍中安豐王延明往守硤石七月帝至河

陽與顓隔河相望太原王命車騎將軍爾朱兆潛師
渡河破延明於碓石顓聞延明敗亦散走所將江淮
子弟五千人莫不解甲相泣握手成別顓與數十騎
欲奔蕭衍至長社爲村民斬其首傳送京師二十日
帝還洛陽進太原王天柱大將軍餘官亦如故進上
黨王太宰餘官亦如故永安三年逆賊爾朱兆囚莊
帝於寺時太原王位極心驕功高意侈與奪臧否肆
意帝怒謂左右曰朕寧作高貴鄉公死不作漢獻帝
生九月二十五日詐言產太子榮穆並入朝莊帝手

刃榮於光明殿，穆爲伏兵，魯暹所殺。榮世子部落大人亦死焉。榮部下車騎將軍爾朱陽都等二十人，隨人朱華門，亦爲伏兵所殺。唯右僕射爾朱世隆素在家，聞榮死，總榮部曲，燒西陽門，奔河橋。至十月一日，隆與妻鄉郡長公主至芒山馮王寺，爲榮追福薦齋。卽遣爾朱侯討伐爾朱弗律歸等，領胡騎一千皆白服，來至郭下，索太原王尸喪。帝升大夏門望之，遣主書牛法尚謂歸等曰：「太原王立功不終，陰圖釁逆，王法無親，已依正刑，罪止榮身，餘皆不問。卿等何爲不」

降官爵如故歸曰臣從太原王來朝陛下何忽今日
枉致無理臣欲還晉陽不忍空去願得太原王尸喪
生死無恨發言雨淚哀不自勝群胡慟哭聲振京師
帝聞之亦爲傷懷侍中朱元龍齎鐵券與世隆待之
不死官位如故世隆謂元龍曰太原王功格天地道
濟生民赤心奉國神明所知長樂不顧信誓枉害忠
良今日兩行鐵字何足可信吾爲太原王報仇終不
歸降元龍見世隆呼帝爲長樂知其不款且以言帝
帝卽出庫物置城西門外募敢死之士以討世隆一

日卽得萬人與歸等戰於郭外兇勢不摧歸等屢涉
戎場便利擊刺京師士衆未習軍旅雖皆義勇力不
從心三日頻戰而游魂不息帝更募人斷河橋有漢
中人李荀爲水軍從上流放火燒橋世隆見橋被焚
遂大剽生民北上太行帝遣侍中原子恭黃門郎楊
寬領步騎三萬鎮河內隆至高都立太原太子長廣
王等龔子爲王改號曰建元元年爾朱氏自封王者
八人長廣王都晉陽遣潁川爾朱兆舉兵向京師子
恭軍失利兆自雷陵陟渡擒莊帝於式乾殿帝初以

黃河奔急謂兆未得猝濟不意兆不由舟楫憑流而渡是日水淺不及馬腹故及此難書契所記未之有也銜之曰昔光武受命冰橋凝於滹水昭烈中起的盧踊於泥濘皆理合於天神祇所將故能功濟宇宙大庇生民若兆者蜂日豺聲行窮梟獍阻兵安忍賊害君親皇靈有知鑒其凶德反使孟律田漆贊其逆心易稱天道禍盈鬼神福謙以此驗之信爲虛說時兆營軍尚書省建天子金鼓庭設漏刻嬪御妃主皆擁之於幕櫨帝於寺明樓上時十二月帝患寒隨兆

乞頭巾。兆不與。遂囚帝。送晉陽。縊於三級寺。帝臨崩。禮佛願不爲國王。又作五言曰。權去生道促。憂來死路長。懷恨出國門。含悲入鬼鄉。墜門一時閑。幽庭豈復光。思鳥吟青松。哀風吹白楊。昔來聞死苦。何言身自當。至太昌元年冬。始迎梓宮。赴京師。葬帝靖陵。所作五言詩。卽爲輓歌詞。朝野聞之。莫不悲慟。百姓聞者。觀者悉皆掩涕而已。永熙三年二月。浮圖爲火所燒。帝登臨雲臺。望火遣南陽王寶炬。錄尚書長孫稚。將羽林一千救火。所莫不悲惜。垂淚而去。火初從

第八級中平旦火發當時雷雨晦冥襍下霰雪百姓
道俗咸來觀火悲哀之聲振動京邑時有三比丘赴
火而死火經三月不滅有入地柱火尋柱周年猶有
煙氣其年五月中有人從象郡來云見浮圖於海中
光明照耀儼然如新海上之民咸皆見之俄然霧起
浮圖遂隱至七月中平陽王爲侍中斛斯椿所使奔
於長安十月而京師遷艱

建中寺普泰元年尚書令樂平王爾朱世隆所立也
本是閹官司空劉騰宅屋宇奢侈梁棟踰制一里之

閭闔廡克溢堂比宣光殿門匹乾明門博敞宏麗諸
王莫及也在西陽門內御道北謂延年里劉騰宅東
有太僕寺寺東有乘黃署署東有武庫署卽魏相國
司馬文王府武庫東至閭闔門是也西陽門內御道
有永康里內復有領軍將軍元義宅掘故井得石銘
云是漢太尉荀彧宅正光年中元義專權太后幽隔
永巷騰爲謀主義是江陽王繼之子太后妹壻熙平
初明帝幼冲諸王勸上太后拜義爲侍中領軍左右
令總禁兵委以腹心反得幽隔永巷六年太后哭曰

養虎自齧長虺成虵至孝昌年太后反政遂誅義策
沒騰田宅元義誅曰騰已物故太后追思騰罪發墓
殘尸使其神靈無所歸聚以宅賜王雍建義元年尚
書令樂平王爾朱世隆爲榮追福題以爲寺朱門黃
閣所謂仙居也以前廳爲佛殿後堂爲講堂金花寶
蓋遍滿其中有一涼風堂本騰避暑之處淒涼常冷
經夏無蠅有萬年千歲之樹也

長秋寺劉騰所立也騰初爲長秋令卿因以爲名在
南陽門內御道北一里亦在延年里卽是晉中朝時

金市處寺北有濛汜池夏則有水冬則竭矣中有三層浮圖一所金盤靈剎耀諸城內作六牙白象負什迦在虛中莊嚴佛事悉用金玉作工之異難可具陳四月四日此像常出辟邪師子導引其前吞刀吐火騰驤一面綵童上索詭譎不常奇伎異服冠於都市像停之處觀者如堵迭相踐躍常有死人

瑤光寺世宗宣武皇帝所立在閭闔門御道北東去千秋門二里千秋門內道北有西遊園中有凌雲臺卽是魏文帝所築者臺上有八角井高祖於井北造

涼風觀登之望遠目極洛川臺下有碧海曲池臺東
宜慈觀去地一十丈觀東有靈芝釣臺累木爲之出
於海中去地二十丈風生戶牖雲起梁棟丹楹刻桷
圖寫列仙刻石爲鯨魚背負釣臺旣如從地踊出又
似空中飛下釣臺南有宣光殿北有嘉福殿西有九
龍殿殿前有龍吐水成一海凡四殿皆有飛閣向靈
芝臺往來三伏之月皇帝在靈芝臺以避暑有五層
浮圖一所去地五十丈仙掌凌虛鐸垂雲表作工之
妙埒美永寧講堂尼房五百餘間綺䟽連亘戶牖相

通珍木香草不可勝言牛筋狗骨之木雞頭鴨脚之
草亦悉備焉椒房嬪御學道之所掖庭美人並在其
中亦有名族處女性愛道場落髮辭親來依此寺屏
珍麗之飾服修道之衣投心入正歸誠一乘永安三
年中爾朱兆入洛陽縱兵大掠時有秀容胡騎數十
人入寺淫穢自此後頗獲譏誚京師語曰洛陽女兒
急作髻瑤光寺尼奪女壻瑤光寺北有承明門有金
墉城卽魏氏所築晉永康中惠帝幽於金墉城東有
洛陽小城永嘉中所築城東北角有魏文帝百尺樓

年歲久遠形制如初高祖在城內作光極殿因名金
墉城門爲光極門又作重樓飛閣遍城上下從地望
之有如雲也

景樂寺太傅清河文獻王懌所立也懌是孝文皇帝
之子宣武皇帝之弟閭闔南御道西望永寧寺正相
當寺西有司徒府東有大將軍高肇宅北連義井里
義井里北門外有叢樹數株枝條繁茂下有甘井一
所石槽鐵罐供給行人飲水庇蔭多有憩者有佛殿
一所像輦在焉雕刻巧妙冠絕一時堂廡周環曲房

連接輕條拂戶。花莖被庭。至於六齋常設女樂歌聲
遶梁。舞袖徐轉。絲管寥亮。諧妙入神。以是尼寺丈夫
不得入得往觀者。以爲至天堂及文獻王薨。寺禁稍
寬。百姓出入無復限礙。後汝南王悅復修之。悅是文
獻之弟。詔諸音樂逞伎寺內。奇禽怪獸舞扑殿亭。飛
空幻惑。世所未覩。異端奇術。總萃其中。剝驢拔井。植
棗種瓜。須臾之間。皆得賜食。士女觀者。目亂精迷。自
建 已後。京師頻有大兵。此戲遂隱也。

昭儀尼寺。閹官等所立也。在東陽門內一里御道南。

東陽門內道北太倉導官二署東南治粟里倉司官
屬住其內太后臨朝闡寺專寵宦者之家積金滿堂
是以蕭忻云高軒斗升者闡官嫠婦胡馬鳴呵者莫
非英門之養息也忻陽平人也愛尚文藉少有名譽
見闡寺寵盛遂發此言因卽知名爲治書侍御史寺
有一佛二菩薩塑工精絕京師所無也四月七日常
出詣景明景明三像恒出迎之伎樂之盛與劉騰相
比堂前有酒樹麴木昭儀寺有池京師學徒謂之翟
泉也銜之按杜預注春秋云翟泉在晉太倉西南按

晉太倉在建春門內今太倉在東陽門內此地今在太倉西南明非翟泉也後隱士趙逸云此地是晉侍中石崇家池池南有綠珠樓於是學徒始籍經過者想見綠珠之容也池西南有愿會寺中書舍人王翊捨宅立也佛堂前有桑樹一株直上五尺枝條橫遠柯葉傍布形如羽蓋覆高五尺又葉凡爲五重每重葉生樞各異京師道俗謂之神桑觀者成市布施者甚衆帝聞而惡之以爲惑衆命給事中黃門侍郎元紀伐殺之其日雲霧晦冥下斧之處血流至地見者

莫不悲泣寺南有宜壽里內有苞信縣令段暉宅地
下常聞鐘聲時見五色光明照於堂宇暉甚異之遂
掘光所得金像一軀可高三尺有二菩薩趺坐上銘
云晉太始二年五月十五日侍中中書令荀勗造暉
遂捨宅爲光明寺時人咸云此荀勗舊宅其後盜者
欲竊此像與菩薩合聲喝賊盜者驚怖應卽殞倒衆
僧聞像叫聲遂來捉得賊

胡統寺太后從姑所立也入道爲尼遂居此寺在永
寧南一里許寶塔五重金刹高聳洞房周匝對戶交

窻朱柱素壁甚爲佳麗其寺諸尼帝城名德善於開導工談義理常入宮與太后說法其資養緇流從無此也

修梵寺清陽門內御道北嵩明寺復在修梵寺西並塏墻峻宇比屋連甍亦是名寺也修梵寺有金剛鳩鵲不入鳥雀不棲菩提達摩云得其真相也寺北有永和里漢太師董卓之宅也里南北皆有池卓之所造今猶有水冬夏不竭里中太傅錄尚書長孫稚尚書右僕射郭祚吏部尚書邢鸞廷尉卿元洪超衛尉

卿許伯桃涼州刺史尉成興等六宅皆高門華屋齋
館敞麗楸槐蔭途桐楊夾植當世名爲貴里掘此地
者輒得金玉寶玩之物邢鸞家常掘丹砂及錢數十
萬銘云董太師之物後卓夜中隨鸞索此物鸞不與
之經年鸞遂卒矣

景林寺在開陽門內御道東講殿疊起房廡連屬丹
檻炫日繡栢迎風實爲勝地寺西有園多饒奇果春
鳥秋蟬鳴聲相續中有禪房一所內置祇洹精舍形
製雖小巧構難此加以禪閣虛靜隱室凝邃嘉樹夾

牖芳杜匝堦。雖云朝市。想同巖谷。靜行之僧。繩坐其
內。餐風服道。結跏數息。有石銘一所。國子博士盧白
頭爲其文。白頭字景裕。范陽人也。性愛恬靜。邱園放
傲。學極六經。流通百氏。晉泰初起家爲國子博士。雖
在朱門。以注述爲事。注周易行之於世也。

建春門內御道南有句盾典農藉田。三署藉田南有
司農寺。御道北有空地。擬作東宮。晉中朝時太倉處
也。太倉南有翟泉。周廻三里。卽春秋所謂王子虎晉
狐偃盟於翟泉也。水猶澄清。洞底明靜。鱗甲潛泳。辨

其魚鰲高祖於泉北置河南尹晉中朝時步廣里也
泉西有華林園高祖以泉在園東因名蒼龍海華林
園中有大海卽漢天淵池池中猶有文帝九華臺高
祖於臺上造清涼殿世宗在海內作蓬萊山山上有
仙人館山有釣臺殿並作虹蜺閣乘虛來往至於三
月禊日季秋良辰皇帝駕龍舟鵲首遊於其山海西
有藏冰室六月出冰以給百官海西南有景山殿東
有羲和嶺嶺上有溫風室山西有姮娥峰峰上有寒
露館並飛閣相通凌山跨谷山北有平武池山南有

清暑殿殿東有臨澗亭殿西有臨危臺景陽觀山南有百果園果列作林林各有堂有仙人棗長五寸把之兩頭俱出核細如鍼霜降乃熟食之甚美俗傳三出崑崙山一曰西王母棗又有仙人桃其色赤表裏照徹得嚴霜乃熟亦出崑崙山一曰王母桃也奈林南有石碑一所魏明帝所立也題云苗茨之碑高祖於碑北作苗茨堂永安中年莊帝馬射於華林園百官皆來讀碑疑苗字誤國子博士李同軌曰魏明英亦世稱三祖公幹仲宣爲其羽翼但未知本意如何

不得言誤也。銜之時爲奉朝請。因卽什曰以蒿覆之。故言苗茨。何誤之有。衆咸稱善。以爲得其旨歸。奈林西有都堂。有流觴池。堂東有扶桑海。凡此諸海皆有石竇流於地下。西通穀水。東連陽渠。亦與翟泉相連。若旱魃爲害。穀水注之不竭。離畢傍潤。陽穀泄之不盈。至於鱗甲異品。羽毛殊類。濯波浮浪。如似自然也。

伽藍記卷一終

伽藍記卷二

城東

明懸尼寺彭城武宣王勰所立也。在建春門外石樓南。穀水周迴繞城。至建春門外東入陽渠石檻。有四柱在道南。銘云。漢陽嘉四年將作大匠馬憲造。逮我孝昌三年大雨頽柱如埋沒。道北二柱至今猶存。銜之按劉澄之山川古今記。戴延之西征記。並云晉太康元年造此。則失之遠矣。按澄之等並生在江表。來遊中土。暇因征役。暫來經過。至於舊事。多非親覽。聞

諸道路便爲穿鑿。誤我後學。日月已甚。有三層塔一所。未加莊嚴。寺東有中朝時常滿倉。高祖令爲租場。天下貢賦所聚蓄也。

龍華寺。宿衛羽林虎賁所立也。在建春門外陽渠南。寺南有租場。陽渠北有建陽里。里有土臺高三丈。上作二精舍。趙逸云。此臺是中朝旗亭也。上有二層樓。懸鼓擊之以罷市。有鐘一口。撞之聞五十里。太后以鐘聲遠聞。遂移在宮內。置疑閒堂。所與內講沙門。打爲時節。孝昌初。蕭衍子豫章王蕭綜來降。聞此鐘聲。

以爲奇異。遂造聽鐘歌詞三首。傳於世。綜字世務。僞齊昏主寶卷遺腹子也。寶卷臨政。淫亂。吳人苦之。雍州刺史蕭衍立南康王寶融爲主。舉兵向秣陵。事旣克捷。遂殺寶融而自立。寶卷有美人吳景暉。時孕綜。經月。衍因納景暉。及綜生。認爲己子。小名緣覺。封豫章王。綜形貌舉止甚似昏主。其母告之。令自方便。綜遂歸我聖闕。更改名曰讚。字世務。始爲寶卷追服三年喪。明帝拜綜太尉公。封丹陽王。永安年中。尚莊帝妹壽陽公主。字莒犁。公主容色美麗。綜甚敬之。與公

主語常自稱下官。後除齊州刺史加開府。及京師傾覆。綜棄州北走。時爾朱世隆專權。遣取公主至洛陽。世隆逼之。公主罵曰。胡狗敢辱天王女乎。世隆怒之。遂縊死之矣。

瓔珞寺。在建春門外御道北。所謂建陽里也。卽中朝時曰杜地董威輦所居處。里內有瓔珞慈善暉和通覺暉。今宗聖魏昌熙平崇真因果等十寺。里內士庶二千餘戶。信崇三寶。衆僧利養。百姓所供也。

宗聖寺有像一軀。高三丈八尺。端嚴殊特。相好畢備。

士庶瞻仰。目不暫瞬。此像一出。市井皆空。炎光輝赫。獨絕世表。妙伎禪樂。亞於劉騰。城東士女。多來此寺觀看也。

崇真寺比丘惠凝死。一七日還活。經閻羅王檢閱。以錯名放免。惠凝具說過去之時。有五比丘同閱。一比邱云。是寶明寺智聖。坐禪苦行。得升天堂。有一比丘是般若寺道品。以誦四十卷涅槃。亦升天堂。有一比丘云。融覺寺曇謨最。講涅槃華嚴。領衆千人。閻羅王云。講經者。心懷彼我。以驕凌物。比邱中第。龕行。令惟

試坐禪誦經。不問講經。其曇謨最曰。貧道立身以來。唯好講經。實不諳誦。閻羅王曰。付司。卽有青衣十人。送曇謨最向西北門。屋舍皆異。似非好處。有一比丘云。是禪林寺道宏。自云教化四輩。枉造一切經人中像十軀。閻羅王曰。沙門之體。必須攝心守道。志在禪誦。不干世事。不作有爲。雖造作經像。正欲得他人財物。旣得他物。貪心卽起。旣懷貪心。便是三毒不除。具足煩惱。亦付司。仍與曇謨最同入黑門。有一比丘云。是靈覺寺寶明。自云出家之前。嘗作隴西太守。造

靈覺寺成卽棄官入道。雖不禪誦。禮拜不缺。閻羅王曰。卿作太守之日。曲理枉法。劫奪民財。假作此寺。非卿之力。何勞說此。亦付司。青衣送入黑門。太后聞之。遣黃門侍郎徐紇。依惠凝所說。卽訪寶明寺。城東有寶明寺。城內有般若寺。城西有融覺寺。禪林靈覺寺。三寺問智聖道品。曇謨最道宏寶明等。皆實有之。議曰。人死有罪福。卽請坐禪僧一百人。常在殿內供奉之。詔不聽。持經像沿路乞索。若私有財物。造經像者。任意凝亦入白鹿山。小隱修道。自此以後。京師比丘。

悉皆禪誦。不復以講經爲意。出建春門外一里餘。至東石橋南北而行。晉太康元年造橋。南卽中朝牛馬市。刑嵇康之所也。橋北大道西有建陽里。大道東有綏民里。里內有河間劉宣明宅。神龜年中以直諫忤旨。斬於都市。訖目不瞑。尸行百步。時人談以枉死。宣明少有名譽。精通經史。危行及於誅也。

魏昌尼寺。闍官瀛州刺史李次壽所立也。在里東南角。卽中朝牛馬市處也。刑嵇康之所。臨東石橋。北橋南北行。晉太康元年中朝時市南橋也。澄之等益

見北橋銘。因而以橋爲太康所造也。

石橋南道有景興尼寺。亦閹官等所共立也。有金像輦去地三尺。施寶蓋。四面垂金鈴七寶珠。飛天伎樂望之雲表。作工甚精。難可揚確。像出之日。常詔羽林一百人舉此像。絲竹襍伎。皆由旨給。

建陽里東有綏民里。里內有洛陽縣。臨渠水縣門外有洛陽令楊機清德碑。綏民里東崇義里。里內有阮光人杜子休宅。地形顯敞。門臨御道。時有隱士趙逸云是晉武時人。晉朝舊事多所記錄。正光初來至京。

曰。兒子休宅。歎息曰。此宅中朝時太康寺也。時人未信。遂問寺之由。緒逸云。龍驤將軍王濬平吳之後。始立寺。本有三層浮圖。用甄爲之。指子休園中曰。此是故處。子休掘而驗之。果得甄數十萬。兼有石銘云。晉太康六年歲次乙巳九月甲戌朔八日辛巳儀同三司襄陽侯王濬敬造。時園中果菜豐蔚。林木扶疎。乃服逸言。號爲聖人子休。遂捨爲靈應寺。所得之甄。還爲三層浮圖。好事者遂尋問晉朝京民何如今日。逸曰。晉時民少於今日。王侯第與今日相侶。又云。自永

嘉以來二百餘年。建國稱王者十有大君。皆遊其都
邑。目見其事。國滅之後。觀其史書。皆非實錄。莫不推
過於人。引善自向。符生雖好勇嗜酒。亦仁而不殺。觀
其治典。未爲兇暴。及詳其史。天下之惡皆歸焉。符堅
自是賢主。賊君取位。妄書君惡。凡諸史官。皆此類也。
人皆貴遠賤近。以爲信然。當今之人。亦生愚死智。惑
已甚矣。問其故。逸曰。生時中庸之人。爾。及死也。碑文
墓誌。必窮天地之大德。盡生民之能事。爲君共堯舜
連衡。爲臣與伊臯等跡。牧民之臣。浮虎慕其清塵。執

法之吏。埋輪謝其梗直。所謂生爲盜跖。死爲夷齊。妄言傷正。華辭損實。當時構文之士。慚逸此言。步兵校尉李澄問曰。太尉府前甌浮圖形製甚古。猶未崩毀。未知早晚。造逸曰。晉義熙十二年。劉裕伐姚泓。軍人所作。汝南王聞之。而異之。拜爲義父。因而問何所服。餌以致長年。逸云。吾不閒養生。自然長壽。郭璞嘗爲吾筮云。壽年五百歲。今始餘半。常給步挽車一乘。遊於市里。所經之處。多記舊跡。三年已後。遁去。莫知所在。崇儀里東有七里橋。以石爲之。中朝杜預之荊州。

出頓之所也。七里橋東一里郭門開三道。號爲三門。離別者多云相送三門外。京師士子送去迎歸。常在此處也。

莊嚴寺在東陽門外一里御道北。所謂東安里也。北爲租場。里內有駙馬都尉司馬洗濟州刺史介宜幽州刺史李真奴豫州刺史公孫驤四宅。

秦太上君寺。胡太后所立也。在東陽門御道北。所謂暉文里。里內有太保崔光太傅李延實冀州刺史李秘書鄭道昭等四宅。並豐堂掘起。高門洞開。趙逸

云延實宅是蜀主劉禪宅。延實宅東有修和宅。是吳王孫皓宅。李宅是晉司空張華宅。當時太后正號崇訓。母天下。號父爲秦大上公。母爲秦太上君。爲母追福。因以名焉。中有五層浮圖一所。刹入雲。高門向街。佛事莊飾。等於永寧。誦室禪堂。周流重疊。花林芳草。遍滿堦墀。常有大德名僧。講一切經。受業沙門。亦有千數。趙逸云。暉文里是晉馬道里。李宅是晉司空張華宅。太傅李延實者。莊帝舅也。永安年中。除青州刺史。臨去奉辭。帝謂實曰。懷甄音專之俗。世號

難治。舅宜好用心。副朝廷所委。實答曰。臣年迫桑榆。氣同朝露。人間稍遠。日近松丘。臣已久乞閒退。陛下渭陽興念。寵及老臣。使夜行罪人。裁錦萬里。謹奉明敕。不敢失墜。時黃門侍郎楊寬在帝側。不曉懷輓之義。私問舍人溫子昇曰。聞至作青州刺史。問其賓客。從至青州。云齊土之民。風俗淺薄。虛論高談。專在榮利。太守初欲入境。皆懷輓叩首。以美其意。及其代下還家。以輓擊之。言其向背。速於反掌。是以京師謠語曰。獄中無繫囚。舍內無青州。假令家道。腹中不懷。

愁懷輓之義起在於此也。潁川荀濟風流名士高鑒
妙識獨出當世。清河崔叔仁稱齊士大夫曰齊人外
矯仁義。內懷鄙吝。輕同羽毛。利等錐刀。好馳虛譽。阿
成名。威勢所在。側肩競入。求其榮利。甜然濃酒。譬
於四方。慕勢最甚。號齊士子爲慕勢諸郎。臨淄官徒
布在京邑。聞懷輓慕勢。或其恥之。唯崔孝忠一人不
以爲意。問其故。孝忠曰。營丘風俗。太公餘化。稷下孔
林。禮義所出。今雖凌遲。足爲天下模楷。荀濟人非許
郭。不識東家。雖復苗莠自口。未宜榮辱也。

正始寺百官等所立也正始中立因以爲名在東陽門外御道南所謂敬義里也里內有典虞簷宇清淨美於景林衆僧房前高林對牖青松青檉連枝交映多有枳樹而不中食有石碑一枚背有侍中崔光施錢四十萬陳畱侯李崇施錢二十萬自餘百官各有差少者不減五千已下後人刊之敬義里南有招德里里內有尚書僕射游肇御史尉李彪七兵書崔林幽州刺史常景司農張倫等五宅彪景出自儒生居室儉素唯倫最爲豪侈齋宇光服玩精奇車馬出

入逾於邦君。園林山池之美，諸王莫及。倫造景陽山，有若自然。其中重巖複嶺，嶽峯相屬，深谿洞壑，邐迤連接高林，巨樹足使日月蔽虧，懸葛垂蘿，能令風煙出入，崎嶇石路，似壅而通，崢嶸澗道，盤紆復直，是以山情野興之士，遊以忘歸。天水人姜質，志性疎誕，麻衣葛巾，有逸民之操，見偏愛之，如不能已，遂造亭山，賦行傳於世。其辭曰：今于童者，昔先民之重，由朴由純，然則純朴之體，與造化而津梁濠上之客，柱下之吏，悟無爲以明心，託自然以圖治，輒以山水爲富，不

以章甫爲貴。任性浮沈。若淡兮無味。今司農張氏實
踵其人。巨量煥於物表。天矯洞達其真。青松未勝其
潔。白玉不比其稱。心托空而栖有。情入古以如心。旣
不專流宕。又不偏華尚。卜居動靜之間。不以山水爲
忘。庭起半丘半壑。聽以目達。心想進不爲身榮。退不
爲隱放。爾乃決石通泉。拔嶺簷前。與危雲等並。危
與典棟相連。下天津之高霧。納滄海之遠煙。纖列之
狀如一古。崩剝之勢似千年。若乃絕嶺懸波。蹭蹬蹉
跎。泉水未徐如浪峭。山石不高復危多。五尋百援十

步千迳則知巫山弗及未審蓬萊如何其中煙花霧
草或傾或頽霜幹風枝半聳半垂玉蕊金莖散滿碧
堦然綺目之色列鼻之馨旣共綠春等茂復與白雪
齊青或言神明之骨陰陽之精天地未覺生此人鬼
焉職其中羽徒分泊色雜蒼黃綠頭紫頰好翠連芳
白鶴生於異縣丹足出於他鄉皆遠來以臻此藉水
木以翱翔不意春於沙漠遂忘秋於高陽非斯人之
感至伺候鳥之迷方豈不俗之所務入有神怪之異
趣能造者其必詩敢往者無不賦或就堯封之地或

入多雲之處。嶺與梅岑隨春之所。遠爲神仙所
賞。近爲朝士所知。求解脫於服佩。務參次於山陴。子
英游魚於玉質。王喬繫鵠於松枝。歌方丈不足以妙
詠。此處熊多奇。嗣宗聞之動魄。叔夜聽此驚魂。恨不
能鑽地出一醉。此山門別有王孫公子。遜遁容儀。思
山念水。命駕相隨。峰岑愛曲。值石陵歌。庭爲仁智之
由。故能種此石山森列兮。草木長有兮。風煙孤松
旣能却老半石亦可畱年若不坐臥兮。於其側春夏
兮。其遊嘯白骨兮。徒自朽。方寸何所憶。

平等寺廣平武穆捨宅所立在青陽門外二里御道
北所謂孝敬里也堂宇宏美林木蕭森平臺複道獨
顯當世寺門外金像一軀高二丈八尺相好端嚴常
有神驗國之吉凶先炳祥異孝昌三年十二月中此
像面有悲容兩目垂淚遍體皆濕時人號曰佛汙京
師士女空市里徃而觀之有比丘以淨綿拭其淚須
臾之間綿濕都盡更以他綿換俄然復濕如此三日
乃止明年四月爾朱榮入洛陽誅戮百官死亡塗地
永安二年三月此像復汙士庶復徃觀之五月北海

王入洛莊帝北巡七月北海王大敗所陞江淮子弟
五千盡被俘虜無一得還永安三年七月此像悲泣
如初每經神驗朝夕惶懼禁人不聽觀之至十二月
爾朱兆入洛陽擒莊帝於晉陽在京宮殿空虛百日
無主唯尚書令司州牧樂平王爾朱世隆鎮京師商
旅四通盜賊不作建明二年長廣王從晉陽赴京師
至郭外世隆以長廣本枝遠行無聞逼禪位廣陵王
恭恭是莊帝從父兄也正光中爲黃門侍郎見元義
秉權輔政多歸近習遂佯啞不預世事永安中遁於

上洛州刺史泉企執而送之莊帝疑恭姦詐夜遣人盜掠衣物拔刀劍欲殺之恭張口以手指舌竟不言莊帝信其真患放令歸第恭往龍華寺至世隆等廢長廣而立焉禪文曰皇帝咨廣陵王恭自我皇魏之有天下也累聖開輔重基衍業奄有萬邦光宅四海故道溢百王德漸無外而孝明晏駕人神乏主故柱國大將軍大丞相太原王榮地實封陝任惟外相乃心王室大懼崩淪故推立長樂王子攸以續絕業庶九鼎之命日隆七百之祚唯永然群飛未寧橫流且

及皆狼顧鳴張岳立基址丞相一麾大定海內而子
攸不顧宗社讐忌勲德招聚輕俠左右王遂虐甚割
心痛齊齒劍豈直金版告怨大鳥感德而已於是天
下之望俄然已移竊以宸極不可久曠神器豈容無
主故權從衆議暫馭兆民今六軍南邁已次河浦瞻
望帝京赧然興愧自惟寡薄本枝疎遠豈宜仰冀天
情俯垂民望唯王德表生民聲高萬古往以運屬殷
憂時遭多難卷懷積載括囊有年今天眷明德民懷
奧主歷數允集歌詞同臻乃徐發樞機副茲蒞屬便

敬奉璽綬歸於別邸王其寅踐成業允執厥中雖休
勿休日慎一日敬之哉敬之哉恭讓曰天命至重歷
數匪輕自非德協三才功濟四海無以入選帝圖允
當師錫臣旣寡昧識無先遠景命雖降不敢仰忝乞
收成旨以允愚衷又曰王旣德應圖籙僉屬攸歸便
允執其中入光大麓不勞揮遜致爽神人恭允讓
者三於是卽皇帝位改號曰普泰黃門侍郎邢子才
一敘文叙述莊帝枉殺太原王之狀廣陵王曰永安

臣非爲失德直以天未厭亂故逢成濟之禍

謂左右將筆來朕自作之直言門下朕以寡德運屬
樂推思與億兆同茲大慶肆眚之科一依恒式廣陵
杜口八載至是始言海內庶士咸稱聖君於是封長
廣爲東海王世隆加儀同三司尚書令樂平王餘官
如故贈太原王相國晉王加九錫立廟於芒嶺首陽
上舊有周公廟世隆欲以太原王功比周公故立此
廟廟成爲火所災有一柱焚之不盡後三日雷雨震
電霹靂擊爲數段柱下石及廟瓦皆碎於山下復命
瓦宮設太原王配饗司直劉季明議云不合世隆問

其故季明曰若配世宗於宣武無功若配孝明親害
其母若配莊帝爲臣不忠爲莊帝所戮以此論之無
所配也世隆怒曰卿亦合死季明曰下官旣爲議臣
依禮而言不合聖心俘剪惟命議者咸歎季明終得
無患初世隆北叛莊帝遣安東將軍史忞龍平北將
軍楊文義各領兵三千守太行嶺侍中原子恭鎮河
內及爾朱兆馬首南向忞龍文義等率衆先降子恭
見忞龍文義等降亦望風潰散兆遂乘勝逐北直入
京師兵及闕下矢流王室至是論功忞龍文義各封

一于戶廣陵王曰佯龍文義於王有勲於國無功竟
不詐時人稱帝剛直彭城王爾朱仲遠世隆之兄也
鎮滑臺表用其下都督 瑗爲西兗州刺史先用後
表廣陵答曰已能近補何勞遠聞世隆侍宴帝每言
太原王貪天之功以爲已力罪亦合死世隆等愕然
自是已後不敢入朝輒專擅國權兇慝滋甚坐符臺
省掾家總萬機事無大小先至隆第然後施行天子
拱已南面無所于預永熙元年平陽王入纂大業始
造五層塔一所平陽王武穆王少子詔中書侍郎魏

收等爲寺碑文至二年二月五日土木畢功帝率百僚作萬僧會其日寺門外有石像無故自動低頭復舉竟日乃止帝躬夾禮拜怪其詭異中書舍人靈景曰石立社移上古有此陛下何怪也帝乃還宮七月甲子帝爲侍中斛斯椿所使奔於長安至十月終而京師遷鄴焉

景寧寺太保司徒公楊椿所立也在清陽門外三里御道南所謂景寧里也高祖遷都洛邑椿創居此里遂分宅爲寺因以名之制飾甚美綺柱珠簾椿第愼

冀州刺史慎第津司空並立性寬雅貴義輕財四世同居一門三從朝貴義居未之有也普泰中爲爾朱世隆所誅後捨宅爲建中寺出清陽門外三里御道北有孝義里里西北角有蘇秦塚塚傍有寶明寺衆僧常見秦出入北冢車馬羽儀若今宰相也孝義里東卽是洛陽小市北有車騎將軍張景仁宅景仁會稽山陰人也正光年初從蕭保寅歸化拜羽林監賜宅城南歸正里民間號爲吳人坊南來投化者多居其內近伊洛二水任其習御里三千餘家自立巷市

所賣口味多是水族時人謂爲魚鱉市也景仁住此
以爲恥遂徙居孝義焉時朝廷方欲招懷荒服待吳
人甚厚褰衣渡於江者皆居不次之位景仁無汗馬
之勞高官通顯永安二年蕭衍遣主書陳慶之送北
海入洛陽僭帝位慶之爲侍中景仁在南之日與慶
之有舊遂設酒引邀慶之過宅司農卿蕭彪尚書右
丞張嵩並在其座彪亦是南人唯有中大夫楊元慎
給事中大夫王昀是中原士族慶之因醉謂肅張等
曰魏朝甚盛猶曰五胡正朔之承當在江左秦皇王

聖今在梁朝元慎正色曰江左假息僻居一隅地多
濕蟄攢育蟲蟻疆土瘴癘蛙龜共穴人鳥同群短髮
之君無杼首之貌文身之民稟叢陋之質浮於三江
棹於五湖禮樂所不沾憲章弗能革雖復秦餘漢罪
襍以華言復聞楚難言不可變改雖立君臣上慢下
暴是以劉劭殺父於前龍淫母於後見逆人倫禽
獸不異加以山陰請壻賣夫朋淫於家不顧譏笑卿
沐其遺風來沾言化所謂陽翟之民不如瘿之爲醜
我魏膺錄受來定鼎嵩洛五山爲鎮四海爲家移風

易俗之典與五帝而並跡。禮樂憲章之盛陵百王而獨高。宜卿魚鱉之徒慕義來朝。飲我池水。啄我稻粱。何爲不遜。以至此慶之等見元慎清辭雅句。縱橫於奔發。杜口流汴。含聲不言。於後數日。慶之遂憑

元慎卽口含水。嚙慶之曰。吳人之鬼。住居建康。小作冠帽。短製衣裳。自呼阿儂。語則阿傍。菰稗爲飯。茗飲作漿。呷啜鱗羹。啖喇蜊黃。手把豆蔻。口嚼檳榔。乍至中土。思憶本鄉。急急速去。還爾丹陽。若其寒門之鬼。猶修網魚。灑鱉。在河之洲。咀嚼菱藕。拈拾

鷄頭蛙羹蚌臠。以爲膳羞。布袍芒屨。倒騎水牛。沅湘
江漢。鼓棹遨遊。隨波遡浪。唼啣沈浮。日紆起舞。揚波
發謳。急急速去。還爾揚州。慶之伏枕。曰。楊君見辱深
矣。自此後。吳兒更不敢。北海尋伏誅。其慶之還
奔蕭衍。衍用其爲司州刺史。欽重北人。特異於常。朱
思怪復問之。曰。自晉宋以來。號洛陽爲荒中。此謂長
江以北。盡是夷狄。昨至洛陽。始知衣冠士族。並在中
原。禮儀富盛。人物殷阜。耳目所識。口不能傳。所謂帝
京翼翼。四方之則。如登泰山者。卑培塿。涉江海者。小

湘沅北人安可不重。慶之因此羽儀服式。悉如魏法。
江表士庶競相模楷。褒衣博帶。被及秣陵。元慎宏農
人。晉冀州刺史嶠六世孫。曾祖泰。從宋武入關。爲上
洛太守。七年。背魏來朝。帝賜爵臨晉侯。廣武郡陳郡
太守。贈宋州刺史。謚侯。祖撫。明經。爲中博士。父甜。
自得可。塋。不事王侯。叔父許。河南令。蜀郡太守。世以
學行著聞。名高州里。元慎清尚。卓逸。少有高操。任心
自放。不爲時羈。樂山愛水。好遊林澤。博識文淵。清言
人神。造次應對。莫有稱者。讀老莊善言。平理性嗜酒。

飲至一石神不亂常慷慨歎不得與阮籍同時生不
願仕宦爲中散常辭疾退閒未嘗修敬諸貴亦不慶
弔親知諸貴爲交友故時人弗識也或有人慕其高
儀投刺在門元慎稱疾高臥加以意思深長善於解
夢孝昌年廣陵 淵初除儀同三司總衆十萬討
葛榮夜夢著衮衣倚槐樹而立以爲吉徵問於元
慎曰三公之祥淵甚悅之元慎退還告人曰廣陵死
矣槐字是木傍鬼死後當得三公廣陵果爲葛榮所
殺追贈司空公終如其言建義初陽城太守薛令伯

聞太原王誅百官立莊帝棄郡東走忽夢射得鴈以
問元愼元愼曰卿執羔大夫執鴈君當得大夫之職
俄然令伯除爲諫議大夫京兆許超夢盜羊入獄問
於元愼曰君當得陽城令其後有功封陽城侯元愼
解夢義出萬途隨意會情皆有神驗雖令與侯小乖
按令今百里卽是古諸侯以此論之亦爲妙著時人
譬之周宣及爾朱兆入洛陽卽棄官與華陰隱士王
騰周遊上洛山孝義里東市北植貨里里有太常民
劉胡兄第四人以屠爲業永安年中胡殺猪猪忽唱

乞命聲及四隣人謂胡兄弟相鬪而來觀之乃猪也
卽捨宅爲歸覺寺合家人入道焉普泰元年此寺金
像生毛眉髮悉皆具足尚書左丞魏季景謂人曰張
天錫有此事其國遂滅此亦不祥之徵至明年而廣
陵被廢死

伽藍記卷二終

伽藍記卷三

城南

景明寺、宣武皇帝所立。景明年中立，因以爲名。在宣陽門外一里御道東。其寺東西南北方五百步，前望嵩山少室，却負帝城。青林垂影，綠水爲文。形勝之地，爽塏獨美。山縣臺觀光盛，一千餘間，複殿重房，交疎對靄。青臺紫閣，浮道相通。雖外有四時，而內無寒暑。房簷之外，皆是山池。松竹蘭芷，垂列堦墀。含風團露，流香吐馥。至正元年中，太后始造七層浮圖一所，去

地百仞、是以邢子才碑文云、俯仰激電、傍屬奔星、是也。妝飾華麗、侔於永寧、金盤寶鐸、煥爛霞表。寺有三池、萑蒲菱藕、水物生焉、或黃甲紫鱗、出沒於繁藻。或青鳧白雁、沈浮於綠水。磴磴春蕪、皆用水功。伽藍之妙、最爲稱首。時世好崇福、四月七日、京師諸像皆來此寺、尚書祠部曹錄像名有一千餘軀、至八日以次入宣陽門、向闔闔宮前、受皇帝散花。于時金花映日、寶蓋浮雲、幢幢若林、香煙似霧。梵樂法音、聒動天地、百戲騰驤、所在駢比。名僧德衆、負錫爲群、信徒法侶、

持花成藪。車騎填咽。繁衍相傾。時有西域胡沙門見此唱言。佛國至永熙年中。始詔國子祭酒邢子才爲寺碑文。子才河間人也。志性通敏。風雅潤朗。下帷覃思。溫故知新。文宗學府。跨班馬而孤上。英規勝範。陵許郭而獨高。是以衣冠之士。輻輳在門。懷道之賓。去來蒲室。升其堂者。若登孔氏之門。沾其賞者。猶得東吳之句。藉甚當時。聲馳遐邇。正光末。解褐爲世宗挽郎。奏朝請。尋進中書侍郎。黃門子才洽聞博見。無所不通。軍國制度。罔不訪及。自王室不靖。虎門業廢。復

遷國子祭酒、謨訓上庠、子才罰情賞勤、專心勸誘、青
領之生、競懷雅術、洙泗之風、茲焉復盛、永熙年末、以
母老辭、帝不許之、子才辭請懇至、涕淚俱下、帝乃許
之、詔以光祿大夫歸養私庭、所在之處、給事力五人、
歲一朝、以備顧問、王侯祖道、若漢朝之送二疏、暨皇
居徙鄴、民訟殷繁、前革後沿、自相與奪、法吏疑獄、簿
領成山、乃敕子才與散騎常侍溫子昇、撰麟趾新制
十五篇、省府以之決疑、州郡用爲治本、武定中、除驃
騎大將軍、西兗州刺史、爲政清靜、吏民安之、復徵爲

中書令時戎馬在郊，朝廷多事，國禮朝儀，或自子才出所製詩賦、詔策、章表、碑頌、贊記五百篇，皆傳於世。隣國欽其模楷，朝野以爲美談也。

大統寺在景明寺西，所謂利民里。寺南有三公令史高顯略宅，每於夜見赤光行於堂前，如此者非一。向光明所掘地丈餘，得黃金千斤，銘云蘇秦家金得者爲吾造功德。顯略遂造招福寺，以世人謂此地是蘇秦舊宅。當時元義秉政，聞其得金，就略索以十二斤，與之銜之。按蘇秦時未有佛法，功德者不必是寺。應

是碑銘之類，頌其聲跡也。

東有秦太上公二寺，在景明南一里。西寺太后所立。東寺黃嬖所造，並爲父追福，因以名之。時人號爲雙女寺，並門俱鄰洛水，林木扶疎，布葉垂陰，各有五層浮圖一所，高五十丈，素綵畫工，比於景明。至於六齋，常有中黃門一人監護，僧舍觀施供具，諸寺莫及焉。寺東有靈臺一所，基址雖頽，猶高五丈餘，卽是漢光武所立者。靈臺東辟雍，是魏武所立。作者至正光中，造明堂於辟雍之西南，上圓下方，八窗四闥。汝南王

復造輒浮圖於靈臺之上孝昌初妖賊四侵州郡失
據朝廷設募征格於堂之北從戎者拜曠夜將軍偏
將軍裨將軍當時甲冑之士號明堂時虎賁駱子淵
者自云洛陽人昔孝昌年戍在彭城其同營人樊元
寶得假還京師子淵附書一封令達其家云宅在靈
臺南近洛水鄉卽是至彼家人自出相覩元寶如其
言至靈臺南了無人家可問徙倚欲去忽見一老公
來問從何而來傍徨於此元寶具向道之老公云是
吾兒也取書引元寶入遂見館閣崇寬屋宇佳麗坐

命婢取酒須臾見婢抱一死小兒而過元寶初甚怪之俄而酒至色甚紅香美異常兼設珍羞海陸備具飲訖辭還老公送元寶出云後會難期以爲悽悵別甚殷勤老公還入元寶不復見其門巷但見高岸對水綠波漣漪唯見一童子可年十五新溺死鼻中出血方知所飲酒是其血也及還彭城子淵已失矣元寶與子淵同戌三年不知是洛水之神也

報德寺高祖孝文皇帝所立也爲馮太后追福在開陽門外三里開道門御道東有漢國子學堂堂前有

三種字石經二十五碑表裏刻之寫春秋尚書二部
作篆科斗隸三種字漢右中郎蔡邕筆之遺跡也猶
有十八碑餘皆殘毀復有石碑四十八枚亦表裏隸
書寫周易尚書公羊禮記四部又讚學碑一所並在堂
前魏文帝作典論六碑至太和十七年猶有四高祖
題爲勸學里里有大覺三寶寧遠三寺武定四年大
將軍遷石經於鄴周廻有園珍果出焉有梨如承光
寺亦多果木奈味甚美冠於京師
勸學里東有延賢里里內有正覺寺尚書令王肅所

立也。肅字恭懿，琅琊人也。僞齊雍州刺史奐之子也。瞻學多通，才辭美茂，爲齊秘書丞。大和十八年，背逆歸順。時高祖新營洛邑，多所造制，肅博識舊事，大有裨益。高祖甚重之，常呼王生。延賢之名，肅立之。肅在江南之日，聘謝氏女爲妻。及至京師，復尚公主。謝作五言詩以贈之，其詩曰：本爲簿上蠶，今作機上絲。得路逐勝去，頗憶纏綿時。公主代肅答謝云：鍼是貫綿物，目中恒任絲。得帛縫新去，何能納故時。肅甚有愧謝之色，遂造正覺寺以懃之。肅憶父非理受禍，常有

子胥報楚之意，畢身素服，不聽音樂。時人以此稱之。肅初入國，不食羊肉及酪漿等，常飯鯽魚羹。渴飲茗汁。京師士子見肅，一飲一斗，號爲漏卮。經數年已後，肅與高祖殿會食，羊肉酪粥甚多。高祖怪之，謂肅曰：「卽中國之味也。」羊肉何如？魚羹何如？茗飲酪漿何如？肅對曰：「羊者是陸產之最，魚者是水族之長，所好不同，並各稱珍，以味言之，是有優劣。」羊比齊魯大邦，魚比邾莒小國，唯茗不中與酪作奴。高祖大笑，因舉酒曰：「三三橫兩兩縱，誰能辨之？」賜金鍾。御史中丞李彪

曰沽酒老嫗甕注塢。屠兒割肉與稱同。尚書右丞甄
琛曰吳人浮水自云工。妓兒擲繩在虛空。彭城王勰
曰臣始解此是習字。高祖卽以金鍾賜彪。朝廷服彪
聰明有知。甄琛和之亦速。彭城王謂肅曰卿不重齊
魯大邦而愛邾莒小國。肅對曰鄉曲所美。不得不好。
彭城王重謂曰卿明日顧我爲卿設邾莒之食。亦有
酪奴。因此復號茗飲爲酪奴。時給事中劉鎬慕肅之
風。專習茗飲。彭城王謂鎬曰卿不慕王侯八珍好蒼
頭水厄。海上有逐晁之夫。里內有學顰之婦。以卿言

之卽是也其彭城王家有吳奴以此言戲之自是朝
貴燕會雖設茗飲皆恥不復食唯江表殘民遠來降
者飲焉後蕭衍子西豐侯蕭正德歸降時元義欲爲
設茗先問卿於水厄多少正德不曉義意答曰下官
雖生於水鄉而立身已來未遭陽侯之難元義與舉
坐之客大笑焉

龍華寺廣陵王所立也追聖寺北海王所立也並在
報德寺之東法事僧房比秦太上公京師寺皆種襍
果而此三寺園林茂盛莫與之爭宣陽門外四里至

洛水上作浮橋所謂永橋也神龜中常景爲勒銘其辭曰浩浩大川泱泱清洛道源熊耳控流巨壑納穀吐伊貫周淹亳近達河宗遠朝海若非惟洛食實曰土中上映張柳下據河嵩寒暑攸叶日月載融帝世光宅函夏風前臨少室却負太行制巖東邑峭岨西疆四驗之地六達之莊恃德則固失道則亡祥觀右列見正墳乃禪乃革或質或文周餘九裂漢季三分魏風衰晚晉景雕墮天地發輝圖書受命皇建有極神功無競魏錄仰天平符握鏡靈運會昌龍圖

受命乃睠書軌永懷保定敷茲景跡流美洪模襲我
冠冕正我神樞水陸兼會周鄭交衢爰勒洛汭敢告
中區南北兩岸有華表舉高二十丈華表上作鳳皇
似欲冲天勢永橋以南圓止以北伊洛之間夾御道
有四夷館道東有四館一名金陵二名燕然三名扶
桑四名崦嵫道西有四館一曰歸正二曰歸德三曰
慕化四曰慕義吳人投國者處金陵館三年已後賜
宅歸正里景明初僞齊建安蕭寶夤來降封會稽公
爲築宅於歸正里後進爵爲齊王尚南陽長公主寶

寅恥與夷人同列、令公主啓世宗求入城內、世宗從之、賜宅於永安里、正光四年、中蕭衍子西豐侯蕭正德來降、處金陵館、爲築宅歸正里、正德捨宅爲歸正寺、北夷來附者、處燕然館、三年以後、賜宅歸德里、正光年芮王郁久間河那肱來朝、執事者莫知所處、中書舍人常景議云、咸寧中、單于來朝、晉世處之王公特進下可班那肱蕃正儀同之間、朝廷從其議、又處之燕然館、賜宅歸德里、北夷酋長遣子入侍者、常秋來春去、避中國之熱、時人謂之鴈臣、東夷來附者

處扶桑館、賜宅慕化里。西夷來附者、處之崦嵫館、賜宅慕義里。自葱嶺已西、至於大秦、百國千城、莫不款附。商胡販客、日奔塞下。所盡天地之區矣。樂中國土、風因而宅者、不可勝數。是以附化之民、萬有餘家。門巷修整、閭闔填列。青槐蔭陌、綠柳垂庭。天下難得之貨、咸悉在焉。別立市於洛水南、號曰四通市。民間爲永橋寺。伊洛之魚、多於此賣。士庶須臾、皆詣取之。魚味甚美。京師語曰：伊洛鯉魴、貴於牛羊。永橋南道東有白象獅子二坊。白象者、永平二年、乾羅國胡王所

獻皆施五彩屏風七寶坐牀容數人真是異物常養
象於乘黃曹象常壞屋敗墻走出於外逢樹卽拔遇
墻亦倒百姓驚怖奔走交馳太后遂徙象於此坊獅
子者波斯國胡王所獻也爲逆賊万俟醜奴所獲置
於寇中永安末醜奴破滅始達京師莊帝謂侍中李
或曰朕聞虎見獅子必伏可覓試之於是詔近山郡
縣捕虎以送鞏縣山陽並送二虎一豹帝在華林園
觀之於是虎豹見獅子悉皆瞋目不敢仰視園中素
育一熊性甚馴帝令取試之虞人牽育黑至聞獅子

氣驚怖、跳踉曳鎖而走、帝大笑、普泰元年、廣陵王卽位、詔曰禽獸內之則違其性、宜放還山林、獅子亦令送歸本國、送獅子者、以波斯道遠不可達、遂在路却獅子而返、有司糾劾罪以違旨論、廣陵王曰、豈以獅子而罪人也、遂赦之、

菩提寺、西域胡人所立也、在慕義里沙門達多發塚取甕得一人以進、時太后與明帝在華林都堂、以爲妖異、謂黃門侍郎徐紇曰、上古以來、頗有此事否、紇曰、昔魏時發冢、得霍光女壻范明友家奴、說漢朝廢

立與史書相符此不足爲異也后卽令紇問其姓名
死來幾年何所飲食死者曰臣姓崔名洪字子涵時
令安平人也父名暢母姓魏家在城西準財里死時
年十五今滿二十七在地下有十二年常似醉臥無
所食也時復遊行或遇飯食如似夢中不甚辨了后
卽遣門下錄事張秀攜詣準財里訪涵父母果得崔
暢其妻魏氏秀攜問暢曰卿有兒死否暢曰有一息
字子涵年十五而死秀攜曰爲人所發今日蘇活在
華林園中主人故遣我來相問暢聞驚怖曰實無此

兒向者謬言秀攜還具以實陳聞后遣攜送涵向家
暢聞至門前起火手持刀魏氏把桃枝謂曰汝不須
來吾非汝父汝非吾子急急速去可得無殃涵遂捨
去游於京巷常宿寺門下汝南王賜黃衣一具涵性
畏日不敢仰視又畏水火及兵刃之屬常走於達路
疲則止不徐行也時人猶謂是鬼洛陽大市北奉終
里里內之人賣送死人之具及諸棺槨涵謂曰作柏
木棺勿以桑木爲槨人問其故涵曰吾在地下見人
發鬼兵有一鬼訴稱是柏棺應免主兵吏曰爾雖柏

棺桑木爲穰遂不免兵涼師聞此柏木踴貴人疑賣者貨涵發此言也

高陽王寺高陽王雍之宅也在津陽門外三里御道西傍雍爲爾朱榮所害也捨宅以爲寺正光中雍爲丞相給羽葆鼓吹虎賁班劍百人貴極人臣富兼山海居止第宅匹於帝宮白殿丹楹窈窕連亘飛簷峻宇轆轤周通僮僕六千妓女五百隨珠照日羅衣從風自漢晉以來諸王豪侈未有也出則鳴騶御道文物成行鏡吹發響笳聲哀轉入則歌姬舞女繁竹吹

笙、絲管迭奏，連霄盡日。其竹林、魚池，侔於禁苑芳草，如積珍木，連陰雍。嗜口味厚，自奉養一食必以數萬錢爲限。海陸珍羞，方丈於前。陳畱侯李崇謂人曰：「高陽一食敵我千日。」崇爲尚書令，儀同三司，亦富傾天下。僮僕千人，而性多儉。恤惡衣麤食，常無肉味。止有韭薤，崇客李元祐語人云：「李令公一食十八種人問其故。」元祐曰：「二韭一十八。」聞者大笑。世人卽以譏罵雍薤後，諸妓悉令入道。或有嫁者，美人徐月華善彈箜篌，能爲明妃出塞之歌。聞者莫不動容。永安中，與

衛將軍原士康爲側室宅近青陽門徐鼓篴篥而歌
哀聲入雲行路聽者俄而成市徐常語士康云王有
二姬一名修容三名豔姿並蛾眉皓齒潔貌傾城修
容亦能爲綠水歌豔姿善么鳳舞並愛傾後室寵冠
諸姬士康聞此遂常令徐鼓綠水么鳳之曲焉高陽
宅北有中甘里里內賴川荀子文年十三幼而聰辨
神情卓異雖黃婉文舉無以加之正光初廣宗潛崇
和講服氏春秋於城東昭義里子文攝齊北面就和
受道時趙郡子李問子文曰荀生住何處子文對曰

僕住在中甘里。予曰：何爲住城南城？有四夷里館。予以此譏之。子文對曰：國陽勝地，卿何怪也？若言川淵伊洛崢嶸，語其舊事，靈臺石經，招提之美，報德景明，當世富貴，高陽廣平，四方風俗，萬國千城，若論人物，有我無卿，予無以對之。崇和曰：汝潁之士，利如錐，燕趙之士，鈍如錘，信非虛也。舉學皆笑焉。

崇虛寺在城西，卽漢之躍龍園也。延熹九年，桓帝祠老子於躍龍園，設華蓋之坐，用郊天之樂，此其地也。高祖遷京之始，以地給民，憇者多見妖怪，是以人

伽藍託

卷三

十三

去之遂立寺焉

伽藍記卷四

城西

冲覺寺太傅清河王懌捨宅所立也在西明門外一里御道北懌親王之中最有名行世宗愛之特隆諸弟延昌四年世宗崩懌與高陽王雍廣平王懷並受遺詔輔翼孝明時帝始年六歲太后代總萬幾以懌名德茂親體道居正事無大小多諮詢之是以熙平神龜之際勢傾人主第宅豐大踰於高陽西北有樓出凌雲臺俯臨朝市目極京師古詩所謂西北有高

樓上與浮雲齊者也樓下有儒林館退賓堂形製並
如清暑殿土山釣池冠於當世斜峯入囀曲沼環堂
樹響飛嚶堦叢花藥懌愛賓客重文藻海內才子莫
不輻輳府僚臣佐並選雋民至於清晨美景騁望祖
臺珍奇具設琴笙並奏芳醴盈壘嘉賓滿席使梁王
愧兔苑之游陳思慚雀臺之讌正光初元義秉權閉
太后於後宮薨懌於下省孝昌元年太后還總萬機
追贈懌太子太師大將軍都督中外諸軍事假黃鉞
給九旒鸞輅黃屋左纛輜輳車前後部羽葆鼓吹虎

賁班劍百人挽歌二部葬禮依晉安平王孚故事
曰文獻圖擇像於建始殿拔清河國郎中令韓子熙
爲黃門侍郎徙王國卿爲執戟者近代所無也爲文
獻追福建五層浮圖一所工作與瑤光寺相似也
宜忠寺侍中司州牧城陽王徽所立也在西陽門外
里御道南永安中北海入洛莊帝北巡自餘諸王
各懷二望唯徽獨從莊帝至長子城大兵阻河雄雌
未決徽願入洛陽捨宅爲寺及北海敗散國道重暉
遂捨宅焉永安末莊帝謀殺爾朱榮恐事不果謀計

於徽徽曰以生太子爲辭榮必入朝因以斃之莊帝
曰后懷孕未十月今始九月可爾以不徽曰婦人生
產有延月者有少月者不足爲怪帝納其謀遂唱生
太子遣徽馳詔至太原王策告云皇儲誕育值榮與
上黨王天穆博戲徽脫榮帽歡舞盤旋徽素大度量
喜怒不盈於色兼殿內外歡叫榮遂信之與穆並入
朝莊帝聞榮來不覺失色中書舍人溫子昇曰陛下
色變帝索酒飲之然後行事榮穆旣誅拜徽太師司
馬餘官如故典統禁兵偏被委任及爾朱光擒莊帝

徽投前洛陽令寇祖仁一門刺史皆是徽之將校以
有舊恩往投之祖仁謂子弟等曰始聞爾朱兆募城
陽王甚重擒獲者千戶侯今日富貴至矣遂斬送之
徽初投祖仁家齎金一百斤馬五十疋祖仁利其財
貨故行此事所得金馬總親之內均分之所謂匹夫
無罪懷璧其罪信矣哉兆得徽首亦不勲賞祖仁兆
忽夢徽云我有金二百斤馬一百疋在祖仁家卿可
取之兆悟覺卽自思量城陽位望隆重未聞清貧常
自入其家採跡本無金銀此夢或真至曉掩祖仁徵

其金馬祖仁謂人密告望風款服云實得金一百斤馬五十疋兆疑其藏隱依夢徵之祖仁諸房素有金三十斤馬三十疋盡送兆猶不滿數兆乃發怒捉祖仁懸首高樹大石墜足鞭撻之以及於死時人以爲交報楊銜之云崇善之家必有餘慶積禍之門餘殃所集祖仁負恩反噬貪貨殺徵徵卽托夢增徵金馬假手於兆還以斃之使祖仁備經楚撻窮其塗炭雖魏其侯之笞田蚡秦主之刺姚萇以此論之不能加也

宣忠寺東王典御寺閹官王桃湯所立也時閹官伽藍皆爲尼寺惟桃湯獨造僧寺世人稱之英雄門有三層浮圖一所工踰昭義宦者招提最爲人寶至於六齊常擊鼓歌舞也

白馬寺漢明帝所立也佛入中國之始寺在西陽門外三里御道南帝夢金人長丈六項皆日月光明胡神號曰佛遣使向西域求之乃得經像焉時白馬負經而來因以爲名明帝崩起祇洹於陵上自此以後百姓冢上或作浮圖焉寺上經函至今猶存常燒香

供養之。經函時放光明，耀於堂宇。是以道俗禮敬之。如仰真容。浮圖前奈林蒲萄，異於餘處。枝葉繁衍，子實甚大。奈林實重七斤，蒲萄實偉於棗，味並殊美。冠於中京。帝至熟時，常詣取之。或復賜宮人，宮人得之，轉餉親戚，以爲奇味。得者不敢輒食，乃歷數家。京師語曰：白馬甜榴。一實直牛。有沙門寶公者，不知何處人也。形貌醜陋，心識通達。過去未來，預覩三世。發言識不可解。事過之後，始驗其實。胡太后聞之，問以世事。寶公曰：把粟與雞呼朱朱，時人莫之能解。建

義元年后爲爾朱榮所害始驗其言時有洛人趙法
和請占早晚當有官爵寶公曰大竹箭不須羽東廂
屋急手作時不曉其意經月餘法和父喪大竹者杖
東廂屋者倚廬初造十二辰歌終其言也

光寶寺在西陽門外御道北有三層浮圖一所以石
爲基形製甚古畫工雕刻隱士趙逸見而歎曰晉朝
石塔寺今爲光寶寺也人問其故逸曰晉朝三十二
寺盡皆埋滅惟有此寺獨存指園中一處曰此是浴
堂前五步應有一井衆僧掘之果得屋及井焉井雖

填塞甃口如初浴堂下猶有石數十枚當時園地平
衍萋萋葱青莫不歎息焉園中有一海號咸池葭芙
被岸菱荷覆水青松翠竹羅生其傍京邑士子至於
良辰美日休沐告歸徵友命朋來遊此寺雲車接軫
羽蓋成陰或置酒林泉題詩花圃折藕浮瓜以爲興
適。普泰末雍州刺史隴西王爾朱天光總士馬於此
寺寺門無何都崩天光見而惡之其年天光戰敗斬
於東市也

法雲寺西域烏陽國胡沙門曇摩羅所立也在光寶

寺西隔牆並門，摩羅聰慧利根，學窮釋氏，至中國卽
曉魏言隸書，凡所聞見無不通解，是以道俗貴賤同
歸仰之，作祇洹一所，工制甚精，佛殿僧房皆爲塗飾，
丹素發彩，金碧垂輝，募寫真容，似丈六之見鹿苑，神
光壯麗，若金剛之在雙林，伽藍之內，珍果蔚茂，芳草
蔓合，嘉木被庭，京師沙門好胡法者，皆就摩羅受持
之，戒行真苦，難可揄揚，秘咒神驗，閭浮所無也，咒枯
樹能生枝葉，咒人變爲驢馬，見之莫不忻怖，西域所
賣舍利骨及佛牙經像，皆在此寺，寺北有侍中尚書

臨淮王或宅。或博通典籍。辨慧清悟。風儀詳審。客止
可觀。至三元肇慶。萬國齊臻。貂蟬耀首。寶玉鳴腰。負
荷執笏。逶迤複道。觀者忘疲。莫不歎服。或性愛山林。
又重賓客。至於春風扇柳。花樹如錦。晨食南館。夜遊
後園。僚案成羣。俊民滿席。絲桐發響。羽觴流行。詩賦
並陳。清言乍起。莫不領其旨。與忘其褊。愜焉。是以入
或室者。謂登仙也。荊州秀才張裴。裴常爲五言。有清
拔之句。云異林花共色。別樹鳥同聲。或以蛟龍錦賜
之。亦有得緋紬緋綾者。唯河東裴子明爲詩不工。罰

酒一石、子明八斗而醉眠、時人譬之山濤及爾朱兆
入京師、或爲亂兵所害、朝野痛惜焉、出西陽門外四
里、御道南有洛陽大市、周廻八里、市東南有皇女臺、
漢大將軍梁冀所造、猶高五尺餘、景明中比邱道恒
立靈仙於其上、臺西有河陽縣臺、中有侍中侯剛宅、
市西北有土山魚池、亦冀之所造、卽漢書所謂採土
築山十里九坂、以象二嶠者、市東有通商達貨二里、
里內之人盡皆工巧、屠販爲生、資財巨萬、有劉寶者
最爲富室、州郡都會之處皆立一宅、各養馬一匹、至

於鹽粟貴賤市價高下所在一例舟車所通人跡所履莫不商販焉是以海內之貨咸萃其庭產匹銅山家藏金穴宅宇踰制樓觀出雲車馬服飾擬於王者市南有調音樂肆二里里內之人絲竹謳歌天下妙伎出焉有田僧超者善吹筚能爲壯士歌項羽吟征西將軍崔延伯甚愛之正光末高平失據虎吏充斥賊帥万俟醜奴寇暴涇岐之間朝廷爲之旰食延伯總步騎五萬討之延伯出師於洛陽城西張方橋卽漢之夕陽亭也世公卿祖道車騎成列延伯危冠長

劔耀武於前，僧超吹壯士笛，歌曲於後，聞之者懦夫
成勇，劔客思奮。延伯膽略不羣，威名卓著，爲國展力，
三十餘年，攻無牢城，戰無橫陣，是以朝廷傾心送之，
延伯每臨陣，常令僧超爲壯士聲，甲冑之士踴躍，延
伯單馬入陣，傍若無人，勇冠三軍，威振戎監。二年之
間，獻捷相繼，醜奴募善射者，中僧超亡，延伯悲惜哀
慟，左右謂伯牙之失鍾期，不能過也。後延伯爲流矢
所中，卒於軍中，於是五萬之師一時潰散，市西有退
酤治觴二里，里內之人多醞酒爲業。河東人劉白墮

善能釀酒季夏六月時暑赫羲以甕貯酒曝於日中經一旬其酒不動飲之香美醉而經月不醒京師朝貴多出郡登藩遠相餉饋踰於千里以其遠至號曰鶴觴亦名騎驢酒永熙年中南青州刺史毛鴻賓齎酒之番路逢劫賊盜飲之卽醉皆被擒獲因此復爲擒奸酒游俠語曰不畏張弓拔刀唯畏白墮春醪市北慈孝奉終二里里內人以賣棺槨爲業賃輜車爲事有挽歌孫巖娶妻三年不脫衣而臥巖因怪之伺其睡陰解其衣有三毛長三尺似野狐尾巖懼而出

之妻臨去將刀截巖髮而走鄰人追之變成一餅追之不得其後京邑被截髮者一百三十餘人初變婦人衣服靚粧行於道路人見而悅之近者被截髮嘗時有婦人著綵衣者人皆指其狐魅熙平二年四月有至此秋乃止別有準財金肆二里富人在焉凡此十里多諸工商貨殖之民千金比屋層樓對出重門啓扇閣道交通迭相臨望金銀緹繡奴婢裳衣五味八珍僕隸畢口神龜年中以工商上僭議不聽衣金銀緹繡雖立此制竟不施行

準財里內有開善寺京兆人韋英宅也英早卒其妻
梁氏不治喪而嫁更納河內人向子集爲夫雖云改
嫁仍居英宅英聞梁氏嫁向日來歸乘馬將數人至
於庭前呼曰阿梁卿忘我也子集驚怖張弓射之應
箭而倒卽變爲桃人所騎之馬亦化爲茆馬從者數
人盡化爲蕉人梁氏惶懼捨宅爲寺南陽人侯慶有
銅像一軀可高丈餘慶有牛一頭擬爲金色遇急事
遂以牛他用之經二年慶妻馬氏忽夢此像謂之曰
卿夫婦負我金色久而不償今取卿兒丑多以償色

焉覺悟心不遑安至曉丑多得病而亡慶年五十唯
有一子悲哀之聲感於行路丑多亡日像自有金色
光照四鄰一里之內咸聞香氣道俗長幼皆來觀覩
尚書右僕射元稹聞里內頻有怪異遂改準財里爲
齊諧里也自退酤以西張方溝水東南臨洛水北達
苾山其間東西二里南北十五里並名爲壽正里皇
宗所立也民間號爲王子坊當時四海晏清八荒率
職珠囊紀慶玉燭調辰百姓殷阜年登俗樂鰥寡不
聞犬豕之食焚獨不見牛羊之衣於是帝族王侯外

賊公主擅山海之富居川林之饒爭修園宅互相誇競崇門豐室洞戶連房飛館生風重樓起霧高臺芳樹家家而築花林曲池園園而有桃李夏綠竹柏冬青而河間王琛最爲豪首常與高陽爭行造文柏堂形如徽音殿置玉井金鑪以金五色續爲繩妓女三百人盡皆國色有婢朝雲善吹簫能爲團扇歌壘上聲琛爲秦州刺史諸羌外叛屢討之不降琛令朝雲假爲貧嫗吹簫而乞諸羌聞之悉皆流涕迭相謂曰何爲棄墳井在山谷爲寇也卽相率歸降秦民語曰

快馬健兒不如老嫗吹篪。琛在秦州多無政績遣使
向西域求名馬遠至波斯國得千里馬號曰追風赤
其次有七百里馬十餘疋皆有名字以銀爲槽金爲
鑲環諸王服其豪富琛常語人云石崇乃是庶姓猶
能雉頭狐掖畫茆雕薪況我大魏天王不爲華侈造
迎風館於後園窻戶之上列錢青鎖玉鳳銜鈴金龍
吐珮素奈朱李枝條入簷伎女樓上坐而摘食琛常
會宗室陳諸寶器有水晶鉢瑪瑙琉璃碗赤玉卮數十
枚作工奇妙中土所無皆是西域而來金瓶銀甕百

餘口甌槃盤合稱是自餘又陳女樂及諸名馬復引
諸王按行府庫錦罽珠璣冰羅霧縠充積其內繡緹
紉絞絲綵葛越錢絹布等不可勝數琛忽謂章武王
融曰不恨我不見石崇恨石崇不見我融立性貪暴
志欲無限見之惋歎不覺生疾還家臥三日不起江
陽繼來省疾謂曰卿之財產應得抗衡何爲歎羨以
至於此融曰常謂高陽一人寶貨多於融誰知河間
瞻之在前繼笑曰卿欲作袁術之在淮南不知世間
復有劉備也融乃蹶起置酒作樂于時國家殷富賄

藏盈溢錢絹露於廊者不可校數及太后賜百官絹
任意自取朝廷莫不稱力而去惟融與陳留侯李崇
負絹過蹶倒傷踝太后問侍中何少對曰臣有兩
手唯堪兩疋所獲多矣朝貴服其清廉經河陰之投
諸元殲盡王侯第宅多題爲寺壽丘里間列剎相望
祇洹鬱起寶塔高臨四月八日京師士女多至河間
寺觀其殿廡綺麗無不歎息以爲蓬萊仙室亦不足
過人其後園見溝瀆蹇產口磴嶢嶢朱荷出地綠萍
浮水飛梁跨樹層閣出雲咸皆唧唧雖梁王兔死想

之不如也

追光寺侍中尚書令東平王略之宅也。略生而岐嶷，幼則老成，博洽羣書，好道不倦。神龜中，爲黃門侍郎，元義專政，虐加宰輔。略密與其兄相州刺史中山王熙，故起義兵，問罪君側。雄規不就，釁起周謀。略弟兄四人，並罹塗炭。惟略一身逃命江左，蕭衍素聞略名，見其器度寬雅，文學優贍，甚敬重之，謂曰：「洛中如王者，幾人？」略對曰：「臣本朝之日，承乏攝官，至於宗廟之美，百官之富，鴛鴦接翼，杞梓成陰。如臣之比，趙客所

云車載斗量不可數盡，衍大笑，乃封略爲中山王，食邑千戶，儀比皇子。又除宣城太守，給鼓吹一部，劍卒千人，略爲政清。肅甚有治聲，江東朝貢，倭於務尚見略人朝，莫不憚其進止。尋遷信武將軍、衡州刺史。孝昌元年，明帝宥吳人江革請略歸國。江革者，蕭衍之大將也。蕭衍謂曰：「朕寧失江革，不得無王略。」略曰：「臣適家禍難白，骨未收，乞還本朝，收錄存沒。」因卽悲泣，衍哀而遣之，乃賜錢五百萬，金二百斤，銀五百斤，繡錦寶玩之物，不可稱數。親帥百官送於江上，作五言

詩贈者百餘人。凡見敬禮如此。比略始濟淮。明帝拜
略侍中。義陽王食邑千戶。略至闕。詔曰。昔劉蒼好善。
利建東平。曹植能文。大啓陳國。是用聲彪磐石。義鬱
維城。侍中義陽王略。體自蕃華。門勲夙著。內澗外朗。
兄弟偉如。旣見義忘家。捐生狗國。永言忠烈。何日忘
之。往雖弛擔爲梁。今便言旋詣闕。有志有節。能始能
終。方傳美丹青。懸諸日月。畧前未至之日。卽心立稱。
故封義陽王。然國邊地。寓食他邑。求之二三。未爲盡
善。宜比德均封。追芳曩烈。可改封東平王。戶數如前。

尋進尚書令儀同三司領國子祭酒侍中如故略從
容閒雅本自天資出南入北轉復高邁言論動止朝
野師模建義元年薨於河陰贈太保謚曰文貞嗣王
景式捨宅爲此寺

融覺寺清河水獻王懌所立也在閭闔門外御道南
有五層浮圖一所與冲覺寺齊等佛殿僧房充溢里
比邱曇謨最善於義學講涅槃華嚴僧徒千人天竺
國胡沙門菩提流支見而禮之號爲菩薩流支解佛
義知名西土諸夷號爲羅漢曉魏言及隸書翻十地

楞伽及諸經論二十三部雖石室之寫金言草堂之傳真教不能過也。流支讀曇謨最義大乘章每彈指贊歎唱言微妙卽爲胡書寫之傳之於西域西域沙門常東向遙禮之號曇謨最爲東方聖人。

大覺寺廣平王環捨宅在融覺寺西一里許北瞻芒嶺南眺洛汭東望宮闕西顧旗亭神臯顯敞實爲勝地是以溫子昇碑云面水背山左朝右市是也環所居之堂上置七佛林池飛閣比之景明至於春風動樹則蘭開紫葉秋霜降草則菊吐黃華名僧大德寂

以遣煩、永熙年中、平陽王卽位造甄浮圖一所、是土
石之工窮精極麗、詔中書舍人溫子昇以爲文也、

永明寺、宣武皇帝所立也、在大覺寺東、時佛法經像
盛於洛陽、異國沙門咸來輻輳、負錫持經、適茲洛土
宣武故立此寺、俾以憩之、房廡連亘一千餘間、庭列
脩竹、簷拂高櫨、奇花異草、駢闐塔砌、百國沙門三千
餘人、西域遠者乃至大秦國、盡天地之西陲、績紡百
姓、野店邑房相望、衣服車馬、擬儀中國、南中有歌營
國、去京師甚遠、土風隔絕、世不與中國交通、雖二漢

及魏亦未嘗至也。今始有沙門焉。子菩提拔陁自云
北行一月至勾雅國。北行十二日至孫典國。從孫典
國北行三十日至扶南國。方五千里。南夷之國最爲
大。民戶殷富。多出明珠金玉及水晶珍異。饒檳榔。從
扶南國北行一月至林邑國。出林邑入蕭衍國。拔陁
至陽州歲餘。隨揚州比邱法融來至京師。京師沙門
問其南方風俗。拔陁云。古有奴調國。乘四輪馬爲車。
斯調國出火浣布。以樹皮爲之。其樹入火不燃。凡南
方諸國皆因城郭而居。多饒珍麗。民俗淳善。質直好

義亦與西域大秦安息身毒諸國交通往來或三方
四方浮海乘風百日便至率奉佛教好生惡殺寺西
有宜牛里里內有陳留王景皓侍中安定公胡元吉
性虛豁少有大度愛人好士待物無遺尤善乎言道
家之業遂舍半宅安置僧徒演唱大乘數部並進京
師大德超光毗藥四法師三藏胡沙門菩提流支等
咸預其席諸方技術之士莫不歸赴有時奉朝請孟
仲暉者武城人也父賓金城太守暉志性聰明學兼
釋氏四諦之義窮其旨歸前來造第與沙門論議時

號爲自宗先生暉遂造人中俠綽像一軀相好端嚴
希世所有置皓前聽須臾彌寶座永安二年中此像
每夜行遶其座四向腳跡隱地成文於是士庶異之
咸來觀矚由是發心者亦復無量永熙三年秋忽然
自去莫知所之其年冬京師遷鄴武定五年暉爲洛
州開府長史重加採訪寥無影迹出閭闔門城外七
里長分橋中朝時以穀水浚急注於城下多壞民家
立石橋以限之長則分流入洛故名曰長分橋或云
晉河間王在長安遣張芳征長沙王營軍於此因爲

張方橋也，未知孰是。今民間語訛，號爲張夫人橋。朝
士送迎多在此處。長分橋西有千金堰，計其水利，口
益千金，因以爲名。昔都水使者陳騶所造，令備夫一
千歲，恒修之。

伽藍記卷四終

伽藍記卷五

城北

禪虛寺在大夏門御道西。寺前有閱武場。歲終農隙，甲士習戰，千乘萬騎常在於此。羽林馬僧相善，觝角戲。擲戟與百尺樹齊等。虎賁張車渠擲刀出樓一丈。帝亦觀戲在樓。恒令二人對爲角戲。中朝時宣武場在大夏門東北。今爲光風園。昔藉在焉。

疑平寺。闕官濟州刺史賈燦所立也。在廣門外一里。御道東。所謂永平里也。注卽漢太上王廣處。遷京之

初創居北里。直母山。捨以爲寺。地形高顯。下臨城關。房廡麗精。竹柏成林。實是淨行息心之所也。王公卿來遊觀。爲五言者。不可勝數。洛陽城東北有上高里。殷之頑民所居處也。高祖名聞義里。遷京之始。朝士住其中。迭相譏刺。竟皆去之。唯有造瓦者止其內京。師瓦器出焉。世人歌曰。洛城東。北上高里。殷之頑民昔所止。今日百姓造甕子。人皆棄去住者恥。唯冠軍將軍郭文遠。遊憩其中。堂宇園林。匹於邦君。時隴西季元謙。能雙聲語。常經文遠宅前過。見其闕閤華美。

乃曰是誰第宅。遇值婢春風出。曰郭冠軍家。元謙曰。此婢雙聲。春風曰。僇奴。慢罵元謙。服婢之能。於是京邑翕然傳之。聞義里有燉煌人宋雲宅。與惠生向西域取經。凡得一百七十部。皆是大乘妙典。初發京師。西行四十日至赤嶺。卽國之西疆也。皇魏聞訪。正在於此。赤嶺者不生草木。因以爲名。其山有烏鼠同穴。異種共數。烏雄鼠雌。共爲陰陽。卽所謂烏鼠同穴。發赤嶺。西行二十三日。渡流沙。至吐谷渾國。路中甚寒。多饒風雪。飛砂走礫。舉目皆滿。唯吐谷渾城左右。暖。

於餘處。其國有文字。况同魏風俗。治政多爲夷法。從吐谷渾西行三千五百里。鄯善城。其城立王爲吐谷渾所居。今城內主是吐谷渾第二息寧西將軍總部。落三千以禦西胡。從鄯善西行一千六百四十里至左末城。城中居民可有百家。土地無雨。決水種麥。不知用牛耒耜而田。城中圖佛與菩薩。乃無胡貌。訪古老云。是呂光伐胡所作。從左末城西行一千二百七十五里至末城。末城傍花果似洛陽。唯土屋平頭爲異也。從末城西行二十二里至捍麼城。南十五里有

一大寺。三百餘衆僧有金像一軀。舉高丈六。儀容超絕。相好炳然。面恒東立。不肯西顧。父老傳云。此像本從南方騰空而來于殿。國王親見。禮拜像載歸。中路夜宿。忽然不見。遣人尋之。還來本處。卽起塔封。四百戶供灑掃。人戶有患。以金箔貼像所患處。得陰愈。後人於此像邊造丈六像者。及諸像塔。乃至數千。懸紙幡蓋。亦有萬計。魏國之幡過半矣。幡上隸書多云。太和十九年。景明二年。延昌二年。唯有一幡。觀其年號。是姚興時。幡從捍摩城西行八百七十八里于闐國。

王頭著金冠。侶雞幘。頭後垂二尺生絹。廣五寸。以爲飾。威儀有鼓角金鉦弓箭一具。戟二枝。槊五張。左右帶刀。不過百人。其俗婦人袴衫束帶。乘馬馳走。與丈夫無異。死者以火焚燒。收骨葬之。上起浮圖。居喪者剪髮。劈面以爲哀感。髮長五寸。卽就平常。唯王死不燒。置之棺中。遠葬於野。立廟祭祀。以時思之。于闐王不信佛法。有商胡將一比丘石。昆盧旃在城南杏樹下。向王伏罪。云。今輒將異國沙門來在城南杏樹下。王聞忽怒。卽往看。昆盧旃語王曰。如來遣我來。今

王造覆盆浮圖一軀。使王祚永隆王言使我見佛。當
卽從命。昆盧梅鳴鐘聲告佛。卽遣羅睺。羅變形爲佛。
從空而見真容。王五體投地。卽於杏樹下置立寺舍。
畫作羅睺。羅像忽然自滅。于闐王更作精舍。籠之。今
之覆瓦之影。恒出屋外。見之者無不回向。其中有辟
支佛靴。於今不爛。非皮綵。莫能審之。案于闐國境東
西不過三千餘里。神龜二年七月二十九日。入朱駒
波國。人民山居。五果甚豐。食則麥麩。不立屠殺。食肉
者以自死肉。風俗言音與于闐相侶。文字與婆羅門

同其國疆界。可五日行遍。八月初入漢盤陀國界。西行六月。登葱嶺山。復西行三日。至鉢猛城。三日。至不可依山。其處甚寒。冬夏積雪。山中有池。毒龍居之。昔有商人止宿池側。值龍忿怒。兇殺商人。盤陀王聞之。捨子向烏菟國學婆羅門咒。四年之中。善得其術。還復王位。就池咒龍。龍變爲人。悔過向王。王卽位徙之葱嶺山。去此池二十餘里。今日國王十三世祖自此以西。山路欹側。危坂千里。懸崖萬仞。極天之阻。實在於斯。太行孟門。匹茲匪險。峭關隴坂。對此則夷。自發

葱嶺步步漸高如此四日乃得至巔依約中夏實半
天矣漢盤陀國正在山頂自葱嶺已西水皆西流入
西海世人云是天地之中人民決水而種聞中國闕
待雨而種笑曰天何由可其期也城東有孟津河東
北流向沙勒葱嶺高峻不生草木是時八月天氣已
寒北風驅鴈飛雪千里九月中旬入鉢和國高山深
谷嶮道如常國王所住因山爲城人民服飾惟有氍
毹衣地土甚寒窟穴而居風雪勁切人畜相依國之南
界有大雪山朝融夕結望若玉峯十月初旬入嚙噠

國土田庶衍山澤彌望居無城郭游軍而治以氈爲衣隨逐水草夏則隨涼冬則就溫鄉土不識文字禮教俱闕陰陽運轉莫知其度年無盈閏月無大小用十二月一藏受諸國貢獻南至牒羅北盡敕勤東被于闐西及波斯四十餘國皆來朝貢王居大氈帳方四十步周廻以氈敷爲壁王著錦衣坐金牀以金鳳皇爲牀脚見大魏使人再拜跪受詔書至于設會一人唱則客前後唱則罷會唯有此法不見音樂嗽噉國王妃亦著錦衣垂地三尺使人擎之頭戴一角長

八尺奇長三尺，以玫瑰五色裝飾其上。王妃出則輿之，入坐金牀，以六牙白象四獅子爲牀，自餘大臣妻皆隨傘頭，亦俱有角團圓下垂，狀似寶蓋。蓋觀其貴賤，亦有服章。四夷之中，最爲強大，不信佛法，多事外神，殺生血食，器用七寶。諸國奉獻甚饒珍異，按嗽噠國去京二萬餘里。十一月初入波斯國境，甚狹，七日行過人民山居，資業窮煎，風俗凶慢。見王無禮，國王出入從者數人，其國有水，昔日甚淺，後山崩絕流，變爲二池，毒龍居之，多有災異。夏喜暴雨，冬則積雪行。

人由之多致艱難。雪有白光照耀人眼。今人閉目茫
然無見。祭祀龍王。然後平復。十一月中旬。大賒彌國
漸出葱嶺。土田饒饒。民多貧困。峻路危道。人馬僅通。
一直一道。從鉢盧勒國向烏場。鐵鎖爲橋。懸虛爲度。
下不見底。旁無挽捉。倏忽之間。投軀萬仞。是以行者
望風謝路。十二月初。入烏場國。北接葱嶺。南連天竺。
土氣和煖。地方數千。民物殷阜。匹臨淄之神洲。原田
膴膴。等咸陽之上下。鞞羅施兒之所。薩埵投身之地。
舊俗雖遠。大風猶從。國王精進。菜食長齋。晨夜禮佛。

擊鼓吹貝琵琶箜篌笙簫備有日中已後始治國事
假有死罪不立殺刑唯徙空山任其飲啄事涉疑似
以藥服之清濁則驗隨事輕重當時卽決土田肥美
人物豐饒百穀盡登五果繁熟夜聞鐘聲遍滿世界
土饒異花冬夏相接道俗採之上佛供養國王見大
魏使宋雲來拜受詔書語人問宋雲曰卿是日出人
也宋雲答曰我國東界有大海水日出其中實如來
旨王又問曰彼國出聖人否宋雲具說周孔莊老之
德次序蓬萊山上銀闕金堂神仙聖人並在其上說

管輅善卜華陀治病左慈方術如此之事分別說之
王曰若如卿言卽是佛國我當命終愿生彼國宋雲
於是與惠生出城外尋如來教跡水東有佛曬衣處
初如來在烏場國行化龍王瞋恚興大風雨佛僧伽
梨表裏通濕雨止佛在石下東面而坐曬袈裟年歲
雖久彪炳若新非直條縱明見至於細縷亦彰乍往
觀之如似未徹假令刮削其文轉明佛坐處及曬衣
所並有塔記水西有池龍王居之池邊有一寺五十
餘僧龍王每作神變國王初請以金玉珍寶投之池

中在後涌出、令僧取之、此寺衣食待龍而濟、世人名
曰龍王寺、王城北十八里有如來履石之跡、起塔籠
之、履石之處、若以踐泥量之、不定、或長或短、今立寺
可七十餘僧、塔南二十步有泉石、佛本清淨、嚼楊枝、
植地生、卽今成大樹、胡名曰婆樓、城北有陀羅寺、佛
事最多、浮圖高大、僧房逼側、周匝金像六十軀、王年
常大會于此寺、國內沙門咸來雲集、宋雲惠生見彼
比丘戒行精苦、觀其風範、特加恭敬、遂捨奴婢二人
以供灑掃、去王城東南山行八日、如來苦行投身餓、

虎之處高山巖嵒危岫入雲嘉木靈芝叢生其上林
泉婉麗花綵曜目宋雲與惠生割捨行資於山頂造
浮圖一軀刻石隸書銘魏功德山有收骨寺三百餘
僧王城南一百餘里有如來昔作摩休國剝皮爲紙
折骨爲筆處阿育王起塔籠之舉高十丈折骨之處
髓流著石觀其脂色肥膩若新王城西南五百里有
善持山甘泉美果見於經記山谷和煖山木冬青當
時太簇御辰溫風已扇鳥鳴春樹蝶飛花叢宋雲遠
在絕域因屬此芳景歸懷之思獨軫中腸遂勸道

纏綿經月。得婆羅門咒。然後平善。山頂東南有太子石室。一口兩房。太子室前十步有大方石。云太子常坐其上。阿育王起塔記之。塔南一里太子草菴處。去塔一里東北下山五十步。有太子男女遶樹不去。婆羅門以杖鞭之。流血灑地處。其樹猶存。灑血之地。今爲泉水。室西三里。天帝什化爲師子當路。蹲坐遮娼妘之處。石上毛尾爪跡。今悉炳然。阿周陀窟及門子供養育父母處。皆有塔記。山中有昔五百羅漢牀。南北兩行相向坐處。其次第相有大寺。僧徒二百人。太

子所食泉水北有寺。恒以驢數頭運糧上山。無人驅逐。自然往還。寅發午至。每及中餐。此是護塔神渥婆仙使之然。此寺昔日有沙彌常除灰。因入神定。維那挽之。不覺皮連骨離。渥婆仙代沙彌除灰。處國王與渥婆仙立廟圖。其形像以金箔貼之。隔小嶺有婆奸寺。夜叉所造。僧徒八十人。云羅漢夜叉常來供養。灑掃取薪。凡俗比邱不得在寺。大魏沙門道榮至此。禮拜而去。不敢留停。至正光元年四月中旬。入乾陀羅國。土地亦與烏場國相似。本名業波羅國。爲嚙噬所

滅遂立敕慙爲王。治國以來。已經二世。立性暴凶。多
行殺戮。不信佛法。好事鬼神。國中人民。悉是婆羅門
種。崇奉佛教。好讀經典。忽得此王。深非情願。自恃勇
力。與罽賓爭境。連兵戰鬪。已歷三年。王有鬪象七百
頭。一負十人手。捉刀擡象鼻。縛刀與敵相擊。王常停
境山終日不歸。師老民勞。百姓嗟怨。宋雲詣軍。通詔
書。王凶慢無禮。坐受詔書。宋雲見其遠夷。不可制。任
其倨傲。未能責之。王遣傳事。謂宋雲曰。卿涉諸國。經
過嶮路。得無勞苦也。宋雲曰。我皇帝深味大乘。遠求

經論道路雖險。未敢告疲。大王親總三軍。遠臨邊境。寒暑驟移。不無損敝。王答曰。不能降服小國。愧卿此問。宋雲初見王。是夷人。謂不可以禮責。任其坐受詔書。及親往復。乃有人情。遂責之曰。山有高下。水有大小。人處世間。亦有尊卑。噉嚙烏場王。並拜受詔書。大王何獨不拜。王答曰。我親見魏主。則拜得書。坐讀。有何可怪。世人得父母書。猶自坐讀。大魏如我父母。我亦坐讀書於理。無失。雲無以屈之。遂將雲至一寺。供給甚薄。時跋提國送師子兒兩頭與乾陀。王雲等見。

之觀其意氣雄猛。中國素畫莫叅其儀。於是西行五
日。至如來捨頭施人處。亦有塔寺二十餘僧。復西行
大河。河西岸上有如來作摩竭大魚從
河而出。十二年中以肉濟人處。起塔爲記。石上猶有
魚鱗紋。復西行三日。至佛沙伏城。川原沃壤。城郭端
直。民戶殷多。林泉茂盛。土饒珍寶。風俗淳善。其城內
外。凡有古寺名僧德衆道行高奇。城北一里有白象
宮。寺內佛事皆是石像。裝嚴極麗。頭數甚多。通身金
箔。眩曜人目。寺前繫白象樹。此寺之興實由茲焉。花

葉侶寮。季冬始熟。父老傳云。此樹滅佛法亦滅。寺內
圖太子夫妻。以見女乞婆羅門像。胡人見之。莫不悲
泣。復西行一日。至如來挑眼施人處。亦有塔寺石。寺
石上有伽葉佛跡。復西行一日。乘船渡一深水。三百
餘步。復西南行六十里。至乾陀羅城。東南七里有雀
離浮圖。道藥傳云。城東四里。推其本源。乃是如來在
此之時。與弟子遊化此土。指城東曰。我入涅槃。後三
百年有國王名迦尼迦色迦。此處起浮圖。佛入涅槃
後二百年來。果有國王字迦尼色迦。出遊城東見四

童子月牛糞爲塔。可高三尺。俄然卽失。道藥傳云童子
在虛空中。向王說偈。王怪此童子。卽此童子卽作
塔籠之糞。塔漸高。挺出於外。去地四百尺。然後王始
更廣塔基三百餘步。道藥傳云三百九十步。從此構
木。始得齊等。道藥傳云其高三丈。悉用文石爲階。階
砌。楹拱上構衆木。凡十三級。上有鐵板高三尺。金盤
十三重。合去地七百尺。道藥傳云鐵柱八十八尺。八
十圍。金盤十五重。去地六十三丈二尺。施功旣訖。糞
垢如初。在大塔南三步。婆羅門不信是糞。以手探看。

遂作一孔。年歲雖久。糞猶不爛。以香泥填孔。不可充
滿。今天宮籠蓋之。雀離浮圖自作已來。三經天火所
燒。國王修之。還復如故。父老云。此浮圖天火所燒。佛
法當滅。道藥傳云。王修浮圖。木工既訖。猶有鐵柱無
由能上。王於四角起大高樓。多置金銀及諸寶物。王
與夫人及諸王子。悉在樓上燒香散花。至心精神。然
後轆轤絞索。一舉便到。故胡人皆云。四天王助之。若
其不爾。實非人力所能舉。塔內佛事。悉是金玉。千變
萬化。難得而稱。旭日始升。則金盤晃朗。微風漸發。則

寶鐸和鳴。西域浮圖最爲第一。此塔初成，用珍珠爲羅網覆其上。於後數年，王乃思量此珠網價值萬金。我崩之後，恐人侵奪，復慮大塔破壞，無人修補，一解珠網，以銅鑊盛之，在塔西北一百步掘地埋之。上種樹，樹名菩提，枝條四布，密葉蔽天。樹下四面坐像，各高丈五，恒有四龍典掌此珠。若興心欲取，卽有禍變。刻石爲銘，囑語將來。若此塔壞，勞煩後賢，出珠修治。雀離浮圖南五十步，有一石塔，其形正圓，高二丈，甚有神變，能與世人報吉凶。觸之若吉者，金鈴鳴應。若

凶者假令人搖撼亦不肯鳴。惠生旣在遠國恐不吉反遂禮袖塔乞求一驗。於是以指觸之。鈴卽鳴應。得此驗用慰私心。後果得吉反。惠生初發京師之日。皇太后敕付五色百尺幡千口。錦香囊五百枚。王公卿士幡二千口。惠生從于闐至乾陀。所有佛事處悉流布。至此頓盡。唯留太后百尺幡一口。擬奉尸毘塔。宋雲以奴婢二人奉雀離浮圖。永充灑掃。惠生遂減割行資。妙簡良匠。以鑰募寫雀離浮圖儀一軀。及什迦四塔變。於是西北行七日。渡一大水。至如來爲

尸昆王救鵠之處亦起塔寺昔尸昆王倉庫爲火所
燒其中粳米焦然至今猶在若服一粒永無瘡患彼
國人民須藥日取之道藥傳云至那迦羅訶國有佛
頂骨方圓四寸黃白色下有孔受人手指閃然似仰
蜂窠至耆賀濫寺有佛袈裟十三條以尺量之或短
或長復有佛錫杖長丈七以水甯盛之金箔其上此
杖輕重不定值有重時百人不舉值有輕時一人勝
之那竭城中有佛牙佛髮並作寶函盛之朝夕供養
至瞿羅羅鹿見佛影窟入山十五步四向戶遙望則

衆相炳然、近看瞑然、以手摩之、唯有石壁漸漸却行、始見其相容顏挺特、世所希有、窟前方石、石上有佛跡、窟西南百步有佛浣衣處、窟北一里有目連窟、窟北有山、山下有大佛手作浮圖、高十丈、云此浮圖陷入地、佛法當滅、并爲七塔、塔南石銘云如來手書、胡字分明、於今可識焉、惠生在烏場國二年、西胡風俗大同小異、不能具錄、至正光二年二月、始還天闕、街之按惠生行記、事多不盡錄、今依道藥傳宋雲家記、故並載之以備缺文、京師東西二十里、南北十五里、

戶十萬六千餘。廟社宮室府曹以外。方三百步爲一里。里開四門。門置里正二人。吏四人。門士八人。合有二百二十里。寺有一千三百六十七所。天平元年。遷都鄴城。洛陽餘寺四百二十一所。北芒山上有馮王寺。齊獻武王寺。京東石關有元領軍寺。劉長秋嵩高中有間居寺。栖禪寺。嵩陽寺。道場寺。上有中頂寺。東有昇道寺。栖禪寺。京南關口有石窟寺。靈巖寺。京西瀍澗有白馬寺。照樂寺。如此之寺。旣郭外不在數限。亦詳載之。


天

右楊街之洛陽伽藍記五卷文獻通考作二卷陳氏云衍之以余朱之亂城郭邱墟追述斯記晁氏亦云後魏遷都洛陽一時王公大夫多造佛寺或捨其私第爲之故僧舍多爲天下最衍之載其本末及事跡甚備石林燕語乃謂東漢以來九卿官府皆名曰寺與臺省並稱鴻臚其一也本以待四夷賓客故摩騰竺法蘭自西域以佛經至舍于鴻臚今洛中白馬寺或云卽漢鴻臚舊地摩騰初來以白馬負經旣死尸不壞因畱寺中後遂以爲浮

屠之居因名白馬今僧居概稱寺本此摩騰真身
至今不枯朽漆棺石室扃鎖甚固藏其鑰于府廨
有欲觀者請鑰秉燭乃可詳視然楊街之洛陽伽
藍記載當時經函放光事而不及摩騰不可解予
又攷高僧傳載漢明帝于城門外立精舍以處摩
騰卽白馬寺是也名白馬者相傳天竺國有伽藍
名招提其處大富有惡國王利于財將毀之有一
白馬繞塔悲鳴卽停毀自後改招提白馬諸處多
取此名焉其說白馬名寺又不同故並錄之以補

斯記之闕汝上王謨識

仙臺詩





三輔黃圖引

易曰上古穴居而野處後世聖人易之以宮室上棟



下宇以待風雨蓋取諸大壯三代盛時未聞宮室過
制秦穆公居西秦以境地多良材始大宮觀戎使由
余適秦穆公示以宮觀由余曰使鬼爲之則勞神矣
使人爲之則苦人矣是則穆公時秦之宮室已壯大
矣惠文王初都咸陽取岐雍巨材新作宮室南臨渭
北踰涇至於離宮三百復起阿房未成而亡始皇并
滅六國憑藉富強益爲驕侈燹天下財力以事營繕

項羽入關燒宮闕三月火不滅漢高祖有天下始都

長安寔曰西京欲其子孫長安都於此也

長安本秦之鄉名高

祖作都

至孝武皇帝承文景菲薄之餘恃邦國阜繁之

資土木之役倍秦越舊斤斧之聲畚鍤之勞歲月不

息蓋騁其邪心以誇天下也昔孔子作春秋築一臺

新一門必書於經謹其廢農時奪民力也今哀采桑

漢以來宮殿門闕樓觀池苑在關輔者著於篇曰三

輔黃圖云東都不與焉

三輔黃圖目錄

卷一

三輔沿革

三輔治所

京兆

馮翊

扶風

咸陽故城

宮

黃陽宮

咸陽宮

西垂宮

平陽封宮

橐泉宮

步高宮

步壽宮

虢宮

長楊宮

蘄年宮

梁山宮

信宮

興樂宮

朝宮

阿房宮

蘭池宮

鐘宮

馳道

雲閣

望夷宮

林光宮

漢長安故城

秦漢風俗

都城十二門

霸城門

清明門

宣平門

覆盜門

安門

西安門

章城門

直城門

雍門

洛城門

厨城門

橫門

卷二

長安九市

長安八街九陌

長安城中閭里

漢宮

長樂宮

未央宮

建章宮

桂宮

北宮

甘泉宮

司馬門 附

卷三

長樂宮

鴻臺

臨華殿

溫室殿

長信宮

未央宮

宣室殿

溫室殿

清涼殿

宣明殿

廣明殿

昆德殿

玉堂殿

麒麟殿

金華殿

承明殿

掖庭宮

椒房殿

昭陽殿

飛翔殿

增成殿

合歡殿

蘭林殿

披香殿

鳳凰殿

鴛鴦殿

安處殿

常寧殿

莊若殿

椒風殿

發越殿

蕙草殿

高門殿

非常室

織室

凌室

暴室

弄田

內謁者署

金馬門

路軫廡

建章宮

駘蕩宮

馭娑宮

天梁宮

杓諸宮

奇華殿

鼓簧宮

神明臺

北宮

壽宮

明光宮

太子宮中
甲觀畫堂

甘泉宮

鈎弋宮

昭臺宮

長定宮

長門宮

永信宮

中安宮

儲元宮

犬臺宮

葡萄宮

步壽宮

梁山宮

黃山宮

回中宮

三良宮

集靈宮

集仙宮

存仙殿

存神殿

望仙臺

望仙觀

棠梨宮

竹宮

宜春宮

扶荔宮

五柞宮

宣曲宮

鼎湖宮

思子宮

萬歲宮

首山宮

明光宮

池陽宮

養德宮

日華宮

曜華宮

附見

卷四

苑囿

周靈囿

漢上林苑

甘泉苑

御宿苑

思賢苑

博望苑

西郊苑

三十六苑

樂遊苑

宜春下苑

梨園

池沼

周靈沼

漢昆明池

鎬池

滄池

太液池

唐中池

百子池

十池 在上林苑

依飛外池

秦酒池

影娥池

琳池

鶴池 盤池

冰池

卷五

臺榭

周靈臺

漢靈臺

栢梁臺

漸臺

神明臺

通天臺

涼風臺

魚池臺

酒池臺

著室臺

鬪雞臺

走狗臺

壇臺

韓信射臺

果臺

東西山二臺

鈎弋臺

通靈臺

望鵠臺

眺蟾臺

桂臺

商臺

避風臺

長楊榭

辟廱

周辟廱

漢辟廱

明堂

周明堂

漢明堂

圜丘

太學

宗廟

太上皇廟

高祖廟

高園

原廟

惠帝廟

文帝廟

景帝廟

武帝廟

昭帝廟

宣帝廟

元帝廟

成帝廟

寢廟園

新室九廟

南北郊

天郊

地郊

甘泉園正

后土汾陰

社稷

官社

官稷

觀樓館附

豫章觀

飛廉觀

屬玉觀

青梧觀

射熊觀

石闕觀

封巒觀

白楊觀

長平觀

龍臺觀

涿木觀

細柳觀

成山觀

僊人觀

霸昌觀

蘭池觀

安臺觀

淪丘觀

禁觀

董賢觀

蒼龍觀

當市觀

旗亭樓

馬伯騫樓

麒麟館

朱雀館

龍興館

含章館

卷六

閣

石渠閣

天祿閣

麒麟閣

未央宮堯閣

白虎閣

屬車閣

署

虎威

章溝

八營

庫

武庫

靈金內府

倉

太倉

細柳倉

嘉倉

廐

未央大廐

六廐

九廐

霸昌馬廐

都廐

中廐

圈

秦獸圈

漢獸圈

羆圈

橋

橫橋

渭橋

霸橋

便門橋

飲馬橋

陵墓

漢十五陵

李夫人墓

王莽妻億年陵

雜錄

禁中

省中

鹵簿

清道

靜室

離宮

行在所

陛下

繭館

蠶室

鐘室

作室

長安御溝

闕觀

塾

城

掖門

闔闔

永巷

蠻夷邸

三輔黃圖

方目錄

五

關中八水

目錄終

三輔黃圖卷一

漢

亡名氏撰

浮梁鄧傳安校

三輔沿革

禹貢九州。舜置十二牧。雍其一也。古豐鎬之地。平王東遷。以岐豐之地。賜秦襄公。至孝公始都咸陽。咸陽在九嵎山渭水北。山水俱在南。故名咸陽。秦并天下。置內史以領關中。項籍滅秦。分其地爲三。以章邯爲雍王。都廢丘。司馬卬爲塞王。都櫟陽。董翳爲翟王。都高奴。謂之三秦。漢高祖入關。定三秦。元年更爲渭南。

郡九年罷郡復爲內史。五年高帝在洛陽。夫秦地被山帶河。四塞以爲固。卒然有急。百萬衆可立具。因秦之故資甚美膏腴之地。此所謂天府。陛下入關而都之。山東雖亂。秦故地可全而有也。又田田賀高帝曰。陛下治秦中。秦形勢之國。帶河阻山。持戟百萬。秦得百二焉。地勢便利。其以下兵於諸侯。猶居高屋之上。建瓴水也。自是漢始都之。景帝分置左右內史。此爲右內史。武帝太初元年。改內史爲京兆尹。與左馮翊右扶風謂之三輔。其輔俱在長安古城中。

三輔治所

京兆在故城南尚冠里。

馮翊在故城內太上皇廟西南。

扶風在夕陰街北。

三輔者，謂主爵中尉及左右內史。漢武帝改曰京兆尹、左馮翊、右扶風，共治長安城中，是爲三輔。三輔郡皆有都尉，如諸郡。京輔都尉治華陰，左輔都尉治高陵，右輔都尉治郿。王莽分長安城旁六鄉置帥各一人，分三輔爲六都尉，渭城、安陵以西北至栒邑、義渠。

十縣屬京尉大夫府居故長安寺高陵以北十縣屬
師尉大夫府居故建尉府新豐以東至湖十縣屬翊
尉大夫府居城東霸陵杜陵以東至藍田西至武功
郁夷十縣屬光祿大夫府居城西茂陵槐里以西至
汧十縣屬扶尉大夫府居城西長陵池陽以北殺襴
十縣屬列尉大夫府居後漢光武之後扶風出治槐
里馮翊出治高陵

咸陽故城

自秦孝公至始皇帝胡亥並都此城案孝公十二年

作咸陽。築冀闕。徙都之。始皇二十六年。徙天下高貴
富豪於咸陽。十二萬戶。諸廟及臺苑皆在渭南。秦每
破諸侯。徹其宮室。作之咸陽北坂上。南臨渭。自雍門
以東。至涇渭。殿屋複道。周閣相屬。所得諸侯美人鐘
鼓以克之。二十七年。作信宮渭南。已而更命信宮爲
極廟。象天極。自極廟道通驪山。作甘泉前殿。築甬道
自咸陽屬之。始皇窮極奢侈。築咸陽宮。因北陵營殿。
端門四達。以制紫宮。象帝居。引渭水灌都。以象天漢。
橫橋南渡。以法牽牛。橋廣六丈。南北二百八十步。六

三朝貴閣
十八間八百五十柱二百一十二梁橋之南北隄繳
立石柱咸陽北至九嶷甘泉南至鄠杜東至河西至
沂渭之交東西八百里南北四百里離宮別館相望
聯屬木衣綿綉土被朱紫宮人不移樂不改懸窮年
忘歸猶不能徧

宮

馳道閣附

黃陽宮秦文王所起在今鄠縣西南二十三里
棧楊宮秦昭王所作在今岐州扶風縣東北
西垂宮文公元年居垂宮

平陽封宮。武公元年伐彭戲氏，至于華山下，居於
陽封宮。

橐泉宮。皇覽曰：秦穆公冢在橐泉宮，祈年觀下。

步高宮。在新豐縣，亦名市邱城。

步壽宮。在新豐縣步高宮西。

號宮。秦宣太后起，在今岐州號縣界。

長楊宮。在今盩厔縣東南三十里。本秦舊宮，至漢修飾之以備行幸。宮中有垂楊數畝，因爲宮名。門曰射熊觀，秦漢游獵之所。

斬年宮。穆公所造。廟記曰。斬年宮在城外。秦始皇本紀。斬年宮在雍。

梁山宮。始皇幸梁山在好時。

信宮。亦曰咸陽宮。

興樂宮。秦始皇造。漢修飾之。周回二十餘里。漢太后常居之。

朝宮。始皇三十五年。以咸陽人多。先王之宮庭小。曰。吾聞周文王都豐。武王都鎬。豐鎬之間。帝王之都也。乃營朝宮於渭南上林苑庭中。可受十萬人。車行酒。

騎行炙千人唱萬人和。收天下兵聚之咸陽。銷以爲鐘。鑪高三丈。鐘小者皆千石也。銷鋒鏑以爲金人十二。以弱天下之人。立於官門。坐高三丈。銘其後曰。皇帝二十六年。初兼天下。改諸侯爲郡縣。一法律同度量。大人來見臨洮。其大五丈。足跡六尺。銘李斯篆。蒙恬書。董卓悉椎破銅人。銅臺以爲小錢。英雄記曰。昔大人見臨洮而銅人鑄。臨洮坐卓而銅人毀。天下大亂。卓身滅。抑有以也。餘二人。魏明帝欲徙詣洛陽。清明門裏載至霸城。重不可致。便留之。

阿房宮亦曰阿城。惠文王造宮未成而亡。始皇廣其宮。規恢三百餘里。離宮別館。彌山跨谷。輦道相屬。閣道通驪山八十餘里。表南山之顛以爲闕。絡樊川以爲池。作阿房前殿。東西五十步。南北五十丈。上可坐萬人。下建五丈旗。以木蘭爲梁。以磁石爲門。周馳爲複道。度渭屬之咸陽。以象太極閣道抵營室也。阿房宮未成。欲更擇令名。名之作宮阿基旁。故天下謂之阿房宮。隱宮徒刑者七十餘萬人。乃分作阿房宮。

或作驪山蘭池宮。始皇三十一年。爲微行咸陽。與武

士四人俱夜出逢蘭池。注：涿城縣有蘭池宮。
鐘宮在鄆縣東北二十五里。始皇收天下兵，銷爲鐘
鐻，此或其處也。

馳道。案秦本紀：始皇二十七年，治馳道。注：曰馳道，天
子道也。蔡邕曰：馳道，天子所行道也。今之中道，然
書賈山傳曰：秦爲馳道於天下，東窮燕齊，南極吳越，
江湖之上，濱海之觀，畢至。道廣五十步，三丈而輒
築其外，隱以金椎，樹以青松。漢令諸侯有制得行
道中者，行旁道，無得行中。與三丈也。不如令，後太甚。

車馬。

雲閣二世所造起雲閣。與南山齊。

望夷宮在涇陽縣界。長平觀遊東北臨涿水以望北夷。以爲宮名。

林光宮胡亥所造。從廣各五里。在雲陽縣界。

漢長安故城

漢之故都。高祖七年。乃修長安宮城。自櫟陽徙居此城。本秦離宮也。初置長安城。本狹小。惠帝更築之。

按惠帝元年正月初。成。長安城。三年春。發長安六百里。

里內男女十四萬六千人三十日罷城高三丈五尺
下濶一丈五尺六月發徒隸二萬人常役至五年復
發十四萬五千人三十日乃罷九月城成高三丈五
尺下濶一丈五尺上濶九尺雉高三坂周回六十五
里城南爲南斗形北爲北斗形至今人呼漢京城爲
斗城是也漢舊儀曰長安城中經緯各長三十二里
十八步地九百七十二頃八街九陌三宮九府三廟
十二門九市十六橋地皆黑壤今赤如火堅如石父
老傳云盡鑿龍首山土爲城水泉深二十餘丈樹宜

槐與榆松柏茂盛焉城下有池周繞廣三丈深二丈
石橋各六丈與街相直

秦漢風俗

漢志曰秦有四塞之固昔后稷封殽公劉處邠太王
徙岐文王作豐武王治鎬其民有先王遺風好稼穡
本業故幽詩言農桑衣食之業甚備秦都咸陽徙天
卜富豪十二萬戶漢高帝都長安徙諸齊田楚屈昭
景及諸功臣於長陵後世世徙吏二千石高賢富人
及豪傑兼井之家於諸陵強本弱末以制天下是故

五方錯雜風俗不一貴者崇侈靡賤者薄仁義富強則商賈爲利貧窶則盜賊不禁閭里嫁娶尤尚財貨送死過度故漢之京輔號爲難理古今之所同也

都城十二門

長安城東出南頭第一門曰霸城門民見門色青名曰青城門或曰青門門外舊出佳瓜廣陵人邵平爲秦東陵侯秦破爲布衣種瓜青門外瓜美故時人謂之東陵瓜廟記曰霸城門亦曰青綺門漢書王莽天鳳三年霸城門災莽更霸城門曰仁壽門無疆亭

長安城東出第二門曰清明門，一曰籍田門。以門內有籍田倉，一曰凱門。漢書平帝元始四年，東風吹屋瓦且盡，卽此門也。漢宮殿疏曰：第二門名城東門，莽更名曰宣德門，布恩亭。

長安城東出北頭第一門曰宣平門，民間所謂東都門。漢書曰：成帝建始元年，有白蛾羣飛蔽日，從東都門至枳道，又疏廣太傅受少傅上疏乞骸骨歸，公卿大夫爲設祖道，供張東都門外，卽此門也。其郭門亦曰東都，卽逢有掛冠處也。王莽更名春王門，正月亭。

東都門至外郭亭十三里

長安城南出東頭第一門曰覆盜門。一號杜門。廟記

曰覆盜門與洛門相去十三里二百一十步。門外有

魯班輸所造橋。工巧絕世。長樂宮在城中。近東直杜

門。其南有下杜城。漢書注云。故杜陵之下聚落也。

故曰下門。又曰端門。北對長樂宮。漢書曰。戾太子所

所覆盜門出奔湖。王莽更名曰永清門。長茂亭。

長安城南出第二門曰安門。亦曰鼎路門。北對武庫。

王莽更名曰光禮門。顯樂亭。

長安城南出第三門曰西安門北對未央宮一曰便門卽平門也古者平便皆同字武帝建元二年初作便門橋跨渡渭水上以趨陵其道易直三輔決錄曰長安城西門曰便橋橋北與門對因號便橋王莽更名曰信平門誠正亭

長安城西出南頭第一門曰章城門漢宮殿疏曰章城門漢城西面南頭第一門三輔舊事曰章門一曰光華門又曰便門漢書成帝元延元年章城門牡自亡王莽改曰萬秋門億年亭

長安城西出第二門曰直城門。漢宮殿疏曰：西出南頭第二門也。亦曰故龍樓門。門上有銅龍。本名直門。王莽更曰直道門。端路亭。
長安城西出北頭第一門曰雍門。本名西城門。王莽改曰章義門。著義亭。其水北入有亟里。民呼曰亟里門。

長安城北出東頭第一門曰洛城門。又曰高門。漢宮殿疏曰：高門長安北門也。又名鸛雀臺門。外有漢武承露盤在臺上。

三輔黃圖卷一
長安城北第二門曰廚城門。長安廚在門內。因爲門名。王莽更名建子門。廣世亭。

長安城北出西頭第一門曰橫門。漢書彪上小女陳持弓。走入光門。卽此門也。門外有橋曰橫橋。

漢城門皆有候。門候主候時。謹啓閉也。三輔決錄曰。長安城面三門。四面十二門。皆通達九達。以相經緯。衢路平正。可並列車軌。十二門三塗洞開。隱以金椎。周以林木。左右出入。爲往來之徑。行者升降。有上下之別。班固西都賦云。披三條之廣路。立十二之通門。

又張衡西京賦云城郭之制則旁開三門參塗夷庭。
方軌十二街衢相經是也。

三輔黃圖卷一終

三軒黃圖

卷一

十一



三軒黃圖

三軒黃圖

三輔黃圖卷二

長安九市

廟記云，長安市有九，各方二百六十六步。六市在道西，三市在道東。凡四里爲一市。致九州之人，在矣門夾橫橋大道，市樓皆重屋。又曰旗亭樓在杜門大道南，又有當市樓，有令署以察商賈貨財買賣貿易之事。三輔都尉掌之。直市在富平津西南二十五里，卽秦文公造，物無二價，故以直市爲名。張衡西京賦云：郭開九市，通闐帶闔，旗亭重立，俯察百隧是也。又案

郡國志長安大俠黃子夏居柳市司馬季主卜於東市晁錯朝服斬於東市西市在醴泉坊

長安八街九陌

有香室街夕陰街尚冠前街三輔舊事云長安城中八街九陌漢書劉屈氂妻梟首華陽街京兆尹張敞走馬章臺街陳湯斬郅支王首縣藁街張衡西京賦云參塗夷庭街衢相經。廛里端直。薨字齊平是也。

長安城中閭里

長安閭里一百六十一室居牆比門巷修直有宣明建

陽昌陰尚冠修城黃棘北煥南平等里漢書萬石君
奮徙家長安戚里宣帝在民間時常在尚冠里劉向
列女傳節女長安大昌里人也

漢宮

長樂宮本秦之興樂宮也高皇帝始居櫟陽七年長
樂宮成徙居長安城三輔舊事宮殿疏皆曰興樂宮
秦始皇造漢修飾之周回二十里前殿東西四十九
丈七尺兩廡中三十五丈深十二丈長樂宮有鴻臺
有臨華殿有溫室殿有信宮長秋永壽永寧四殿高

帝居此宮。後太后常居之。孝惠至平帝皆居未央宮。
漢書宣帝元康四年。神爵五。采以萬數。集長樂宮。五
鳳三年。鸞鳳集長樂宮。東闕中樹上。王莽改長樂宮
爲長樂室。在長安中近東直杜門。

未央宮。漢書曰。高祖七年。蕭何造未央宮。立東闕北
闕。前殿武庫太倉上。見其壯麗之甚。怒曰。天下匈匈。
勞苦數歲。成敗未可知。是何治宮室過度也。何對曰。
以天下未定。故可因以就宮室。且天子以四海爲家。
非令壯麗。無以重威。無令後世有以加也。上悅。自櫟

陽徙居焉。未央宮周回二十八里。前殿東西五十丈，深十五丈，高三十五丈。營未央宮，因龍首山以制前殿。至孝武以木蘭爲棼橑，文杏爲梁柱，金鋪玉瓦，華榱璧璫，雕楹玉碣，重軒鏤檻，青瑣丹墀。左鹹右平，黃金爲壁帶，間以和氏珍玉。風至其聲玲瓏然也。未央宮有宣室、麒麟、金華、承明、武臺、鈞弋等殿。又有殿閣三十有二，有壽成、萬歲、廣明、椒房、清涼、水延、玉堂、壽安平、就宣、德東、明飛、兩鳳、凰通光、曲臺、白虎等殿。廟記云：未央宮有增城、昭陽殿。漢官殿疏曰：未央宮有

麒麟閣天祿閣有金馬門青瑣門元武蒼龍二闕朱
鳥堂畫堂甲觀非常室又有鈎盾署弄田三輔決錄
曰未央宮有延年殿合歡殿四車殿又漢宮閣記云
未央宮有宣明長年溫室昆德四殿又有玉堂增盤
閣宣室閣三輔舊事云武帝於未央宮起高門武臺
殿漢武故事云神明殿在未央宮王莽改未央宮曰
壽成室前殿曰玉路堂如路寢也按舊圖漸臺織室
凌室皆在未央宮

建章宮武帝太初元年栢梁殿災粵巫勇之曰粵俗

有火災卽復起大屋以厭勝之帝於是作建章宮度
爲千門萬戶宮在未央宮西長安城外帝於未央宮
營造日廣以城中爲小乃於宮西跨城池作飛閣通
建章宮構輦道以上下宮之正門曰闔闔高二十五
丈亦曰壁門左鳳闕高二十五丈右神明臺門內北
起別風闕高五十丈對峙井幹闕高五十丈輦道相
屬焉連閣皆有杲愚前殿下池去未央其西則廣中殿
受萬人三輔舊事云建章周回一百三十里東起別風闕
高二十五丈乘高以望遠又於宮門北起圓闕高二

十五丈。上有銅鳳凰。赤眉賊壞之。西京賦云。圓闕聳以造天。若雙碣之相望是也。廟記云。建章宮北門高二十五丈。建章北闕門也。又有鳳凰闕。漢武帝造。高七十丈五尺。鳳凰闕亦名別風闕。又云。嵯峨闕在圓闕門內。二百步。繁欽建章序云。秦漢規模。廓然泯歟。惟建章鳳闕。聳然獨存。雖非象魏之制。亦一代之巨觀。古歌云。長安城西有雙闕。上有雙銅雀。一鳴五穀成。再鳴五穀熟。按銅雀卽銅鳳凰也。楊震闕輔古語云。長安民俗。謂鳳凰闕爲貞女樓。漢書曰。建章宮南

有玉堂，壁門三層，臺高三十丈，玉堂內殿十二門，階
陛皆玉爲之，鑄銅鳳高五尺，飾黃金棲屋，上下有轉
輻，向風若翔，椽首薄以璧玉，因曰壁門。建章有駘蕩
殿，娑枌詣及天梁，奇華鼓簧等宮，又有玉堂神明堂
疏圃，鳴鑾奇華銅柱，函德二十六殿，太液池，唐中池，
桂宮，漢武帝造，周回十餘里，漢書曰：桂宮有紫房複
道，通未央宮。關輔記云：桂宮在未央北，中有明光殿，
土山複道，從宮中西上城，至建章神明臺，蓬萊山，三
秦記：未央宮漸臺西有桂宮，中有光明殿，皆金玉珠

璣爲簾箔。處處明月珠。金墜玉階。晝夜光明。又西京雜記云。武帝爲七寶牀。雜寶。按。則寶屏。風列寶帳。設於桂宮。時人謂爲四寶宮。

北宮在長安城中。近桂宮。俱在未央宮北。周回十里。高帝時。制度草創。孝武增修之。中有前殿。廣五十步。珠簾玉戶。如桂宮。漢書曰。呂太后崩。孝惠皇帝廢處北宮。又曰。哀帝崩。貶皇太后趙氏爲孝成皇后。退居北宮。皇后薄氏退居桂宮。

甘泉宮。一曰雲陽宮。史記秦始皇二十七年作甘泉

宮及前殿築甬道。自咸陽屬之關輔。記曰。林光宮一曰甘泉宮。秦所造。在今池陽縣西。故甘泉山宮以山爲名。宮周圍十餘里。漢武帝建元中增廣之。周十九里。去長安三百里。望見長安城。黃帝以來。圓正祭天處。遁甲開山圖云。雲陽先生之墟也。武帝造闕於南。以象方色。於甘泉宮更置前殿。始造宮室。有芝生甘泉殿邊房中。漢舊儀云。芝有九莖。芝金色綠葉朱實。夜有光。乃作芝房之歌。帝又起紫殿。雕文刻鏤。黼黻以玉飾之。成帝永始四年。行幸甘泉。郊泰畤。神光降。

於紫殿。今按甘泉谷北岸有槐樹，今謂玉樹。根幹盤
峙三二百年木也。揚震關輔古語云：耆老相傳咸以
謂此樹卽楊雄甘泉賦所謂玉樹青葱也。甘泉有高
光宮，又有林光宮，有長定宮，竹宮，通天臺，通靈臺，武
帝作迎風館於甘泉山，後加露寒儲胥二館，皆在雲
陽。甘泉中西廡迤彷徨觀，築甘泉苑，建元中作石闕
封巒鵠觀於苑垣內。宮南有昆明池，苑南有棠梨
宮。漢未央長樂甘泉宮，四面皆有公車

司馬門。凡言司馬者，官垣之內，丘

在司馬主武

事故謂宮之外門爲司馬門按漢官衛令諸出入殿
門公車司馬門者皆下不如令罰金四兩王莽改公
車司馬門曰王路四門分命諫大夫四人受章疏以
通下情

輔黃圖卷二終

三輔黃圖卷三

長樂未央建章北宮甘泉宮中宮室臺殿

鴻臺秦始皇二十七年築高四十丈上起觀宇帝嘗射飛鴻于臺上故號鴻臺漢書惠帝四年張樂宮鴻臺災

臨華殿在長樂宮前殿後武帝建漢書成帝永始四年長樂宮臨華殿災

溫室殿按漢宮殿疏在長樂宮又漢宮閣記在未央宮

長信宮。漢太后常居之。按通靈記。太后成帝母也。后宮在西。秋之象也。秋主信。故宮殿皆以長信。長秋爲名。又永壽。永寧殿。皆后所處也。

右長樂宮

宣室。溫室。清涼。皆在未央宮殿北。宣明。廣明。皆在未央殿東。昆德。玉堂。皆在未央殿西。

宣室。未央前殿正室也。淮南子曰。周武王殺紂於宣室。漢取舊名也。漢書曰。文帝受釐宣室。夜半前席。賈生問鬼神之事。卽此也。又王莽地皇四年。城中少年

朱弟張魚等燒宮莽避火宣室前殿火輒隨之。
溫室殿武帝建冬處之溫暖也。西京雜記曰溫室以
椒塗壁被之文綉香桂爲柱設火齊屏風鴻羽張規
地以罽賓氍毹。漢書曰孔光爲尚書令歸休與兄弟
妻子燕語終不及朝省政事或問溫室省中樹何木
光不應。

清涼殿夏居之則清涼也。亦曰延清室。漢書曰清室
則中夏含霜卽此也。董偃常臥延清之室以畫石爲
牀文如錦紫琉璃帳以紫玉爲盤如屈龍皆用雜寶

飾之。侍者於外扇偃。偃曰。玉石豈須扇而後涼邪。又以玉晶爲盤。貯冰於膝前。玉晶與冰相潔。侍者謂冰無盤必融濕。席乃拂玉盤墜。冰玉俱碎。玉晶千塗國所貢也。武帝以此賜偃。

麒麟殿。未央宮有麒麟殿。漢書哀帝燕董賢父子於麒麟殿。視賢曰。吾欲法堯禪舜如何。王閔曰。天下乃高皇帝天下。非陛下之天下也。陛下奉承宗廟。當傳之無窮。安可妄有所授。帝業至重。天子無戲言。上默然不悅。

金華殿。未央宮有金華殿。漢書曰。成帝初。方向學。召鄭寬中。張禹。說尚書論語於金華殿中。

承明殿。未央宮有承明殿。著述之所也。班固西都賦序云。內有承明著作之庭。卽此也。漢書武帝謂嚴助曰。君厭承明之廬。又成帝鴻嘉二年。雉飛集承明殿屋。

蒼龍白虎朱雀元武。天之四靈。以正四方。王者制宮闕殿閣取法焉。

掖庭宮。

椒房殿在未央宮以椒和泥塗取其溫而芬芳也武帝時後宮八區有昭陽飛翔增成合歡蘭林披香鳳凰鴛鴦等殿後有增修安處常寧涫若椒風發越蕙草等殿爲十四位成帝趙皇后居昭陽殿有女弟俱爲婕妤貴傾後宮昭陽舍蘭房椒壁其中庭彤朱而庭上髹漆切皆銅沓黃金塗白玉堦壁帶往往爲黃金釭函藍田壁明珠翠羽飾之自後宮未嘗有焉班婕妤居增成舍哀帝時董賢女弟爲昭儀居舍號曰椒風

高門殿。漢書曰：汲黯請見高門。注曰：未央宮高門殿也。又哀帝時鮑宣諫曰：陛下擢臣巖穴，誠冀有益毫毛，豈欲臣美食大官，重高門之地。

中官室。漢書成帝綏和二年，鄭通里人王褒絳衣小冠，帶劍入北司馬門殿東門，上前殿至非常室中，解帷組結佩之，召前殿署長業等曰：天帝令我居此，業等收縛考問，乃故公車大誑。卒病狂易，不自知入宮，下獄死。

織室。在未央宮，又有東西織室。織作文繡郊廟之服。

有令史

凌室在未央宮藏冰之所也。幽詩七月篇曰：納于凌陰。周官凌人職掌藏冰。大祭祀餘食則供冰。漢書惠帝四年：織室凌室災。

暴室主掖庭織作染練之署，謂之暴室，取暴曬爲名耳。有嗇夫官屬。

弄田在未央宮。弄田者燕遊之田。天子所戲弄耳。漢書昭帝紀曰：始元元年，上耕千鈎盾弄田。應劭注云：帝時年九歲，未能親耕。帝籍鈎盾官，宦者近署，故往。

試耕爲戲。成帝建始三年，小女陳持弓年九歲，闌入尚方掖門，至未央殿鉤盾禁中。

內謁者署在未央宮屬少府。續漢書云：掌宮中步張褰物。丁孚漢官云：令秩千石。

金馬門，宦者署。武帝時大宛馬以銅鑄像立於署門，因以爲名。東方朔主父偃嚴安徐樂皆待詔金馬門，卽此。

路軫廐在未央宮，掌宮中輿馬，亦曰未央廐。漢書曰：武帝時期門郎，上官桀遷爲未央廐令。

右未央宮

駘蕩宮春時景物駘蕩滿宮中也

駘娑宮駘娑馬行疾貌馬行迅疾一日之間遍宮中

言宮之大也

天梁宮梁木至於天言宮之高也四宮皆在建章宮
枌詣宮枌詣木名宮中美木茂盛也

奇華殿在建章宮旁四海夷狄器服珍寶火浣布切
玉刀巨象大雀師子宮馬充塞其中

鼓簧宮漢宮閣疏云鼓簧宮周匝一百三十步在建

章宮西北。

神明臺。漢書曰：建章有神明臺。廟記曰：神明臺，武帝造祭仙人處。上有承露盤，有銅仙人舒掌捧銅盤玉杯，以承雲表之露，以露和玉屑服之，以求仙道。長安記：仙人掌大七圍，以銅爲之。魏文帝徙銅盤折，聲聞數十里。

右建章宮

壽宮。北宮有神仙宮、壽宮。張羽旗，設供具以禮神君。神君來則肅然風生，帷帳皆動。

明光宮武帝太初四年秋起在長樂宮後南與長樂宮相連屬漢書元后傳曰成都侯商嘗疾欲避暑從上借明光宮蓋卽此王莽建國元年改明光宮爲安館安定太后居之

太子宫甲觀太子宫有甲觀畫堂漢書曰孝成皇帝元帝太子也母曰王皇后元帝在太子宫生甲觀畫堂元后傳曰見於內殿此其例也畫堂謂宮殿中彩畫之堂

右北宮

鈎弋宮。列仙傳曰。鈎弋夫人姓趙氏。河間人。少好瀖
病臥六年。右手鈎卷。飲食少。望氣者云。東北有貴人
推而得之。見召姿色佳麗。武帝及其手。得玉鈎而手
展。有寵生昭帝。妊娠十四月。上曰。聞昔堯十四月而
生。今鈎弋亦然。乃命所生門曰堯母門。所居曰鈎弋
宮。自夫人加婕妤。後得罪。掖庭獄。及殯。香一月。昭
帝卽位。追尊爲皇太后。更葬之。發六十二萬人起陽
陵。其棺槨但有彩履。王褒雲陽記曰。鈎弋夫人徙至
甘泉而卒。尸香聞十餘里。葬雲陽。武帝思之。起通靈

臺於甘泉宮有一青鳥集臺上往來至宣帝時乃不
至漢武故事曰鈎弋宮在直門之南除夫人薨正
昭臺宮在上林苑中孝宣霍皇后立五年廢處昭臺
宮後十二歲徙雲林館遂自殺除夫人薨香一具
長定宮林光宮中有長定宮三輔決錄曰后從帝行
幸於甘泉宮居長定宮孝成許皇后廢處昭臺宮歲
餘徙長定宮各處身於外風定帝及其子皆王陵而手
長門宮離宮在長安城孝武陳皇后得幸頗妬居長

門宮

永信宮。孝哀帝尊恭太皇后。帝太后稱永信宮。
中安宮。孝哀帝尊恭皇太后曰帝太后。稱中安宮。
儲元宮。在長安城西。漢書外戚傳曰。信都太后與信
都王俱居儲元宮。

犬臺宮。在上林苑中。長安西二十八里。漢書江充召
見犬臺宮。

葡萄宮。在上林苑西。漢哀帝元壽三年。單于來朝。以
太歲厭勝。所舍之此宮也。

步壽宮。秦亦有步壽宮。今按其地與秦異。則秦漢各

有步壽宮耳。漢殺初宮，宣帝神爵二年，鳳凰集殺初縣，鳳凰集處得玉寶，乃起步壽宮。

梁山宮，梁山好時界，卽禹貢云壺口治梁及岐。又古公踰梁山于岐下，及秦立梁山宮，皆此山下也。史記秦本紀始皇三十二年幸梁山宮，卽此也。

黃山宮，在興平縣西三十里，武帝微行西至黃山宮，卽此也。

回中宮，史記秦始皇二十七年巡隴西北地，出笄頭，過回中。漢書文帝十四年，匈奴入蕭關，殺都尉，燒回

中宮侯騎至雍武帝元狩四年幸雍通回中道遂北出蕭關又有三良宮相近

集靈宮集仙宮存仙殿存神殿望仙臺望仙觀俱在華陰縣界皆武帝宮觀名也華山記及三輔舊事云昔有太元真人茅盈內記始皇三十一年九月庚子盈曾祖父濛於華山乘雲駕龍白日昇天先是邑人謠曰神仙得者茅初成駕龍上昇入太清時下元洲戲赤城繼世而往在我盈帝若學之臘嘉平漢武帝內傳曰魯女生長樂人初餌胡麻乃永絕穀八十餘

年少壯色如桃華。一日與親知故人別入華山。後五十年先識者逢女於廟前。乘白鹿從王母。人因識之。謝其鄉里而去。又神仙傳曰。中山衛叔卿常乘雲車駕白鹿。見漢武帝。將臣之。叔卿不言而去。武帝悔求得其子度。令追其父。登華岳。見父與數人坐於石上。敕度令還。又華山記。宏農鄧紹八月曉入華山。見童子耕五彩囊。盛栢葉露。食之。武帝卽其地造宮殿。歲時祈禱焉。漢書云。華陰縣有集靈宮。又有望仙觀在

華陰縣

棠梨宮在甘泉苑垣外雲陽南三十里

竹宮甘泉祠宮也以竹爲宮天子居中漢舊儀云竹宮去壇三里

宜春宮本秦之離宮在長安城東南杜縣東近下杜扶荔宮在上林苑中漢武帝元鼎六年破南越起扶荔宮以植所得奇草異木菖蒲百本山薑十本片蕉十二本留求子十本桂百本蜜香指甲花百本龍眼荔枝檳榔橄欖千歲子甘橘皆百餘本上木南北異宜歲時多枯瘁荔枝自交趾移植百株于庭無一生

者連年猶移植不息。後數歲偶一株稍茂，終無華實。帝亦珍惜之。一旦萎死，守吏坐誅者數十人，遂不復蒔矣。其實則歲貢焉。邳傳者疲斃於道，極爲生民之患。至後漢安帝時，交趾郡守極陳其弊，遂罷其貢。五柞宮，漢之離宮也。在扶風盩厔宮中，有五柞樹，因以爲名。五柞皆連抱上枝，覆蔭數畝。

宣曲宮，在昆明池西。孝宣帝曉音律，常於此度曲，因以爲名。

鼎湖宮，在湖城縣界。昔黃帝採首山銅，以鑄鼎，鼎成。

有龍下迎帝仙去。小臣攀龍髯而上者七十二人。漢武帝於此建宮。

思子宮。武帝寤戾太子無辜被殺。作思子宮。爲歸來望思之臺於湖。

萬歲宮。武帝造汾陰有萬歲宮。宣帝元康四年幸萬歲宮。神爵翔集。以元康五年爲神爵紀元。

首山宮。漢武帝元封元年封禪後。夢高祖坐明堂朝羣臣。於是祀高祖於明堂以配天。還作首山宮。以爲高靈館。

明光宮武帝求仙起明光宮發燕趙美女二千人克之率取二十以下十五以上年滿三十者出嫁之掖庭令總其籍時有死出者隨補之

池陽宮在池陽南上原之阪有長年坂去長安五十里

養德宮趙王如意年幼未能就外傳戚姬養之趙王內傳趙媼傳之號其室曰養德宮

右甘泉宮

日華宮河間獻王德築日華宮置客館二十餘

待學士自奉養甚薄，不踰賓客。

曜華宮，梁孝王好營宮室，苑囿之樂，作曜華宮，築兔園。園中有百靈山，有膚寸石，落猿巖，栖龍岫。又有鴈池，池間有鶴洲，鳧渚。其諸宮觀相連延，亘數十里，奇果異樹，珍禽怪獸畢有。王日與宮人賓客弋釣其中。右曰華曜華宮，營構不在三輔，然皆漢之諸王所建，以附宮室篇末。

漢畿內千里，並京兆治之，內外宮館一百四十五所。班固西都賦云：前乘秦嶺，後越九巘，東薄河華，西涉

岐雍宮館所歷百有餘區秦離宮二百漢武帝往往修造之

三輔黃圖卷四

苑囿

周靈囿，文王囿也。詩曰：王在靈囿，麀鹿攸伏。麀鹿濯濯，白鳥皤皤。毛萇註曰：囿所以域養禽獸也。天子百里，諸侯四十里。靈者，言文王之有靈德也。靈囿言道行於苑囿也。孟子曰：文王之囿，方七十里，芻蕘者往焉，雉兔者往焉，與民同其利也。文王靈囿在長安縣西四十二里。

漢上林苑，卽秦之舊苑也。漢書云：武帝建元三年，開

上林苑東南至藍田宜春鼎湖御宿昆吾旁南山而西至長楊五柞北繞黃山瀕渭水而東周袤三百里離宮七十所皆容千乘萬騎漢宮殿疏云方三百四十里漢舊儀云上林苑方三百里苑中養百獸天子秋冬射獵取之帝初修上林苑羣臣遠方各獻名果異卉三千餘種植其中亦有製爲美名以標奇異茂陵富民袁廣漢藏鏹巨萬家僮八九百人於北山下築園東西四里南北五里激流水注其中甃石爲山高十餘丈連延數里養白鸚鵡紫鴛鴦羣牛青兕奇

獸珍禽委積其間，積沙爲洲，嶼激水爲波濤，致江鷗、海鶴、孕雛、產鰈，延漫林池，奇樹異草，靡不培植。屋皆徘徊連屬，重閣修廊，行之移晷，不能徧也。廣漢後有罪誅，沒入爲官園，鳥獸草木皆移入上林苑中。上林苑有昆明觀，武帝置；又有蘭觀、平樂觀、遠望觀、燕昇觀、觀象觀、便門觀、白鹿觀、三爵觀、陽祿觀、陰德觀、鼎郊觀、樛木觀、椒唐觀、魚鳥觀、元華觀、走馬觀、柘觀、上蘭觀、郎池觀，當路觀皆在上林苑。又舊儀曰：上林有令有尉，禽獸簿記其名數。又有上林詔獄，主治苑中

禽獸宮館之事屬水衡。又上林苑中有六池。市郭宮殿魚臺犬臺獸圈。

甘泉苑。武帝置。緣山谷。行至雲陽三百八十一里。西入扶風。凡周回五百四十里。苑中起宮殿臺閣百餘所。有仙人觀。石闕觀。封巒觀。鳩鵲觀。

御宿苑。在長安城南御宿川中。漢武帝爲離宮別館。禁禦人不得入。往來遊觀。止宿其中。故曰御宿。三秦記云。御宿園出栗十五枚。一勝大梨。如五勝落地則破。其取梨先以布囊承之。號曰含消。此園梨也。

思賢苑。孝文帝爲太子立思賢苑以招賓客。苑中有堂室六所。客館皆廣廡高軒屏風幃褥甚麗。廣陵王胥有勇力。常於別園學格熊。後遂能空手搏之。莫不短脰。後爲獸所傷。陷腦而死。

博望苑。武帝立子據爲太子。爲太子開博望苑以通賓客。漢書曰。武帝年二十九乃得太子。甚喜。太子冠爲立博望苑。使之通賓客。從其所好。又云。博望苑在長安城南杜門外五里有遺址。

西郊苑。漢西郊有苑囿。林麓藪澤連亘。繞以周垣。四

百餘里，離宮別館三百餘所。

三十六苑，漢儀注：太僕牧師諸苑三十六所，分布北邊西邊，以郎爲苑監，宦官奴婢三萬人，養馬三十萬疋，養鳥獸者通名爲苑，故謂之牧馬處爲苑。

樂遊苑在杜陵西北，帝神爵三年春起。

宜春下苑在京城東北隅。

梨園，雲陽宮記曰：雲陽軍箱坂下有梨園一頃，梨數百株，青翠繁密，望之如軍蓋。

周文王靈沼在長安西二十里詩曰王在靈沼於物魚躍

漢昆明池武帝元狩四年穿在長安西南周回十里西南夷傳曰天子遣使示身毒國市竹而爲昆明所閉天子欲伐之越雋昆明國有滇池方三百里故作昆明池以象之以習水戰因名曰昆明池食貨志曰時越欲與漢用船戰逐乃大修昆明池也三輔舊事曰昆明池地三百三十二頃中有戈船各數十樓船一艘船上建戈矛四角悉垂幡旄葆麾蓋照燭涯涘

圖曰。上林苑有昆明池。周匝四十里。廟記曰。池中後作豫章大船。可載萬人。上起宮室。因欲遊戲。養魚以給諸陵祭祀。餘付長安廚。三輔故事又曰。池中有豫章臺。及石鯨。刻石爲鯨。魚長三丈。每至雷雨。常鳴吼。鬣尾皆動。一說甘泉宮。所有昆明池。池中有靈波殿。皆以桂爲殿柱。風來自香。又曰。池中有龍首船。常令宮女泛舟池中。張鳳翼。建華旗。作權歌。雜以鼓吹。帝御豫章觀。臨觀焉。關輔古語曰。昆明池中有二石人。立牽牛。織女於池之東西。以象天河。張衡西京賦曰。

昆明靈沼黑水元址。牽牛立其右，織女居其左。今有石父石婆神祠在廢池，疑此是也。武帝初穿池，得黑土。帝問東方朔，東方朔曰：「西域胡人知，乃問胡人。」胡人曰：「刳燒之餘灰也。」三秦記曰：「昆明池中有靈沼名神池云。」堯時治水，嘗停船於此池。通白鹿原，原人釣魚，綸絕而去。夢於武帝，求去其鈎。三日戲於池上，見大魚銜索。帝曰：「豈不穀昨所夢耶？」乃取鈎放之。間三日，帝復遊池，池濱得明珠一雙。帝曰：「豈昔魚之報耶？」鎬池在昆明池之北，卽周之故都也。廟記曰：「長安城。」

西有鎬池，在昆明池北，周匝二十二里，溉地三十三頃。史記曰：秦始皇帝三十六年，使者從關東夜至華陰縣平舒道，有人持璧遮使者曰：爲吾遺鎬池君。因言曰：今年祖龍死，使者問其故，忽不見，置其璧去。使者奉璧具以聞，始皇默然良久曰：山鬼不過知一歲事，退言曰：祖龍者人之先也。使御府視璧，乃二十八年渡江所沈璧也。

滄池，在長安城中，舊圖云：未央宮有滄池，言池水蒼

故曰滄池。

太液池在長安故城西建章宮北未央宮西南太液
者言其津潤所及廣也。關輔記云建章宮北有池以
象北海刻石爲鯨魚長三丈漢書曰建章宮北治大
池名曰太液池中起三山以象瀛洲蓬萊方丈刻金
石爲魚龍奇禽異獸之屬。廟記曰建章宮北池名太
液周回十頃有采蓮女鳴鶴之舟。又按三輔舊事云
日出暘谷浴於咸池至虞淵卽暮此池象之也。昭帝
始元元年春黃鵠下建章宮太液池成帝常以秋日
與趙飛燕戲於太液池以沙棠木爲舟以雲母飾於

鷁首一名雲舟。又刻木桐木爲虬龍彫飾如真。夾雲
卅而行。以紫桂爲柁柂。及觀雲棹之玩。擷菱藕。帝每
憂輕蕩。以驚飛燕。命飲飛之士。以金鎖纜雲舟於波
上。每輕風時至。飛燕始欲隨風入水。帝以翠縷結飛
鷁之裾。常恐曰。妾微賤。何復得預結縷裾之遊。今太
液池尚有避風臺。卽飛燕結裾之處。

唐中池周回十二里。在建章宮太液池之南。

百子池。戚夫人侍兒賈佩蘭後出爲扶風人。段儒妻。
說在宮內時。見戚夫人侍高祖。嘗以趙王如意爲言。

高祖思之。幾半日不言。歎息。悽愴。而未知其術。使夫人擊筑。高祖歌大風以和之。七月七日。臨百子池。作于闐樂。樂闋以五色縷相羈。謂之相連愛。八月四日出雕房北戶。竹下圍碁。勝者終年有福。負者終年疾病。取絲縷就北斗星辰求長命。乃免。正月上辰出池邊盥濯。食蓬餌。以被妖邪。三月上巳。張樂於池上。十池。上林苑有初池。糜池。牛首池。蒯池。積艸池。東陂池。西陂池。當路池。大臺池。郎池。牛首池。在上林苑中。西頭。蒯池。生蒯草。以織席。西陂池。郎池。皆在古城南。

上林苑中陂，郎二水名，因爲池。積草池中有珊瑚樹，高一丈二尺一本三柯，上有四百六十二條。南越王趙佗所獻，號爲烽火樹，至夜景常煥然。

少府飲飛外池。漢儀注：飲飛具，繒繳以射鳬鴈，給祭祀，故有池。

秦酒池在長安故城中。廟記曰：長樂宮中有魚池，酒池池上有肉炙樹。秦始皇造漢武行舟於池中。酒池北起臺，天子於上觀牛飲者三千人。又曰：武帝常欲奪羌胡，飲以鐵盃，重不能舉，皆抵牛飲。西征賦云：酒

池監於商辛，追覆車而不悟。

影娥池，武帝鑿池以翫月，其旁起望鵲臺以眺月影。
入池上，使宮人乘舟弄月影，名影娥池，亦曰眺蟾臺。
琳池，昭帝元始元年穿，林池廣千步，池南起桂臺以
望遠，東引大液之水池，中植分枝荷，一莖四葉，狀如
駢蓋，日照則葉低蔭，根莖若葵之衛足，名曰低光荷。
實如元珠，可以飾佩，花葉難萎，芬馥之氣徹十餘里。
食之令人口氣常香，益脉治病。宮人貴之，每遊燕出
入，必皆含嚼，或剪以爲衣，或折以障日，以爲戲弄。帝

時命水嬉遊燕永日士人進一豆槽帝曰桂楫松舟
其猶重朴况乎此槽可得而乘耶乃命以文梓爲船
木蘭爲柁刻飛燕翔鷁飾於船首隨風輕漾畢景忘
歸起商臺於池上

鶴池在長安城西盤池在西北並廢

水池在長安西舊圖云西有彪池亦名聖女泉蓋水
彪聲相近傳說之訛也

三輔黃圖卷五

臺榭

周文王靈臺在長安西北四十里詩序曰靈臺民始附也文王受命而人樂其有靈德以及鳥獸昆蟲焉鄭元注云天子有靈臺者所以觀祲象察氛祥也文王受命而作邑于豐立靈臺詩曰經始靈臺庶民子來經之營之不日成之劉向新序云周文王作靈臺及爲池沼掘得灰人之骨吏以聞于文王文王曰更葬之吏曰此無主矣文王曰有天下者天下之主有

一國者一國之主。寡人者處人之主。又何求主。遂令
吏以衣棺更葬之。天下聞之。皆曰文王賢矣。澤及枯
骨。又況於人乎。周靈臺高二丈。周回百二十步。

漢靈臺在長安西北八里。漢始曰清臺。本爲候者觀
陰陽天文之變。更名曰靈臺。郭延生述征記曰。長安
官南有靈臺。高十五仞。上有渾儀。張衡所制。又有相
風銅鳥。遇風乃動。一曰長安靈臺上有相風銅鳥。千
里風至。此鳥乃動。又有銅表。高八尺。長一丈三尺。廣

尺二寸。題云太初四年造。

栢梁臺武帝元鼎二年春起此臺在長安城中北門內三輔舊事云以香栢爲梁也帝嘗置酒其上詔羣臣和詩能七言詩者乃得上太初中臺災

漸臺在未央宮太液池中高十丈漸浸也言爲池水所漸又一說漸臺星名法星以爲臺名未央宮有倉池池中有漸臺王莽死於此

神明臺見建章宮

通天臺武帝元封二年作甘泉通天臺漢舊儀云通天者言此臺高通于天也漢武故事築通天臺於甘

泉土地百餘丈。望雲雨悉在其下。望見長安城。武帝
時祭泰乙。上通天臺。舞八歲童女三百人。祠祀招仙
人祭泰乙云。令人升通天臺。以候天神。天神既下。祭
所若大流星。乃舉烽火。而就竹宮望拜。上有承露盤。
仙人掌擎玉杯。以承雲表之露。元鳳間。自毀椽桷。皆
化爲龍鳳。從風雨飛去。西京賦云。通天眇而竦峙。徑
百常而莖擢。上辨華以交紛。下刻隋其若削。亦曰候
神臺。又曰望仙臺。以候神明望神仙也。

涼風臺。在長安故城西。建章宮北。關輔記曰。建章宮

北作涼風臺，積水爲樓。

長樂宮有魚池臺、酒池臺。秦始皇造，又有著室臺、闕雞臺、走狗臺、壇臺。漢韓信射臺，又未央宮有果臺、東西山二臺、未央宮有鈎弋臺、通靈臺、望鵠臺、眺蟾臺、桂臺、商臺、避風臺。

長楊榭在長楊宮，秋冬較獵其下，命武士搏射禽獸，天子登此以觀焉。

辟廱

周文王辟廱，在長安西北四十里，亦曰璧廱，如璧之

三朝書
知五
三
圓。雍之以水象教化流行也。詩云：於論鼓鐘，於樂辟
廡。毛萇注云：論思也。水旋正如辟廡以節觀者。鄭元
注云：文王作靈臺，而知人之歸附，祚靈沼靈固而知
鳥獸之得其所，以爲音聲之道與政通，故合樂以詳
之。

漢辟廡在長安西北七里。漢書河間獻王來朝獻雅
樂，武帝對之三雍宮，卽此。禮樂志曰：成帝時犍爲郡
水濱得古磬十六枚，劉向說帝宜興辟廡焉。

周明堂明堂所以正四時出教化天子布政之宮也
黃帝曰合宮堯曰衢室舜曰總章夏后曰世室殷人
曰陽館周人曰明堂先儒舊說其制不同或曰明堂
在國之陽大戴禮云明堂九室一室有四戶八牖凡
三十六戶七十二牖以茅蓋屋上圓下方援神契曰
明堂上圓下方八窓四牖考工記云明堂五室稱九
室者取象陽數也八牖者陰數也取象八風三十六
戶牖取六甲之文六六三十六也上圓象天下方象
地八窓卽八牖也四闔者象四時四方也五室者象

五行也。皆無明文。先儒以意釋之耳。禮記明堂位曰。朝諸侯于明堂之位。天子負斧戣南鄉而立。明堂也者。明諸侯之尊卑也。制禮作樂。頒度量而天下服。知明堂是布政之宮也。又孝經曰。宗祀文王於明堂以配上帝。則周有明堂也明矣。

漢明堂在長安西南七里。漢書曰。武帝初卽位。嚮儒術。以文學爲本。議立明堂於城南。以朝諸侯。應劭注云。漢武帝造明堂。王莽修飾令大。

漢園正在昆明故渠南有漢故園王今按高二丈周圍百二十步

太學

漢太學在長安西北七里董仲舒策曰太學賢士之
教化之本原也王莽作宰衡時建弟子舍萬區起
市郭上林苑中三輔舊事云漢太學中有市有獄

宗廟

宗尊也廟貌也所以髣髴先人尊貌也漢立四廟祖
宗廟異處不序昭穆太上皇廟在長安西北長安故

城中香室街南鴻翔府北關輔記曰在酒池北

高祖廟在長安西北故城中關輔記曰秦廟中鍾四枚皆在漢高祖廟中三輔舊事云高祖廟鍾重十二萬斤漢舊儀云高祖廟鍾十枚各受十石撞之聲聞百里漢書文帝時盜取高廟玉環故事又云光武至長安宮闕以宗廟燒蕩爲墟乃徙都洛陽取十廟合於高廟作十二室太常卿一人別治長安主知高廟事高廟有便殿凡言便殿便室便坐者皆非正大之處所以就便安也

高園於陵上作之。既有正寢，以象平生。正殿路寢，又立便殿於寢側，以象休息閑宴之處也。

孝惠更於渭北建高帝廟，謂之原廟。

惠帝廟在高帝廟後。

文帝廟號顧成廟。

景帝廟號德陽宮。

武帝廟號龍淵。今長安西茂陵東有其處，作銅飛龍。

故以冠名。

昭帝廟號褋。

宣帝廟號樂遊

元帝廟號長壽

成帝廟號陽池

太上皇有寢廟園原廟昭靈后武哀王昭哀后皆有

園孝惠皇帝有寢廟園孝文太后孝昭太后皆有寢

園衛思后皇祖悼考皆有廟園廟曰奉明

元成之世祖宗廟在郡國者六十八合百六十七所

京師自高祖至宣帝與太上皇悼皇考各自居陵旁

立廟并爲百七十六又園中各有寢便殿日祭於寢

月祭於殿。時祭於便殿。寢日四上食。廟歲二十五祠。
便殿四歲祠。又月一遊衣冠。四時祭宗廟。用犬牢。列
侯皆獻酎金以助祭。漢儀諸侯王歲以戶口酎黃金
於漢廟。皇帝臨受獻金。金不如斤兩色惡。王削縣。侯
免國。注云。因八月嘗酎會諸侯廟中。出金助祭。謂之
酎金。酎正月旦作酒。八月成。三重釀醇酒也。味厚故
以薦宗廟。金黃金也。不如法者奪爵。又冊封諸王。必
於祖廟冊命之。示不敢專也。漢制封皇子爲王者。其
實古諸侯也。周末諸侯或稱王。而漢天子自以皇帝

爲稱故以王號加之總名爲諸侯王

新莽壞徹城西苑中建章承光包陽大臺儲元宮及
平樂當路陽祿館凡十餘所取其材瓦以起九廟莽
曰予卜波水之北郎池之南惟王食予又卜金水之
南明堂之西亦惟王食予將親築於是遂營長安城
南提封百頃莽又親舉築三下九廟一黃帝二虞帝
三陳胡王四齊敬王五濟北愍王六濟南悼王七元
成孺王八陽平頃王九新都顯王殿皆重屋太初祖
廟東西南北各四十丈高十七丈餘廟半之爲銅構

攄飾以金銀琬文窮極百工之巧帶高增下功費數百鉅萬卒徒死者數萬

南北郊

天郊在長安城南地郊在長安城北所屬掌治壇墠郊宮歲時供張以奉郊祀武帝定郊祀之事祠太乙於甘泉園丘取象天形就陽位也祀后土於汾陰澤中方丘取象地形就陰位也至成帝徙泰畤后土于京師始祀上帝於長安南郊祀后土於長安北郊

社稷

漢初除秦社稷立漢社稷其後又立宮社配以夏禹而不立宮稷至平帝元始三年始立宮稷於宮社之後

觀

豫章觀武帝造在昆明池中亦曰昆明觀又一說曰上林苑中有昆明池觀蓋武帝所置桓譚新論云元帝被疾遠求方士漢中送道士王仲都詔問所能對曰能忍寒乃以隆冬盛寒日令祖載駟馬於上林昆明池上環以冰而御駟者厚之狐裘寒戰而仲都無

變色臥於池上。矍然自若。卽此也。

飛廉觀在上林。武帝元封二年作。飛廉神禽能致風氣者。身似鹿。頭如雀。有角而蛇尾。文如豹。武帝命以銅鑄置觀上。因以爲名。班固漢武故事曰。公孫卿言神人見於東萊山。欲見天子。於是幸緱氏。登東萊。留數日。無所見。惟見大人跡。上怒。公孫卿之無應。卿懼誅。乃因衛青白上云。仙人可見。而上往還。以故不相值。今陛下可爲觀於緱氏。則神人可致。且仙人好樓居。不極高顯。神終不降也。於是上於長安作飛廉

觀高四十丈，於甘泉作延壽觀，亦如之。後漢明帝永平五年，至長安，悉取飛廉并銅馬置之西門外，爲平樂觀。董卓悉銷以爲錢。

屬玉觀在扶風，屬玉水鳥，似鵠鵲，以名觀也。又曰屬玉似鴨而大，長頸赤目，紫紺色。

青梧觀在五柞宮之西，觀亦有梧桐樹，下有石麒麟二枚，刊其脇文字，是秦始皇驪山墓上物也。頭高一丈三尺，東邊者前左脚折處有赤如血，父老謂其有神，皆含血屬筋焉。

射熊觀在長楊宮。

石闕觀封巒觀雲陽宮。記云宮東北有石門山岡巒糾紛干霄秀出有石巖容數百人上起甘泉觀甘泉賦云封巒石闕弭迤乎延屬。

白楊觀在昆明池東。

長平觀在池陽宮臨涇水。

龍臺觀在豐水西北近渭。

涿木觀在上林苑。

細柳觀在長安西北三輔舊事云漢文帝大將軍周

亞夫軍於細柳，今呼古微是也。

成山觀，成山在東萊不夜縣，於其上築宮闕以爲觀。
仙人觀，霸昌觀，蘭池觀，安臺觀，淪沮觀，在城外。又有
禁觀，董賢觀，蒼龍觀，當市觀，旗亭樓，馬伯騫樓，在城
內。

麒麟，朱鳥，龍興，含章，皆館名。

三輔黃圖卷五終

三輔黃圖卷六

閣

石渠閣、蕭何造。其下礮石爲渠，以導水。若今御溝，因爲閣名。所藏入關所得秦之圖籍。至於成帝，又於此藏秘書焉。

天祿閣，藏典籍之所。漢宮殿疏云：天祿麒麟閣。蕭何造，以藏秘書處賢才也。劉向於成帝之末，校書天祿閣，專精覃思。夜有老人著黃衣，植青藜杖，叩閣而進。見向暗中獨坐誦書，老父乃吹杖端煙然，因以見向。

授五行洪範之文。恐詞說繁廣忘之。乃裂裳及紳以記其言。至曙而去。請問姓名云。我是太乙之精。天帝聞卯金之子有博學者。下而觀焉。乃出懷中竹牒有天文地圖之書。曰。余畧授子焉。至子歆從授其術。向亦不悟此人焉。

麒麟閣廟記云。麒麟閣蕭何造。漢書宣帝思股肱之美。乃圖霍光等十一人於麒麟閣。

三秦記云。未央宮有堯閣。廟記云。未央宮有白虎閣。

屬車閣。

署

虎威章溝皆署名。漢有長水中壘屯騎虎賁越騎步兵射聲胡騎八營宿衛王宮周廬直宿處。

庫

武庫在未央宮蕭何造以藏兵器。

靈金內府太上皇微時佩一刀長三尺上有銘字難識傳云殷高宗伐鬼方時所作也。上皇遊豐沛山中寓居窮谷有人治鑄上皇息其旁問曰鑄何器工者笑曰爲天子鑄劍。慎勿言。曰得公佩劍雜而治之。卽

成神器。可克定天下。昴星精爲輔佐。木衰火盛。此爲
異兆。上皇解七首投爐中。劒成殺三牲以釁祭之。工
問何時得此。上皇曰。秦昭襄王時。余行陌上。一野人
授余云。是殷時靈物。工卽持劒授上皇。上皇以賜高
祖。高祖佩之。斬白蛇是也。及定天下。藏於寶庫。守藏
者見白氣如雲出戶。狀若龍蛇。呂后改庫曰靈金藏。
惠帝卽位。以此庫貯禁兵器。名曰靈金內府。

倉

太倉。蕭何造。在長安城外東南。文景節儉。太倉之粟。

紅腐而不可食、

細柳倉、嘉倉、在長安西渭水北、古傲西有細柳倉、城東有嘉倉、

廐

未央大廐、在長安故城中、漢官儀曰、未央宮六廐、長樂承華等廐、令皆秩六百石、

翠華廐、大輅廐、果馬廐、騎馬廐、大宛廐、軌梁廐、胡河廐、騊駼廐、皆在長安城外、

霸昌觀馬廐、在長安城外、

都廐、天子車馬所在、
中廐、皇后車馬所在、

園

秦獸園、烈士傳云、秦王召魏公子無忌不行、使朱亥
奉璧一雙、詣秦、秦王怒、使置亥於獸園中、亥瞋目視
獸、皆血濺於獸面、獸不敢動、

漢獸園、九羣園、一在未央宮中、文帝問上林尉、及馮
媛、當熊皆此處、獸園上有樓觀、

橋

橫橋三輔舊事云秦造橫橋漢承秦制廣六丈三百八十步置都水令以掌之號爲石柱橋

渭橋秦始皇造渭橋重不能勝乃刻石作力士孟賁等像祭之乃可動今石人在

霸橋在長安東跨水作橋漢人送客至此橋折柳贈別王莽時霸橋災數千人以水沃救不滅更霸橋爲長存橋

便門橋武帝建元二年初作橋在便門外跨渭水通茂陵

飲馬橋在宣平城門外。

陵墓

漢太上皇陵、高帝葬太上皇於櫟陽北原、因置萬年縣於櫟陽大城內、以爲奉陵邑、其陵在東者太上皇西者昭靈后也。

高祖長陵在渭水北、去長安城三十五里、按高祖本紀十二年四月甲辰崩于長樂宮、五月葬長陵、長陵山東西廣一百二十步、高十三丈、長陵城周七里、自八十步、因爲殿垣、門四出、及便殿掖庭諸官寺皆在

呂后陵在高祖陵東按史記外戚世家高后合葬長陵注云漢帝后同塋則爲合葬不合陵也

惠帝安陵去長陵十里按本紀惠帝七年八月戊寅崩于未央宮葬安陵在長安城北三十五里安陵有果園鹿苑云文帝霸陵在長安城東七十里因山爲藏不復起墳就其水名因以爲陵號

景帝陽陵在長安城東北四十五里按景帝五年作

陽陵起邑陽陵山方百二十步高十丈

武帝茂陵在長安城西北八十里建元二年初置茂陵邑本槐里縣之茂鄉故曰茂陵周回三里三輔舊事云武帝於槐里茂鄉徙戶一萬六千置茂陵高一十四丈一百步茂陵園有鶴觀

昭帝平陵在長安西北七十里去茂陵十里帝初作壽陵令流水而已石槨廣一丈二尺長二丈五尺無得起墳陵東北作廡長三丈五步外爲小廚裁足祠視萬年之後掃地而祭

宣帝杜陵在長安城南帝在民間時好遊鄠杜間故葬此

元帝渭陵在長安北五十六里

成帝延陵在扶風去長安六十二里王莽時遣使壞渭陵延陵園門罕愚曰母使民復思也又以墨色洿其周垣

哀帝義陵在扶風渭城西北原上去長安四十六里平帝康陵在長安北六十里興平原只文帝母薄姬南陵在霸陵南故曰南陵

昭帝母趙婕妤好雲陵在雲陽甘泉宮南今人呼爲女陵

李夫人墓東西五十步南北六十步高八丈在茂陵西北一里俗名英陵亦云集僊臺

王莽妻死葬渭陵長壽園僞諡曰孝穆皇后僭號億年陵

雜錄

漢宮中謂之禁中謂宮中門閣有禁非侍衛通籍之臣不得妄入行道豹尾中亦視禁中至孝元皇后父

名禁避之改曰省中省察也。言出入禁中皆當省察不可妄也。

鹵簿天子出車駕次第謂之鹵簿有大駕有法駕有小駕大駕則公卿奉引大將軍參乘太僕御屬車八十一乘作三行尚書御史乘之備千乘萬騎出長安出祠天於甘泉備之百官有其儀注名曰甘泉鹵簿法駕京兆尹奉引侍中參乘奉車郎御屬車三十六乘北郊明堂則省副車小駕祠宗廟用之清道謂天子將出或有齋祠先令道路掃灑清淨

靜室天子出入警蹕舊典行幸所至必遣靜室令先
按行清淨殿中以虞非常

離宮天子出遊之官也

行在所天子以四海爲家不以京師宮室居處爲常
則當乘車輿以行天下車輿所至奏事皆曰行在

陛下陛下所由陞堂也天子必有近臣執兵階陛以戒
不虞臣下與天子言不敢指斥天子故呼在殿陛下
以告之故稱陛下因卑達尊之意也上書亦如之如
羣臣士庶相與語曰閣下足下之屬

蘭館漢宮闕疏云上林苑有蘭館蓋蠶蘭之所也

蠶室行腐刑之所也司馬遷下蠶室

鍾室在長樂宮高祖縛韓信置鍾室中

作室上方工作之所

長安御溝謂之楊溝詔植高楊於其上也

闕觀也周置兩觀以表宮門其上可居登之可以遠

觀故謂之觀人臣將朝至此則思其所闕

塾門舍也臣來朝君至門外當就舍更熟詳所應對

之事塾之言熟

掖門在兩傍如人臂掖也

閤闥宮中小門也

永巷永長也宮中之長巷幽閉宮女之有罪者武帝時改爲掖庭置獄焉

蠻夷邸在長安城內藁街

關中八水皆出入上林苑 霸水出藍田谷西北入

渭 滻水亦出藍田谷北至霸陵入霸 涇水出安

定涇陽升頭山東至陽陵入渭 渭水出隴西首陽

懸鳥鼠同穴山東北至華陰入河 豐水出鄠南山

豐谷北入渭。鎬水在昆明池北。牢水出鄠縣西
南入漆谷北流入渭。潏水在杜陵從皇子陂西北
流經昆明池入渭。

三輔黃圖卷六終

品御長理駭人信


西人猶幸其部大押 歸水海棟刻錄意于刻將


時亦非人雷 歸水海棟刻錄意于刻將


右三輔黃圖一卷不著撰人姓名專記秦漢以來
宮觀陵廟明堂辟雍郊畤苑囿之在關輔者而東
都不與焉隋志一卷唐志分上下二卷文獻通考
作三卷今叢書乃有六卷不知所據何本也陳氏
以其間多用應劭集解如淳顏師古注援引亦有
同者疑非當時本書晁氏則以其頗引劉昭漢志
謂出于梁陳間至程大昌雍錄辨之尤悉謂書中
明引舊圖如漸臺彪池昆明池引圖曰滄池引舊
圖高廟元始祭社稷儀皆言祖本舊圖又命槐里


爲興平興平乃唐至德中改唐人增續成之信矣
而今本黃圖又未見有高廟元始祭社稷儀祖本
舊圖之文惟于昆明池引圖曰滄池彪池再引舊
圖至于漸臺亦無考焉則是程氏所見黃圖與此
不同又不獨晉灼注漢書酈道元注水經所引黃
圖有爲今本所無者也載考漢扶風郡在唐爲岐
州扶風及虢乃其屬縣今本黃圖于棧陽宮下明
著在岐州扶風縣東北于虢宮下明著在岐州虢
縣界更可爲唐人增續確証不審程氏又何獨以


以興平爲說古書久遠原難究詰因前人既有是
論故并錄其說如此汝上王謨識

















序

蓋自孔子沒而微言絕七十子喪而大義乖堯
桀之誹譽與儒墨之是非至今而未有以明也
堯之譽以便儉人桀之誹以驕處士儒之是變
而爲墨墨之非寢附於孔是四者以眩瞶天下
之聰明與其議論雖有命世聖哲述宣六經語



孟以統一道術莫之能定孟子之世有蒙莊者
獨著一書其言曰知止其所不知言止其所不
言至矣苟爲明於不知之知不言之言而當世
誹譽是非之情斯有所止吾獨惜夫莊與孟同
時而不相知也當是時儒之嫡傳有子思子夏
周之傳出於子夏之門人軻之傳出於子思之

門人孟猶之嫡傳而莊其別傳也莊之書言孔氏七十子盛矣而不及孟孟辯楊墨未之及莊毋乃子輿率其徒以遊諸侯行類墨翟而莊周未嘗持其說以于列國守似楊朱斯二子之所以不相知歟顧吾嘗平衡而論天下之言儒者衆矣儒以仁義正天下俗儒徒名其仁義而行

之僞儒且利其仁義而竊之吾安知儒者之果
不爲世禍也是故舜禹以後譽堯者非不衆也
有所矯而爲伊周卽有所竊而爲之噲爲莽擦
最下爲馮道而儉人之術工矣幽厲以降是儒
者非不衆也有所持而爲孔孟卽有所竊而爲
楊墨爲荀韓最下爲殷浩王安石而處士之執



橫矣至於處士執橫人心流極由是後世一變而競趨於空無之學空無曷可爲久道也惟蒙莊者獨與天地精神往來而不敖睨於萬物有以見儒者一宗蕭邈希微常行於人倫物則之際而孔孟之嫡傳宛然其未亡然則莊子之傳非別子固大宗也今所定著二十九篇非內非

外非醇非雜亦有言亦無言亦可以有知知亦
可以無知知注莊子者苟知無言之言無知之
知斯得之濠上矣而晉宋以來注家粘縛空有
徒遠求之老釋而近失之漆園不亦悲乎茂公
宣子好學深思探賾是書有年折衷諸家爲之
箋解剗其蕭礫發其清微是書那復須注旣妙

悟於象先而得其解者旦暮遇之又豁如於言
下譬則畫史盤礴庖丁奏刀又譬則帝青寶網
光界重重一爲無量無量爲一快矣哉不可以
文句窮不能以智意盡也世之學者讀六經語
孟深思而有得焉然後從而讀莊子之書苟讀
莊深思而有得焉然後從而讀宣子之解我知

渙然冰釋怡然理順彼堯桀之誹譽儒墨之是非斯默然其自止矣是書之行其有功於孔孟甚大曷可少哉

昔



康熙六十年辛丑歲長至日書於青元觀精舍

邑同學弟張芳菊人氏拜撰

水經總論

晁公武曰水經三卷漢桑欽撰欽成帝時人後魏酈
道元注史稱道元好學歷覽奇書撰注水經行於世
陳振孫曰欽邯鄲書目以爲漢人晁氏言成帝時人
當有所據按唐志注或云郭璞撰又杜氏通典按水
經晉郭璞注三卷後魏酈道元注四十卷皆不詳所
撰者名氏亦不知何代之書佑謂二子博瞻解釋固
應精當然水經云濟水過壽張則前漢壽良縣光武
更名又東北過臨濟則前漢狄縣安帝更名又云荷

水過湖陸則前漢湖陵縣章帝更名又云汾水過河
東郡永安則前漢蕪縣順帝更名故知順帝以後纂
也詳水經所作殊爲詭誕全無憑據按後漢郡國
志水王莽末因旱渠塞不復截河南過統順帝時
所撰都不詳悉其餘可知景純注解又甚疎略亦爲
迂怪以其僻書人多不覩謂其審正未之精也
王伯厚曰水經引天下之水百三十七江河在焉酈
氏注引枝流一千二百五十二通典謂晉郭璞注三
卷後魏酈道元注四十卷皆不詳撰者名氏不知何

氏之書云濟水過壽張則前漢壽良縣光武更名又
東北過臨濟則狄縣安帝更名荷水過湖陸則湖陵
縣章帝更名汾水過永安則彘縣順帝更名故知順
帝以後纂序也愚按經云武侯壘又云魏興安陽縣
注謂諸葛武侯所居魏分漢中立魏興郡又云改信
都從長樂則晉太康五年也然則非後漢人所撰隋
志云郭璞注而不著撰人舊唐志云郭璞撰愚謂所
載及魏晉疑出於璞也新唐志始以爲桑欽而又云
一作郭璞撰蓋疑之也經云河水又北薄骨律鎮城

注云赫連果城也乃後魏所置其鄴氏附益歟按前
漢儒林傳古文尚書塗惲授河南桑欽君長晁氏讀
書志謂欽成帝時人意者欽爲此書而後人附益如
山海經禹益所記有長沙零陵桂陽諸暨之名本草
神農所述有豫章朱崖趙國常山奉高真定臨淄馮
翊之稱爾雅作於周公而云張仲孝友蒼頡篇造於
水斯而云漢兼天下皆非本文顏之推嘗論之矣通
人又謂景純注解疎略多迂怪今郭注不傳

歐陽圭齋曰按隋經籍志有兩水經一本三卷郭璞

注一本四十卷酈善長注善長卽道元也然皆不著
撰人姓名唐杜佑作通典時尙見兩書言郭璞疎略
於酈注無所言撰人則槩未之考也舊唐志云郭璞
作宋崇文總目亦不言撰人爲誰但云酈注四十卷
亡其五然未知兩水經之一在一亡已見於斯時否
也新唐志乃謂漢桑欽作水經一云郭璞作今人言
桑欽者本此也崇文總目作於宋景佑與新志書同
時又未知新志何所據以爲說也余嘗參訂之說者
疑欽爲東晉順帝以後人以甌一縣疑之也今經言

江水東逕

安宮南永安宮昭烈託孤於孔明之地

也今特著於斯又若因其人而重者得非蜀漢間人所爲也不寧惟是也其言北縣名多曹氏置南縣名多孫氏置余又未暇一二數也斯則近代宇文氏以爲經傳相淆者此說近之也然必作經作傳之人定而後可分也或者又曰豈非欽作於前二氏附益於其後他書或然也而此未必也西漢儒林傳言塗惲授河南桑欽君長尙書晁氏言欽成帝時人使古有兩桑欽則可審爲成帝時欽則是書不當見遺於漢

藝文志也

小經總論

六

三

水經總目

卷上

河水

潞水

汾水

澮水

涑水

文水

原公水

洞渦水

晉水

湛水

濟水

清水

沁水

洪水

蕩水

洹水

濁漳水

清漳水

易水

滹水

聖水

巨馬水

濕水

濕餘水

沽水

鮑丘水

濡水

大遼水

小遼水

洺水

洛水

伊水

瀝水

澗水

穀水

甘水

漆水

澮水

沮水

渭水

漾水

丹水

汝水

卷下

潁水

洧水

潁水

潧水

陰溝水

汲水

睢水

瓠子水

汶水

泗水

沂水

洙水

洙水

巨洋水

淄水

汶水

濰水

膠水

沔水

潛水

湍水

均水

粉水

白水

泚水

淮水

洳水

涓水

灇水

濯水

瀕水

濩水

湏水

漻水

斲水

決水

泚水

泄水

肥水

施水

沮水

漳水

夏水

羗水

涪水

梓潼水

潞水

江水

青衣水

桓水

若水

涿水

延江水

沅酉水

存水

溫水

淹水

渠谿水

夷水

油水

澧水

沅水

浪水

資水

澧水

湘水

澧水

溱水

澧水

溱水

澧水

溱水

澧水

溱水

澧水

溱水

澧水

廬水

漸江水

斤江水

山澤

附

水經卷上

漢 桑欽撰

南昌許旭惠校

河水

崑崙墟在西北，去高高五萬里，地之中也。其高萬一千里，河水出其東北，屈從其東南，流入于渤海。又出海外，南至積石山下，有石門，河水冒以西南流。河水又南，入葱嶺，山河水又西，逕罽賓國北。河水又西，逕月氏國南，又西，逕安息南。河水與睢羅跋締水同注雷翥海。又西，逕四大塔北，又西，逕陀衛國北。河水

又東逕皮山國北，其一源出于闐國南山，北流與葱嶺河合，東注蒲昌海。河水又東，與于闐河合，又西北流，注于河。南河又東，逕于闐北。南河又東北，逕扞彌國北。南河又東，逕且末國北。北河又東北，流分爲二水，枝流出焉。北河自踰勒逕流，南河之北。北河又東，逕莎車國南。北河之東，南逕溫宿國北。河又東，逕姑墨國南。河水又東，逕注賓城南。又東，逕樓蘭城南，而東注。河水又東，注于勃澤，又東入塞，過敦煌、酒泉、張掖郡。南河水又自東河出，逕西海郡。南河水又東，逕

允川而歷大榆小榆谷北，又東過隴西河關縣北，洮水從東南來流注之。河水又東北流入西卑郡界，左合二川南流入河，又東北濟川水注之。河水東又逕澆河故城北，河水又東北逕黃川城，河水又東逕石城南，左合北谷水。河水又東北逕黃河城南，河水又東北逕廣違城北，又合烏頭川水。河水又東逕邯川城南，河水又東臨津谿水注之。河水又東逕臨津城北，白土城南，河水又東左會白土川水。河水又東北會兩川，右合二水。河水又東得野亭南，河水又東歷

鳳林北，河水又東與灤水合，河水又逕左南城，南大河，又東逕赤岸北，河水又東洮水注之，又東過金城允吾縣北，河水又東逕石城南，又東過榆中縣北，又東過天水北界，又北過武威媼圍縣東北，又東北過天水勇士縣北，又東北過安定北界，麥田山，河水東北流逕安定祖厲縣故城西北，河水又東北逕麥田城西，又北與麥田泉水合，河水又東北逕麥田山西，河水又東北逕于黑城北，又東北高平川水注之，河水又東北逕鞠卷縣故城西，河水又北過北地富平

縣西河水又北逕富平縣故城西河水又北薄骨律
鎮城河水又逕典農城東河水又北逕典農城東河
水又東北逕廉縣故城東河水又與北枝津河水又
東北逕渾懷鄆西河水又東北歷石崖山西又北過
朔方臨戎縣西河水又北逕臨戎縣故城西河水又
北有枝渠東出謂之銅口東逕沃野故城南河水又
北屈而爲南河出焉河水又北迤西溢於陂渾縣故
城東河水又屈而東流爲北河東逕高闕南河水自
臨河縣東逕陽山南河水又南逕馬陰山西河水又

東南逕朔方縣故城東北，河水自朔方東轉逕渠搜縣故城北，河水又東逕成宜縣故城南，河水又東逕原亭城南，河水又東逕宜梁縣之故城南，河水又東逕秬陽城南，又東過臨沃縣南，河水又東枝津出焉，河水又東流石門水南注之，河水又東逕秬陽縣故城南，河水又東逕塞泉城南而東注，又東過雲中槿陵縣南，又東過沙南縣北，從縣東屈南過沙陵縣西，河水屈而流白渠水注之，河水南入槿陵縣西北，又南過赤城東，又南過定襄，桐過縣西，河水於二縣之

間濟有君子之名，河水又東南左合一水。河水又南，樹頽水注之。河水又南，太羅水注之。河水又左得蒲水口，又南過西河。圖音銀陽縣東，河水又東，端水入焉。河水又南，諸次之水入焉。河水又南，湯水注之。又南，離石縣西，奢延水注之。河水又南，陵水注之。河水又南，得離石水口，又南過中陽縣西，又南過土軍縣西。河水又南，合契水。河水又南，得大蛇水。河水又南，又納辱水，又南過上郡高奴縣東。河水又南，蒲川石樓山南，逕蒲城東。河水又南，過河東，北屈縣西。河水又

南得鯉魚、河水又南、羊求水入焉、河水又南、爲採桑、
津、又南、過皮氏縣西、河水又南、合蒲水、河水又南、逕
丹水西南、河水又南、黑水注之、河水又南、至罾谷傍、
河水又南、洛水自獵山枝分東派、東南注于河、又南、
出龍門口、汾水從東來注之、河水又南、右合暢谷水、
河水又南、逕梁山原東、河水又南、崑谷水注之、河水
又南、右合陶渠水、河水又西、徐水注之、河水又南、逕
于夏石室、又南、過汾陰縣西、河水又逕郃陽城東、河
水又南、逕陶城西、又南、過蒲坂縣西、河水又南、逕雷

首山西又南涑水注之。又南至華陰潼關渭水從西來注之。河水歷船司空與渭水會。河水又東北玉澗水注之。河水又東逕閿鄉侯河東與全鳩澗水合。又東過河北縣南。河水又東永樂澗水注之。河水自河北城南東逕芮城。河水又會槃澗。河水又東逕潮縣故城北。河水又東合柏谷水。河水又東右合門水。又東過陝縣北。又西逕陝縣故城南。又東過大陽縣南。河水又東逕大陽縣故城南。河水又東沙澗水注之。又東過砥柱間。河之右則崤水注之。河水又東千崤

之水注焉。又東過平陰縣北。又東至鄧。清水從西北來注之。河水又東與敎水合。河水又與畛水合。河水又東合庸庸之水。河水又東逕平陰縣北。河水西會滌水。一作右會河水又東過平陰縣北。湛水從北來注之。河水又東逕河陽縣故城南。河水又逕臨平亭北。河水又東逕洛陽縣北。河水又東逕平縣故城北。河水又東涇水入焉。又東沛水注焉。又東過鞏縣北。洛水從縣西北流注之。又東過成臯縣北。濟水從北來注之。河水又逕黃馬坂北。河水又東逕旋門坂北。河水

東逕成臯大伾山下，河水南對玉門，河水又東合汜水。河水又東逕板城北，河水又東逕五龍塢北，又東過滎陽縣蕩蕩渠出焉。河水又東北逕卷之扈亭北，河水又東逕八激堤北，河水又東逕卷縣北，河水又東北逕赤岸固北，而東北注之。又東北過武德縣東，沁水從之，東至酸棗縣西，濮水東出焉。河水又東北通謂之延津，河水又逕東燕縣故城北，則有濟水自北來注之。河水又東淇水入焉，又東逕遮害亭南，河水又東右逕滑臺城，又東北過黎陽縣南，河水自津

東北逕涼城縣。河水又東北逕伍子胥廟南。河水又東北爲長壽津。故瀆東北逕戚城西。故瀆又逕繁陽縣故城東北。逕陰安縣故城西。故瀆又東北逕昌樂縣故城東。故瀆又東北逕平邑郭西。又東北逕元城縣故城西北。而至沙丘堰。至于丈陸。北播于九河。河之故瀆自沙丘堰南分。屯氏河出焉。河水故瀆東北逕發于縣北城西。又屈逕其北大河。故瀆又東逕貝丘縣故城南。大河故瀆又東逕甘陵縣故城南。大河故瀆又東逕平原縣故城西。而北絕屯氏三瀆。北逕

繹幕縣故城東北。西流逕平原鬲縣故城西。大河故瀆。又北逕修縣故城東。又北逕安陵縣西。大河故瀆北出爲屯氏河。逕館陶縣東。東北出左瀆。又北逕經城東。繚城西。又逕南宮縣西北。注絳瀆右瀆。又東北逕廣宗縣故城南。又東北逕界城亭北。又東北逕長樂郡武彊縣故城東。又東北逕廣川縣。與水故道合。又東北逕廣川縣故城西。又東逕棘津亭南。張甲故瀆。又東北至修縣。東會清河。屯氏別河東枝津出焉。東逕信成城南。又東逕清陽縣故城南。清河郡北。又

東北逕陵鄉南。又東北逕東武城縣故城南。又東北逕東陽縣故城南。屯氏別瀆。又東北逕清河郡南。又東北逕清河故城西。屯氏別河北瀆。東逕繹幕縣故城南。東邑大河故瀆。又東北逕平原縣枝津。北出至安陵縣。遂絕屯氏別河北瀆。又東北逕重平縣故城南。屯氏別河北瀆。又東入陽信縣。今無水。又東爲咸河。東北流。逕陽信縣故城北。屯氏別河南瀆。自平原東絕大河故瀆。又逕平原縣故城北。東北枝津。又出東北至安德縣界。東會商河。屯氏別河南瀆。又東北

於平原界。又有枝渠右出至安德縣遂絕。屯氏別河
南瀆自平原城北首受大河故瀆東出亦通。謂之篤
馬河。東北逕安德縣故城西。又東北逕臨齊城南。始
又屈逕其城東故瀆廣四十步。又東北逕重丘縣故
城西。又東北逕西平昌縣故城北。又逕般縣故城北。
東逕樂陵縣故城北。又東北逕陽信縣故城南。東北
入海。屯氏河故瀆自別河東逕甘陵之信鄉縣故城
南。屯氏故瀆又東逕甘陵縣故城北。逕靈縣北。又東
北逕鄆縣。與鳴犢河故瀆合。上承大河故瀆於靈縣。

南東北逕靈縣東。東入鄆縣而北。合屯氏瀆。又東北
右過衛國縣南。又東北過濮陽縣北。瓠子河出焉。河
水東逕鐵丘南。河水東北流而逕濮陽縣北。爲濮陽
津。河水又東北逕衛國縣南。東爲郭口津。河水又東
逕鄆城縣北。一作國名河水又東北逕范縣之秦亭西。河
水又東北逕委粟津。左會浮水。故瀆。故瀆東絕大。河
故瀆東逕五鹿之野。浮水故瀆。又東南逕國邑。又東
逕衛國縣故城南。古斟觀。浮水故瀆。又東逕河牧城
而東北出。又東北入東武陽縣。東入河。又有漯水出。

焉河水又東逕武陽縣東范縣西而東北流也又東北過東阿縣北河水於范縣東北流爲倉亭津河水又歷柯澤逕東阿縣故城西而東北出流注又東北過荏平縣西河自鄧里渠東北逕昌鄉亭北逕碭礮城西河水又與鄧里渠水上承大河於東阿縣西東逕東阿縣故城北又東北逕臨邑縣與將渠合又北逕荏平縣東臨邑縣故城西北流入於河河水又東北流逕四瀆津又東北過高唐縣界

漯水

漂水又東北逕清河縣故城北漂水又東北逕文鄉
城東南又東北逕博平縣右與黃溝同注川澤又東
逕文鄉城又東南逕王城北黃溝又東北逕左與漂
水隱覆勢鎮河陸東出於高唐縣大河右迤東注漂
水矣漂水又東北逕援縣故城西漂水又逕高唐縣
故城東漂水又東北逕漂陰縣故城北漂水又東北
逕著縣故城南又東北逕崔氏城北漂水東南逕東
朝陽縣故城南漂水又東逕漢徵君伏生墓南漂水
又東逕鄒平縣故城北又東北逕界東鄒城北漂水

又東北逕建信縣故城北漂水又東北逕千乘縣二
城間又東北爲馬常坑又東北過楊墟縣東商河出
焉商河又北逕平原縣東又逕安德縣故城南又東
北逕昌平縣故城南又東逕般縣故城南又東逕樂
陵縣故城南商河又東逕初鄉縣故城南沙溝水注
之商河又東北流逕馬嶺城西北而流屈而東注南
轉逕城東商河又東北逕富平縣故城北商河又分
爲二水南水謂之長聚溝北水世又謂之白薄瀆大
河又東北逕高唐縣故城西大河又北逕張公城臨

側河湄河水又北逕平原縣故城東大河右溢世謂之甘棗溝故瀆又東北歷長隄逕溫陰縣北河水又東北逕陽阿縣故城西又東北過漯陽縣北河水自平原左逕安德城東而北爲鹿角津東北逕般縣樂陵初鄉厭次縣故南厭次河河水又逕漯陽縣故城北一作右逕河水又東北爲漯沃津河水又東逕千乘城北又東北過黎城縣北又東北過甲下邑濟水從西來注之又東北入于海河水又東分爲二水枝津東逕甲下城南東南歷常沈注濟

汾水

汾水出大原汾陽縣北管涔山東南過晉陽縣東晉
水從縣東南流注之又南洞渦水從東來注之又南
過大陵縣東又南過平陶縣東文水從西來流注之
又南過寇爵津一作冠又南入河東界又南過永安縣

西又南過楊縣東西南過高梁邑西又南過平陽縣
東又南過臨汾縣東又屈從縣南西流又西過長修
縣南又西過皮氏縣南又西至汾陰縣北西注于河

澮水

澮水出河東絳縣東澮交東高山西過其縣南又西南
■虎祁宮南又西至王橋注于汾水

涑水

涑水出河東聞喜縣東山黍葭谷又西過周陽邑南
又西南過其縣南又西南過安邑縣西又南過解縣
東又西南注于張陽池

文水

文水出大陵縣西山文谷東到其縣屈南到平陶縣
東北東入于汾

原公水

原公水出茲氏縣西羊頭山東過其縣北又東入于

汾

洞渦水

洞渦水出沽縣北山西過榆次縣南又西到晉陽縣

南西入于汾出晉水下口者也

晉水

晉水出晉陽縣西縣壅山又東過其縣南又東入于

汾水

湛水

湛水出河內軹縣西北山東過其縣北又東過皮縣之北又東過毋辟邑南又東南當平陰縣之東北南入于河

濟水

濟水出河東垣縣東王屋山爲沅水又東至溫縣西北爲濟水又東過其縣北屈從縣東南流過墳城西又南當鞏縣北南入于河與河合流又東過成臯縣北又東過滎陽縣北又東至北礫礫南東出過滎陽

北濟水又東逕西廣武城北濟水又東逕東廣武城北濟水又東逕敖山北濟水又東合滎瀆濟水又東逕滎陽縣北濟水又東南礫石溪水注之濟水又東索水注之又東過陽武縣北濟水又東北流南濟也逕陽武縣故城南濟水又東逕封丘縣南濟水又東逕東昏縣故城北濟水又東逕濟陽縣故城南又東過封丘縣北北濟也濟水又東逕原武縣故城南濟瀆又東逕酸棗縣之烏巢澤北又東過平丘縣南北濟也濟水者又東過濟陽縣北濟也又東過冤朐縣

南又東過定陶縣南南濟也濟水又東北荷水東出焉濟水又東逕秦相魏冉冢濟水又東北逕定陶恭王陵南濟水又東北逕定陶縣故城南又屈從縣東北流南濟也濟水又東至乘氏縣西分爲二南爲荷水北爲濟瀆北濟又東北逕宛朐縣故城北又東北與濮水濟水故瀆又北右合洪水又東北過壽張縣西界安民亭南汶水從東北來注之濟水又北逕須朐城西濟水又逕微鄉東又北過須昌縣西濟水又北逕漁山東左合馬頰水濟水自魚山北逕清亭東

又北過穀城縣西濟水又北逕周首亭西又北過臨
邑縣東濟水又北逕平陰城西濟水又東北至垣苗
城西又東北過盧縣北濟水又逕盧縣故城北濟水
又東北與中川水合濟水又東北右會玉水濟水又
東北灤水出焉濟水又東北華不注山又東北過臺
縣北濟水又東北合芹溝水又東北過營縣南又東
過梁鄒縣北又東北過臨濟縣南濟水又東北迤爲
淵渚謂之平州濟水又東北逕樂安縣故城南又東
北過利縣西又東北過甲下邑入于河又東北入海

其一水東流者過乘氏縣南又東過昌邑縣北又東過金鄉縣南又東過東緡縣北濟水又東逕漢平狄將軍扶溝侯淮陽米鮪冢又東過方與縣北爲荷水濟水東逕重鄉城南荷水又東過湖陸縣南東入於泗水又東南過沛縣東北又東南過留縣北又東過彭城縣北睢水從西來注之濟水又南逕彭城縣故城東又東南過徐縣北又東至下邳睢陵縣南入于淮

清水

清水出河內修武縣之北黑山東北過獲嘉縣北又
東過汲縣北又東入于河

沁水

沁水出上黨沮縣謁戾山南過穀遠縣東又南過猗
氏縣東又南過陽阿縣東又南出山過沁水縣北又
東過野王縣北又東過周縣北又東過邢丘一日懷縣之北
又東過武德縣南又東南至滎陽縣北東入于河

洪水

洪水出河內隆慮縣西大號山又東過內黃縣南爲

白溝屈從縣東北與洹水合又東北過館陶縣北又東北過清淵縣西又東北過廣宗縣東爲清河又東北過東武城縣西又北過廣川縣東又東過修縣南又東北過東光縣西又東北過南皮縣西又東北逕浮陽縣西又東北過瀛邑北又東北過鄉邑南又東北逕窮河邑南又東北過漂榆邑入于海

蕩水

蕩水出河內蕩陰縣西山東又東北至內黃縣入于

黃澤

洹水

洹水出上黨泝氏縣東，過隆慮縣北，又東北出山，逕鄴縣南，又東過內黃縣北，東入于白溝。

濁漳水

濁漳水出上黨長子縣西發鳩山之漳水焉，東過其縣南，屈從縣東北流注，又東過壺關縣北，又東北過屯留縣潞縣北，又東過武安縣，又東出山過鄴縣西，又東過列人縣南，又東北過斥漳縣南，又東北過曲周縣東，又東北過鉅鹿縣東，又北過堂陽縣西，又東

北過扶柳縣北，又東北過信都縣西，又東北過下博縣之西，又東北過阜城縣北，又東北至昌亭與寧池河會，又東北至樂成陵縣，別出北，又東北過成平縣南，合清河，又東北過章武縣西，又東北過平舒縣南，東入海。

清漳水

清漳水，山上黨沾縣西北，少山大陂谷，南過縣西，又從縣南屈，東過涉縣，西屈從縣南東，至武安縣南，黍窖邑，入于濁漳。

易水

易水出涿郡故安縣閭鄉西山東過范陽縣南又東過容城縣南又東過安次縣南又東過東州縣南東入于海

涿水

涿水出代郡靈丘縣高氏山南過廣昌縣南又東南過中山上曲陽縣北恒水從西來注之又東過唐縣南又東逕安喜縣南又東過安國縣北又東過博陵縣南又東北入于易

聖水

聖水出上谷東過良鄉縣南又東過長鄉縣北又東過安次縣南東入于海

巨馬水

巨馬河出代郡廣昌縣涑山東過迺縣北又東南過容城縣北又東南至泉州縣西南東入八丈溝又南又東過勃海東平舒縣北東入于海

濕水

濕水出鴈門陰館縣東北過代郡桑乾縣南又東過

涿鹿縣北又東南出山過廣陽薊縣北又東至漁陽
雍奴縣西入筍溝

濕餘水

濕餘水出上谷居庸關東又東流過軍都縣南又東
流過薊縣北又北屈東南至狐奴縣西入于沽河

沽水

沽河從塞外來南過漁陽狐奴縣北西南與濕餘水
合爲沽河又東南至雍奴縣西筍溝又東南至泉州
縣與清河合東入于海清河者派河尾也

鮑丘水

鮑丘水從塞外來，南過漁陽縣東，又南過潞縣西，又南至雍奴縣北，屈東入于海。

濡水

濡水從塞外來，東南過遼西令支縣北，又東南過海陽縣西，南入于海。

大遼水

大遼水出塞外，衛白平山，東南入塞，過遼東襄平縣，又東南過房縣西，又東過安市縣西，南入于海，又平

菟高句麗縣有遼山

小遼水

小遼水所出西南至遼隧縣入于大遼水也

沮水

沮水出樂浪鏤方縣東南過於臨沮縣東入于海

洛水

洛水出京兆上洛縣謹舉山洛水又東戶水注之洛水又東得乳水洛水又東會于龍餘之水洛水又東門水出焉洛水又東逕熊耳山北東北過盧氏縣南

洛水逕陽渠關北，洛水又東逕盧氏縣故城南，洛水東與高門水合，洛水又東松楊谿水注之，洛水又東庫谷水注之，又東北過蠡城邑之南，又東過陽市邑南，又東北過于父邑之南，洛水又東渠谷，又東北過宜陽縣南，洛水又東逕宜陽縣故城南，又東北出散關南，洛水又東枝瀆左出焉，又東北過河南縣南，又東過洛陽縣南，伊水從西來注之，又東過偃師縣南，洛水又北陽渠水注之，洛水又東逕訾城北，又東羅水注之，又東北過鞏縣東，又北入于河，洛水又東北

流入于河

伊水

伊水出南陽縣西蔓渠山東北過郭落山又東北過陸渾縣南又東北過新城縣南又東北過伊闕中又東北至洛陽縣南北入于洛

瀝水

瀝水出河南穀城縣北山東與千金渠合又東過洛陽縣南又東過偃師縣又東入于洛

澗水

水至

卷七

三

澗水出新安縣南白石山東南入於洛

穀水

穀水出宏農阨池縣南番塚林穀陽谷東北過穀城縣北又東過河洛縣北東南入于洛

甘水

甘水出宏農宜陽縣鹿野山東北至河南縣南北入洛

漆水

漆水出扶風杜陽縣俞山東北入于洛

澹水

澹水出京兆藍田谷北入于潏

沮水

沮水出北地直路縣東過馮翊殺羽縣北東入于洛

渭水

渭水出隴西首陽縣渭谷亭南鳥鼠山又北過襄武縣北又東過獮道縣南又東過冀縣北又東過上邽縣又東過陳倉縣西又東逕武功縣北又東芒水從南來流注之渭水又東過槐里縣南又東潞水從南

來注之。渭水又東北逕黃山宮南，就水注之。渭水又東，合田谿水。渭水又東，逕槐里縣故城南。渭水又東，合甘水。又東，豐水從南來注之。渭水又東北，與鎬水合。渭水又東北，逕渭城南，而沔水注之。又東，過長安縣北。渭水又東，與沔水枝津合。渭水又逕長安城北，又東，過華陰縣北，又東，過鄭縣北，又東，過霸陵縣北，霸水從縣西北流注之，東入于河。

漾水

漾水出隴西氐道縣嶓冢山，東至武都沮縣，爲漢水。

又東南至廣魏白水縣西，又東南至葭萌縣東北，與
羌水合。又東南過巴郡閬中縣，又東南入漢州江津
縣東南入于江。

丹水

丹水出京兆上洛縣西北冢嶺山，東南過其縣南，又
東南過商縣南，又東南至于丹水縣，入于汧。

汝水

汝水出河南梁縣勉鄉西天息山，東南過其縣北，又
東南潁川郟縣南，又東南過定陵縣北，又東南過鄆

縣北又東南過汝南上蔡縣西又東南過平輿縣南

一作平輿又東至原鹿縣南入于淮

其水又東南入于淮

其水又東南入于淮

其水又東南入于淮

水經卷下

潁水

潁水出潁川陽城縣西北少室山，又東南過其縣南，又東南過陽翟縣北，又東南過潁陽縣西，又東南過潁陰縣西南，又東南至慎縣東南，入于淮。又東南過臨潁縣南，又東南汝南潁陽縣北，洧水從河南密縣東流注之。又東過西華縣北，又南過汝陽縣北，又東南過南頓縣北，潁水從西來流注之。又東南至新陽縣北，潁蕩渠水從西北來注之。

水經

八卷下

洧水

洧水出河南密縣西南馬領山，又東南過其縣南，又東過鄭縣南，鄧水從西北來注之，又東南過長社縣北，又東南過新汲縣東北，又東南過茅城邑之東北，又東過習陽城，西折入于潁。

潁水

潁水出河南密縣大騁山，東南入于潁。

澮水

澮水出鄭縣西北平地，東過其縣北，又東南過其縣

東又南入于洧水渠出滎陽北河東南過中牟縣之
北又東至浚儀縣又屈南至扶溝縣北其一者東南
過陳縣也又東南至汝南新陽縣北又東南過山桑
縣北又東南過龍亢縣南又東南過義城縣西南入
于淮

陰溝水

陰溝水出河南陽武縣蒗蕩渠東南至沛爲澗水又
東南至下邳淮陵縣入于淮

水
坂水

水
壑

卷下

二

坂水出陰溝于浚儀縣北又東至梁郡蒙縣爲濰水
餘波南入淮陽城中獲水出坂水於梁郡蒙縣北又
東過蕭縣南又東至彭城縣北東入于泗

睢水

睢水出梁郡鄆縣又東過睢陽縣南又東過相縣南
屈從城北東流當蕭縣南入于睢

瓠子水

瓠子河出東郡濮陽縣北河東至濟陰句縣爲新溝
又東北過廩丘縣爲濮水又北過東郡范縣東北爲

濟渠。與將渠合。又東北過東阿縣東。又東北過臨邑縣西。又東北過茌平縣東。爲鄧里渠。又東北過祝阿縣。爲濟渠。又東北至梁鄒縣西。分爲二。其東北者爲濟河。其東者爲時水。又東北至濟西。濟河東北入于海。時水東至臨淄縣西。屈南過太山華縣東。又南至費縣東。入于沂。

汶水

汶水出太山萊蕪縣原山。西南過嬴縣南。又東南過奉高縣北。屈從縣西南流。過博縣西北。又西南過蛇

正縣南。又西南過岡縣北。又西南過平章縣南。又西南過無鹽縣南。又西南過壽張縣北。又西南至安民亭。入于濟。

泗水

泗水出魯卞縣北山。西南逕魯縣北。又西過瑕丘縣東。屈從縣東南流。潞水從東來注之。又南過平陽縣西。又南過高平縣西。洸水從北西來流注之。又南過方輿縣東。荷水從西來注之。又屈東南過湖陸縣南。洧水從東北來流注之。又南過浦縣東。又東逕

陽郡又東南過彭城縣東北又東南過呂縣南又東南過下邳縣西又東南入于淮。

沂水

沂水出泰山蓋縣艾山南過琅邪臨沂縣東又南過開陽縣東又東過襄賁縣東屈從縣南西流又屈南過剡縣西又南過良城縣西又南過下邳縣西南入于泗。

洙水

洙水出泰山蓋縣臨樂山西南至卞縣入于泗。

洙水

洙水出琅邪東莞縣西北山東南過其縣東又東南過莒縣東又南過陽都縣東入于沂

巨洋水

巨洋水出朱虛縣泰山北過其縣西又北過臨朐縣東又北過劇縣西又東北過壽光縣西又東北入于海

淄水

淄水出泰山萊蕪縣原山又東北過臨淄縣東又東

過利縣東又東北入于海

汶水

汶水出朱虛縣泰山北過其縣東北過淳于縣西

又東北入于縣

濰水

濰水出琅邪箕縣東北過東武城縣西又北過平昌縣東又北過高密縣西又北過淳于縣東又東北逕都昌縣東又東北入于海

膠水

膠水出黔陬縣膠山北過其縣西又北過夷安縣東
又北過當利縣西北入于海

沔水

沔水出武都沮縣東狼谷中沔水又東南逕沮水戍
而東南流注漢曰沮口沔水又東逕白馬戍南澍水
入焉沔水又東逕武侯壘南又東逕沔陽故城南沔
水又東逕西樂城北漢水又左得度口水漢水又東
黃沙水左注之漢水又東合襄水漢水又東逕漢廟
堆下又東過南鄭縣南漢水又東得長柳渡漢水又

左會文水，漢水又東，黑水注之。又東過城固縣南，又東過魏興、安陽縣南。涪水出自旱山北，注之。漢水又東至瀼城南，與洛谷水合。漢水又東逕小城固南，漢水又東逕石門灘。漢水又東逕媯墟爲灘。漢水又東逕猴經灘。漢水又東逕小黃金南。漢水又東合蘄蔭漢口。漢水又東右會洋水。漢水又東歷敖頭。漢水又東合直水。漢水又東逕直城南。漢水又東逕晉昌郡之寧都縣南。漢水又東逕魚脯谿口。又東過西城縣南。漢水又東右得大勢。漢水右對月谷口。漢水又

東逕西城縣故城南，漢水又東爲鱣湍，漢水又東合
旬水，漢水又東逕本蘭塞南，漢水又東左得有漢，漢
水又東逕魏興郡之錫縣故城北，漢水又東歷姚方，
沔水又東過襄陽縣北，沔水又東合檀谿水，沔水又
逕平魯城南，又從縣東屈西南，清水從北來注之，沔
水中有魚梁洲，沔水又逕桃林亭東，沔水又東南逕
蔡洲，沔水又東南邑城北，沔水又東合洞口，又東過
中廬縣東，淮水自房陵縣淮山東流注之，沔水又東
南流逕黎丘故城西，又南過郢縣東北，一作沔水又

南得木里水會，又南過宜城縣東，夷水出自房陵縣，東流注之。沔水又逕郢縣故城南，沔水又東，敖水注之。沔水又東南，與白水合。沔水自荊城東南流，逕當陽縣之章山東。沔水又東，右會權口。沔水又東南，與陽口合。又東南，逕江夏雲杜縣東。夏水從西來注之。沔水又東，逕左桑。沔水又東，合區亮水口。沔水又東，得合驛口。沔水又東，謂之橫桑。沔水又東，謂之鄭潭。沔水又東，得歟沔。沔水又東，與力口合。沔水又東南，渙入水焉。沔水又東，逕沌陽縣北，又南至江夏沙羨。

縣北南入于江、沔水與江合流、又東過彭蠡澤、又東北出居巢縣南、又東過牛渚縣南、又東至石城縣、分爲二、其一東北流、其一又過毗陵縣北、爲北江南江、又東與貴長池水合、南江又南東逕宣城之臨城縣南、南江又東與桐水合、南江又東逕寧國縣南、南江又東北爲長瀆、歷河口、東則松江出焉、江水奇分、謂之三江口、又東至會稽餘姚縣東、入于海、江水又東逕黃橋下、江水又東逕餘姚縣故城南、江水又東注于海、又東過堵陽縣、堵水出焉、自上粉縣北流注之、

又東過鄖鄉縣南，漢水又東逕鄖鄉縣故城南。漢水
又東逕琵琶谷口，又東北流，又屈東南，過武當縣東。
北，漢水又東爲猥子潭。漢水又東南逕武當縣故城
北，漢水又東平陽川水注之。沔水又東南逕縣城東，
沔水又東逕龍巢山下，又東南逕涉都縣東北，又東
南過鄮縣之西南，又南逕穀城東，又南過陰縣之西，
沔水又東南得洛谿口，又南過筑陽東，筑水出自房
陵縣東，過其縣南流注之，又東逕學城南，沔水又南
逕筑陽縣東，沔水又東爲漆灘，又東過山都縣東北。

沔水又東逕樂山北，沔水又東逕隆中。

潛水

潛水出巴郡宕渠縣，又南入于江。

湍水

湍水出酈縣北芬山，南流過其縣東，又南過冠軍縣東，又東過白牛邑南，又東南至新野縣東，入于涇。

均水

均水出淅縣北山，南流過其縣之東，又南當涉都邑縣北，南入于沔。

粉水

粉水出房陵縣東流過郢邑南又東過穀邑南東入于沔

白水

白水出朝陽縣西東流過其縣南又東至新野縣西東入于沔

泚水

泚水出泚陽東北太胡山東南流逕其縣南泄水從南來注之又西至新野縣南入于沔

淮水

淮水出南陽平氏縣胎簪山東北過桐栢山淮水又東逕義陽縣淮水又逕義陽縣故城南淮水又東得澗口水東過江夏平春縣北淮水又東油水注之淮水又東北與大木水合淮水又東北流左會湖水淮水又東逕安陽縣故城南又東逕新息縣南淮水又東逕浮光山北淮水又東右壑水淮水又東北申陂枝水注之淮水又東逕淮陰亭北又東逕白城南淮水又東逕長陵戍南又東青陂水注之淮水又東北

合黃水又東過期思縣北淮水又東北淠水注之

一作

淠

東過原鹿縣南汝水從西北來注之又東過廬江

安豐縣東北決水從北來注之淮水又東谷水入焉

淮水又東北左會濶水淮水又東北窮水入焉又東

北至九江壽春縣西泚水洪水合北注之又東潁水

從西北來流注之淮水又東流與潁口會東南逕倉

陵北又東北流逕壽春縣故城西淮水又北左合椒

水又東過壽春縣北肥水從縣東北流注之淮水又

北逕山碇中謂之碇石淮水又北逕莫耶山西又東

過當塗縣北過水從西北來注之淮水又東北濠水注之淮水又北沙水注之又東過鍾離縣北淮水又東逕夏丘縣南淮水又東逕浮山淮水又東逕徐縣南歷澗水注之淮水又東池水注之淮水又東蘄水注之淮水又東歷客山逕盱眙縣故城西又東北至下邳淮陰縣西泗水從西北來流注之又東過淮陰縣北中瀆水出白馬湖東北注之又東兩小水流注之又東至廣陵淮浦縣入于海

洧水出南陽魯陽縣西之堯山東北過潁川定陵縣西北又東過堰縣南東入于汝

清水

清水出宏農盧氏縣攻錐山東南過南陽西鄂縣西北又東過宛縣南又屈南過淯陽縣東又南過新野縣西西過鄧縣東南入于沔

潁水

潁水出潁強縣南澤中東入潁

濯水

濯水出汝南吳房縣西北興山東過其縣北入于汝

濯水

濯水出漁陰縣東上界山東過吳房縣南又東過濯陽縣南又東過上蔡縣南東入汝

漁水

漁水出漁陰縣西北扶予山東過其縣南又東過西平縣北又東過鄆縣南又東過定潁縣北東入于汝

潁水

潁水出蔡陽縣東南逕潁縣西又南過江夏安陸縣

西又東南入于夏

滂水

滂水出江夏平春縣西南過安陸入于潁

蘄水

蘄水出江夏蘄春縣北山南過其縣西又南至蘄口南入于江

決水

決水出廬江雩婁縣南大別山北過其縣東又北過安豐縣東又北入于淮

泚水

泚水出廬江潛縣西南霍山東北東北過六縣東北入于淮

泄水

泄水出博安縣北過芍陂西與泚水合西北入于淮

肥水

肥水出九江成德縣廣陽鄉西肥水別北過其縣西北入芍陂又北過壽春縣東北入于淮

施水

施水亦從廣陽鄉東南入于湖

沮水

沮水出漢中房陵縣淮水東南過臨沮縣界又東南過枝江縣東南入于江

漳水

漳水出臨沮縣東荆山東南過蓼亭又東過章鄉南又南至枝江縣北烏扶邑入于沮

夏水

夏水出江流于江陵縣東南又東過華容縣南又東

至江夏雲杜縣入于沔

羗水

羗水出羗中叅糧又東南至廣魏白水縣與漢水合
又東南過巴郡閬中縣又南至墊江縣東南入于江
涪水

涪水出廣魏涪縣西北南至小廣魏與梓潼合

梓潼水

梓潼水出其縣北界西南入于涪又西南至小廣魏
縣南入于墊江

涿水

涿水出漢中。南縣東南旱山。北至沔陽縣。南入于沔。

江水

岷山在蜀郡氏道縣。大江所出。東南過其縣北。江水自天彭關東逕汶關。而歷氏道縣北。又有湔水入焉。江水又東別爲沱。江水又歷都安縣。又東南過犍爲武陽縣。青衣水洙水從西南來合而注之。又東南過犍道縣北。若水淹水合從西來注之。又東注水北流。注。江水又與符里水合。又東過江陽縣南。洛水從三

危山東過廣魏洛陽南東南注之江水逕漢安縣北
江水東逕樊石灘又逕大附灘又東過符縣北邪東
南鰭部水從符關東北注之又東北至巴郡江州縣
東強水涪水漢水白水宕渠五水合南流注之又江
水東至枳縣西延江從牂牁郡北流西屈注之又逕
東望峽東歷平都江水又逕虎鬚灘江水又東逕臨
江縣南江水又東得黃華水口左逕石城南又東至
平洲又東逕壤塗而歷和灘又東逕界壇江水又東
右得將龜谿口江水又東南會北集渠江水又右逕

池谿口，江水又東逕右龍，又東逕羊腸虎臂灘，江水
又東彭水注之，江水又東右逕朐忍縣故城南，江水
又東逕瞿巫灘，江水又逕東陽灘，江水又逕魚復縣
之故陵，江水又東爲落牛灘，逕故陵北，江水又右逕
夜清，而東歷朝陽道口，江水又東左逕新市里南，江
水又東右合陽元水口，江水又東逕南鄉峽，東逕永
安宮南，江水又東逕諸葛亮圖壘南，江水又東南逕
赤岬西，江水又東逕魚復縣故城南，江水又東逕廣
谿峽，西過鄧縣東，江水自關東逕弱關，捍關南入于

沔江水又東烏飛水注之，江水又東逕巫縣故城南，
江水又東巫溪水注之，江水又東逕巫峽，江水歷峽，
東逕新崩灘，江水又東逕石門灘，又東過秭歸縣之
南，江水又東逕城北，江水又東南逕夔城南，江水又
東逕歸鄉縣故城北，江水又東逕信陵縣南，江水又
東過夷陵縣南，江水歷峽，東逕宜昌縣之埡竈下，江
水又東流頭灘，江水又東逕宜昌縣北，江水又東逕
狼尾灘而歷人灘，江水又東逕黃牛山，江水又東逕
西陵峽，江水歷禹斷江，江水出峽東南流，逕城故州，

江水又東逕故城北，江水又東逕白鹿巖，江水又東歷荆門虎牙之門，又東南過夷道縣北，夷水從狼山縣南東北注之，江水又東逕上明城北，江水又東會沮口，又南過江陵縣南，江水又東逕鷺尾洲，江水東得馬牧口，江水又東逕江陵縣故城南，江水又東逕郢城南，江水又東得豫章口，又東至華容縣西，夏水出焉，又東南當華容縣南，湧水出焉，江水又東涌水注之，江水又逕南平郡孱陵縣之樂鄉城北，又東南油水從西南來注之，又東右合油口，又東逕公安縣

北江水左會高口，江水又東得故市口，江水又右逕楊岐北山，大江又東左合子夏口，大江又東左得侯臺水口，大江右得龍穴水口，江水自龍巢而東，俞口又東得清揚士塢二口，大江右逕石首山北，又東逕赭要，江水左得飯筐上口，江水又右得上檀浦，江水又東逕竹畦南，又東至長沙下雋縣北，澧水沅水資水合東流注之，湘水從南來注之，江水又東左得江夏浦，又東逕彭城口，江水自彭城磯東逕如山北，江水又左逕白螺山南，江水左逕止烏林南，江水又東

左得子練口，江水左得中陽水口，又東得白沙口，江水東右得聶口，江水左逕百人山南，江水東逕大軍山南，江水又東逕小軍山南，江水又東逕雞翅山北，又東北至江夏沙羨縣西北，沔水從北來注之，江水又東逕歎父山，南對歎州，江水又東逕魯山南，江水左得湖口水，通太湖，又東合灞口水，上承沔水於安陸縣，而東逕灞陽縣北，東南注于江，江水又東，湖水自北南注，謂之嘉吳江，右岸頗得二夏浦，北對東城洲，西浦側有雍伏戍，江之左岸，東會龍驤水口，出北

山蠻中江之有武口水上通安陸之延頭江水東逕
若城南又東過邾縣南江水右得黎巖北江水又東
逕邾縣故城南鄂縣北江水右得樊口江水又左逕
赤鼻山南又東逕西陽郡南郡治卽西陽縣也江之
右岸有鄂縣故城江水左則巴水注之又東逕較縣
故城南東會希水口出潯縣霍山西麓山北有潯縣
故城大江右岸有厭里口安樂浦江水左得赤水浦
江水又東逕南陽山南江水又東逕西陵縣故城南
江水東歷孟家澮江之右岸有黃石山水逕其北又

東過蘄春縣南，蘄水從北東注之。又東過下雉縣北，刊水從東陵西南注之。又東左得青林口。

青衣水

青衣水出青衣縣西蒙山，東與沫水合也。至犍爲南安縣入于江。

桓水

桓水出蜀部岷山，西南行羗中，入于南海。

若水

若水出蜀郡旄牛徼外，東南至故關爲若水也。南過

越嶲邛都縣西直南至會無縣淹水東南流注又東北至犍爲朱提縣西瀘江水又東北至犍道縣入于江

沫水

沫水出廣柔徼外東南過旄牛縣北又東至越嶲靈道縣出蒙山南東北與青衣水合東入于江

延江水

延江水出犍爲南廣縣又東至犍牂縣東屈北流至巴郡涪陵縣注更始水又東南至武陵西陽縣入

于酉水。

沅酉水。

酉水東南至沅陸縣入于沅。

存水。

存水出犍爲郁郅縣東南至鬱林定周縣爲周水。又

東北至潭中縣注于潭。

溫水。

溫水出牂牁夜郎縣。又東至鬱林廣鬱縣爲鬱水。又

東至潯方縣。東與斤南水合。東北入于鬱。

淹水

淹水出越巂遂久縣徼外。東南至蜻蛉縣。又東過姑復縣南。東入于若水。

葉榆水

益州葉榆河出其縣北界。屈從縣東北流過不韋縣東。南出益州界。入牂牁郡。西隨縣北爲西隨水。又東出進桑關。過交趾。牂牁郡北。分爲五水。絡交趾郡中。至東界。復合爲三水。東入海。

夷水

夷水出巴郡魚復縣。江東南過狼山縣南。又東過夷道縣北。東入于江。

油水

油水出武陵孱陵縣西界。又東北入于江。

澧水

澧水出武陵沅縣西歷山。東過其縣南。又東過零陽縣之北。又東過作唐縣北。又東至長沙下嶺縣西北。東入于江。

沅水

沅水出牂牁且蘭縣爲旁溝水。又東至鐔城縣爲沅。又東北過臨沅縣南。又東至長沙下雋縣西北入于

江

浪水

浪水出武陵鐔城縣北界沅水谷南。至鬱林潭中縣與鄰水合。又東至蒼梧陵縣爲鬱溪。又東至高要縣爲大水。又東至南海番禺縣西分爲二。其一南入于海。其一又東過縣東南入于海。員水又東南一千五百里入南海。

資水

資水出零陵都梁縣路山東北過夫夷縣東北過邵陵縣之北又東北過益陽縣北又東與沅水合於湖中東北入于江也

漣水

漣水出連道縣西資水之別東北過湘南縣又東北至臨湘縣西南東入于湘

湘水

湘水出零陵始安縣陽海山東北過零陵縣東又東

比過洮陽縣東。又東北過泉陵縣西。又東北過重安縣東。又東北過鄴縣西。泰水從東南來注之。又東北過陰山縣西。洙水從東南來注之。又北過澧陵縣西。澧水從東注之。又北過臨湘縣西。瀏水從縣西北流注。又北瀉水從西南來注之。又北過羅縣西。潁水從東來流注之。又北過下雋縣西。微水從東來流注之。又北至巴丘山入于江。

灘水

灘水亦出陽海山。南過蒼梧荔浦縣。又南至廣信縣。

入于鬱水。

溱水

溱水出桂陽臨武縣南繞城西北屈東流東至曲江縣安羈邑東。屈西南流過滇陽縣出淮浦關與桂水合。南入于海。

匯水

匯水出桂陽縣盧聚東南過含匯縣南出淮浦關爲

桂水

深水

深水出桂陽盧聚西北過零陵營道縣南又西北過營浦縣南又西北過泉陵縣西北七里至燕室邪入于湘

鍾水

鍾水出桂陽南平縣都山北過其縣東又東北過宋渚亭又北過鍾亭與雞水合又北過魏寧縣之東又東北入于湘

耒水

耒水出桂陽郴縣南山又北過其縣之西又北過便

縣之西又西北過耒陽縣之東又北過酃縣東北入于湘

洙水

洙水出茶陵縣上鄉西北過其縣西又西北過攸縣南又西北過陰山縣南又西北入于湘

漉水

漉水出醴陵縣東漉山西過其縣南屈從縣西西北流至漉浦注入于湘

瀏水

瀏水出臨湘縣東南劉陽縣西北過其縣東北與澧
溪水合西入于湘

澧水

澧水出豫章艾縣西過長沙羅縣西又西累石山入
于湘水

贛水

贛水出豫章南野縣西北過贛縣東又西北過廬陵
縣西又東北過石陽縣西又東北過漢平縣南又
北過新淦縣西又北過南昌縣西又北過彭澤縣西

北入于江

廬水

廬江水出三天子都北過彭澤縣西北入于江

漸江水

漸江水出三天子都北過餘杭東入于海

斤江水

斤江水出交趾龍編縣東北至鬱林領方縣東注于鬱容容夜緬湛乘牛渚須無無濡營進皇無地零侵黎無會重瀨夫省無變由蒲王都融勇外此皆出日

南郡西東東入于海

山澤

嵩高爲中嶽在潁川陽城縣西北

泰山爲東嶽在泰山博縣西北

霍山爲南嶽在廬江潯縣西南

華山爲西嶽在宏農華陰縣西南

雷首山在河東蒲坂縣東南

砥柱在河東大陽縣東河中

王屋山在河東垣曲縣東北

太行山在河內野王縣西北

恒山爲北嶽在中山上曲陽縣西北

碣石山在遼西臨渝縣南水中

析城山在河東濩澤縣西南

太嶽山在河東永安縣

壺中山在河東北屈縣東

南龍門山在河東皮氏縣西

梁山在馮翊夏陽縣西北河上

荆山在馮翊懷德縣南

岐山在扶風美陽縣西北

關山在扶風汧縣之西

隴山終南山惇物山在扶風武功縣西南

須山在隴西臨洮縣西南

嶠冢山在隴西氏道縣之南

鳥鼠同穴山在隴西首陽縣西南

積石在隴西河關縣西南

都野澤在武威縣東北

合離山在酒泉會水縣東北

流沙地在張掖居延縣東北

三危山在燉煌縣南

朱圉山在天水北冀縣南

岷山在蜀郡湔氐道西

嶓冢山在宏農盧氏縣南

荆山在南郡臨沮縣東北

內方山在江夏竟陵縣東北

大別山在廬江安豐縣西南

外方山崧高是也

桐柏山在南陽平氏縣東南

陪尾山在江夏安陸縣東北

衡山在長沙湘南縣南

九江地在長沙下雋縣西北雲夢澤在南郡華容縣

之東東陵地在廬江金蘭縣西北敷淺原地在豫章

歷陵縣西南彭蠡澤在豫章彭澤縣北中江在丹陽

蕪湖縣南東至會稽陽羨縣入于海震澤在吳縣南

五十里北江在毗陵北界東入于江

嶧陽山在下邳縣之西

羽山在東海祝其縣南

陶丘在濟陰定陶縣之西南

荷澤在定陶縣東雷澤在濟陰成陽縣西北荷水在

山陽湖陸縣南蒙山在太山蒙陰縣西南大野澤在

山陽鉅野縣東北大邳地在河南成皋縣北明都澤

在梁郡睢陽縣東北益州沱水在蜀郡汶江縣西南

其一在郫縣西南皆還入江荊州沱水在南郡枝江

縣三滋池之南在邛縣之北右禹貢山水澤地所在

凡六

水經

經三經山東南至中經山北至黃山永寧山北

其一水經山東南至中經山北至黃山永寧山北

其二水經山東南至中經山北至黃山永寧山北

其三水經山東南至中經山北至黃山永寧山北

其四水經山東南至中經山北至黃山永寧山北

其五水經山東南至中經山北至黃山永寧山北

其六水經山東南至中經山北至黃山永寧山北

其七水經山東南至中經山北至黃山永寧山北

右桑欽水經三卷邯鄲書目以欽爲漢人晁氏言
成帝時人自唐杜君卿宋王伯厚元歐陽圭齋皆
紛紛致疑究未定爲何人所撰今旣並存其說卷
端無容縷述矣竊以爲此書可疑之大者在于水
道原委多未究悉簡編傳流亦有脫誤又不獨經
注相淆已也南條之水江爲大而江漢合流入海
乃在尋陽彭蠡之間徐堅初學記引水經江水至
江夏與沔水合至尋陽分爲九道東會于彭澤卽
禹貢所謂九江孔殷也郭璞江賦源二分于岷嶽

流九派乎尋陽蓋亦要其首尾而言作水經者無
宜于尋陽九道概不言及而今本水經敘江水止
于東過下雉縣北東左得青林口酈注亦祇載青
林湖水西南厯尋陽分爲二水而不及九派其于
沔水與江合流東過彭澤下直接東北出居巢
縣南亦無此文又蘓文北石鍾山記引水經彭蠡
之口有石鍾山酈元以爲下臨深潭每微風鼓浪
水石相搏聲若洪鍾石鍾得名始見于此其於廬
江水注云秦始皇漢武帝及太史公司馬遷咸升

其巖望九江而眺鍾彭亦指石鍾山言而今水經
于江漢及贛水條下俱不見有所謂石鍾山者則
是唐宋人所見古本水經與今本必尙有不同者
茲特舉其一二端耳石林葉氏謂桑欽爲水經載
天下水甚詳而兩瀾獨略由欽北以恭嘗至東南
則于江漢水道原委不詳固無足怪加又傳流久
遠簡編殘脫而欲以意爲之改正亦甚難矣金時
禮部郎中蔡正甫嘗作補正水經三卷歐陽圭齋
序其書謂江自尋陽以北吳松以東能使道元無

遺恨而又惜其書不可得見也汝上王謨識

星經目錄

卷上

四輔

六甲

鉤陳

天皇

柱下

尚書

內厨

天床

北斗

華蓋

五帝座

御女

天柱

女史

星經

目錄

陰德

大理

輔星

內階

文昌

三公

天棓

天槍

傳舍

天厨

天一

大一

天牢

角宿

天理

執法

太陽

相

平道

進賢

天門

天田

周鼎

庫樓

左攝提

右攝提

大角

帝席

亢池

折威

陽門

陣車

亢宿

梗河

騎官

車騎將軍

車騎

西咸

七公

積卒

房宿

矛戈

招搖

顓頊

氏宿

鉤鈐

罰

東咸

天乳

貫索

巫官

天福

鍵閉

心宿

天市

候

宦官

斗

宗人

宗正

卷下

屠肆

市樓

斛

女床

帝座

宗星

列肆

東肆

帛度

天紀

天棒

天維

天江

天龜

天魚

神宮

尾宿

箕宿

建星

天弁

狗

狗國

天籥

鰲

漸臺

輦道

杵

農

斗宿

天泉

織女

牽牛

扶匡

天鷄

河鼓

天桴

九坎

天田

羅堰

女宿

離珠

瓜瓠

璃瑜

虛宿

越

鄭

趙

齊

周

楚

燕

秦

魏

韓

晉

代

司非

司危

司祿

司命

天津

危宿

墳

室宿

灸件

鉤

車府

哭

泣

造父

蓋屋

虛梁

天壘

敗臼

人星

杵臼

士吏

天錢

螭蛇

天海

雷電

雲雨

霹靂

北落

天剛

八魁

鉄鑕

壁宿

羽林

王良

策

土公

窳

目錄終

星經卷上

漢


甘公石申著

南昌李

涪校

原缺文一張

四輔




四輔四星抱北極樞星主君臣禮儀主政萬機輔弼
佐理萬邦之象輔佐北辰而出入授政也

六甲



六甲六星在華蓋之下扛星之旁主分陰陽而配於
節候出入故在帝座旁所布政教而授農時也

鉤陳




鉤陳六星在五帝下爲後宮大帝正妃又主天子六軍將軍又主三公若星暗人主凶惡之象矣

天皇

天皇大帝一星在鉤陳中央也不記數皆是一星在五帝前坐萬神輔錄圖也其神曰耀魄寶主御羣靈也


柱下史在北辰東主左右史記過事也

尚書



五尚書在東南維主納言夙夜諮謀事也

內廚



內廚二星在西北角主六宮飲食后妃第宴飲廚府

也


天床



天床六星在宮門外聽政之前亦主寢宴會讌息床

星傾、天子不安失位也、諛曰、火入紫微宮中、天下大亂、帝王失位、

北斗




北斗星謂之七政、天之諸侯、亦爲帝車、魁四星爲璇璣杓三星爲玉衡、齊七政、斗爲人君號令之主、出號施令、布政天中、臨制四方、第一名天樞、爲斗星主陽德、亦曰政星也、是太子像、星暗若經七日、則太歲第一、二名璇、主金刑、陰、女主之位、主月及法、若星暗經六

日則月蝕第三名璣主木及禍亦名令星若天子不
愛百姓則暗也第四名權主火爲伐爲天理伐也無
道天子施令不依四時則暗第五名衡主水爲煞助
四時旁煞有罪天子樂淫則暗第六名闔陽主木及
天下倉庫五穀第七名瑤光主金亦爲應星訣曰王
有德至天則斗齊明國昌總暗則國有災起也右斗
中子星少則人多姪亂法令不行木星守貴人繁天
下亂也火星守兵起人主災人不聊生棄宅走奔諸
邑守斗西大饑人相食守斗南五果不成五星入斗


中國易政、又易主大亂也。彗孛入斗中、天下改主、有大戮、先舉兵者咎、後舉兵者昌。其國主大災、甚於彗之禍。右旁守之咎重、細審之所守、樞入張一度、去北辰十八度也。衡去極十五度、去辰十一度。

華蓋



華蓋十六星、星在五帝座上、正吉。帝道昌、星傾邪、大凶。扛九星、爲華蓋之柄也。上七星、爲庶子之官。若星明、主匡天下、不明、主亂期八年、國無主也。

五帝座



五帝內座在華蓋下覆帝座也五帝同座也正色上吉色變為災凶也

御女



御女四星在鉤陳北主天子八十一御女妃也后之官明吉暗凶也

天柱



天柱五星在紫微宮內近東垣主建教等二十四氣也

女史

女史一星在天柱下史北掌記禁中傳漏動靜主時要事也

陰德

陰德二星以太陰在尚書西主天下綱紀陰德惠遺周給賑財之事

大理

大理二星在宮門內主刑獄事也自北極已下五十星並在紫微宮內外占曰尋孛入中宮有異姓王火

星入守北極。臣下煞君。木星人守北極。國有大衰。若分守久有逆。臣反亂。土星犯乘之。大人當之。太子有罪。五星聚在中宮。改立帝王。五星及客犯守鉤陳者。大臣凶。所守犯之座。皆受其殃咎也。

輔星。

輔星像親近大臣。輔佐興而相明。若明大如斗者。則相奪政。兵起。若暗小。則死免官。若近斗一二寸。爲臣迫脅主。若五六四寸遠。客及彗孛入斗中。諸侯爭權逼天子。月暈斗。大水入城。兵起。主有赦。北斗第六七


損角第四五六指南第一二指觜二十有九星

內階



內階六星在文昌北階爲明堂頭

文昌



文昌七星如半月形在北斗魁前天府主營計天下事其六星各有名六司法大理色黃光潤則天下安萬物成青黑及細微多所殘害搖動移處三公祿誅

不然皇后崩。文昌與三公攝提軒輅。共爲一體。通占
木土星守之。天下安。火星守。國亂。兵起。金星守。兵大
起。若彗孛流星入之。大將返叛亂也。

三公




三公三星。在斗柄東。和陰陽。齊七政。以教天下人。一
星。天下危。二星亡。天下亂。三星亡。天下不治也。

天棓




天棓五星。不用明。明則天下兵起。斧鉞用槍。棓八星
皆以備非常也。入氐一度。去北辰二十八度。

天槍



天槍三星在北斗柄東主天鋒武備在紫微宮右以御也

傳舍



傳舍九星在華蓋奚仲北近天河主賓客之館客星守之兵起今四方館也

天廚




天厨六星。在紫微宮東北維。近傳舍北百官厨。今光祿厨像之。星亡。君子賣衣。民人賣妻子。大饑。客守之。大饑荒。

天一星在紫微宮門外右星南。爲天帝之神。主戰鬪。知吉凶。星明吉。暗凶。若離本位而乘斗後。九十日必兵大起也。光明陰陽和也。萬物盛。天子吉。星亡。天下亂。大凶也。

太一天一。

太一星在天一南半度。天帝神王使十六神知風雨水旱兵馬饑饉疾病災害之在其國也。星明吉暗凶離本位而乘斗者。九十日必兵大起也。太一星入軫十度。去北辰十五度半。太一星去北辰十一度。

天牢



天牢六星在北斗魁下。貴人牢。占與貫索同。主禁思慕姦志。火星守入之。人民相食之。應有赦也。

東方七宿三十二星。七十五度并中外宮輔座等。


角宿

角二星爲天門。壽星金星。春夏爲火。秋冬爲水。蒼龍
角也。東方首宿。南左角名天津。蒼色爲列宿之長。北
右角爲天門。黃色。中間名天關。左主天田。右主天祇。
十三度。八月日在北。南去北辰九十一度。凡日月五
星皆從天關行。此爲黃道。入黃道爲旱。其角南二度
爲太陽道。入陰道爲水。角宿北二度爲陰道。角宿直
指辰。卽是耕種。次爲農官。若明大。王道太平。若暗及
亡。角搖動。王者失政。星微小。國弱失政。王道不行。春
日月入角暈者。王失政。日月角中蝕者。其邦不寧。木

星守。七日有赦。忠臣用。火星守。忠臣賢相受誅。縮帛
貴有鬪戰。萬人兵起。期以日。宮中盜賊內亂。火守角
宮道不通。大環遶鉤已者。國大饑。火犯之。必戰。火守
左角。太尉死。國危。守右角。五穀不熟。大水災。犯左右
角。羣臣謀戰不成。伏誅。土守內主喜。六十日。國有忿
爭。金守。天下兵大盛。國有爭事。金火合守。太白居後
被軍將殺。水守。王者刑罰急。有水災。疾疫。客彗孛入
角色白者。國有兵起。及大喪。亦軍敗城陷。客守四十
五日。旱五穀焦。風雨不時。蝗蟲起。星流出角門。天子

發使出外從他宿入角門外國使入中京或爲近臣
殺主戰死月蝕災惑有亂臣在宮非賊而盜月入天
市及河而暈三重兵起天下道斷軍將失利

天理



天理四星在北斗杓中主貴人牢爲執法官星不欲
明明則貴人被罪

執法



執法四星在太陽首西北主刑獄之人又爲刑政之
官助宣王命內常侍官也

太陽

太陽守在西北。主大臣人備天下不虞事。星明吉暗。以星移天下兵起。中國不安之應也。入張十三度。北極四十五度。

相

相星在北極斗南。總領百司。掌邦教以佐帝王安撫國家。集衆事冢宰之佐。星明吉暗凶亡相死。不然流出太陽入張十三度。去北辰四十五度。相入翼一度。去北辰三十一度。

平道

平道二星。在角間。主路道之官。

進賢。

進賢一星。在平道西垣。卿相薦舉逸士。學官等之職也。星明。賢士用進。暗。小人用。

天門

天門二星。在左角南。主天門侍晏應對之所。

天田

天田二星。在角北。主天子畿內地。左對疆界城邑邊。


塞

周鼎



周鼎三星足狀云鼎足星在攝提大角西主神鼎一

庫樓



庫樓星二十九星庫樓十五柱十五星衡四星在角

南軫東南次器府東一曰文陣兵車之府中繁衆則

大兵起庫中無星下臣逆謀兵盡出天下無安居者
庫中杜動兵戈四出夷狄柱半不具天子自將半兵
出木星守人饑米貴西入軫一度去北辰四十九度
昏中西去北辰八十九度

左攝提

右攝提




攝提六星在角亢東北主九卿爲甲兵據紀綱建時
節飛火星守天下更主金星守兵起

大角

大角一星天棟在攝提中主帝座金星守兵大起月
蝕王者惡忌之入亢三度半去北辰五十九度也

帝席



帝席三星在大角北星暗天下安星不欲明明則王


公凶

亢池



亢池六星在亢北主度送迎之事

折成



折威七星在元南。主詔獄斬殺。邊將死事。

陽門

陽門二星在庫樓東北。隘塞外寇盜之事。

陣車

陣車三星在氐南。主革車兵車。

亢宿



亢四星。名天府。一名天庭。總領四海。各火星。春夏水
秋冬金。暗國內亂弱。大明天下安寧。日月蝕。亢中國
有事。五星犯亢。逆行。君憂失國。大臣不用。木星守留。

三十日已上。有赦。年豐。久守其國。米貴。人多疾病。水
災。木與火星同穀不成。人死如草木。水災。火星守。多
雨。天下兵盡返。大起。水星守其分。米貴。久守多病。大
水災也。土星守萬物不成。多病。金星守天下道不通。
兵起。盜賊。水災傷人。金星行入南上道。五穀傷。赤色
旱。人流走。彗孛犯之。其國兵起。大臣作亂。一年月暈
團光。士卒自將百里不遂。士卒死。

梗河



梗河三星。梗在大角帝座北。主天子鋒。又主胡兵。及

張詠曰：梗河云也。相去吉，相向兵起，客守世亂矣。

騎官



騎官二十七星，在氐南。主天子騎虎賁，貴諸侯之族子弟宿衛。天子令三衛之像，星聚天下安，星少兵起。五星守之，兵起西北，入北辰一百十五度。

車騎將軍


車騎將軍星，在騎官東南，主車騎將軍之官。

卷一

卷一


三

車騎



車騎三星在騎官南總領車騎行軍之事


西咸



西咸四星在氐東主治淫佚南星入氐五度去北辰

九十三度

七公




七公七星在招搖東氐北爲天相主三公七政善惡

星明則衆議詳審星入河中木貴人相食金星守天

下兵起亂西星入氐四度去北辰四十九度

積卒



前下積卒星十二在氐東南星微小吉如大明及搖
動主朝廷有兵微小吉一星亡兵半出二星亡兵大
半出三星亡兵盡出五星守兵起星西入氐十三度
去北辰一百二十四度

房宿



房四星名天府管四方一名天旗二名天駟三名天

龍四名天馬。五名天衡。六爲明堂。是火星。春夏水。秋冬火。房爲四表。表三道。日月五星常道也。上第一星。名爲右服。次將。其名陽環。上道。二星。名右驂。上相。其名中道。三名左服。次將。其名下道。四名左驂。上相。總四輔。左驂。左服。云。東方及南方。可用兵。右驂。右服。云。西方北方。不可用兵。

平戈

平戈一星。在招搖北。一名臣戈。五星守兵起。星明動。胡兵起。入氐一度。去北辰四十二度。


招搖

招搖星在梗河北主胡兵芒角動兵革起行入氐二度去北辰四十一度

顓頊

顓頊二星在折威東南主治獄官拷囚情狀察真僞也。

氐宿



氐四星爲天宿宮一名天根二名天符木星春夏木秋冬水主皇后妃嬪前二大星正妃後二左右大明

爲臣奉事君寧暗失臣勢動臣出國日月氐中君犯
惡之木星守之后喜守二十日有王者之所行不利
疾則治遲行臣職主守必有諸侯並王火守大臣相
譖逆行而赤色大臣亡久守六十日有大赦火星入
之有賊臣爲亂近期一年遠二年金星守者有兵起
將軍有封爵者火之位水守有大水漂浸宮館萬物
不成水入貴臣憂有獄事客守布帛貴土星守有立
太子久守八十日已上國有兵起彗孛行入氐中後
宮有異兵動不出一百八日內遭水東平月暈圓氐

大將軍殃人多疾病

鉤鈐

鉤鈐二星主法去房宿七寸第一名天健二名天宮
簪開藏若近夫妻同心遠者夫妻不和大明則羣臣
奉職天下道洽暗則羣臣亂政王道不行日月蝕房
中王者亂昏大臣專權木星守天下和平留四十日
五穀豐人安吉無疾病天子有令德期在四月火星
守有兵起七月有大喪及赦十日守大夫災二十日
不去必臣反及君子天子憂亂王者惡之天下兵旱

守止一日，大臣亂，土星守有妾王亦亂，旱及地動，久
守，其有兵，金守，陪脇君大有土功事，國亂布帛貴，久
守，人饑易主，火守，姦臣誅王，大臣相譖，暴誅臣佐，天
下乖離，若出房心中間，地動客守，米貴十倍，日月五
星犯之色青，國憂兵喪，色白，大兵相殺，積尸如邱，彗
孛入房，國危人亂，相殘，流星入房，西行爲枉矢，王殺
忠臣，臣殺主，輔臣亡，遠期三年，常以三月候房，日月
出表南，大旱喪，出表北，災及萬里，兵亂陰雨，若山中
道，太平，許徐，潁州月暈，圍房，心災疫凶，五度，九月日


此上去北辰一百四度半

罰



罰三星在東咸西下西北而列主受金罰贖市布租也

東咸




東咸四星在房東北主防淫佚木在北守而搖動天子淫佚過度星南入心二度去北辰一百三度也後則不過百八十日遠則不過三年起於宋汴等州

天乳

天乳星在氐北主甘露十五度十二中西南星去北辰九十六度此件屬前項天乳別


貫索



貫索九星在七公前爲賤人牢牢口一星爲門門欲開開則有赦若赦主人憂若牢門閉及口星入牢中有自絞死者以五子日夜候之一星亡有喜事二星亡有爵事三星亡有赦甲庚期八十日丙辛期七十日戊壬期六十日星入河中人相食若九星總見獄事煩水星守水災火星守米貴有大星出牢大赦小

星卽小曲恩降慮口舌右星入尾一度去北辰五十度也

巫官



巫官二星在房西南主醫巫之職事也

天福




天福三星在房西主鑾駕乘輿之官也

鍵閉

鍵閉星在房東北主管籥星不欲明明則內亂門扉不禁姦淫至行於女也

心宿



心三星。中天王。前爲太子。後爲庶子。火星也。春夏木
秋冬水。一名大火。二名大辰。三名鶉火。中星明大赤
爲照。天子德行暗小失常色。爲主微弱。不能自斷。星
不欲直。直則主失計。動搖天子憂。木星守天下安。久
守而絕犯者。臣謀主。大兵起。火星守地動。守二十日。
臣謀主。色黑。主崩之像。土守聖帝出。謀臣天下太平。
有云。國有赦。久守不去。憂賊。天下大旱。有金星守山
崩。四方兵起。久守二十日已上。去心三寸。兵起。鉤戰。

上殿期八十日，亦有大蟲災、人饑災也。水星犯，有水災及旱，兵起，布帛貴，客守犯，大旱，赤地千里，日月五星經心，失積赤暈，虹蜺背向蝕，人饑，兵起，臣反，國易主，喪大臣，使客月貫心，內亂，彗孛入心，主憂有喪，大臣廢黜，心變期急，不過七日之應也。



天市垣五十六星，在房心北，主權衡，一名天旗，大明則米貴，市中星衆，則歲實，五星入市門，則兵起，芒角色赤，赤氣入，大災，火守米貴，所守坐犯，皆當之，門左星入尾一度，去北辰九十四度也。


候。

候星在市東，主輔臣陰陽法官，明則輔臣強，小暗輔微弱，入箕三度，去北辰七十二度。

宦官。


宦官四星，在帝座西南，侍帝之傍，入尾十二度。

斗




斗五星在宦星西南主稱量度。明斗西後則豐若斗亡仰不熟入尾十度。

宗人



宗人四星在宗政東主司享先人。星動帝親致憂。

宗正



宗正二星在帝座東南主宗正卿大夫暗室位室族有事。

青寧

第五星，狀如帝座，南主帝正卿，大武都，主武官。

太微

第八星，狀如帝座，南主帝正卿，大武都，主武官。

紫微

主殿，不燭，入其十星。


中五星，狀如帝座，南主帝正卿，大武都，主武官。

下



星經卷下

屠肆




屠肆二星在帛度北主屠煞之位也。

市樓



市樓六星在市門中主闐闐之司。今市曹官之職。

斛



斛四星在北斗南主斛食之事。已上諸星並在中也。

女床



女床三星在天紀北主後宮生女事侍帝及皇后明則宮人自恣入箕一度去北辰五十三度

帝座



帝座一星在市中神農所貴色明潤天子威令行微小凶亡大惡之入尾十五度去北辰七十一度

宗星



宗二星在候東主宗室爲帝血脉之臣錄呈家親族等級星明則族人有序暗則族有憂

列肆

列肆二星在斛西北主貨珍寶金玉等也


東肆

東肆二星在宮門門垣左星之西主市易價直之宮

帛度

帛度二星在宗星東北主平量也


天紀



天紀九星在貫索東主九卿萬事綱紀掌理怨訟與貫相連有索即地動期二年星不欲明即天下有怨


恨生、亡則國政壞。西入尾五度、去北辰五十一度、

天棒




天棒五星、在女床東北、主忿爭刑罰。以禦王難、備非常。明大有憂、微小吉、不用明、火星守、兵起、入箕八度、去北辰十二度、春夏火、秋冬水、主八風之始。一名析木。

天維



天維三星、在尾北、杓後、若星散、則天下不復合也。

天江



天江四星在尾北主太陰明動大水不禁兵起不具
天下津梁不通南星入尾六度去北辰一百十一度

天龜




天龜六星在尾南漢中主卜吉凶明君臣若火星守
旱澇災入尾十二度去北辰一百四十一度

天魚

天魚一星在尾河中主雲雨理陰陽明河海出天魚
搖暴水災火星守南旱北水

神宮

尾宿



龍尾九星爲後宮第一星后次三夫人次九嬪次嬪
妾一名后族水星也二風后三天鷄四天狗五太廟
皆欲明大小相承則宮多子孫傳說一星在尾第二
星東二寸小者是其星明則輔臣忠政暗則陪臣亂
邦木星守尾立太子三十日必后族逆兵妾賣權臣亂
國火星守兵相向大臣憂火與水合守箕尾間名九
江口必有赦若勝踊折絕者天下亂及早災土星守

多盜賊旱宮有廢黜土入魚鹽貴兵起大將出征土
火金星守淮土客合星入守人亂大臣變易失政水守
入天下水災江河決魚米貴客守賊暴貴客入天下
大饑荒亂人相食疾疫死竄他方不耕織君子貨衣
小人賣妻子日月蝕於尾貴臣中相刑反暈虹蜺背
向尾將相憂亂后有喪彗孛行犯貴臣誅內寵亂政
幽州定冀遼東等之應也


箕宿

箕四星主後別府二十七世婦八十一御女爲相天

于后也。亦爲天漢九江口。主梁在漢邊。金星春夏金
秋冬土箕后動有風。期三日也。前二星爲后也。箕入
河中。太饑人相食。箕前亦名糠星。大明歲豐。小微天
下饑荒。天下無米。木守宮。有口舌。火星守。天下饑。久
守環遶成鉤已。大臣被誅。火守大水災。平溢澤。若十
月守之。大水。米倍饑。土水二星守。萬物不成。饑。久守
兵起。或米貴。或赦。金星入守。兵起。有赦。更主。久守風
旱。防內亂。兵起。攻攻。水星守。穀不豐。入大人憂。客守。
天下大饑。米貴十倍。人相食。流亡他邑。不耕織。色赤。


大風雨。亂。客在南旱。計日月五星入之中。天下兵起。滄洲洛陽。平。兔廣陵等應之也。

建星



建六星。在南斗北。天之都關。三光道也。主司七耀行得失。十一月甲子冬至。大應治政之宿所起也。木星守。水災。米貴。多病。金星守。萬物不成。久惡等守。惡水星守。人饑。西星入斗七度。去北辰一百十三度。

天弁




天弁九星在建北近河。爲市官之長。暗凶。無萬物。明大萬物興衆。主市易也。

狗




狗二星在斗魁前。主卿臣移處。卿臣爲亂。

狗國



狗國四星在建東南。主鮮卑烏丸。明邊兵起也。


天籥



天籥七星在斗杓第二星西。主鎖籥。閉閉明吉。暗凶。

災。

驚




天驚十五星。在斗南主太陰水蟲不在漢中有水火
災。白衣食星大人喪。火守旱。水星卽水災。右人斗一
度。去北辰一百二十七度。

漸臺



漸臺四星。屬織女東足。主晷漏律呂陰陽事。

輦道



輦道五星。屬織女西足。主天子遊宮嬉樂之道也。

杵




杵三星。在箕南。主杵臼舂米事。星動。人失釜甑。修橫大饑。荒客守之天下饑。北星入箕一度。去北辰一百四十三度。

農

。

農丈人一星。在斗南。主農官田政司農卿等之職。北方七宿三十五星。九十八度七十五分五十秒。


斗宿



南斗六星主天子壽命亦云宰相爵祿之位巫咸氏
云木星春夏木秋冬水一名天斧二名天闕三名天
機大明王道和平將相同心帝命壽天下安暗大臣
失位天下驚芒角動搖國失忠臣天下愁木守六十
日大臣增壽爵祿木逆行入魁中大臣逆久守兵起
水災大饑人相食火守國有內變相輔不安兵起火
逆行順守者及遶城鉤已將相崩死國災火久守國
絕嗣土星守入斗中有王者不用兵昇大位守之九
十日兵起水災金星守執法大臣作逆國亂兵起有

赦火金星俱入斗中名曰鑠必有臣子逆久畱遲火經過速出者禍難速平水星守水災火入斗兵起於吳越人大饑守客有兵絕道卒有大水賊盜多亂喪弟攻兄子殺父或主崩米貴久守國絕嗣客守第二星大水人相食客赤色入斗中兵起軍將死日月入斗大臣失位或被戮若斗中蝕者日帝惡月后惡暈圍斗之分入流千里江池丹楊越廬洪地等應也

天泉




天泉十星在鼈東一曰大海主灌溉溝渠之事也。

織女



織女三星在天市東端天女主瓜果絲帛收藏珍寶
及女變明大天下平和常以七月一月六七日見東
方色赤精明女功善一星主兵起女人爲役常向扶
匡卽善不向則絲帛倍貴火星守布帛貴兵起十年
乃息公主憂客守絲帛等貴入二十七度去北辰
五十二度也


牽牛



牽牛六星主關梁上星主道路中主牛木星春夏木
秋冬火中央火星爲政始日月五星行起於此皆携
星遠漢天下牛貴明亦貴暗小賊入漢中牛疫死直
米穀價平曲米貴失常色牛多死穀不成木星守天
下和平久守水災人凍死米貴賣子虎害人臣謀主
木逆久守有水道不通火星守老臣逆牛貴十倍人
相食兵起將軍死大水災津梁不通土星守臣謀主
君有失位臣金星守地氣泄兵起至城天下人多死
水守辰星常以冬朝牽牛若不朝來年五穀不熟大

水損害客守二十日兵起彗孛行牛中吳越有自王者彗出牛中七十日有政更像虹蜺出牛必有壞城臨淮月暈圍牛損小兒災變也八度八月昏中氏中去北辰一百十度

扶匡



扶匡七星在天柱東主桑蠶之事

天鷄



天鷄二星在狗國北主異鳥火星守兵起土守人饑

相食流亡

河鼓



河鼓三星中大星爲大將軍左星爲左將軍右爲右將軍星直吉爲羽軍幹能曲卽凶爲失計奪勢左右旗各九星並在牛北枕河主軍鼓達者聲音設守險以旗表亡動兵起左旗黑色主陰幽之處備警急之事河鼓有芒角爲將軍雄強百盛也

天桴



天桴四星在左旗南北列主漏刻天桴若暗漏刻失


時明則得所吉

九坎



九坎九星在牛南主溝渠水泉流通。明災起暗吉。五星守及犯之。水泛溢。西入斗四度。去北辰一百二十六度。

天田



天田九星在牛東南主畿内田苗之職。

羅堰

羅堰二星在牛東星不明暗吉大明馬被水淹浸


女宿



須女四星主布帛爲珍寶藏一名嫫女天女水星春
夏水秋冬火大明女功有就天下甚熟小暗天下不
足庫藏空虛日月蝕女中天下女功不爲邦憂患木
星守歲多水有喜女主人多凍死火星守產婦多死
布帛貴蒙土星守人相嫉惡有錢人暴貴存女喪金
星守臣下謀主兵起人多死女多寡府藏出珍帛水


星守有水災萬物不成布帛貴客守諸侯進妓女布
絹貴有女暴貴彗孛行犯國兵起女亂常海西郡婺
州台州等月暈圍主女死也十二月日在此二月旦
中。西星去北辰一百六度。

離珠



離珠五星在女北主藏府以御後宮移則亂西入女
一度去北辰九十四度也。

瓜瓠



瓜瓠五星在離珠北，敗瓜五瓜南，星明大熟，主陰謀。
後宮，天子果園，星不具，搖動有賊害人。木水客星等
守魚鹽貴。瓜瓠入女一度，去北辰七十一度。

璃瑜

璃瑜三星，在秦代東南列北，主王饑衣服。

虚宿

虚二星，主廟堂哭泣。金星，春夏水，秋冬金，一名弔枵。
二名顓頊，三名大卿，亦曰臨官。星欹枕斜，上下不比，則
饗祀失禮。木星守，昭穆失序，人饑多病。木星與土合。

守名陰陽盡爲大水災，魚行人道，民流亡不居其處，期三年當大旱，赤地千里，火星守赤地千里，女子多死，萬物不成，有土功役，天子愁兵，久守人饑，米貴十倍，土守風雨不時，大旱多風，米貴，金星守，臣謀主，國政急，兵起，殺人流血，水星守旱，萬物不成，客守其分，有災疫，若凌犯環遶，鉤已，國亂，彗孛行，犯久有兵，入相殺流血如川，屍如丘，大星如半月，守名天賊，爲帝主者，奉郊廟以銷災，齊州日圍虛，兵動人饑。

越

越一星在婺女之南

鄭

鄭一星在越星南

趙

趙二星在鄭之南

齊

齊一星在越星南

周

周二星在越星東

楚

楚二星在魏星南

燕

燕一星在楚星南

秦

秦二星在周星東南

魏

魏二星在韓星北

韓

韓一星在晉星北

晉

晉一星在代星西北

代

代二星在秦星南

右件星色黑變動流亡五星凌犯則其國各當咎也

司非

司危

司祿


司命

司命司祿司危司非各二星已上在虛北司祿次司

命北司危次司祿北司非次司危北


右各主天下壽命爵祿安泰危敗是非之事。

天津




天津九星在虛北河中主津瀆津梁知窮危通濟度之官。星明動兵起參差米貴星大津不通三河水爲害星移河溢覆赤氣入之旱災黃白氣入天子有令德火星守天下大亂及旱西入牛二度去北辰四十度也。

危宿



危三星主宮室祭祀土星春夏水秋冬火動而暗天
子宮室土功事興

墳



墳墓四星在危下主山陵悲慘事暗失本位小不見
則山陵毀梓宮剝割事也日月蝕危中主宮殿崩陷
大臣殺天下作逆木星守祀不敬天子別造宮室土
火守人多役死不葬歲儉南方有兵久守東大兵逆
國敗政人饑旱米貴十倍土星守土功起旱損急兵

金星守，罷兵將軍喜慶，水星守，臣下亂謀，敗破被刑，法官有憂，國有水災，日月五星入天下亂，來年大饑，客守，王侯主國政事，米貴，彗孛行犯國，返兵起，流星入天下不安，近半年，遠三年，蔡州太原郡月暈圍色，人多病。

室宿




營室二星，主軍糧，離宮上六星，主隱藏，木星春夏火，秋冬水，一名宮，二名室，明國昌，動搖兵出起，日蝕室。

中王自將出征不伏月蝕歲饑百姓絕種上六星名
離宮主六宮妃后位爲掖求卷若危乘守入城鉤已
環遶左右逆行往來於宮者爲妃后廢黜或主崩后
黨被誅或宮女外通以時占之木星守在南東有善
事北卽憂西米貴火星守將軍凶久守成鉤已者主
失官位大臣陰謀憂旱米貴十倍大臣作逆守經二
十日已上至久九十日臣亂殺君篡位天子惡之土
星守主陰造宮室起土功將軍益封金星守兵革散
久守軍兵滿野水星守水災民爲主欲以亡候之不


出四十、客守有軍出、失兵法、主民得地、人米貴、人散、
彗孛星出、天下亂、國易政、卒爲績、廣政、彗孛犯之前、
起兵者爲弱、亦不守、鬪戰必敗、淫衛甘秦州月、暈圍、
室壁、下人謀成起、謀不成、婦兒多病死者、應之時取、
占之應也、

奚仲




奚仲四星、在天津北、帝王東宮之官也、

鉤




鈎九星在造父西河中星移主地動之應也

車府




車府七星在天津東近河主官車之府也

哭




哭二星在虛南主死哭之事

泣



泣二星在哭星東已上並主死悲泣之事

造父




造父五星，在傳舍南，主御女之官，則馬貴。

蓋屋




蓋屋二星，在危宿之南，主宮室之事也。

虛梁




虛梁四星，在危南，主國陵寢廟，非人居處。

天壘




天壘十三星，如貫索狀，在哭泣之南，主北夷丁零匈奴之事也。

敗臼




敗白四星，在虛危南，主政治，如哭泣，亡人賣金，饒出鄉宅，客守人亂，西南入女十三度，去北辰一百三十一度。

人星



人五星，在危北，主天下百姓亡官，有詐僞，作詔勅之，人爲婦人凶亂者也。

杵臼




杵臼星，在人傍，主春軍糧，曰四星，在杵下，若杵臼不相當，軍事饑，曰仰歲熟豐，傾覆大饑也。

土吏




土吏三星在室西南主備設司過農事

天錢



天錢十星在虛梁南主錢財庫聚天下財物庸調之
輩司今左右庫藏是也

螣蛇



螣蛇二十三星在室北枕河主水蟲暗國安移南大
旱移北大水客守水災頭入室一度去北辰五十度

也

天海




天海十星，在壁西南，五星及客守之，水涌溢，浸溺人邑。

雷電




雷電六星，在室西南，主興雷電也。

雲雨



雲雨四星，在雷電東，主雨澤萬物成之。

霹靂



霹靂五星。在雲雨北。主天威擊擘萬物。


北落

北落師門一星。在羽林軍西。主候兵。星明太而角。軍兵安。小暗天下兵。五星犯兵起。金水木星守尤甚。木土犯吉。火星守人兵羽不可固。國殘朝亡。入危九度去北辰一百二十度。

天剛

天剛三星在北落西南。主天繩張漫野宿所用也。

八魁



八魁九星。在北落東南主獸之官。五星及客守之。兵起。金火星守尤凶甚。

鉄鑽

鉄鑽三星。在八魁西北一名斧鉞。主斬刈亂行。誅誑詐。僞入。暗吉。移處兵起。


壁宿

東壁二星主文章圖書也。土星。春夏金。秋冬土。一名天術。失色大小不同。天子將封鄙土而失天下。過日蝕壁。中國不用賢士。失文字。月蝕壁。中大臣憂。文者死。

木星守。五經仕人被用。朝廷興。火星守。大臣謀。君歲
旱不熟。米貴不顯。內外勝政。兵起。上星守久。賢臣國
用文章道術興行。國君延壽。天下豐熟。大平。火星入
中街。君崩。五日則相薨。若不死則流散。土星守。逆行
入壁。萬物不成。守經九十日已上。大兵起。百姓有立
王者。金星守。天下不通。王者急刑罰。有兵。大臣憂。水
守水災。道不通。客守多風雨。及水災。臣下賊王者。政
刑事內明通。明有政。事內清。月暈壁。其久國亂。彗孛
行。犯兵起。火守火災。太廟門。天下有兼并者。辟明王。


道興有君子在位。星暗王道衰。人得用武。蘭涼衛州等分也。

羽林



羽林軍星四十五星。壘辟十二星。並在室南主翊衛天子之軍。入安飛將星。欲威明。天下安。星暗兵盡失。西入室五度。去北辰一百二十三度也。

王良



王良五星在奎北河中爲御馬官漢中四星天駟旁一星名王良主疾及路爲天橋主急兵也星不具津河不通移向四方隨方有兵起也


策

策一星在王良前爲天子僕策御馬占至王良策馬軍騎滿野大兵起火守良兵起明則馬賤暗卽馬貴西入壁半度去北辰四十二度

土公

土公二星在壁南主營造宮室起土之官等類也

主公廐



天廐十星在壁北主天子馬坊廐苑之官也

大星半張北列四十二星

諸星理大與然小者其氣然則同然則同然則同然則同

主星主星主星主星主星主星主星主星主星主星主星


取


何不與與同四六國大休其然也

何不與與同四六國大休其然也

何不與與同四六國大休其然也

右星經一卷原本題漢甘公石申著文獻通考亦作甘石星經按史記天官書總論昔之傳天數者在齊甘公魏石申徐廣注甘公名德本是魯人正義引七錄云甘公楚人戰國時作天文星占八卷石申魏人戰國時作天文八卷明二人各撰有星經不得以甘石合稱且非漢人也前漢書天文志於歲星及太歲在某支下俱並載甘氏石氏說明二家占候各有不同史記索隱於天官書歲星監德及天棊星下引漢志亦已分別言之則二家書







荆楚歲時記

晉 宗懔著

金谿熊

瀾



正月一日是三元之日也春秋謂之端月鵝鳴而起

先於庭前爆竹以辟山臊惡鬼

埤按御覽引作山魃

按神異經云西方山中有人焉其長尺餘一足性

不畏人犯之則令人寒熱名曰山臊以竹著火中

爇燁有聲而山臊驚憚元黃經所謂山獾鬼也俗

人以爲爆竹起於庭燎家國不應濫於王者

長幼悉正衣冠以次拜賀進椒柏酒飲桃湯進屠蘇

酒膠牙餠下五辛盤進數于散服却鬼丸各進一鶚
子造秤板著戶謂之仙木凡飲酒次第從小起

按四民月令云過臘一日謂之小歲拜賀君親進
椒酒從小起椒是玉衡星精服之令人身輕能老
栢是仙藥成公子安椒華銘則曰肇惟歲首月正
元日厥味惟珍蠲除百疾是知小歲則用之漢朝
元正則行之桃者五行之精厭伏邪氣制百鬼也
董勛云俗有歲首用椒酒椒花芬香故采花以貢
樽正月飲酒先小者以小者得歲先酒賀之老者

失歲故後與酒周處風土記曰元日造五辛盤正
元日五薰鍊形五辛所以發五藏之氣莊子所謂
春月飲酒茹蔥以通五藏也敷于散出葛洪煉化
篇方用栢子人麻人細辛乾薑附子等分爲散并
華水服之又方江夏劉次卿以正旦至市見一書
生入市衆鬼悉避劉問書生曰子有何術以至於
此書生言我本無術出之日家師以一丸藥絳囊
裹之令以繫臂防惡氣耳於是劉就書生借此藥
至所見鬼處諸鬼悉走所以世俗行之其方用武

都雄黃丹散二兩蠟和令調如彈丸正月旦令男
左女右帶之周處風土記曰正旦當生吞雞子一
枚謂之練形膠牙者蓋以使其牢固不動今北人
亦如之熬麻子大豆兼糖散之案練化篇云正月
旦吞雞子赤豆七枚辟瘟氣又肘後方云且及七
日吞麻子小豆各二七枚消疾疫張仲景方云歲
有惡氣中人不幸便死取大豆二七枚雞子白麻
子酒吞之然麻豆之設當起於此梁有天下不食
葷荆自此不復食雞子以從常則

帖畫雞戶上。懸葦索於其上。插桃符其傍。百鬼畏之。
按魏議郎董勛云。今正臘旦。門前作烟火。桃神絞
索松栢。殺雞著門戶。逐疫禮也。括地圖曰。桃都山
有大桃樹。盤屈三千里。上有金雞。日照則鳴。下有
二神。一名鬱。一名壘。并執葦索以伺不祥之鬼。得
則殺之。應劭風俗通曰。黃帝書稱上古之時。兄弟
二人。曰荼與鬱。住度朔山上。桃樹下。簡百鬼。鬼妄
搢人。援以葦索。執以食虎。於是縣官以臘除名。飾
桃人。垂葦索。虎畫於門。效前事也。

又以錢貫繫杖脚廻以投糞掃上云令如願。

按錄異記云有商人區明者過彭澤湖有車馬出自稱青洪君要明過厚禮之問何所須有人教明但乞如願及問以此言答青洪君甚惜如願不得已許之乃其婢也旣而送出自爾商人或有所求如願並爲卽得後至正旦如願起晚乃打如願如願走入糞中商人以杖打糞掃喚如願竟不還也此如願故事今比人正月十五日夜立于糞掃邊令人執杖打糞堆云云以答假痛意者亦爲如願

故事耳

正月七日爲人日。以七種菜爲羹。剪綵爲人。或鏤金簿爲人。以貼屏風。亦戴之頭鬢。又造華勝以相遺。登

高賦詩

按董勛問禮俗曰。正月一日爲雞。二日爲狗。三日爲羊。四日爲豬。五日爲牛。六日爲馬。七日爲人。正旦畫雞於門。七日帖人於帳。今一日不殺雞。二日不殺狗。三日不殺羊。四日不殺豬。五日不殺牛。六日不殺馬。七日不行刑。亦此義也。古乃磔雞。今則不

殺荆人於此日向辰門前呼牛馬雞音令來乃置粟豆於灰散之宅內云以招牛馬未知所出剪綵人者人人新年形容改從新也華勝起於晉代見賈充李夫人典戒云像瑞圖金勝之形又取像西王母戴勝也舊以正旦至七日諱食雞故歲首唯食新菜又餘日不刻牛馬羊狗豬之像而二日福施人雞此則未喻郭緣生述征記云壽張縣安仁山宋東平王鑿山頂爲會人日望處刻銘於壁文宇猶在老子云衆人熙熙如登春臺楚詞云日極

千里傷春心。則春日登臨。自古爲適。但不知七日
竟起何代。晉代桓溫叅軍張望。亦有正月七日登
高詩。近代以來。南北同耳。北人此日。食煎餅於庭
中。作之云薰火。未知所出。

立春之日。悉剪綵爲鷲戴之。帖宜春二字。

按宜春二字。傳咸鷲賦。有其言矣。賦曰。四時代至。
敬逆其始。彼應運於東方。乃設鷲以迎至。翬輕翼
之岐岐。若將飛而木起。何夫人之功巧。式儀形之
有似。御青書以贊時。著宜春之嘉祉。

正月十五日作豆糜。加油膏其上。以祠門戶。先以楊枝插門。隨楊枝所指。仍以酒脯飲食及豆粥。插箸而祭之。

按續齊諧記曰。吳縣張成夜起。忽見一婦人立於宅東南角。謂成曰。此地是君家蠶室。我卽此地之神。明年正月半。宜作白粥。泛膏其上。以祭我。當令君蠶桑百倍。言絕而失之。成如言作膏粥。自此後大得蠶。世人正月半作粥禱之。加肉覆其上。登屋食之。呪曰。登高糜挾鼠腦。欲來不來。待我三蠶老。

則是爲蠶逐鹿矣。白虎鄭中記正月十五日有登高之會。則登高又非今世而然者也。

其夕迎紫姑以上將來蠶桑并占衆事。

按劉敬叔異苑云紫姑本人家妾爲大婦所妬正月十五日感激而死。故世人作其形迎之。呪云子胥不在。云是其壻。曹夫人已行。云是其姑。小姑可出於廁邊。或豬欄邊迎之。捉之覺重。是神來也。平原孟氏嘗以此日迎之。遂穿屋而去。自爾著以敗衣。蓋爲此也。洞覽云帝嘗女將死云生平好樂至

正月可以見迎。又其事也。俗云溷廁之間。必須靜。然後至。紫姑雜五行書。廁神名後帝。異苑云。陶侃如廁。見人自云。後帝著單衣。平上幘。謂侃曰。三年莫說。貴不可言。將後帝之靈。憑此姑而言乎。

正月夜多鬼鳥度。家家槌牀打戶。捩狗耳滅燈燭。以禳之。

按予中記云。此鳥名姑獲。一名天地女。一名隱飛鳥。一名夜行遊女。好取人女子養之。有小兒之家。卽以血點其衣。以爲誌。故世人名爲鬼鳥。荊州彌

多斯言信矣

正月未日夜蘆芭火照井廁中則百鬼走

元日至於月晦並爲酺聚飲食士女泛舟或臨水宴

樂

按每月皆有弦望晦朔以正月初年時俗重以爲
節也玉燭寶典曰元日至月晦今並酺食度水土
女悉湔裳酹酒於水湄以爲度厄今世人唯晦日
臨河解除婦人或湔裙

春分日民並種戒火草於屋上有鳥如烏先雞而鳴

架架格格民侯此鳥則入田以爲侯

社日四鄰並結綜會社牲饗爲屋於樹下先祭神然後饗其胙

按鄭氏云百家共一社今百家所社綜卽共立之社也

去冬節一百五日卽有疾風甚雨謂之寒食禁火三日造餽大麥粥

據歷合在清明前二日亦有去冬至一百六日者
琴操曰晉文公與介子綏俱亡子綏割股以啖文

公文公復國子綏獨無所得子綏作龍蛇之歌而
隱文公求之不肯出乃燔左右木子綏抱木而死
文公哀之令人五月五日不得舉火又周舉移書
及魏武明罰令陸翽鄴中記並云寒食斷火起於
子推琴操所云子綏卽推也又云五月五日與今
有異皆因流俗所傳據左傳及史記並無介子推
被焚之事案周書司烜氏仲春以木鐸循火禁乎
國中注云爲季春將出火也今寒食準節氣是仲
春之末清明是三月之初然則禁火蓋周之舊制

陸翽鄴中記曰寒食三日醴酪又煮粳米及麥爲酪持杏仁煮作粥玉燭寶典曰今人制爲大麥粥研杏仁爲酪引飴沃之孫楚祭子推文云于飯二盤醴酪二盃是其事也

鬪雞鏤雞子鬪雞子

按玉燭寶典曰此節城市尤多鬪雞卵之戲左傳有季邱鬪雞其來遠矣古之豪家食稱畫卵今代猶染藍茜雜色仍加雕鏤遞相餉遺或置盤俎管子曰彫卵然後瀹之所以發積臧散萬物張衡南

都賦曰春卯夏筍秋韭冬菁便是補益滋味其鬪
卯則莫知所出董仲舒書云心如宿卯爲體內藏
以據其剛髣髴鬪理也

打毬鞦韆施鉤之戲

按劉向別錄曰蹴鞠黃帝所造本兵勢也或云起
於戰國按鞠與毬同古人踢蹴以爲戲也古今藝
術圖云鞦韆北方山戎之戲以習輕趨者施鉤之
戲以綆作蔑纜相胥綿亘數里鳴鼓牽之求諸外
典未有前事公輸子遊楚爲舟戰其退則鉤之進

則強之、名曰鈎強、遂以時越、以鈎爲戲、意起於此、
涅槃經曰、鬪輪骨輪索、其秋遷之戲乎、鞦韆亦施
鈎之類也、

三月三日、士民竝出江渚池沼間、爲流杯曲水之飲、
按續齊諧記、晉武帝問尚書摯虞曰、三日曲水、其
義何指、答曰、漢帝時平原徐肇、以三月初生三女、
而三日俱亡、一村以爲恠、乃相攜之水濱盥洗、遂
因流水以濫觴、曲水起於此、帝曰、若此談、便非嘉
事、尚書郎束皙曰、摯虞小生、不足以知此、臣請說

其始昔周公卜成洛邑因流水以泛酒故逸詩云
羽觴隨波流又秦昭王三月上巳置酒河曲有金
人自東而出奉水心劍曰令君制有西夏及秦霸
諸侯乃因其處立爲曲水二漢相沿皆爲盛集帝
曰善賜金十五斤左遷摯虞爲陽城令按韓詩云
唯溱與洧方洹洹兮唯士與女方秉簡兮注謂今
三月桃花水下以招魂續鳧祓除歲穢周禮女巫
歲時祓除釁俗鄭注云今三月上巳水上之類司
馬彪禮儀志三月三日官民并袂飲於東流水上

彌驗此日。岳記云其山西曲水壇水從石上行，士女臨河壇三月三日所逍遙處，周處吳微注吳地記則又引郭虞三女竝以元巳日死，故臨水以消災所未詳也。張景陽洛褉賦則洛水之遊傳長虞神全文乃園池之宴，孔子云暮春浴乎沂，則水濱褉祓由來遠矣。

是日取鼠麴汁蜜和粉謂之龍舌料以厭時氣。

四月也有鳥名獲穀其名白呼農人候此鳥則犁耙

上岸

按爾雅云、鴈鳩鵲、郭璞云、今布穀也、江東呼獲穀、崔寔正論云、夏扈趨耕鋤、卽竊脂元鳥、鳴獲穀、則其夏扈也、

五月俗稱惡月、多禁忌、曝牀薦席、及忌蓋屋、

按異苑云、新野庾亮嘗以五月曝席、忽見一小兒死在席上、俄失之、其後寔子遂亡、或始於此、或問董勛曰、俗五月不上屋、云五月人或上屋、見影覓便去、勛答曰、蓋秦始皇自爲之禁、夏不得行、漢魏未改、按月令仲夏可以居高明、可以遠眺望、可以

一升山隄可以處臺榭、鄭元以爲順陽在上也、今云
不得上屋、正與禮反、敬叔云、見小兒死而禁暴席、
何以異此乎、俗人月諱、何代無之、但當矯之歸于
正耳。

五月五日、四民竝蹋百草、又有鬪百草之戲、採艾以
爲人、懸門戶上、以禳毒氣、

按宗測字文度嘗以五月五日雞未鳴時採艾、見
似人處攬而取之、用灸有驗、師曠占曰、歲多病則
艾先生、

是日競渡採雜藥

按五月五日競渡俗爲屈原投汨羅日傷其死故
竝命舟楫以拯之舸舟取其輕利謂之飛鳧一自
以爲水軍一自以爲水馬州將及士人悉臨水而
觀之邯鄲淳曹娥碑云五月五日時迎伍君逆濤
而上爲水所淹斯又東吳之俗事在子胥不關屈
平也越地傳云起於越王勾踐不可詳矣是日競
採雜藥夏小正此月蓄藥以蠲除毒氣

以五絲絲繫臂名曰辟兵令人不病瘟又有條達等

織組雜物以相贈遺、取鴈鵠教之語、

按仲夏繭始出、婦人染練、咸有作務、日月星辰鳥獸之狀、文繡金縷、貢獻所尊、一名長命縷、一名續命縷、一名辟兵縷、一名五色絲、一名朱索、名擬甚多、青赤白黑以爲四方、黃爲中央、襞方綴於胸前、以示婦人計功也、此月鴈鵠子毛羽新成、俗好登巢取養之、以教其語也、

夏至節日食糗、

周處謂爲角黍、人竝以新竹爲筒、糗練葉插五絲、

繫臂謂爲長命縷

是日取菊爲灰以止小麥蠹

按干寶變化論云朽稻爲蜚朽麥爲蚘蝶此其驗

乎

六月伏日竝作湯餅名爲辟惡

按魏氏春秋何晏以伏日食湯餅取巾拭汗面色皎然乃知非傅粉則伏日湯餅自魏已來有之

七月七日爲牽牛織女聚會之夜

按戴德夏小正云是月織女東向蓋言星也春秋

斗運樞云牽牛神名畧石氏星經云牽牛名天關
佐助期云織女神名收陰史記天官書云是天帝
外孫傳元擬天問云七月七日牽牛織女會天河
此則其事也河鼓黃姑牽牛也皆語之轉

是夕人家婦女結綵縷穿七孔鍼或以金銀鋤石爲
鍼陳瓜果於庭中以乞巧有喜子網於瓜上則以爲
符應

按世王傳曰竇后少小頭禿不爲家人所齒七日
七日夜人皆看織女獨不許后出有光照室爲后

之瑞

七月十五日，僧尼道俗，悉營盆供諸佛。

按孟蘭盆經云，有七葉功德。竝幡花歌鼓果食送之。蓋由此也。經云：目連見其亡母在餓鬼中，卽鉢盛飯往餉其母。食未入口，化成火炭，遂不得食。目連大叫，馳還白佛。佛言：汝母罪重，非汝一人奈何。當須十方衆僧威神之力。至七月十五日，當爲七代父母厄難中者，具百味五果，以著盆中，供養十方大德。佛勅衆僧皆爲施主，祝願七代父母行禪。

定意然後受食，是時目連母得脫一切餓鬼之苦。
目連白佛：未來世佛弟子行孝順者，亦應奉盂蘭
盆供養。佛言：大善。故後人因此廣爲華飾，乃至刻
木割竹，飴蠟翦綵，模花葉之形，極工妙之巧。

八月十四日，民竝以朱水點兒頭額，名爲天灸，以厭
疾。又以錦綵爲眼明囊，遞相餉遺。

按述征記云：八月一日，作五明囊，盛取百草頭露
洗眼，令眼明也。續齊諧記云：宏農鄧紹嘗以八月
旦入華山採藥，見一童子執五綵囊，承栢葉上露。

皆如珠滿囊紹問用此何爲答曰赤松先生取以
明目言終便失所在今世人八月旦作眼明袋此
遺象也或以金薄爲之遞相餉焉

九月九日四民竝籍野飲宴

按杜公瞻云九月九日宴會未知起於何代然自
漢至宋未改今北人亦重此節佩茱萸食餌飲菊
花酒云令人長壽近代皆宴設於臺榭又續齊諧
記云汝南桓景隨費長房遊學長房謂之曰九月
九日汝南當有大災凡急令家人縫囊盛茱萸繫

臂上登山飲菊花酒此禍可消景如言舉家登山
夕還見雞犬牛羊一時暴死長房聞之曰此可代
也今世人九日登高飲酒婦人帶茱萸囊蓋始於
此

十月朔日黍暉俗謂之秦歲首

未詳黍暉之義今北人此日設麻羹豆飯當爲其
始熟嘗新耳禰衡別傳云十月朔黃祖在艨艟上
會設黍暉是也

仲冬之月采撷霜蕒菁葵等雜菜乾之並爲鹹菹

有得其和者，並作金釵色。今南人作鹹菹，以糯米
熬搗爲末，并研胡麻汁和釀之。石窄令熟，菹既甜
脆，汁亦酸美。其莖爲金釵股，醒酒所宜也。

十二月八日爲臘日，諺語臘鼓鳴，春草生。村人並擊
細腰鼓，戴胡頭，及作金剛力士，以逐疫。

按禮記云：儺，人所以逐厲鬼也。呂氏春秋季冬紀
注云：今人臘前一日，擊鼓驅疫，謂之逐除。晉陽秋
王平子在荊州，以軍圍逐除，以鬪故也。予中記：顓
頊氏三子俱亡，處人宮室，善驚小兒。漢世以五營

千騎自端門傳炬送疫棄洛水中故東京賦云卒
歲大饑。毆除羣厲。方相秉鉞。巫覡操茆。倂子萬重
丹首。彘製桃弧。棘矢所發。無梟。宣城記云。洪矩吳
時作廬陵郡。載土船頭。逐除人就矩乞。矩指船頭
云。無所載。土耳其小說。孫興公常着戲頭。與逐除人
共至。桓宣武家。宣武覺其應對不凡。推問乃驗也。
金剛力士。世謂佛家之神。按河圖玉版云。天立四
極。有金剛力士。兵長三十丈。此則其義。

其日竝以豚酒祭竈神。

按禮器竈者老婦之祭尊於瓶盛於盆言以瓶爲
罇盆盛饌也許慎五經異義云顓頊有子曰黎爲
祝融火正祝融爲竈神姓蘇名吉利婦姓王名搏
頰漢陰子方臘日見竈神以黃犬祭之謂爲黃羊
陰氏世蒙其福俗人競尚以此故也

歲前又爲藏彊之戲

按周處風土記曰醇以告蜡竭恭敬于明祀乃有
藏彊臘日之後叟嫗各隨其儕爲藏彊分二曹以
校勝負辛氏三秦記以爲鈎弋夫人所起周處成

公綏竝作彊字、藝經庾闡則作鈞字、其事同也、俗云此戲令人生離、有禁忌之家、則廢而不脩、

歲暮、家家具肴蔌、詣宿歲之位、以迎新年、相聚酣飲、畱宿歲飯、至新年十二日、則棄之街衢、以爲去故納新也。

歲時記終

右宗懷荆楚歲時記一卷文獻通考本作四卷其
序略云傳元之朝會杜篤之上已安仁秋興之敘
君道娛蜡之述其屬辭則已沿其比事則未宏率
爲小記以錄荆楚歲時風物故事自元日至除日
凡二十餘事謨嘗以唐人諸類書備載四時十二
月令節而獨不及中秋爲憾今考是記亦祇載八
月十四日作眼明囊事於十五日亦無聞焉竊意
自唐以前世俗尙無中秋故事不宜荆楚別有沿
革也但如韓諤歲華紀麗所引是記於二月八日

云釋氏下生之日迎文成道之時信捨之家建入
關齋戒車輪寶蓋七變八會之燈平旦執香花遶
城一匝謂之行城於四月八日云諸寺各設香湯
浴佛共作龍華會以爲彌勒之徵而長沙寺閣下
有九子母神是日市肆之人無子者供養薄餅以
乞子往往有驗於七月十五日云是日僧尼坐草
爲一歲云四月八日結夏至七月十五日解衆僧
長養之節在外恐傷草木虫類故九十日安居又
七夕庭中乞巧下有或云見天河中有奕奕白氣

或耀五色以爲徵見便拜得福數語今本皆無之
則是記文已多殘缺抑或如唐志所載荆楚歲時
記原有宗懔杜公瞻兩本故所据不同耶而本記
間引杜公瞻說則又似祇一書故通志藝文略以
爲宗懔撰公瞻注也今特抄補闕文并存其說於
此汝上王謨識

故尊王王局

計眾寡錯公創吾也今外時開文我我其

開傳卦公謂諸限及掛一書點直法

諸眾育諸卦於公想爾本於而無不同其

諸眾育諸卦於公想爾本於而無不同其

諸眾育諸卦於公想爾本於而無不同其

南方草木狀總目

卷上

草類

甘蔗

耶悉茗

米利

豆蔻花

山薑花

鶴草

甘藷

水蓮

水蕉

茛醬

菖蒲

留求子

諸蔗

草麴

芒茅

肥馬草

冬葉

蒲葵

乞力伽

蘋桐

水葱

蕪菁

菘附

茄

綽菜

薤

冶葛

吉利草

良耀草

蕙

卷中

木類

楓人

楓香

薰陸香

榕

益智子

桂

朱槿

指甲花

蜜香

沉香

鷄骨香

黃熟香

棧香

青桂香

馬蹄香

鷄舌香

枕柳

訶梨勒

蘇枋

水松

刺桐

棹

杉

荆

紫藤

榼藤

蜜香紙

抱香履

卷下

果類

檳榔

荔枝

椰

楊梅

橘

柑

橄欖

龍眼

海棗

千歲子

五欽子

鉤緣子

海梧子

菴摩勒

石栗

人面子

竹類

雲邱竹

篋筍竹

石林竹

思摩竹

簞竹

越王竹

目錄終

南方草木狀卷上

晉譙國嵇含著

龍泉高日升校

南越交趾植物有四裔最爲奇周秦以前無稱焉
自漢武帝開拓封疆搜求珍異取其尤者充貢中
州之人或昧其狀乃以所聞詮叙有裨子弟云爾
草類

甘蕉

甘蕉望之如樹珠大者一圍餘葉長一丈或七八尺
廣尺餘二尺許花大如酒杯形色如芙蓉著莖末百

餘子大名爲房相連累甜美亦可密藏根如芋魁大者如車轂實隨華每華一闔各有六子先後相次子不俱生花不俱落一名芭蕉或曰巴苴剝其子上皮色黃白味似蒲萄甜而脆亦療饑此有三種子大如拊指長而銳有類羊角名羊角蕉味最甘好一種子大如鷄卵有類牛乳名牛乳蕉微減羊角一種大如藕子長六七寸形正方少甘最下也其莖解散如絲以灰練之可紡績爲絺綌謂之蕉葛雖脆而好黃白不如葛赤色也交廣俱有之三輔黃圖曰漢武帝元

景帝年破南越建扶荔宮以植所得奇草異木有甘蕉二本

耶悉茗

耶悉茗花末利花皆胡人自西國移植於南海南人憐其芳香競值之陸賈南越行紀曰南越之境五穀無味百花不香此二花特芳香者緣自別國移至不隨水土而變與夫橘北爲枳異矣彼之女子以綵絲穿花心以爲首飾

末利

末利花似薔薇之白者香愈於耶悉茗

豆蔻花

豆蔻花其苗如蘆其葉似薑其花作穗嫩葉卷之而生花微紅穗頭深色葉漸舒花漸出舊說此花食之破氣消痰進酒增倍泰康二年交州貢一筐上試之有驗以賜近臣

山薑花

山薑花莖葉卽薑也根不堪食於葉間吐花作穗如麥粒軟紅色煎服之治冷氣甚效出九真交趾

鵝草

鵝草蔓生，其花麴塵色，淺紫蒂，葉如柳而短，當夏開花，形如飛鵝，背翅尾足，無所不備。出南海，云是媚草。上有蟲，老蛻爲蝶，赤黃色，女子藏之，謂之媚蝶，能致其夫憐愛。

甘藷

甘藷，蓋薯蕷之類，或曰芋之類，根葉亦如芋，實如拳，有大如甌者，皮紫而肉白，蒸鬻食之，味如薯蕷，性不甚冷，舊珠崖之地，海中之人皆不業耕稼，惟掘地種

甘藷秋熟收之、蒸熟切如米粒、倉圖貯之以充糧糗、
是名藷糧、北方人至者、或盛具牛豕膾炙而未以甘
藷薦之、若粳粟然、大抵南人二毛者百無一二、惟海
中之人壽百餘歲者、由不食五穀而食甘藷故爾、

水蓮

花之美者有水蓮、如蓮而莖紫、柔而無刺、

水蕉

水蕉如鹿葱、或紫或黃、吳永安中、孫休嘗遣使取二
花、終不可致、但圖畫以進、

蒟醬

蒟醬、葦茛也。生於蕃國者大而紫，謂之葦茛。生於蕃
禺者小而青，謂之蒟焉。可以調食，故謂之醬焉。交趾
九真人家多種蔓生。

菖蒲

菖蒲、菴禺東有澗，澗中生菖蒲，皆一寸九節，安期生
採服，僊去，但留玉舄焉。

留求子

留求子，形如梔子，稜瓣深而兩頭尖，似訶梨勒而徑

及半黃已熟中有肉白色甘如棗核大治嬰孺之疾
南海交趾俱有之

諸蔗

諸蔗一曰甘蔗交趾所生者圍數寸長丈餘頗似筍
斷而食之甚甘竿取其汁曝數日成飴入口消釋彼
人謂之石蜜吳孫亮使黃門以銀椀并蓋就中藏吏
取交州所獻甘蔗飴黃門先恨藏吏以鼠屎投飴中
啟言吏不謹亮呼吏持飴器入問曰此器旣蓋之且
有油覆無緣於此黃門將有恨汝吏叩頭曰嘗從臣

求莞席臣以席有數不敢與亮曰必是此問之具服
南人云甘蔗可消酒又名干蔗司馬相如樂歌曰太
尊蔗漿折朝醒是其義也泰康六年扶南國貢諸蔗
一丈三節

草麴

草麴南海多矣酒不用麴蘖但杵米粉雜以衆草葉
治葛汁滌漉之大如卵置蓬蒿中蔭蔽之經月而成
用此合糯爲酒故劇飲之既醒猶頭熱漉漉以其有
毒草故也南人有女數歲卽大釀酒既漉候冬陂池

草木狀

卷上

五

竭時，寘酒罌中，密固其上，瘞陂中，至春，澗水滿，亦不復發矣。女將嫁，乃發陂取酒，以供賓客，謂之女酒，其味絕美。

芒茅

芒茅枯時，瘴疫大作，交廣皆爾也。土人呼曰黃茅瘴，又曰黃芒瘴。

肥馬草

南方冬無積藁，瀕海郡邑多馬，有草葉類梧桐而厚，取以秣馬，謂之肥馬草。馬頗嗜而食，果肥壯矣。

冬葉

冬葉薑葉也。苞苴物，交廣皆用之。南方地熱，物易腐敗，惟冬葉藏之，乃可持久。

蒲葵

蒲葵如栟櫚而柔薄，可爲葵笠。出龍川。

乞力伽

藥有乞力伽木也。瀕海所產，一根有至數斤者。劉涓子取以作煎，令可丸，飴之，長生。

賴桐

蘋桐花嶺南處處有、自初夏生至秋、蓋草也、蓋如桐、其花連枝萼、皆深紅之極者、俗呼貞桐花、貞皆訛也、

水葱

水葱花葉皆如鹿葱、花色有紅黃紫三種、出始興、婦人懷妊、佩其花生男者、卽此花、非鹿葱也、交廣人佩之、極有驗、然其土多男、不厭女子、故不常佩也、

蕪菁

蕪菁嶺嶠已南俱無之、偶有士人因官攜種、就彼種之、出地則變爲芥、亦橘種江北爲枳之義也、至曲江

方有菰，彼人謂之蓰菰。

茄

茄樹交廣草木，經冬不衰，故蔬圃之中種茄，宿根有三五年者，漸長枝幹，乃成大樹。每夏秋盛熟，則梯樹採之。五年後，樹老子稀，卽伐去之，別栽嫩者。

綽菜

綽菜，夏生於池沼間，葉類茨菰，根如藕條。南海人食之，云令人思睡，呼爲瞑菜。

薤

薤葉如落葵而小、性冷味甘、南人編薤爲筏、作小孔、浮於水上、種子於水中、則如萍、根浮水面、及長莖葉、皆出於薤筏、孔子隨水上下、南方之奇蔬也。治葛有大毒、以薤汁滴其苗、當時萎死、世傳魏武能噉治葛至一尺、云先食此菜。

治葛

治葛、毒草也、蔓生、葉如羅勒、光而厚、一名胡曼草、冥毒者多、雜以生、蔬進之、悟者速以藥解、不爾、半日輒死、山羊食其苗、卽肥而大、亦如鼠食巴豆、其大如狔。

若物貌有相伏也

吉利草

吉利草其莖如金釵股形類石斛根類芍藥交廣俚俗多蓄蠱毒惟此草解之極驗吳黃武中江夏李侯以罪徙合浦初入境遇毒其奴吉利者偶得是草與侯服遂解吉利卽遁去不知所之侯因此濟人不知其數遂以吉利爲名豈李侯者徙非其罪或侯自有隱德神明啟吉利者救之耶

良耀草

良耀草枝葉如麻黃秋結子如小粟煨食之解毒功
不亞於吉利始昔有得是藥者梁氏之子耀亦以爲
言梁轉爲良爾花白似牛李出高涼

蕙

蕙草一名薰草葉如麻兩兩相對氣如薜蘿可以止
癘出南海

凡草木之華者春華者冬秀夏華者春秀秋華者
夏秀冬華者秋秀其華竟歲故婦女之首四時未
嘗無華也

南方草木狀卷中

木類

楓人

楓人。五嶺之間多楓木，歲久則生瘤瘿，一夕遇暴雷驟雨，其樹贅暗長三五尺，謂之楓人。越巫取之作術，有通神之驗，取之不以法，則能化去。

楓香

楓香樹似白楊，葉圓而歧分，有脂而香，其子大如鴨卵，二月華發，乃著實，八九月熟，曝乾可燒，惟九真郡

草木狀

卷中

有之

薰陸香

薰陸香出大秦在海邊有大樹枝葉正如古松生於沙甲盛夏樹膠流出沙上方採

榕

榕樹南海桂林多植之葉如木麻實如冬青樹幹拳曲是不可以爲器也其本稜理而深是不可以爲材也燒之無焰是不可以爲薪也以其不材故能久而無傷其蔭十畝故人以爲息焉而又枝條旣繁葉又

茂細軟條如藤垂下，漸漸及地，藤稍入地，便生根節，或一大株，有根四五處，而橫枝及鄰樹，卽連理。南人以爲常，不謂之瑞木。

益智子

益智子如筆毫，長七八分，二月花色若蓮，著實五六片，熟味辛，雜五味中芬芳，亦可鹽曝。出交趾合浦，建安八年，交州刺史張津嘗以益智子粽餉魏武帝。

桂

桂出合浦，生必以高山之巔，冬夏常青，其類自爲林。

間無雜樹，交趾置桂園，桂有三種，葉如栢，葉皮赤者爲丹桂，葉似柿，葉者爲茵桂，其葉似枇杷，葉者爲牡桂。三輔黃圖曰：甘泉宮南有昆明池，池中有靈波殿，以桂爲柱，風來自香。

朱槿

朱槿花，莖葉皆如桑，葉光而厚，樹高止四五尺，而枝葉婆娑，自二月開花，至中冬卽歇，其花深紅色，五出，大如蜀葵，有藥一條長於花葉上，綴金屑，日光所爍，疑若焰生，一叢之上，日開數百朵，朝開暮落，插枝卽

活山高涼郡一名赤槿一名日及

指甲花

指甲花其樹高五六尺枝條柔弱葉如嫩榆與耶悉
名末利花皆雪白而香不相上下亦胡人自大秦國
移植于南海而此花極繁細纔如半米粒許彼人多
折置襟袖間蓋資其芬馥爾一名散沫花

密香

沉香

鷄骨香

黃熟香

鷄舌香

棧香

青桂香

馬蹄香

案此八物同出於一樹也交趾有蜜香樹榦似拒柳

其花白而繁，其葉如橘。欲取香，伐之經年，其根、榦、枝節各有別色也。木心與節堅黑，沉水者爲沉香，與水面平者爲鷄骨香。其根爲黃熟香。其榦爲棧香。細枝緊實未爛者爲青桂香。其根節輕而大者爲馬蹄香。其花不香，成實乃香，爲鷄舌香。珍異之木也。

枕榔

枕榔樹似拼櫚實，其皮可作綆。得水則柔韌，胡人以此聯木爲舟。皮中有屑如麪，多者至數斛。食之與常麪無異。木性如竹，紫黑色，有文理。工人解之以製奕。

枰出九真交趾

訶梨勒

訶梨勒樹似木椀花白子形如橄欖六路皮肉相着可作飲變白髭髮令黑出九真

蘇枋

蘇枋樹類槐花黑子出九真南人以染絳漬以大庾之水則色愈深

水松

水松葉如檜而細長出南海土產衆香而此木不大

香故彼人無佩服者。嶺北人極愛之。然其香殊勝在南方時。植物無情者也。不香於彼而香於此。豈屈於不知已。而伸於知己者歟。物理之難窮如此。

刺桐

刺桐其木爲材。三月三時布葉繁密。後有花赤色。間生葉間。旁照他物皆朱殷。然三五房凋。則三五復發。如是者竟歲。九真有之。

棹

棹樹。幹葉俱似椿。以其葉鬻汁漬果。呼爲棹汁。若以

梓汁雜莩肉食者卽時爲雷震死梓出高涼郡

杉

杉一名披結合浦東二百里有杉一樹漢安帝永初五年春葉落隨風飄入洛陽城其葉大常杉數十倍術士廉盛曰合浦東杉葉也此休徵當出王者帝遣使驗之信然乃以千人伐樹役夫多死者其後三百人坐斷株上食過足相容至今猶存

荆

荆寧浦有三種金荆可作枕紫荆堪作牀白荆堪作

履與他處杜荊蔓荊全異，又彼境有杜荊，指病自愈，節不相當者，月暈時刻之與病人身齊等，置牀下，雖危困亦愈。

紫藤

紫藤葉細長，莖如竹根，極堅實，重重有皮，花白子黑，置酒中，歷二三十年亦不腐敗，其莖截置煙炆中，經時成紫香，可以降神。

榼藤

榼藤依樹蔓生，如通草藤也，其子紫黑色，一名象豆。

三年方熟其殼貯藥歷年不壞生南海解諸藥毒

蜜香紙

蜜香紙以蜜香樹皮葉作之微褐色有紋如魚子極
滑而堅韌水漬之不潰爛泰康五年大秦獻三萬幅
帝以萬幅賜鎮南大將軍當陽侯杜預令寫所撰春
秋釋例及經傳集解以進未至而預卒詔賜其家令
藏之

抱香履

抱香履抱木生於水松之旁若寄生然極柔弱不勝

力鋸乘濕時剝而爲履，易如削瓜。旣乾而鞣，不可理也。履雖猥大而輕者，若通脫木。風至則隨飄而動，夏月納之，可禦蒸濕之氣。出扶南大秦諸國。秦康六年，扶南貢百雙。帝深歎異，然哂其制作之陋，但置諸外府，以備方物而已。按東方朔瓊語曰：木履起於晉文公時。介之推逃祿自隱，抱樹而死。公撫木哀歎，遂以爲履。每懷從亡之功，輒俯視其履，曰：悲乎！足下，足下之稱，亦自此始也。

南方草木狀卷下

果類

檳榔

檳榔樹高十餘丈皮似青銅節如桂竹下本不大上枝不小調直亭亭千萬若一森秀無柯端頂有葉葉似甘蕉條派開破仰望眇眇如插龍蕉於竹抄風至獨動似舉羽扇之掃天葉下繫數房房綴數十實實大如桃李天生棘重累其下所以禦衛其實也味苦澁剖其皮嚙其膚熟如貫之堅如乾棗以扶留藤古

實灰并食則滑美下氣消穀出林邑彼人以爲貴婚
族客必先進若邂逅不設用相嫌恨一名賓門藥餞

荔枝

荔枝樹高五六丈餘如桂樹綠葉蓬蓬冬夏榮茂青
華朱實實大如鷄子核黃黑似熟蓮實白如肪甘而
多汁似安石榴有甜酢者至日將中翕然俱赤則可
食也一樹下子百斛三輔黃圖曰漢武帝元鼎六年
破南越建扶荔宮扶荔者以荔枝得名也自交趾移
植百株於庭無一生者連年移植不息後數歲偶一

操稍茂，然終無華實。帝亦珍惜之。一旦忽萎死，守吏坐誅死者數十，遂不復茂矣。其實則歲貢焉。郵傳者疲斃於道，極爲生民之患。

椰

椰樹葉如栟櫚，高六七丈，無枝條，其實大如寒瓜，外有麤皮，次有殼圓而且堅，剖之有白膚厚半寸，味似胡桃，而極肥美，有漿飲之得醉，俗謂之越王頭。云昔林邑王與越王有故怨，遣俠客刺得其首，懸之于樹，俄化爲椰子。林邑王憤之，命剖以爲飲器。南人至今

草木狀

卷下

效之、當刺時、越王大醉、故其漿猶如酒云、

楊梅

楊梅、其子如彈丸、正赤、五月中熟、熟時似梅、其味甜酸、陸賈南越行紀曰、羅浮山頂有胡楊梅、山桃繞其際、海人時登採拾、止得於上飽噉、不得持下、東方朔林邑記曰、林邑山楊梅、其大如桮椀、青時極酸、既紅、味如崖蜜、以醞酒、號梅香酎、非貴人重客、不得飲之、

橘

橘、白華赤實、皮馨香有美、自漢武帝交趾有橘官、

長一人，秩二百石。主貢御橘。吳黃武中，交趾太守士燮獻橘十七實，同一蒂，以爲瑞異。郡臣畢賀。

柑

柑乃橘之屬，滋味甘美，特異者也。有黃者，有類者，類者謂之壺柑。交趾人以席囊貯蟻，鬻於市者，其窠如薄絮，囊皆連枝葉，蟻在其中，并窠而賣。蟻赤黃色，大於常蟻。南方柑樹若無此蟻，則其實皆爲群蠹所傷，無復一完者矣。今華林園有柑二株，遇結實，上命群臣宴飲于旁，摘而分賜焉。

橄欖

橄欖樹身聳，枝皆高數丈，其子深秋方熟，味雖苦澁，咀之芬馥，勝含鷄骨香。吳時歲貢以賜近侍，本朝自泰康後亦如之。

龍眼

龍眼樹如荔枝，但枝葉稍小，殼青黃色，形圓如彈丸，核如木梔子而不堅，肉白而帶漿，其甘如蜜。一朶五十顆，作穗如蒲萄。然荔枝過卽龍眼熟，故謂之荔枝，如言常隨其後也。東觀漢記曰：單于來朝，賜橙橘。

龍眼荔枝。魏文帝詔群臣曰：南方果之珍異者有龍
眼荔枝，令歲貢焉。出九真交趾。

海棗

海棗樹身無閑枝，直聳三四十丈，樹頂四面共生十
餘枝，葉如柝櫚。五年一實，實甚大，如桮盃，核兩頭不
尖，雙卷而圓，其味極甘美。安邑御棗無以加也。泰康
五年，林邑獻百枚。昔李少君謂漢武帝曰：臣嘗遊海
上，見安期生食臣棗，大如瓜，非誕說也。

千歲子

千歲子有藤蔓出土，子在根下，鬚綠色交加如織。其子一苞恒二百餘顆，皮殼青黃色，殼中有肉如栗，味亦如之。乾者殼肉相離，撼之有聲，似肉豆蔻出交趾。

五歛子

五歛子大如木瓜，黃色，皮肉脆軟，味極酸。上有五稜如刻出，南人呼稜爲歛，故以爲名。以蜜漬之，甘酢而美，出南海。

鉤緣子

鉤緣子形如瓜，皮似橙而金色，胡人重之，極芬香，肉

甚厚白如蘆蕨女工競雕鏤花鳥漬以蜂蜜點燕檀
巧麗妙絕無與爲比泰康五年大秦貢十年帝以三
鉅賜王愷助其珍味夸示於石崇

海梧子

海天下樹與中國松同但結實絕大形如小栗三角
肥甘香味亦樽俎間佳果也出林邑

菴摩勒

菴摩勒樹葉細似合昏花黃實似李青黃色核圓作
六七稜食之先苦後甘術士以變白鬚髮有驗出九

真

石栗

石栗樹與栗同但生於山石罅間花開三年方結實其殼厚而肉少其味似胡桃仁熟時或爲群鸚鵡至啄食略盡故彼人多珍貴之出日南

人面子

人面子樹似含桃結子如桃實無味其核正如人面故以爲名以蜜漬之稍可食以其核可玩於席間會館禦客出南海

竹類

雲邱竹

雲邱竹一節爲船出扶南然今交廣有竹節長二丈其圍一二丈者徃徃有之

篋篋竹

篋篋竹皮薄而空多，大者徑不過二寸，皮麤澁，以鏹犀象利勝於鐵，出大秦。

石林竹

石林竹似桂竹，勁而利削，爲切割象皮如刀，竿出九

真交趾

思摩竹

思摩竹如竹大而筍生其節筍既成竹春而筍復生節焉交廣所在有之

簞竹

簞竹葉疎而大一節相去五六尺出九真彼人取嫩者醃浸紡績爲布謂之竹疎在

越王竹

越王竹根生石上若細荻高尺餘南海有之南人愛

其青色、用爲酒籌、云、越王棄餘筭而竹生、

卷下終

草木狀

入卷下

七

草木狀卷下

右嵇含南方草木狀三卷通考云晉襄陽太守嵇含撰隋志不載此書而別有廣州刺史嵇含集十卷按晉書葛洪傳洪參廣州刺史嵇含軍事及含遇害遂停南土又含字悅道亦見洪所著抱朴子則含實卒官廣州此書乃含爲廣州刺史時目睹南越交趾植物珍奇中州之人或昧厥狀故爲詮敘成書其文筆固雅馴而所引古籍若陸賈南越行紀東方朔林邑記三輔黃圖東觀漢記亦極典博不若唐宋人所爲嶺表錄異桂海虞衡志一以

多聞見爲貴也時有豫章俞益期流寓交州與豫
章太守韓康伯書論檳榔以寄况世謂之交州牋
其所說椰樹清漿衆香共一木與諸草木狀悉合
蓋亦可助此書之遼吾鄉自漢魏來人文著作如
益期者亦希矣乃其牋僅散見水經注藝文類聚
太平御覽中曾不得與草木狀並入叢書流傳於
世惜哉汝上王謨識

竹譜

晉 戴凱之撰

南昌喻振聲校

植類之中。有物曰竹。不剛不柔。非草非木。

山海經爾雅皆言以竹爲草。事經聖賢。未有改易。然則稱草良有難安。竹形類旣自乖殊。且經中文說又自皆訛。經云其草多族。復云其竹多簕。又云雲山有桂竹。若謂竹是草。不應稱竹。今旣稱竹。則非草可知矣。竹是一族之總名。一形之偏稱也。植。物之中有草木竹。猶動品之中有魚鳥獸也。年月

久遠傳寫謬誤。今日之疑。或非古賢之過也。而此之學者。謂事經前賢不敢辯正。何異匈奴惡郅都之名。而畏木偶之質耶。

小異空實大同節目。

夫竹之大體多空中。而時有實。十或一耳。故曰小異。然雖有空實之異。而未有竹之無節者。故曰大同。

或茂沙水。或挺巖陸。

桃枝篋管。多植水渚。篋篠之屬。必生高燥。

條暢紛敷青翠森肅質雖冬蒨性忌殊寒九河鮮育
五嶺實繁

九河卽徒駭太史馬頰覆釜胡蘇簡絜鉤盤兩津
禹所導也在平原郡五嶺之說互有異同余往交
州行路所見兼訪舊老考諸古志則今南康始安
臨賀爲北嶺臨漳寧浦爲南嶺五都界內各有一
嶺以隔南北之水俱通南越之地南康臨賀始安
三郡通廣州寧浦臨漳二郡在廣州西南通交州
或趙佗所通或馬援所併厥跡在焉故陸機請伐

鼓五嶺表道九真也。徐廣雜記以剡松陽建安康樂爲五嶺其謬遠矣。俞益期與韓康伯以晉興所統南移大營九岡爲五嶺之數又其謬也。九河鮮育忌隆寒也。五嶺實繁好殊溫也。

萌筍苞籜夏多春鮮根幹將枯花復乃縣。

竹生花實其年便枯死復竹實也。復音福。

紵必六十復亦六年。

竹六十年亦易根易根輒結實而枯死其實落土復生六年遂成町竹謂死爲紵。紵音紵。

籥龍之美。爰自崑崙。

籥龍竹名。黃帝使伶倫伐之於崑崙之墟。吹以應律。聲譜云。籥龍大竹。此言非大小之稱。笛賦云。籥龍非也。自一竹之名耳。所生若是大竹。豈中律管與笛。

員正帝竹。一節爲船。巨細已聞。形名未傳。

員正帝俊竹。一節爲船。郭注云。一節爲船。未詳其義。俊卽舜字假借也。

桂實一族。同稱異源。

桂竹高四五丈大者二尺圍濶節大葉狀如甘竹而皮赤南康以南所饒也山海經云靈原桂竹傷人則死是桂竹有二種名同實異其形未詳

籥尤勁簿博矢之賢

籥細竹也出蜀志薄肌而勁中三續射博箭籥音

衛見三倉

篳任篳篥體特堅圓

篳竹堅而促節體圓而質堅皮白如霜粉大者宜

行船細者爲篳篥音皇見三倉

棘竹駢深。一叢爲林。根如推輪。節若束針。亦曰筴竹。城固是任。筴筍旣食。鬢髮則侵。

棘竹生交州諸郡。叢生有數十莖。大者二尺圍。肉至厚實中。夷人破以爲弓。枝節皆有刺。狄人種以爲城。卒不可攻。萬震異物志。所種爲藩落。阻過層墉者也。或卒崩。根出大如十石物。縱橫相承如繆車。一名筴竹。見三倉筍味。落人鬢髮。

單體虛長各有所育。

單竹大者如腓。虛細長爽。嶺南夷人取其筍未及

竹譜

竹者灰煑績以爲布其精者如縠焉

苦實稱名甘亦無目

苦竹有白有紫而味苦甘竹似篁而茂葉下節味甘合湯用之此處處亦有

弓竹如藤其節郅曲生多臥土立則依木長幾百尋狀若相續質雖含文須膏乃縟

弓竹出東垂諸山中長數十丈每節輒曲旣長且軟不能自立若遇木乃倚質有文章然要須膏塗火灼然後出之篾臥竹上出也

歷族之中蘇麻特奇。修幹平節。大葉繁枝。凌羣獨秀。
蒼茸紛披。

蘇麻竹長數丈。大者尺餘圍。概節多枝。叢生四枝。
葉大如履。竹中可愛者也。此五嶺左右徧有之。

篋管射筒。箨筴桃枝。長爽纖葉。清肌薄皮。千百相亂。
洪細有差。

數竹皮葉相似。篋管最大。大者中甌筍。亦中射筒。
薄肌而最長。節中貯箭。因以爲名。箨筴葉薄而廣。
越女試劒竹是也。桃枝是其中最細者。並見方志。

賦桃枝皮赤編之滑勁可以爲席顧命篇所謂篾
席者也爾雅釋草云四寸一節爲桃枝郭注云竹
四寸一節謂桃枝余之所見桃枝竹節短者不兼
寸長者或踰尺豫章徧有之其驗不遠也恐爾雅
所載草族白別有桃枝不必是竹郭注加竹字取
之謬也山海經云其木有桃枝劒端又廣志草木
篇云桃枝出朱提郡曹爽所用者也詳察其形寧
近於木也但未詳爾雅所云復是何桃枝耳經雅
所說二族決非作席者矣廣志以藻爲竹是誤後

生學者往往有爲所誤者耳。

相繇旣戮厥土維腥。三堙斯沮。尋竹乃生。物尤世遠。略狀傳名。

禹殺共工相繇二臣膏流爲水其處腥臊不植五穀。禹三堙皆沮。尋竹生焉。在崑崙之北南嶽之山。見大荒北經中。

般腸實中與筍相類於用寡宜爲筍殊味。

般腸竹生東郡緣海諸山中其筍最美云與筍竹相似出閩中並見沈志其形未詳。

竹譜
筋竹爲矛。稱利海表。僅仍其幹。刃節其杪。生於日南。
別名爲簾。

筋竹長二丈許。圍數寸。至堅利。南土以爲矛。其筍
未成竹時。堪爲弩弦。見徐忠南中奏。劉淵林云。夷
人以史葉竹爲矛。余之所聞。卽是筋竹。豈非一物
而二名者也。

百葉參差。生自南垂。傷人則死。醫莫能治。亦曰筍竹。
厥毒若斯。彼之同異。余所未知。

百葉竹。生南垂界。甚有毒。傷人必死。一枝百葉。因

以爲名。沈志劉淵林云。筊竹有毒。夷人以刺虎豹。
中之輒死。或有一物二名。未詳其同異。

筊竹與由衙。厥體俱洪。圍或累尺。筊實衙空。南越之居。

梁柱是漢

筊實厚肥。乳小幾於實中。二竹皆大竹也。土人用

爲梁柱。簾竹安成以南有之。其味苦。俗號筊由衙

竹。交州廣志云。亦有生於永昌郡。爲物叢生。吳郡

賦所謂由衙者。簾。筊音雹。性柔弱。見三倉。

竹之堪杖。莫尙於筊。嫫砢不凡。狀若人功。豈必蜀壤

亦產餘邦。一曰扶老。名實縣同。

筇竹高節實中。狀若人刻爲杖之極。廣志云出南
廣邛都縣。然則邛是地名。猶高粱董張騫傳云於
大夏見之。出身毒國。始感邛杖終開越雋。越雋則
古身毒也。張孟陽云邛竹出興古盤江縣。山海經
謂之扶竹。生尋伏山。去洞庭西北一千一百二十
里。黃圖云華林園有扶老三株。如此則非一處。賦
者不得專爲蜀地之生也。禮記曰五十杖於家。六
十杖於鄉者。扶老之器也。此竹實旣固。杖又名扶

老故曰名實縣同也

籊籊二族亦甚相似。杞髮苦竹。促節薄齒。束物體柔。殆同麻枲。

籊籊二種。至似苦竹。而細軟肌薄。節筍亦無味。江漢間謂之苦籊。見沈志。籊音聊。籊音禮。齒有文理也。

葢竹所生。大抵江東上。密防露。下疎來風。連畝接町。疎散崗潭。

葢竹亦大。薄肌白色。生江南深谷山中。不聞人家。

植之其族類動有頃畝。典錄賀齊傳云討建安賊
洪明於蓋竹。蓋竹以名地。猶酸棗之名邑。豫章之
名邦者類是也。

雞脰似篁。高而筍脆。稀葉梢杪。類記黃細。

雞脰。篁竹之類。纖細。大者不過如指。疎葉黃皮。彊
肌無所堪施。筍美青斑色綠。淞江山崗所饒也。

狗竹有毛。出諸東裔。物類衆詭。千百不計。

狗竹。生臨海山中。節間有毛。見沈志。

有竹象蘆。因以爲名。東甌諸郡。綠海所生。肌理勻淨。

筠色潤貞凡今之簾匪茲不鳴。

此竹膚象蘆出揚州東垂諸郡浙江以東爲甌越故曰東甌蘇成公始作簾似於今簾故曰凡今之簾。

會稽之箭東南之美古人嘉之因以命矢。

箭竹高者不過一丈節間三尺堅勁中矢江南諸山皆有之會稽所生最精好故爾雅云東南之美者有會稽之竹箭焉非總言也大抵中矢者雖多此箭爲最古人美之以首其目見方言是以楚俗

伯細箭五十跪加莊王之背。明非矢者也。

筩箛載籍貢名荆鄙。

筩箛二竹亦皆中矢。皆出雲夢之澤。禹貢篇出荆州。書云底貢厥名。言其有美名。故貢之也。大較。故是會稽箭類耳。皮特黑澁。以此爲異。呂氏春秋云。駱越之筩。然則南越亦產。不但荆也。

箛亦筩徒。概節而短。江漢之間。謂之箛竹。

山海經云。其竹名箛。生非一處。江南山谷所饒也。故是箭竹類。一尺數節。葉大如履。可以作蓬。亦甲。

作矢。其筍冬生。廣志云。魏時漢中太守王國。每冬獻筍。俗謂之鰲筍。鰲若怪反。

根深耐寒。茂彼淇苑。

北土寒冰至。冬地凍。竹根類淺。故不能植。唯鰲根深。故能晚生。淇園衛地。殷紂竹箭園也。見鮑彪志。淮南子曰。烏號之弓。貫淇衛之箭也。毛詩所謂瞻彼淇奧。綠竹猗猗。是也。

筍篠蒼蒼。接町連篁。性不卑植。必也崑崗。踰矢稱大。出尋爲長。物各有用。掃之最良。

簞篠。中掃箒。細竹也。特異他篠。見廣志。至大者不
過如箭。長者不出一丈。根杪條等。下節生惟高陰
動有町畝。廬山所饒也。掃箒之選。尋陽人往往取
下都貨焉。

又有族類。爰挺嶧陽。懸根百仞。竦榦風生。簫笙之選
有聲四方。質清氣亮。衆管莫伉。

魯郡鄒山有篠。形色不殊。質特堅潤。宜爲笙管。諸
方莫及也。笙賦云。所謂鄒山大竹。嶧陽孤桐。此山
竹特能貞絕也。

亦有海篠。生於島岑。節大盈尺。幹不滿尋。形枯若筍。色黃如金。徒爲一異。罔知所任。

海中之山曰島山。有此篠。大者如筍。內實外堅。拔之不曲。生旣危穉。海又多風。枝葉稀少。狀若枯筍。質雖小異。無所堪施。交州海石林中。徧饒是也。

赤白二竹。還取其色。白薄而曲。赤厚而直。沅澧所豐。餘邦頗直。

頗少也。俗曰白鹿竹。亦可作簞。潯陽郡人呼爲白木竹。燥時皮肉皆赤。武陵溪中是所豐足也。

蕭蕭箇箇。戛戛攢植。擢筍於秋冬。乃成竹。無大無小。
千萬修直。簾幕內。髡綉文外。薶。

箇箇竹大如脚指。堅厚修直。腹中白幕。闌隔狀如
濕麵生衣。將成竹而筍皮未落。輒有細蟲齧之。隕
鐸之後。蟲齧處往往成赤文。頗似綉畫。可愛。南康
所生。見沈志也。

猗猗誕節。內實外澤。作貢漢陽。以供輅策。

猗猗竹。生於漢陽。時獻以爲輅馬策。見南郡賦。

浮竹亞節。虛軟厚肉。臨溪覆蔭。相雪蒼木。洪荇滋肥。

可爲旨蓄

浮竹長者六十尺。肉厚而虛軟。節濶而亞。生水次。彭蠡以南大嶺以北。徧有之。其筍未出時。掘取以甜糟藏之。極甘脆。南人所重。旨蓄謂草萊甘美者。可蓄藏之以候冬。詩曰。我有旨蓄。可以禦冬。

厥性異宜。各有所育。篔簹植于宛。筍生于蜀。

篔簹竹見南郡賦。筍竹見蜀都賦。

細篠大篠。

書云。篠簜既敷。鄭元云。篠。箭。簜。大竹也。

竹之通目。元名統體。譬牛與犢。人之所知。事生軌躅。

車迹曰軌。馬迹曰躅。

赤縣之外。焉可詳錄。臆之必之。匪邁伊臆。

鄒子云。今四海謂之瀛海。瀛海之內。謂之赤縣。瀛海之外。如赤縣者。復有八。故謂之九州。非禹貢所謂九州也。天地無邊。蒼生無量。人所聞見。因軌躅所及。然後知耳。蓋何足云。若耳目所不知。便斷以不然。豈非罔近之徒者耶。故孔子將聖。無意無必。莊生達邁。以人所知。不若所不知。豈非苞鑒無窮。

師表羣生之謂乎

行譜終



右戴凱之竹譜一卷晁公武云凱之字慶預武昌人哀輯竹事四字一讀有韻類賦頌李邯鄲云未詳何代人按鍾嶸詩品以宋參軍戴凱入中卷云人實貧羸而才章富健文雖不多氣調警拔又見宋書鄧琬傳琬遣武昌戴凱之爲南康相與齊王世子戰敗遁走則凱之本宋人官爵事跡略有可攷且有詩名邯鄲博雅不審何以失於考証也此譜當是相南康時所作故書中所采竹族多在五嶺左右亦就所見聞言之耳其於篋管條下注云

見方志賦蓋據劉淵林吳都賦注引異物志篋管
生水邊長數丈圍一尺五六寸一節相去六七尺
或一丈廬陵畝有之與此云大者中篋文固有詳
略也又本賦竹則篋管箨筴桂箭射筒柚梧有篋
篋筴有叢以筒叢爲韻而此文乃作射筒則傳寫
之訛也此書多有闕文訛字又原本題晉戴凱之
亦爲失考今並分別改正改上王謨識

禽經

晉

張華注

崇仁袁有桃校

子野曰鳥之屬三百六十鳳爲之長故始於此

鳳者羽族之長

鳳雄鳳雌

鳳鴻前麟後蛇首魚尾龍文龜身鷺領鷄喙駢翼
首載德頂揭義背負仁心抱忠翼挾信足履正小
音鍾大音鼓不啄生草五采備舉飛則羣鳥從出
則王政平國有道

亦曰瑞鷗

景純注爾雅云瑞應鳥也鷄頭蛇頸鷺頤龜背魚尾五彩色高六尺許出爲王者之嘉瑞孝經援神契曰王者德及鳥獸則鳳鳥翔

亦曰鸞鷟

鳳之小者曰鸞鷟五彩之文三歲始備也

羽族之君長也鸞瑞鳥

鸞者鳳鳥之亞始生類鳳久則五彩變易故字從變省禮斗威儀曰天下太平安寧則見其音如鈴

變巒然也周之文物大備法車之上綴以大鈴如鸞之聲也後改爲鸞

一曰雞趣

顧野王符瑞圖曰雞趣王者有德則見

首翼赤曰丹鳳青曰羽翔白曰化翼元曰陰翥黃曰土符

別五采而爲名也

鳳翥鸞舉百羽從之

鸞鳳翔止百鳥皆從也以類化

鳳靡鸞吡百鳥瘞之

鳳歿曰靡鸞歿曰吡禽鳥啄土以瘞藏之

慈鳥反哺

慈鳥曰孝鳥長則反哺其母大嘴鳥否

白脰鳥不祥

鳥之白脰者西南人謂之鬼雀鳴則凶咎

巨喙鳥善警

鳥之巨喙者善避矰弋彈射曰善警

孤鳥吟夜

火人見其驚愕也

天曰為

也遠望而人者其羽為鳥也

龍曰為

也曰平其謂之為龍雅曰為鴈二歲色也應生

夜之樂也

帝曰龍曰為

卷

三

能言也 非白音了

鷓鴣

鷓鴣 鷓鴣 鷓鴣 鷓鴣 鷓鴣 鷓鴣 鷓鴣 鷓鴣 鷓鴣 鷓鴣

鷓鴣 鷓鴣 鷓鴣 鷓鴣 鷓鴣 鷓鴣 鷓鴣 鷓鴣 鷓鴣 鷓鴣

鷓鴣

如鷓鴣 人者其腹上下亦取鳥雀如鷓鴣

三鷓鴣 鷓鴣 鷓鴣 鷓鴣

毛詩曰 三鷓鴣 有引 多子 江表人呼 鷓鴣 鷓鴣

雌雄相愛 鷓鴣 鷓鴣 鷓鴣 鷓鴣 鷓鴣 鷓鴣 鷓鴣 鷓鴣 鷓鴣 鷓鴣

亦曰白鷺

鷺之色白者

亦曰白鷺

狀如鷹尾上白也

雉介鳥也

善搏鬪也

亦曰奮

爾雅曰雉絕有力奮

五采備曰翬

爾雅曰伊洛而南素質五采皆備成章曰鵠江淮而南青質五采皆備成章曰鵠言其毛色光輝也周禮后六服一曰鵠衣取其雉性介而守以比后德也

亦曰夏翟

書曰羽畎夏翟雉尾至夏則光鮮也

亦曰鵠雉

青質五采解見上說

采黃曰鷩雉

背毛黃腹毛赤頸毛綠而鮮明周禮驚冕取此

白曰韃雉

江南呼曰白雉

元曰海雉

羽色純黑亦善鬪生海中山島上

首有采毛曰山雉

山雉長尾尤珍護之林木之森鬱者不入恐觸其
尾也雨則避於巖石之下恐濡濕也久雨亦不出
而求食死者甚眾

頸有彩囊曰避株

雉屬出華嶽及盛山中晴暘則頸出彩色作囊遇
樹木則避之故曰避株任昉曰亦名吐綬鳥

背有采羽曰翡翠

狀如鳩鵲而色正碧鮮縟可愛飲啄於澄澗洄淵
之側尤惜其羽日濯於水中今王公之家以爲婦
人首飾其羽直千金

腹有采文曰錦鷄

狀如鳩鵲膺前五色如孔雀羽出南詔越山中歲

採捕之爲王者冠服之飾

鵙鵙戴勝布穀也

揚雄曰鵙鵙戴勝生樹穴中不巢生爾雅曰鵙鵙戴鵙鵙卽首上勝也頭上尾起故曰戴勝而農事方起此鳥飛鳴於桑間云五穀可布種也故曰布穀月令曰戴勝降於桑一名桑鵙仲春鷹所化也

亦曰鵙鵙

鳴自呼

亦曰穫穀

江東呼爲穫穀見揚雄方言

春耕候也

云此鳥鳴時耕事方作農人以爲候

倉鷓鴣黃黃鳥也

今謂之黃鶯黃鷓是也野民曰黃栗留語聲轉耳
其色鷓黑而黃故名鷓黃詩云黃鳥以色呼也

亦曰楚雀

北人呼爲楚雀

亦曰商庚夏蠶候也

云此鳥鳴時蠶事方興蠶婦以為候對上文也

鷦鷯惡

鳥路反

其類

鷦鷯與山鵲惡其類相值則相搏鷦鷯狀類鵲長尾丹

背

鴛鴦元鳥愛其類

鴛鴦匹鳥也元鳥鷺也二鳥朝奇而暮偶愛其類

也

鴉以水言自北而南

鴉音鴈隨陽鳥也冬適南方集於江干之上故字

從于

鴈以山言自南而北

鴈亦音鴈中春寒盡鴈始北嚮燕代尚寒猶集於
山陸岸谷之間故字從斤

鶴以聲交而孕

雄鳴上風雌承下風則孕

鵲以音感而孕

鵲乾鵲也上下飛鳴則孕

白鷁相眠而孕

雄雌相視而孕

鵲鵲睛交而孕

狀類鳧而足高相視而睛不眩轉孕而生雛

鵲鵲周子規也啼必北嚮

爾雅曰鵲周甌越間曰怨鳥夜啼達旦血漬草木

凡鳴皆北嚮也

江介曰子規

啼苦則倒懸於樹自呼曰謝豹

蜀右曰杜宇

望帝杜宇者蓋天精也李膺蜀志曰望帝稱王於
蜀時荊州有一人化從井中出名曰鼈靈於楚身
死屍反沂流上至汶山之陽忽復生乃見望帝立
以爲相其後巫山龍鬬壅江不流蜀民墊溺鼈靈
乃鑿巫山開三峽降正宅土人得陸居蜀人住江
南羗住城北始立木柵周三十里令鼈靈爲刺史
號曰西州後數歲望帝以其功高禪位於鼈靈號
曰開明氏望帝修道處西山而隱化爲杜鵑鳥或
云化爲杜宇鳥亦曰子規鳥至春則啼聞者悽惻

隋楊越雉鷓鴣也飛必南翥

廣志云鷓鴣似雌雞飛但徂南不北也

晉安曰懷南

異物記云鷓鴣白黑成文其鳴自呼象小雉其志
懷南不北徂也

江左曰遂隱

古今注曰南方有鳥名鷓鴣向南飛畏霜露早與
暮出稀有時夜棲則以樹葉覆其背燕人亦不知
有此鳥也

鶡毅鳥也毅不知死

狀類鷄首有冠性敢於鬪死猶不置是不知死
左傳鶡冠武士戴之象其勇也

鷗信鳥也信不知用

鷗水鳥如鵠鷗而小隨潮而翔迎浪蔽日曰信鷗
鷗之別類羣鳴喈喈優優隨大小潮來也食小魚
蝦蟇之屬雖潮至則翔水鄉以爲信反爲鷺鳥所
擊是知信而不知所以自害也

鵠有文而貪

鷓狀類鷺緋色錯出有文於水際伺蚌出啄食之反爲蚌所持死水中不知所食以爲害左傳曰聚鷓爲冠是也

鳶不擊而貪

鳶鴟也不善搏擊貪於攫肉也詩云鳶飛戾天鮑照曰寒鴟嚇雛

鶇志在水

鶇鶇水鳥也似鴨而大喙長尺餘頷下有胡如大囊受數升湖中取水以聚羣魚候其竭涸奄取食

之一名淘河詩曰維鵜在梁志在水也

鴛志在木

爾雅曰鴛斲木鳥巢木中背如鷄長數寸常斲樹食蠹蟲啄振木蟲皆動也

鳩拙而安

鳩鳩也方言云蜀謂之拙鳥不善營巢取鳥巢居之雖拙而安處也雄呼晴雌鳴陰

鷦巧而危

鷦鷯桃雀也狀類黃雀而小燕人謂之巧婦亦謂

之女鵲關東人呼曰巧雀亦謂之巧女喙尖取茅
秀爲巢刺以縑麻若紡績爲巢或一房或二房懸
於蒲葦之上枝折巢敗巧而不知所託

鳬鷺之雜

鳬鷺鴨屬色不純正故曰雜矣

鵲鷺之潔

鵲白鷺似山鷄而色白行止閑暇

題鳩鳴而草衰

爾雅謂之鵲鵲伯勞也狀類鵲鵲而大左傳謂之

伯趙方言曰孤鷄鳴則草衰

澤雉啼而麥齊

澤雉如商庚春季之月始鳴麥平隴也

風翔則風

風禽鳶類越人謂之風伯飛翔則天大風

雨舞則雨

一足鳥一名商羊字統曰商羊一名雨天將雨則

飛鳴孔子辯之於齊庭也

霜蜚則霜

鵲鵲鳥名其羽可爲裘以辟寒鵲鵲飛則隕霜
露翥則露

露禽鶴也古今注鶴千載變蒼又千載變黑所謂
元鶴也子野鼓琴元鶴來舞露日則鶴鳴也鶴之
馴養於家庭者飲露則飛去

林鳥朝嘲

林鳥朝之將翔也聚而譙嘲

水鳥夜啖山鳥巖棲

山巖之鳥多不巢

原鳥地處

鵙鵙鳥之屬是

靈鵙兆喜

鵙噪則喜生

惟鵙塞耳

一名休鵙廣雅曰江東呼爲惟鳥聞之多禍人惡
之掩塞耳矣

鴛鴦野則義參則搏

月令曰田鼠化爲鴛鴦關東謂之鴛鴦隴謂之鴛鴦

田得食鳴相呼夜則羣飛晝則草伏馴養之久見食相搏鬪也

水鷺澤則羣擾則逐

鷺野鴨也飛止大澤之中羣處既衆擾之惡其族類而相逼逐也

鸚鵡摩背而瘡

鸚鵡出隴西能言鳥也人以手撫拭其背則瘡痘矣

鵠鵠剔舌而語

山海經謂之鵠鵠今人育其雛以竹刀剔舌本發之言語謝尙能作鵠鵠舞之

扶老強力

古今注云扶老禿鶩也狀如鵠大者高七八尺善

與人鬪好蹈蛇脯羞

一作炙

食之益人氣力走及奔

馬也

鵠鵠友悌

雀屬也爾雅曰鵠鵠雖渠毛詩曰水鳥也大雀高入尖尾長喙頸黑青灰色腹下正白飛則鳴行則

搖又曰鵲鵲在原兄弟急難鵲鵲共母者飛鳴不相離詩人取以喻兄弟相友之道也

案察離離鴻儀鷺序

鴻鴈屬大曰鴻小曰鴈飛有行列也鷺白鷺也小不踰大飛有次序百官縉紳之象詩以振鷺比百察雍容喻朝美易曰鴻漸于干于磐聖人皆以鴻鷺之羣擬官師也

鷓鴣雀啁啾下齊眾庶

鷓鴣鷓也雀屬眾人之象言多也

鷓鴣雄鵲牝庫

鷓鴣雀也鷓也二鳥皆雄者足高雌者足短

鳩鷓雌前雄後

鳩鷓鳩也鷓大如鳩生關西爲鳥愁急二鳥雌飛則隨雌止則止雌常在前也

鷓將生子呼母應

鳥伏卵將成子鳴於鷓母應之

鷓既生母呼子應

鳥既雛母呼則子應之

班鳩辨鵒

班次序也凡哺子朝從上下暮從下上他鳥皆不

泉鴟害母

泉在巢母哺之羽翼成啄母目翔去也

舒鴈鳴前後和

舒鴈飛成行也雌前呼雄後應也

羣棲獨警

夜棲川澤中千百爲羣有一鴈不瞑以警衆也

覆卵則鵲入水

鵲水鳥也伏卵時數入水冷則不鰥取礬石周卵以助暖氣故方術家以鵲巢中礬石爲真物也

鵲臙月

伏月卵則向月取其氣助卵也

霄鴈司夜行鴈主晝雄翼掩左雌羽掩右

爾雅曰鳥雌雄不可別者以翼右掩左雄左掩右

雌

物食長喙

食物之生者皆長喙水鳥之屬也

穀食短味

鳥食五穀者喙皆短

搏則利觜

鳥善搏鬪者利觜

鳴則引吭

善啼鳴頸長也

毛協四時

春則毛弱夏則稀少而改易秋則刷理久則更生

細毛自溫

色合五方

倉鷹之屬以象東方木行朱鳥之屬以象南方火
行黃鳥之屬應土行以象季夏白鷺之屬以象西
方金行元鳥以象北方水行

羽物變化轉於時令

仲春之節鷹化爲鳩季春之節田鼠化爲鴛仲秋
之節鳩復化爲鷹季秋之節雀入大水化爲蛤孟
冬之節雉入大水化爲蜃淮南子曰黿化爲鵝鵝
化爲鸛鸛化爲布穀布穀復爲鵝順節令以變形

也

乾道始終以成物性

生物者乾之始成物者乾之終隨時變化成就萬物之性也

附宋王楙補禽經說

章茂深嘗得其婦翁石林所書賀新郎詞首曰睡起啼鶯語章疑其誤頗詰之石林曰老夫嘗得之矣流鶯不解語啼鶯解語見禽經余因求之禽經止一卷不載所著人名自漢七略隋經籍志唐藝

文志本朝崇文書亦皆不載觀其洞究物理殆非常人所爲觀埤雅及諸書述禽經所載而今禽經無之尙數十條如鶴以怨望鳴以貪顧雞以嗅視鴨以怒睨雀以猜懼燕以狂瞻鶯以喜嚙鳥以悲啼鳶以饑鳴鵲以潔唳梟以內呌鴟以愁嘯鷺飛則蜮沉鵲鳴則蚓結鵲俯鳴則陰仰鳴則晴陸生之鳥味多銳而善啄水生之鳥味多圓而善啖短脚者多伏長脚者多立凡此在今書多所不聞疑禽經非全本此語得之鮑夷白余又觀之如鷺日

成而受胎鶴影接而懷卵鴛鴦交頸野鵲傳枝此
見變化論鶴以聲交鵲以意交鵲以睛交而孕
此見爾雅疏魚瞰雞睨鳥無肺胃蜃無臟見崇有
論此類甚多皆禽經所當收者鮑夷白謂禽經非
後人作

右師曠禽經一卷自漢七略隋經籍志唐藝文志
宋崇文書目皆不載陳氏書錄解題始列其目稱
晉張華注馬氏文獻通考因之而陸氏埤雅亦引
其說則是書蓋唐宋間人所作而託名師曠豈以
其爲天下之至聰必能洞察物理而于禽鳥尤爲
得氣之先者耶如說苑博物篇載師曠告晉平公
東方有鳥名諫珂其爲鳥也文身而朱足憎鳥而
愛狐又說文鵯字下引師曠曰南方有鳥名曰羗
鵯黃頭赤目五色皆備豈卽是經遺文許氏猶及

見之書已久亡而後人乃附會爲之耶今考禽經
又無所謂鵠與諫珂者但引子野說鳳云云以冠
篇首而其文實見大戴禮記易本命篇以家語參
之則又子夏所聞山書之說也以是而託之師曠
亦大無稽矣然則張華之注其可信歟亦非也華
死事在惠帝初年而此引郭景純注爾雅則東晉
時人也至引李膺蜀志顧野王符瑞圖皆梁陳間
人時代尤懸絕足知此經注皆贗作以行世旣久
故仍從唐宋叢書中采出以廁于漢魏作者之後

焉汝上王謨識

鼎錄

梁

虞荔纂

金谿蔡映岡校

昔虞夏之盛。遠方皆至。使九牧貢九金。鑄九鼎於
荆山之下。于昆吾氏之墟。白若甘攬之地。圖其山
川奇怪百物而爲之備。使人知神姦。不逢其害。以
定其祥。鼎成。三足而方。不炊而自沸。不舉而自藏。
不遷而自行。九鼎旣成。定之國都。桀有亂德。鼎遷
于殷。載祀六百。殷紂暴虐。鼎遷于周。成王定鼎於
郊。歷卜世三十。卜年七百。天所命也。及顯王姬德。

大衰鼎淪入泗水。秦始皇之初，見於彭城，大發徒出之，不能得焉。

金華山皇帝作一鼎，高一丈三尺，大如十石甕，像龍騰雲，百神螭獸滿其中。文曰：真金作鼎，百神率服。複篆書三足。

漢孝景帝鑄一鼎，名曰食鼎，高二尺，銅金銀雜爲之，形若瓦甑，無足。中元六年造，其文曰：五熟是滋。君王膳之。小篆書。

武帝登泰山，鑄一鼎，高四尺，銅銀爲之，其形如甕，有

三足太始四年造其文曰登于泰山萬壽無疆四海寧謐神鼎傳芳大篆書

元鼎元年汾陽得寶鼎卽吾正壽王所識之鼎高一丈二尺受十二石雜金銀銅錫爲之四面蛟龍兩耳能鳴三足馬蹄刻山雲奇怪之象紀靈圖未然之狀其文曰壽考天地百祥臻侍山伏其靈海伏其異此銘在底下又別有銘或浮或沉皆古文複篆此上古之鑄造也總有九枚

昭帝元平元年於藍田覆車山鑄一鼎高三尺受五

斗刻其文曰宜君王和四方調滋味去腥傷小篆書
三足

廢帝賀以天鳳六年登位廢爲海昏侯鑄一小鼎貯
酒其形若甕四足受二斗其文曰長滿上小篆書

宣帝甘露元年於華山仙掌鑄一鼎高五尺受四斗
擬承甘露刻其文曰萬國伏貽長久鑄神鼎承天酒
三足小篆書又建章宮銅人生毛以爲美祥作一金
鼎埋之本宮

元帝初元二年鑄一鼎大如甕無足其文曰黃帝膳

鼎小篆書

成帝綏和元年匈奴平鑄一鼎其文曰寇盜平黃河
濟八分書三足高五尺六寸

哀帝元壽元年鑄一鼎貯酒高四尺三足其文曰羣
臣元日用醴鼎小篆書

平帝元始五年鑄一鼎受二斗其文曰藥鼎三足八
分書

王莽建國元年鑄一大鼎高一丈其文曰建國鼎莽
自書埋之漸臺又作一鼎其文曰君臣之鼎並小篆

書三足

後漢光武建元元年鑄一鼎其文曰定天下萬物伏
小篆書三足高九尺

明帝永平十年鑄一鼎於洛水高六尺其文曰蛟龍
伏大篆書三足又鑄一鼎於穀水高五尺其文曰穀
洛小篆書四足

章帝元和二年於北嶽鑄一鼎高四尺無足其文曰
鎮地鼎小篆書

安帝延光四年鑄一鼎於少室山其文曰承露鼎小

篆書四足

順帝永建六年鑄一鼎於伊水名曰魚鼎高四尺三足

靈帝嘉平元年鑄一大鼎埋之鴻都門其文曰儒鼎古書三足

漢官儀曰開陽門夜直樓上帝因作一鼎其文曰柱鼎一足如馬蹄

蜀先主章武二年於漢川鑄一鼎名曰克漢鼎埋之丙穴中八分書三足又鑄一鼎沉於永安水中紀行

軍奇變又於成都武擔山埋一鼎名曰受禪鼎又埋
一鼎於劔口山名曰劔山鼎並小篆書皆武侯迹又
時龍見武陽之水九月因鑄一鼎像龍形沉水中
蜀章武三年先主作二鼎一與魯王文曰富貴昌宜
侯王一與梁王文曰大吉祥宜公王並古隸書高二
尺

魏武帝鑄一鼎於白鹿山高一丈紀征伐戰陣之能
古文篆書四足更作鼎於太子名曰孝鼎畫刻古來
孝子姓名小篆書

文帝黃初元年。鑄受禪鼎。其文曰受祚鼎。小篆書。
明帝太和六年。鑄一鼎。三足。名曰萬壽鼎。小篆書。
吳孫權黃武元年。於彭蠡水沉一鼎。其文曰百神助
陽侯伏。三足。大篆書。又獵於樊山。見一姥。問得何獸。
答曰。得一豹。曰何不截尾。遂爲姥立廟。并作一鼎。文
曰豹尾鼎。

孫亮建興元年。於武昌鑄一鼎。其文曰鎮山鼎。小篆
書。三足。

孫皓鑄一鼎於蔣山。紀吳之歷數。八分書。

晉懷帝永嘉六年鑄一鼎沉於瓜步江中。無文字。鼎似龜形。

宋王劉裕。晉永初三年。從秦中還紀功。鑄一鼎於九池。其文曰。沸秦洛。伏大漢。古篆書。

宋文帝得鰕魚。遂作一鼎。其文曰。鰕魚四足。

順帝昇明元年。有人於宮亭湖得一鼎。上有古文洵漠二字。

齊高祖諱道成。於齊中池內見龍。聞簫鼓聲。遂埋一鼎。其文曰。龍鼎。真書三足。

梁武帝大通元年。於蔣山埋一鼎。文曰大通。真書。又鑄一鼎。書老子五千言。沉之九江中。並籀子雲書。又天監二年。安豐得一角靈龜。武帝遂作一鼎。投得龜處。

陳武帝卽位。鑄一鼎。文曰元勲。鼎沉于淞江。

陳宣帝於太極殿中鑄一鼎。文曰忠烈。常侍丁初正書。

太公於渭水得玉璜。鑄一鼎。刻其文曰璜鼎。

秦丞相樗里子作一鼎。文曰智囊。獨足古文。大篆書。

荀況在嵩溪作一鼎。大如五石甕。表裏皆紀兵法。大篆書。四足。

張儀伐蜀。鑄一鼎。高三尺。文曰定蜀大篆書。

李斯爲丞相鑄一鼎。其文曰上丞相鼎。埋於上蔡東門。

蕭何爲丞相鑄一鼎。大如三石甕。自表已功。其文曰紀功鼎。亦是何自作署書體。四足。

張陵在雲臺山得仙。作一鼎。寫丹經。埋於雲臺山下。車千秋爲丞相。鑄一鼎。文曰車丞相鼎。八分書。

司馬遷字子長。南遊探禹穴。作一鼎而小。記年月日。埋之秦望山。

黃霸爲潁川守。神雀集。遂刻鼎記之。

孔光拜丞相。鑄一鼎。文曰丞相博山侯大篆書。

王商爲單于所畏。遂令鑄一鼎。刻記其功以勸功臣。

楊震爲太尉。作一鼎。其文曰太尉鼎。古隸書。

胡廣鑄一鼎。其文曰孝子鼎。八分書。

陳太邱鑄一鼎。藏于陘山。

王允字子師。郭林宗見而器之。允自鑄一鼎。曰千里。

八分書

王仲子爲大司徒。鑄一鼎。其文曰司徒鼎。大篆書。

王朗爲司空。鑄一鼎。其文曰司空鼎。複篆書。

董卓爲太師。鑄一鼎。其文曰太師鼎。古隸書。

蔡伯喈爲侍中。封高陽侯。作一鼎。記漢家歷數。邑自書。藏于泰山。

諸葛亮殺王雙。還定軍山。作一鼎。埋於漢川。其文曰定軍鼎。又作八陣鼎。沉之永安水中。皆大篆書。又於元武郡金山作二鼎。一大一小。竝無文。時亮行軍。見

此山勢似有王者。故鎮之。

鍾繇魏文帝賜五熟鼎。

吳顧邕鑄一鼎。文曰顧元凱之鼎。八分書三足。

陸遜破劉備軍。鑄一鼎紀功。其文曰破備鼎。

孔愉獲龜。放之。遂作一鼎。刻其文曰孔敬康鼎。沉之於水。

張衡制地動圖。記之於鼎。沉於西鄂水中。

王羲之於九江作書鼎。高五尺。四面周匝。書遍刻之。沉於水中。真隸書。

昭然水中其勢若

王壽之休武王時背鼎而正凡四面照照青銅板云
聖帝備鼎燭圓時之飲鼎遊飲西得水中

飲水

此鼎之為也蓋鼎中一鼎此文曰昇游鼎鼎之

鼎鼎知隱鼎中一鼎鼎以此其文曰無所樂

鼎鼎為一鼎文曰鼎天鼎之鼎人升鼎三鼎

鼎鼎鼎文鼎鼎鼎鼎

鼎山鼎鼎亦王亦鼎鼎

右虞荔鼎錄一卷按東觀漢記廬江獻鼎詔召鄭
衆問齊桓公之鼎在柏寢臺見何書春秋左傳有
鼎事幾衆對狀除爲郎中是爲六朝文人隸事之
始茲錄所隸鼎事凡七十有二而前三十五事古
帝王鼎後二十七事卿大夫鼎又與陶氏刀劍錄
體例略同此二書俱不載隋經籍志唐初人類書
於鼎與刀劍門亦未見稱引至宋吳淑事類賦始
於劍事引陶錄十二條鼎事引虞錄十三條文亦
互有詳略不必據改惟叢書元本第一條云金華

山皇帝作一鼎皇帝疑當作黃帝史記黃帝採首
山銅鑄鼎於荆山蓋言鼎事莫有先於此者而荔
所自敘託始虞夏則又不知此所指果卽黃帝否
也馬驢釋史
引作黃帝故仍闕之以俟知者汝上王謨識

古今刀劍錄

梁 陶宏景纂

金谿蔡映階校

夫刀劍之由出已久矣。前王後帝莫不鑄之。但以小事記注者不甚詳錄。遂使精奇挺異。空成堙沒。慨然有想。遂爲記云。

夏禹子帝啓在位十年。以庚戌八年鑄一銅劍。長三尺九寸。後藏之秦望山。腹上刻二十八宿。文有背面。面文爲星辰。背記山川日月。

啓子太康在位二十九年。歲在辛卯。三月春。鑄一銅

劍上有八方。面長三尺二寸。頭方。

孔甲在位三十一年。以九年歲次甲辰。採牛首山鐵。鑄一劍。銘曰夾。古文篆書。長四尺一寸。

殷太甲在位三十二年。以四年歲次甲子。鑄一劍。長二尺。文曰定光。古文篆書。

武丁在位五十九年。以元年歲次戊午。鑄一劍。長三尺。銘曰照膽。古文篆書。

周昭王瑕在位五十一年。以二年歲次壬午。鑄五劍。各投五嶽。銘曰鎮嶽尚方。古文篆書。長五尺。

簡王夷在位十四年。以元年歲次癸酉。鑄一劍。長三尺。銘曰駿。大篆書。

秦昭王稷在位五十二年。以元年歲次丙午。鑄一劍。長三尺。銘曰誠。大篆書。

秦始皇在位三十七年。以三年歲次丁巳。採北祗銅。鑄二劍。銘曰定秦。小篆書。李斯刻。埋在阿房宮閣下。一在觀臺下。長三尺六寸。

前漢劉季在位十二年。以始皇三十四年。於南山得一鐵劍。長三尺。銘曰赤霄。大篆書。及貴常服之。此卽

斬蛇劍也。

文帝恒在位二十三年。以初元十六年歲次庚午。鑄三劍。長三尺六寸。銘曰神龜。多刻龜刑。以應大橫之。崩。命入乎武宮。

武帝徹在位五十四年。以元光五年歲次乙巳。鑄八劍。長三尺六寸。銘曰八服。小篆書。嵩恒霍華太山五嶽皆埋之。

宣帝詢在位二十五年。以本始四年鑄二劍。長三尺。一曰毛。二曰貴。以足下有毛故爲之。皆小篆書。

平帝衍在位五年。以元始元年歲次辛酉掘得一劍。上有帝名。因服之。大篆書。

王莽在僞位十七年。以建國五年歲次庚午造威斗及神劍。皆練五色石爲之。銘曰神勝萬里伏。小篆書。長三尺六寸。

更始劉聖公在僞位二年。自造一劍。銘曰更國。小篆書。

後漢光武秀在位三十三年。未貴時在南陽鄂山得一劍。文曰秀霸。小篆書。帝常服之。

明帝莊在位十八年。以永平元年歲次戊午。鑄一劍。上作龍形。沉之於洛水中。水清時。常有見之者。

章帝炅在位十三年。以建初八年鑄一金劍。令投於伊水中。以厭人膝之怪。宏景按水經云。伊水有一物。如人膝頭有爪。人浴輒沒。不復出。

安帝祐在位十九年。以元初六年鑄一劍。藏峨眉山。疑山王也。

順帝保在位十九年。以永建元年鑄一劍。長三尺四寸。銘曰安漢。小篆書。後改年號。

靈帝安在位二十二年。以建寧三年鑄四劍。文曰中興。一劍無故自失。並小篆書。

魏武帝曹操以建安二十年於幽谷得一劍。長三尺六寸。上有金字。銘曰孟德王常服之。

齊王芳以正始六年鑄一劍。常服之。無故自失。但有空匣。如故。後有禪代之事。兆始於此。尋爲司馬氏所廢。

蜀主劉備以章武元年歲次辛丑。採金牛山鐵。鑄八劍。各長三尺六寸。一帝自服。一與太子禪。一與梁王。

理。一與魯王永。一與諸葛亮。一與關羽。一與張飛。一與趙雲。並是亮書。皆作風角處。所有令稱元。造刀五萬口。皆連環。及刃口列七十二鍊。柄中通之。兼有二字。房子容曰。唐人尚書郎李章武。本名方古。貞元季年爲東平帥。李師古判官。因理第掘得一劍。上有章武字。方古博物。亞張茂先。亦曰蜀相諸葛孔明所佩劍也。乃改名師古爲奏。請爲章武焉。蓋蜀主入劍之一也。

後主禪延熙二年造一大劍。長一丈二尺。鎮劍口山

往往人見光輝。後人求之不獲。

吳王孫權以黃武五年。採武昌銅鐵。作千口劔。萬口刀。各長三尺九寸。刀頭方。皆是南銅越炭作之。文曰大吳。小篆書。又赤烏年中。有人得淮陰侯韓信劔。帝以賜周瑜。

孫亮以建興二年鑄一劔。文曰流光。小篆書。

孫皓以建衡元年鑄一劔。文曰皇帝吳王。小篆書。

晉武帝司馬炎以咸寧元年造八千口刀。銘曰司馬懷帝熾以永嘉元年造一劔。長五尺。銘曰步光。小篆。

書。

成帝衍以咸和元年造十三口刀銘曰興國

穆帝昞以永和五年於房山造五口劍銘曰五方單

符。隸書

孝武帝昌明以大元元年於華山頂埋一劍銘曰神

劍。隸書

宋武帝劉裕以永初元年鑄一刀銘其背曰定國小

篆書長四尺。後入於梁

少帝義符以景平元年造一刀銘曰五色小篆書

後廢帝皇以元徽二年於蔣山頂造一劒銘曰永昌
篆書

順帝準以昇明元年掘得一刀銘曰上血其刀照一
室帝奇之至二年七月帝使楊玉侯織女玉侯女不
得懼死用以弑帝果如銘故知吉凶其徵先見矣
齊高帝蕭道成以建元二年造一刀銘曰定業長五
尺篆書自制之

明帝鸞以建武二年造一刀銘曰朝儀長四尺小篆
書

梁武帝蕭衍以天監二年卽位。至普通中歲在庚子。命宏景造神劔十三口。用金銀銅錫鐵五色合爲之。長短各依劔術法。文曰服之者永治四方。並小篆書。諸小國刀劔總在此。

前趙劉淵以元熙二年造一刀。長三尺九寸。文曰滅賊。隸書。

後趙石勒以建平二年造一刀。用五百小工。用萬人頭尖。長三尺六寸。銘曰建平隸書勒未貴時。耕地得一刀。銘曰石氏昌。篆書。

石季龍以建武十四年造一刀長五尺銘曰皇帝石氏隸書

後蜀李雄以晏平元年造刀五百口文曰騰馬隸書
前涼張寔造刀百口無故刀盡失文曰霸

後魏昭成帝拓跋犍以建國元年於赤冶城鑄刺刀
十口金鏤赤冶字

道武帝珪以登國元年於嵩阿鑄一劍銘曰鎮山隸
書

明元帝嗣以泰常元年造一劍長四尺銘背曰太常

至真君元年，有道士繼天師白爲帝造劍，長三尺六寸，隸書，因改元真君。

宣武帝恪以景明元年，於白鹿山造一刀，文曰白鹿隸書。

前秦苻堅以甘露四年造一刀，用五千工，銘曰神術隸書。

前燕慕容皝以元璽元年造二十八口刀，銘曰二十八將隸書。

後燕慕容垂以建興元年造二刀，長七尺一雄一雌。

隸書若別處之則鳴

後秦姚萇以建初元年造一刀銘曰中山長三尺七寸隸書

西秦乞伏國仁以建義三年造一刀銘曰建義隸書
後涼呂光以麟嘉元年造一刀銘背曰麟嘉長三尺六寸

南涼禿髮烏孤以太初三年造一刀狹小長二尺五寸青色匠人曰當作之時夢見一人被朱服云吾是太一神來看汝作云此刀有獻必鳴後落突厥可汗

所有也。

南燕慕容元明以建平元年作刀四口，文曰建平，隸書。

西京李嵩以永建元年造珠碧刀一口，銘曰百勝，隸書。

北涼沮渠蒙遜以永安三年造刀百口，銘曰永安，隸書。

夏州赫連勃勃以龍昇二年造五口刀，背刃有龍雀環，兼金縷，作一龍形，長三尺九寸，銘曰古之利器，吳

楚湛盧大夏龍雀名冠神都可以懷遠可以柔邇如
風靡草威服九區宋王劉裕破長安得此刀後入於
梁

吳將刀

周瑜作南郡太守造一刀背上有盪寇將軍字八分
書

蔣欽拜列郡司馬造一刀文曰司馬隸書

周幼平擊曹公勝拜平虜將軍因造一刀銘背曰幼
平

董元成少果勇，自打鐵作一刀。後討黃祖於蒙衝河，
元成引刀斷衝頭爲二流，拜大司馬，號斷蒙刀。
潘文拜偏將軍，爲擒關羽，拜固陵太守，因造一刀，銘
曰固陵。

朱理君少受征討，黃武中累功拜安國將軍，作一佩
刀，文曰安國。

關羽爲先主所重，不惜身命，自採都山鐵爲二刀，銘
曰萬人及羽，敗羽惜刀，投之水中。

張飛初拜新亭侯，自命匠鍊赤朱山鐵爲一刀，銘曰

新亭侯蜀大將也，後被范強殺，強將此刀入於吳。諸葛亮定黔中，從青石祠過，遂抽刀刺山，拔刀不拔而去，行人莫測。

黃忠漢先主定南郡，得一刀，赤如血，於漢中擊夏侯軍，一日之中，手刃百數。

魏將刀

鍾會克蜀於成都，土中得一刀，文曰：「太一會死。」入帳下，王伯昇伯昇後渡江，刀遂飛入水。

鄧艾年十二，曾讀陳太邱碑，碑下掘得一刀，黑如漆。

長三尺餘，刀上常有氣淒淒然，時人以爲神物。

董卓少時耕野得一刀，無文字，四面隱起作山雲文，斲玉如泥。及卓貴，示五官郎將蔡邕。邕曰：此項羽之刀也。

袁紹在黎陽，夢有一神受一寶刀，及覺果在臥所，銘曰：思召紹解之曰：思召紹字也。

郭維於太原得一刀，文曰：宜爲將。後遂爲將軍。及與蜀將戰，敗失此刀。

王雙曾於市中買得一刀，賣人曰：得之者貴。因不見。

後佩之爲魏將後與曹真一刀換也

古今刀劍錄終


刀劍金


古今氏陰陽

上

右陶宏景古今刀劍錄一卷備載古帝王所鑄作
刀劍起夏后啟訖梁武帝其自序謂前王後帝莫
不鑄之尙已然其後又載有諸小國刀劍并三國
諸名將刀則如春秋時吳王闔閭越王勾踐所命
劍工若干將歐冶鑄成龍淵太阿純鉤湛盧豈不
足當諸小國名將何以盡棄而不錄耶抑以其詳
見吳越春秋越絕等書故不復論列也是錄固不
免遺漏而後之校刊是書者復少詳審如於蜀主
劉備采金牛山鐵鑄八劍條下引房子容云云是

記唐人說此劍事應別爲一行或用小字夾注不
合混入本文又稱元當作蒲元乃人姓名諸葛武
侯椽屬藝文類聚載有蒲元傳云性多奇思爲諸
葛亮鑄刀三千口言漢水鈍弱不任淬用乃命人
於成都取江水淬刀因曰神刀卽此故予則此稱
元爲蒲元之譌無疑也後又脫去蜀將刀一行茲
因例從叢書元本重刊不及改正仍分別記此俾
學者得有所考焉汝上王謨識





天祿閣外史序

黃叔度所著外史八卷議論醇雅氣
象明裕寡而盡美婉而成章得國語
左氏之體而無其艷擬子長孟堅之
雄而無其陋皆孔氏之遺言逸論而
書史之所不載者也試讀一過誠有



令人毛髮冷冷凜然透骨精神爽達
樂而忘倦者春華明而秋雲敷江濤
雄而蛟龍鳴一造化自然之昭著豈
人之所能與其工哉考之當時與叔
度並舉孝廉如周子居艾伯堅郅伯
當封武興盛孔叔此五人者皆產於

汝南而文章事業寥寥無聞而叔度
獨有仲尼作春秋之志扶世教植人
紀真漢世隱君子之出類者矣宜其
見推於林宗受式於元禮而一時諸
君子咸高讓之也然此書不恒有於
世僅出於晉後藏於唐之田宏萬卷

樓復流散不傳至宋韓洎學士乃得之祕閣典籍中加之以論贊豈斯文之絕續果有數乎世又有疑之者以范曄不立傳必其未見此書而當時諸侯王所封之國不免有一二之舛況叔度之高駕又非漢之諸侯王所

能聘者其文多自述之辭雖或出於
弟子之所記而事不徵諸列國似或
類於左氏之誣未可知也晉謝安直
褒此書而不辨其同異何耶意者晉
時隱君子值晉室之末運忠憤激裂
而不敢言託爲此書引類屬諷言之

者無臯聞之者足以勸其或然與初
予承乏翰林三山林公手授是編曰
此某三世家藏也吳中亦得見此不
耶後二十餘年乞歸休去日與仲山
徐公論文林下因檢出以示人僉曰
是不傳之祕也一時學者爭手抄而

私寶之余恐其未知所從得也故書
之簡端嘉靖二年乞恩致仕姑蘇守

溪王鏊撰

外史總評

晉謝安曰桓帝初政朝野咸望其中興賢士濟濟于國黃憲爲安帝時名儒隱居不仕樂道于慎陽之野帝幼時聞其名及卽位屢聘不就故天下號爲徵君帝後荒於政權移閹人黨錮蒙難海內騷然徵君寓遊息國有感於異鸞乃歷聘諸侯以興漢室爲已任退與子弟陸續之徒著外史五萬餘言厥志微矣唐田宏曰東原黃叔度所著天祿閣外史一書實繼春秋而作者也其文章奇古典雅有先秦以上之體

非劉向揚雄輩可及此史流于晉桓溫惡其諷時譏世而焚之故此史往往不傳梁昭明太子慕其文以千金構於天下竟無所獲迄於聖唐此史稍出于素嗜經史百家之書嘗築樓以藏天下遺籍及得此史乃歎曰天祿石渠承明著作之庭何先此史而創乎今讀其文誠古之良史也竊又疑之當時諸侯封建之國考之漢書所載又有不盡合者如東漢都於大梁卽魏國也而此史有說魏王之文十餘篇詎有天子降而爲王乎況叔度本一含光蒞秀之士其却安

帝之聘而不就孝廉之辟所謂不事王侯高尚其志
叔度有焉豈辭君聘而苟就諸侯之遇又必不然也
大抵此史之作率多寓言憂國者非徒翫其文惟取
其志而已矣

陸贄曰外史一書世所罕有其議論皆經濟之學王
佐之才或以爲晉初竹林諸賢所作未可知也

翼聖江氏曰史稱申屠蟠超然免於評論而黨錮之
禍有至鬻身爲傭苟免誅署者且侈爲幾先獨黃叔
度歷聘諸侯王若建標而樹招焉卒以無虞此所以

加人數等也。當時諸賢固以顏子況之，而宋儒亦以是科居用之，則行舍之則藏，叔度無愧色矣。獨其文字稍有時諡，不類東京。至其忠國排世，卽事納牖，有子輿氏之風。晉人脫而疎于事，必非所及。

外史目錄

卷一

賓韓文二
十一篇

巡幸

燕言

交情

兵法

祝頌

去惡

機論

形勢

災異

問兵

寵倖

智論

讒說

愛憎

論學

難進

妖孽

世子

賢妃

嫡庶

奪嫡

卷二

辭受

闢邪

時勢

樂論

士論

玉論

重賢

論易

嶧山

君賜

出處

天文

名器

卷三

待士

齊姬

將才

封禪

畱賢

卷四

入梁

圖霸

辭爵

繼立

桃林

諫獵

受饋

卜諫

取謗

去就

去魏

卷五

遇樵

待樵

誅賞

盟會

琴論

燕居

僊論

黨錮

見幾

上林

觀雪

汚吏

三軍

去秦

卷六

適晉

逆旅

傷時

謀國

防胡

谷一難

二難

三難

四難

五難

修德

董卓

蟾臺

賍書

卷七

至關

招賢

問疾

尊王

自強

平刑

黜陟

請金

辭爵

火災

避難

岷山

岷山

去蜀

卷八

去就

時勢

田獵

耻辱

漁論

色荒

晉使

陽山

歸韓

感時

外史目錄終

卷五

甲

十

山



山

山

山

天祿閣外史卷一

漢 汝南黃憲著 金谿羅嗣忠校

賓韓文

巡幸

天皇幸于蒼梧楊秉諫曰臣聞聖辟不徹政而玩世
哲主不輕權而荒體非有碩功駿烈銘諸人心而可
以觀諸侯也昔禹治水平壤區畫萬國以鎮民神故
巡狩諸侯百姓若捧太陽之餘光瞻候雲之潤氣故
臨九河而頌禹烈躡會稽而懷禹功夫先王之於巡

狩亦不得已驅馳車駕經越山用祀之以歲月者豈
荒於遊觀哉陛下龍飛初躬勤于政天下想太平之
風日食則赦地震則省此初政之勤是矣安順之朝
貴戚怙寵以賣威福于天下延及今日海內愁困相
尋以兵市無商賈陛下則以爲清淨之治饑民號泣
陛下則以爲難大之鳴由此觀之奸臣之壅也亦衆
矣陛下不悟其奸而高拱無爲以聽其亂又爲巡幸
之舉駐驂蒼梧輕玩萬乘涉不測之地置楚國之則
通奸臣之隙而宮闈若壘臣恐蒼梧之雲向陛下而

增悲也。請聖駕還宮以慰邦畿臣民之望。天皇納其言是歲京師三輔地震。

洎曰危言激論可爲諫君之法。

燕言

徵君遊古息國寄慨而吟有燕愁于枯榆而言曰息國無君吾子奚爲此遊也徵君聞而恠之乃叩曰汝燕也何以能言對曰吾乃桓靈之鬼也是爲幽厲炎災之室其將頽乎汝其輔諸侯言畢而泣遂飛於冀州之墟徵君語弟子曰其恠也若是此亡國之象也

小子其識之哉乃以杯酒酹地而誓曰漢室不靖奈
倉黔何燕言息國枌榆之柯負君之靈曰吾乃幽厲
炎炎者傾汝其輔之憲也狷介不敢以徵天道悠悠
物有信然其恠也耶其靈也耶若天假于言靈假于
物憲敢不唯命竭股肱之力以報所天徵君旣作息
而歸見郭泰立于庭郭泰問曰子焉適而至暮也曰
甫釣于汝水之濱樂而忘歸是以暮也曰然則子何
爲而有憂色耶曰不得魚則樂得魚則憂曰子何以
不得魚爲樂乎曰甫亦樂魚之樂而亦憂魚之憂也

不得則縱得之則烹。魚樂于縱而憂于烹。今吾之憂
是魚得其餌而吾得其魚也。故憂然則今之爲士者
皆得餌之魚乎。郭泰笑曰。子其縱矣。窺子之意將王
室以爲壑。諸侯以爲池。洋洋然縱之而赴于壑。是子以
王室爲憂乎。曰。微子不吾知也。子且休矣。乃取琴而
歌。郭泰喟然曰。子之琴于斯也。其箕子麥秀之歌而
託諸琴乎。遂合榻移日而去。

交情

李膺訪徵君於衡門。雪甚。道遇郭泰而問曰。子得見

叔度耶。曰：秦也。以布衣交，安得不見？子以軒冕交，亦軒冕者謁之耳。安得見李膺？有慚色。乃稅駕于野，與郭泰乘蹇驢而造焉。有樵者臨溪浣足而歌曰：衡門之雪霏霏，今有客縕袍寒谿澹而無聲。今木落遠臯。二子聞而淒然。時童子候門，見二子來，振衣長嘯而入。徵君及階迎之，復見郭泰而喜。謂李膺曰：甫久不見元禮也。李膺再拜而道曰：膺以羈故不能仰挹清範，戾也。久處僻壤，每聞令音，私自暢滌。往歲發使者，賁以咫尺之書，穢以不腆之饋，亦惟是夢寐以相達。

也。子何辭？吾以饋而報，吾以書乎？徵君答曰：憲也聞之，貧者不報人以幣，故辭于使，猶報也。夫饋甫以幣，分君祿也；以君之祿而饋人，故亦以君之祿而完也。完祿而報書，均無得焉。憲之卜廬于斯也，春秋之期有牲醪足以供祭，一日之餐有蔬食足以爲嘗。晝則杜門，有琴籍足以爲娛；夜則寄臥，有蒲榻足以爲安。豈復餘乎？夫受而不報，耻也；不能報而受之，亦耻也。故君臣以全義，兄弟以全愛，夫婦以全禮，朋友以全耻。古之道也。李膺曰：膺也陋，不能測子之度。若漢室

結難雖整步之儒咸効驅馳之勞章句之士咸奮鉛刀之力而況子之偉乎郭泰隱几而臥徵君謂曰林宗已卜車于夢寐中泰應之曰聖軌賢轍一行一藏時哉各努力也是歲梁冀作亂

兵法

有巨盜攻冥阨之關一郡大恐居民遁逃而無所歸賊有名司馬龍者力敵三軍勇冠百萬懸千錢于百步之外箭九發而九破以此擅譽時羣盜將陷關司馬龍曰吾聞郡有黃叔度未可攻也乃結營於關外

有司聞之，匍匐詣於徵君之廬，以綺輿迎之。徵君辭曰：「憲汝南鄙人也，未嘗入簿書之室，遊刑罰之庭，是以不諳國家大議，盍訪諸耆高乎？」有司詣曰：「徵君王佐才也，何足辟讓？賤令不職，不能靖安土壤，使男女愁歎，父老奔走羣盜，以殺掠爲名，屯於冥阨，聞徵君之賢，故未敢驟攻，而勢已破矣。誓不往，是絕百姓以乘寇也。」徵君笑安乎，遂行。徵君以綸巾元服，乘輿至關下，謂諸將曰：「聞賊中有司馬龍，其人勇而能射，所向無不殘滅者，必誅之爲利。若以計却之，猶開道而

放熊終爲人患。夫靖一郡而貽患于他，胡可忍也。且以動王室，故以計死之者安，以計禦之者半。有司及諸將謝曰：民之福也。敢問計安所出。徵君曰：敵善射，則不可輕用其將；敵負勇，則不可輕用其卒。故兵家設機于虛實之間，是以決勝。夫敵之所謀者，在內而不在外；吾之所謀者，在外而不在內。此兵之所緣而虛實也。諸將曰：何謂謀在外而不在內？徵君曰：試之。乃令壯士百人執戟守關，以文武四臣攝之。諭以兵情，間道而出，遠近埋伏。騎卒遊其間，令關吏登堠舉。

烽。關外鳥雀皆驚。使賊衆不疑。伏兵在外。又令關下
勿擊柝。示以懈禁。徵君鼓琴帳中。司馬龍聞之。笑曰。
此必叔度作閨態也。吾知其弱矣。遂急攻關門。賊衆
曰。關不擊柝而鼓琴。此詐也。內必有伏。且勿攻。司馬
龍曰。吾聞黃君多謀而默。以六經爲文。六韜爲武。今
吾衆臨關。彼優然鼓琴而戲敵。計誠詐也。且待某畔。
徵君謂諸將曰。賊中矣。擒之何有。復令壯士舉烽火。
後隊伏兵亦舉火應之。大呼曰。救至。賊衆駭。亦舉火
以視。延燒空舍。火光燭雲。徵君令關內勿舉烽煙氣。

昏慘壯士守關者皆寂奮不寐成列而不敢動司馬龍曰救至而內不應吾料伏曰疲矣救必懼而不逼遂躍馬彎弓而前擊之其後隊步卒且進且退火遙不相接欲勒馬而歸營前隊伏兵鼓之而起司馬龍橫戈馬前向衆呼曰得火尚可戰也賊衆亂步卒與騎馳其後而襲之司馬龍失火不能戰自刎而死賊衆追及見纓汙血中哭曰司馬將軍死矣吾輩何以生爲皆自殺一郡悉平徵君之是舉也不傷一民不置一庫而措汝南於枕席之上可謂奇矣君子曰運

籌帷幄決勝千里其叔度之謂乎

祝頌

天皇封徵君以慎陽之田又以蒲輪辛纁聘之徵君
上表辭曰臣昧死言嚮者豸豸之勞奚補于社稷哉
以天皇之明不察臣之非劣而聽左右之譽賜臣以
慎陽之田寵臣以蒲輪榮臣以辛纁竊以爲禮遇之
過也昔者許由抗志於唐堯務光執節於殷湯二子
者亦遭際聖世而蒙隆禮殊錫之光竟辭而不就以
窮困其身天下不以堯湯爲棄賢也且有令名臣賢

非許由。智非務光。而有堯湯之遇。極寵錫之榮。以嘉
菲臣。故草木落于待黃之秋。而衡門之蒿。獨茂塵礫。
沸于會風之候。而寒谷之雲不飛。亦以休風之宣暢。
而聖情之凝鬱也。臣實慙焉。是以荷日月之餘輝。而
流汗交襟。惕然而怖慄者。有以也。臣自揣不能從事
於輔弼之列。而廁于吁咈之廷矣。臣願天皇聖明。慎
刑罰。躬節儉。禮儒臣。放佞人。以疏骨鯁。忠言之路。容
臣于草莽。歌詠鼓琴。以揚仁風。擊壤以鳴聖澤。此臣
之所以仰祝于天皇也。臣北面稽顙。彌增感激。待命

草間無所逃遁。謹上表以聞。天皇深允其奏。然卒不能
用也。是歲命丞相以下講老子於太清殿。匈奴寇
雍冀三州。南人叛。

去惡

梁冀之誅。徵君謂袁閎曰。甫聞去惡。木者易去。惡根
者難。袁閎曰。子何不效斧斤之力而去其根乎。徵君
曰。間者國家多故。典刑蕩然。得意而遷善。雖忌忠而
必賞。失意而滌怒。雖寵佞而必誅。薄賞厥忠。故厚誅
之。薄誅厥佞。故厚賞之。異賞而同誅。殊勞而同辱。是

賢不肖淆也。夫淆不可以致士。淆則賢者難爲清。不肖者難爲濁。故賢者死于憂患。而不肖者死于安樂也。淆其臣卒以自淆。淆主在上。則潔士在下。孰可致也。夫上林之材。非無惡木。清渭之流。非無濁波。有道之朝。非無佞臣。顧明王之馭耳。是以舜誅四凶。賢類顯焉。紂戮比干。佞臣用焉。此皆不淆之主也。戮賢而近不肖。其過也。闇猶可悔也。以賢不肖而淆之。其過也。辭不可理也。故秦以淆而亡。慎到曰。得馭者調其駁。失馭者逸其驥。其是之謂乎。

韓伯曰。梁氏旣誅。單超徐璜左悺唐衡貝瓊等嗣
亂其後。曹節王甫之徒。惡浮於梁冀五邪流衍朝
廷。而黨錮之難作。梁氏之誅。果何益于漢室哉。

機論

韓王見徵君。徵君方耕而歸。望韓王之軒。棄鋤而隱
之。韓王返國。他日又見。親以幣將於庭。徵君乃就載
以歸。謀甫王室之策。徵君是以不能辭於諸侯。韓人
有善奕者。以奕說徵君曰。子知奕之道乎。徵君曰。不
知也。奕者曰。吾與子奕之可乎。曰。夫奕以機勝。以不

機敗。吾不能機。何奕之爲。曰。子惡機而不奕。不知子之機過于奕乎。曰。何爲其然也。曰。奕之機。虛實是已。實而張之以虛。故能完其勢。虛而擊之以實。故能制其形。是機也。員而神。詭而變。故善奕者能出其機而不散。能藏其機而不貪。先機而後戰。是以勢完而難制。雖然。此特奕之道耳。若機之流于衆妙也。肆而淵乎。羲皇得之而畫其卦。神農得之而藝其穡。軒轅得之而奠其兵。勳華得之而禪其器。夏禹得之而驅其澤。殷湯得之而陳其網。周武得之而會其鉞。蒼頡得

之而洩其文。女媧得之而煉其石。許由得之而洗其耳。儀狄得之而制其酒。造父得之而神其御。后羿得之而精其射。伊尹得之而負其鼎。公輸得之而雲其梯。甯戚得之而扣其角。伯牙得之而鼓其琴。老聃得之而守其谷。孔子得之而擊其磬。昔有抱甕者。惡桔槔之機。而不用。然烏知抱甕之爲機乎。由此觀之。天地萬物皆機也。機其運于應物之所。動于無形之源乎。今子之出也。將以仁義爲機。而運諸侯于掌上。鎔兆民于軌物。經之綸之。弛之張之。吹之噓之。若噫氣。

之雄風而解駭乎萬竅其機也如是。奕何有哉。夫聖人以仁義爲機，賢者以禮信爲機，謀士以術數爲機，辯士以縱橫爲機，此機者皆利于諸侯而顯名者也。吾子其握聖人之機以游說諸侯，則漢室可舉矣。當今之時，得機者顯，得聖賢之機者貴，不可限子翁而不張，亦何取于機也。盍奮而張之，噫仁義之氣而解衆庶之鬱哉。徵君曰：吾將機乎。

形勢

徵君說韓王曰：夫諸侯之國有爲天下樞者，莫如韓。

韓固戰國也。宛穰襟其東，大乘峙其南，武關亘其西，
成臯鎮其北。韓之形勢，足以扞四面之敵，通諸侯之
盟。而中臨天下，呼則諸侯應，招則諸侯來。若長江盤
紆於中，而九派之流爲之爭赴而下注也。以韓之壤
地，視諸侯之疆，孰廣焉？韓之人民，視諸侯之衆，孰勇
焉？以諸侯之譽望，視賢王之聲，孰美焉？是三者皆無
出于王之右矣。自大禹創業于夏，申伯受封於周，楚
子設險于方城，秦人用武於南陽，故韓之國實英雄
致王定霸之壤也。漢興，凡南陽之勢，遠控乎西京，以

爲羽翼新室翦漢二雄割據光武倚春陵而發跡更
始臨清水而建號皆韓之南陽也賢王承九葉之運
當天下之樞昭之以令德修之以文武暢之以禮樂
可以會盟諸侯而光濟王室夫南陽智士之所出也
賢王能折節下士而選豪俊于南陽之衆與之謀國
而靖民以顯其業無使百里奚之事于秦而范蠡之
謀于越也賢王據此而不圖臣恐天下之形替矣夫
擁成臯之固以爲金湯採析邑之鐵以爲劒戟登魯
門之關以揮勁戈遏淮水之流以飲疲馬臣固知賢

王之無功也。夫王室之盈虛係于韓，王室之強弱係于韓，王室之安危係于韓，王若不修德，則王室必虛，必危，必弱。王若修德，則王室必盈，必強，必安。自然之勢也。賢王欲輔王室而不修德，是猶大舟之濟江河而焚其楫也。其不能濟亦明矣。此臣所以爲賢王計也。臣布韋之士，蒙賢王二顧之殷，遇臣以不次之禮，是以披素露膽于賢王之前也。王其圖之。

韓洎曰：此篇乃徵君說諸侯王第一策，忠義之氣，激揚慨切，藹然於言外。其視戰國蘇秦、張儀之輩，

身霄壤矣乎

災異

桐栢山崩，淮水潰決，棗陽之民死者大半。韓王憂命，左右告於徵君曰：「桐栢，韓之巨鎮也。今崩，王室必有難，其若之何？」徵君不答。左右返見韓王曰：「臣以君之命告于黃徵君，傲而不應，是無禮于君也。請逐之。」韓王曰：「國有大咎而又逐士，寡人之戾益矣。是寡人不能恭而使左右以寄命，能無傲乎？」遂命駕而見徵君。徵君方鼓琴，韓王詣其館而謂曰：「叔度其涼哉，何不

弔寡人而乃鼓琴以娛也。徵君對曰：臣聞之，國之修短吉凶，卜于龜，士之兆卜于琴瑟。今臣之鼓琴也，始彈白駒，其聲戾以殺，繼而彈關雎，其聲婉以和。臣故得禮於賢主也。請問何憂？韓王曰：寡人不德，不能舉臧于山川，遺戚王室，寡人是懼。敝邑三歲無稔，邑將爲墟。今桐柏告崩，淮水潰決，以溺我人民，蕩我禾黍，傾我廬舍。寡人雖象，不能施號於敝邑，亦先君所封也。寡人是以徼福敝邑之山川，而天賜之以禍，何以示民？茲賴徵君之明德，以庥寡人，幸毋棄也。徵君曰：

有是乎哉，憲也未之信也。請與王觀焉。遂涉淮而登桐柏，水溢于境者方數百里，林不露巢，城不見堞，男女之尸矯如巨魚，被髮而浮於波瀾之莽。王歎曰：自孔子觀呂梁以來，未有此水也。徵君歛容而對曰：彼猶得蹈水之術，今之蹈者，其無術乎？不然，何傷之多也？豈惟韓國之禍，王室其必有難乎？是歲匈奴寇邊，黑霧三日如夜。君子曰：幽厲之氣彰矣。

問兵

韓王問兵于徵君，徵君辭曰：臣禮樂之士也，不能以

軍旅對韓王曰寡人聞之。治世則用文。亂世則用武。用武之世。奚事禮樂哉。徵君對曰。夫君子修文德于用武之世。寓陽道也。故百姓和而易霸。修武德于用文之世。寓陰道也。故王室備而易隆。今以用武之世而不修文。則諸侯皆雄。鄰國無釁。何以樹伯王之功哉。若以武。雖強弱殊效。而百姓之殘均也。王何緩禮樂而急戎事乎。臣是以不敢對也。韓王曰。昔齊桓陳師於召陵。以聲楚而遂建九合之績。秦王出兵于函谷以迎敵。而足收六鼎之形。孰非用武之明效哉。春

秋戰國以迄於今談兵者雲集角武者燁舉上則折衝于帷幄下則覆軍而殺將當此之時禮樂無有也夫制敵者非揖讓之化強國者非威儀之容故禮樂不可治于用武之世也明矣徵君奚隱厥術而不以誨寡人歟是使寡人無奮也徵君對曰禮兵之紀也樂兵之精也其紀如梯其精如醴故禮以制其容樂以導其氣列之以行伍作之以金鼓飾之以旌旗明之以弓劍節而後舉利而後動故能克敵而定戰桓文之兵昧禮樂而猶足以節制是以霸其身而天下

謂齊晉能諸侯若兼之禮樂而節制奚翅乎霸且賢
王不聞有苗之格乎。虞廷之舞聞其干羽矣而未聞
以其兵也。豈有苗之悍不若今之胡虜哉。亦干羽者
乃有虞之所以爲兵也。至春秋戰國之君以百姓爲
蟻螻。以刀鋸爲金帛。苟有匹夫高枕而寐者。天下皆
以爲祥。其殘也如此。臣願賢王之勿效也。韓王曰。昔
晉文之伯。不以兵車而爲諸侯之盟主。又納天子以
示義。伐原以示信。大蒐以示禮。曹衛楚宋不勞而歸
服。是晉文亦禮讓之主而不黷於武。特未能樂焉。由

此觀之、豈惟節制之師哉、徵君對曰、召襄王于河陽者誰乎、臣而召君、非義也、凌諸侯之盟、非信也、以此而號諸侯、非禮也、一舉而三非、春秋責之、若桓公其庶乎、以韓之疆、以賢王之風、馭之伯、不足圖也、乘是時而懈禮樂、雖用力十年、臣固知王之止于伯而已矣、且以後于晉文、夫晉文之伯、猶節制而當之以權也、今賢王之權在天皇、于王何有、若淵默而修德、則賢王之權歸矣、韓王曰善、

寵幸

韓王有玉壺紫英二姬寵冠于宮。二姬聞徵君之賢也，求韓王聘之。徵君見韓王于黃翼之樓。二姬隱于雕屏，窺而巧笑。徵君謂韓王曰：「隱屏者誰與？」韓王曰：「此寡人寵姬也。」慕徵君之令名，故隱屏而窺耳。徵君曰：「笑臣者誰？」與韓王曰：「卽隱屏之姬也。」徵君作色而對曰：「臣雖猥士，不能笑諸侯而乃爲二姬笑，臣何以賓於王乎？」韓王曰：「徵君何固之甚也？」寡人之愚妾，不以一笑而辱徵君，夫笑妾婦之庸態也。徵君以妾婦之庸態而罪寡人之姬，何弗裕也？」徵君默。韓王乃命

二姬出見徵君。二姬又隱袖而笑。徵君曰：夫以王之
二姬，猶能辱憲，況諸侯乎？臣敢辭矣。二姬寤其意，乃
向屏而泣。徵君曰：二姬尚弱，是笑也，不以臣累。臣于
其泣而見也。韓王解容，置醴酒以宴之。命二姬奏樂
於屏。五舉蠆而樂不奏。韓王又命之二姬對曰：妾恐
辱徵君也。樂之音重于笑。徵君之辱亦重于笑。是妾
有笑罪。君不命妾之贖而又重之。妾以爲徵君無所
報于韓矣。徵君曰：嗟乎！二姬之用智，臣不若也。王能
馭之，則韓國必強。不然，王其荒乎？何以能國？韓王曰：

寡人命二妾奏樂以徵君無命故懼而弗樂也焉用
智哉徵君對曰昔者周幽王之姬曰褒姒美而不笑
然國之危也卒由於笑故諸侯之不可笑猶士也今
二姬之笑有褒姒之所不爲者而反無周之危故笑
而知其侮泣而知其弱辭樂而知其智韓王曰寡人
命之樂而罰之以達旦何智之敢用也於是玉壺沉
瑟紫英彈箜篌以觴奉徵君酒激于地徵君曰臣不
敢飲韓王曰何以不敢曰以賢王之尊不能使二姬
觴反代二姬以觴臣何王之自卑而崇寵也臣故不

飲韓王曰寡人命二姬觴徵君疑而不飲寡人是以
觴之意者寡人取二姬之觴徵君又疑耶取觴而飲
寡人亦唯是解疑於徵君耳豈崇寵而自卑乎寡人
得二姬實美而貞淑又飾之以音寡人是密非以偕
樂也而徵君疑之且以難使二姬懟寡人是徵君之
捐過矣徵君辟席而對曰噫王之二姬臣實不知其
美也臣之所美與王不類有名曰仁狀若慶雲容若
幽蘭藹若陽春使之輔諸侯則百姓懷之而頌音作
九夷八蠻皆來朝有名曰義狀若凜霜容若青松厲

若秋宇使之輔諸侯則禁淫慝誅暴亂使盜跖可化
爲伯夷此二姬者臣之所美也若王之姬朝不過絲
竹之奉夜不過枕席之安弛庶政棄百姓禍足以亡
國故珠玉爲塵錦鍊爲灰綺幕鏤床棲于浮雲寶瑟
笙篴寂于煙露富貴之樂于王何有哉王不寵仁義
而昵冶容臣竊以爲賢王之蠱也韓王有慚色徵君
辭酒下階而出韓王送於宮門顧左右曰寡人今日
得聞仁義之美也二姬怨而讒之

智論

徵君憂二姬之讒復說韓王曰夫尺蠖蜉蝣同出于陽而不爲尺蠖之鳴黃雀青蜓同翔于空而不爲黃雀之舉鯢魚蝮蛇同潛于水而不爲鯢魚之化若此者豈限于物力哉氣使然也故蜉蝣之安于默蜻蜓之限于飛蝮蛇之困于遊者彼亦烏知尺蠖之鳴黃雀之舉而鯢魚之化也唯不知故以類羣而不羣是萬物之淑慝皆以無所知而能相安也使其有所知則必慕慕則必傾焉惟人靈覺于物故無大愚亦無大智無大智故有知而不慕有慕而不傾有傾而不

殆有殆而不窮窮則必復若乎王素主之於凡庶惟
無所大知是以賤而莫知其所以貴貧而莫知其所
以富陋而莫知其所以撈勞而莫知其所以逸困而
莫知其所以亨變化若神動靜若運凡庶惟羣處囂
囂然以顓之爾矣昔傲象之於重華也無大智故得
以靖而不夷魍虎之於仲尼也無大智故得以康而
不隕項籍之於高祖也無大智故得以興而不復雖
德與智合以光耀于天下而銘偉功亦命使之然也
豈惟乎王素主之異于凡庶哉今有愚夫老於田野

與子孫守十金之產而盜賊不攘其室者亦盜賊無
大智也。況於受命之主乎。今賢王居必伯之國受世
昌之封膏腴之沃壤七百餘里雖周之申伯鄧侯未
有若賢王之隆也。夫南陽雖封於先王而實天之所
賜賢王欲乘而興之甚易也。以賢王之明而失可伯
之時是使齊桓晉文笑於前秦孝公齊威王議於後
無乃棄天之賜而削先王之封乎。願王恭禮天下之
士以結其心遠內嬖之讒以清其志則天下士必奮
然樂爲之用而賢王之名尊矣。此鄙臣所以媿爽而

長歎也王其熟慮焉韓王曰善

讒說

二姬以計去徵君讒于韓王曰妾聞諸侯皆寧則不可畜士以養彘百姓皆瞻則不可逞志以求危今王室無東遷之弱藩籬無犬吠之儆君何慮之過也以君之賢而安享大國天皇之寵賜日盈于君身雖河間東平之寵不能加於君也君之倉廩蓄以百萬宮室之麗積以蜀青玩好之器來自絕國鐘鼓簫瑟之聲畢陳於前妾得侍于君之掌下以供娛樂是諸侯

之安富尊榮亦莫有加于君者也。君享千歲之祿而爲終身之樂以昌後嗣，不亦善乎？今遊說之士不顧君之後嗣而取耀于目前，非忠也。不憂王室之亂而勤王以圖伯謀，不測之功非義也。而且不智，是以磨舌於諸侯，以要顯譽，釣空業而爲賢進，而若惴退而若憂得齊之情而泄于楚，得楚之計而通于秦。在路則御者爭之而不耻，在國則順者揖之而不額。吐譚縱橫，乍喜乍怒，似蘇秦蔡澤之詭行也。以妾料之，不過假諸侯之顏色而求餌于四方，豈能益人之國家。

哉。君速布令于國中，以屏遊士之跡，且無潛於鄰壤。是絕釁也。逐說而絕釁，則君與妾均是福也。幸無忽焉。韓王曰：「予素不昵，故說士不遊于國。向者徵君謁予而諷以汝二姬，故汝不忘疇昔之泣，而加惡耶？夫徵君非口舌之士也，其德足以馨於天子，其才足以賓於諸侯，其志足以潤於百姓，其謀足以安于社稷，不可惡也。予其亮於是。」汝二姬毋佞。明年韓王遊雲夢之山，與徵君同車。二姬怨王，作別鸞之歌。歌曰：「雙鸞遊兮紫庭，朝嚨嚨兮春陽。鳳舉兮雲夢，悵寂寞兮

哀鳴歌竟遂縊于宮樹而死

愛憎

韓王與徵君遊雲夢之山將遊鹿臺韓王聞二姬死
謂徵君曰咨乃命左右旋駕徵君因問韓王曰王之
歸爲二姬乎不然何返駕而罷鹿臺之遊也王若歸
則二姬生矣臣不能從王以歸而待王于鹿臺可乎
韓王流涕而道曰寡人不敢匿所愛也寡人處宮二
姬不踈于側嬖則忘酣臥則忘夢是二姬之事寡人
若影之附于形也今寡人之出不謀二姬以寡人是

懟遂哀歌而死是寡人若行陰雪中而不覺形影之
離也徵君對曰王爲雲夢之遊也何不舍臣而携二
姬乎臣以爲王之忍也韓王曰寡人辟暑乎豐山二
姬進清冷之泉寡人遊丹水之上二姬進丹魚寡人
泛于伊洛二姬進魴鯉寡人田于狼臯二姬進雉羹
是寡人與二姬亦嘗爲此樂也今雲夢之遊寡人以
徵君在故二姬不得侍二姬死寡人雖有畫眉之妾
五七卷髻之女二八亦無以爲也徵君對曰王以二
姬之死猶鬱而戚而繼之以涕今有賢者爲飯牛之

歌而不得君。死于國門之內。王聞其士之死。亦戚然而垂涕乎。韓王曰。然徵君曰。使王之遊。旣無從士。又無寵姬。王荒而弗返。士與姬怨。姬死于宮。士死于境。王聞之。將憂士乎。抑憂姬乎。韓王曰。士與姬皆寡人之腹心也。其生也偕樂。其死也偕戚。寡人奚擇焉。徵君曰。夫從事于王者。內則姬焉。外則士焉。士必懼其讒。姬必憎其狎。由此觀之。王之左右。士與姬不能並也。王命駕而遊。姬在爲士者。憤而死之。苟逢於王。王亦能以寵士之情。勸于姬而垂涕乎。王雖憂士之死。

必不向素憎之姬而涕也。夫涕哀之跡也。小哀則戚，大哀則涕。不可僞也。王之于姬，臣以哀而知王之戚，以涕而知王之信。何王之寵士不如姬乎？臣今從遊于雲夢之山，王以臣之故而舍姬，姬亦以臣之故而怨王，是二姬爲臣而死也。不然，何王向臣而涕，有悔用臣之心，臣其危乎？韓王默然良久而言曰：寡人豈以二姬之死而遂謝天下士乎？徵君其無疑寡人也。遂遊鹿臺而還。

論學

韓王好淮南之學問于徵君曰淮南之學其博于孔子乎徵君曰臣未之敢聞也韓王曰昔有東方之客曰無閭生七歲而雋讀書于無閭之岳容若處女東人皆以爲玉鳧也寡人覲之問以學其言曰臣有淮南之學而去其智則善矣是以寡人好之夫無閭生學於無閭必其以孔子爲師也而乃稱淮南之學可謂不博於孔子乎徵君對曰無閭生卽臣之弟子李平也今從臣于王之國臣聞其以庖希之學孔子之道而宗之若淮南則固蔑之矣何取于博韓王軒然

仰笑而墮冠曰徵君果以無閭生爲弟子耶寡人親聘之以論古學徵君曰王雖得無閭生不能用也韓王於是益遇無閭生無閭生謂韓王曰王何忘臣之言乎韓王曰何爲其然也無閭生曰昔者王以淮南之事問臣臣曰淮南漢之宗室也讀書三璧文如貫虹然卒以滅身而亡國此非君臣之義不明也由學博而貪生智陋而昧時勢也若淮南之學博而約于衷騁而歸于性成章而潤于質則令名昭揚而可以帝漢矣不然亦足以延子孫而光輔乎漢室于今猶

賴焉此臣之昔日之論也而王忘之非所謂善用其
言者也昔有越人行舟而遇低梁望之乃石梁也溢
于潮梁不沒者三尺舟不得進越人鑿其梁力竭而
斃頃之潮涸後有涉梁者又待潮而不進有漁者曰
子何不踰梁而待潮乎若不踰梁而待是使越人笑
于梁烏得爲善用其舟乎今王用臣之言而復爲越
人鑿梁之計謂其賢于鴟夷而忽漁者之論也臣竊
惑焉韓王拊髀歎曰善乎子之諷也寡人將委心於
子矣無間生曰臣師徵君以二姬故而王疎之何也

韓王曰寡人何敢疎徵君哉二姬失亡實戚寡人子
事徵君寡人亦不以子諒又不能以子而諒徵君故
寡人三陳醢而徵君不享也子幸教寡人敢不勉矣
是歲日食旣君子曰易明式徵

難進

徵君七日不見韓王王謂左右曰徵君以二姬之故
七日不臨何捐棄也左右告徵君徵君答曰甫欲見
王竊恐王之心未解也夫人之所交其易合者必易
絕故孔子去衛其難合者必不易絕故寧戚曲干乎

齊而後相。難易在君。士因之而潔名以保身焉爾矣。雖然。夫賢士行一志也。亦視其所向而爲之舉。憂樂者。吾道之門也。故愛其士。則不輕用其道。樂其士。則不驟違其志。不輕用其道。則士益尊。不驟違其志。則士益忠。士益尊。故寵有所不能移也。士益忠。故讒有所不能間也。甫見王之蠱於前。而哀於後。是耗氣徇志之端也。耗氣而未絕者。必乍明而乍昏。徇志而未匱者。必乍強而乍弱。此之謂失經。失經則政事不平。刑罰不當。天下士豈復有樂爲之用哉。所以鼓琴七

日而杜跡于王之庭也。夫君子虛以照物，宏以納機，
倜以出滯，公以應化，故能保其國家。今王之心度實，
有梏焉，召而後見，時或舉二姬於心，況不召而往，見
胡可暢也。得無惡乎？左右以其言復于韓王。王以牢
享之，侍而問政。朞月而韓國無冤民，有司廉道不拾。
遺楚人進羅氏之女，倚風于王。王立爲姬而寵之。

妖孽

徵君遊崆峒之山，見一老者祭一古塚，祝曰：「炎炎之
室，其棟將頽，田爲戰場，奸雄啼徵。君聞而怪之，命從

者詆其故、時陰風南來、黃雲夕暝、二老號哭、遂化爲
鳩、飛于巖木之顛、從者匍匐而告曰、此何異也、徵君
曰、吾聞國將亡、聽于神、今二老之譏、非人之言也、又
化而爲鳩、其恠也甚矣、夫九陽之窮也、依鳥而爲鳩、
鳩有利口、是傾國之象也、由是觀之、王室其將亂乎、
今外戚盛而主柄移、羗虜獷而皇威伏、賦歛急而頌
聲息、災異虐而德音乖、雲擾之禍、釀于朝夕、可坐而
待也、諸侯之賢者、及是時布德而施惠、招賢而下士、
分祿帛于無告之衆、以固懷其心、窺王室之動靜而

陰鎮之弱則單力而扶危則倚名而舉誅戮愛臣翦滅汙吏攘外夷而固中原盟諸侯而定雄業此誠一時之策也。今以韓國之勢乘而舉之若飄雲之遇風奔流之赴壑孰能禦之哉。此二老所以號哭而寒心也。言未卒二鳩長鳴而逝。徵君顧從者曰昔子房受書于圯上之老人而知漢賴以興。余聞謠于崆峒之二老而知漢因以亡。小子其識之乎。

世子

韓王世子卒徵君哀其賢而哭之左權周岑曰子哭

世子也爲其賢乎徵君曰然曰子之賓於韓世子未
有重焉又弱而好音色日與左右鬪鷄走犬以爲遊
狎之樂此薄德也子奚賢之曰韓王暑而求凍饌世
子以私財作冰室取羹饌而藏之旣凍乃進于王韓
王說爲之賦懷冰美世子也及世子卒倚風去冰室
而命築鏡妝之臺甫是以悲爾周岑曰子何不諫曰
乎也其在乎乎也其在乎

賢妃

韓王夢二姬與之遊王驚倚風侍寢而撫曰君寐弗

寧何謂也。王曰：吾方與玉壺紫英遊於香圃，臨翠華之池，二姬乘舟采荷而墮。吾是以驚嗟乎！二姬死矣，猶與夢寐。何婉孌也！倚風出幃，秉燭而諫曰：妾以爲君之夢商巖也，而君云云，是二姬旣死，猶不愛君，況其生乎？妾亦臣僕也，不敢以色誤君。生不願爲二姬伎，死不願爲二姬遊。君之明德，胡可障也？妾今得幸於君，苟不自善，則天下亦必以妾之故而笑君。猶二姬也。妾聞二姬有固寵之過，有毀善之愆，而又有怨君之戾，以怨而死，何德焉？今又蠱君于夢寐，妾以爲

君之思必深也。以是心而思士其高宗乎。妾昧死瀆
君君其念之王笑曰。吾有汝以佐內。徵君以佐外。夫
奚憂乎。倚風曰。妾聞關雎之詩何義也。王異之曰。汝
聞殆及此乎。吾聞徵君云。夫風始于關雎。基風化也。
哀窈窕而不淫其色。思賢才而不傷乎善。以之風諸
民而民化。以之和諸樂而樂隆。周之王業原始要終
罔非善也。是故關雎者。禮樂之原也。文王以懿賡之
德。猶不自聖。惟后妃是求。以佐陽政。故正王宮而風
天下。則文王之爲也。吾誦關雎而思文王乎。事殷之

心不渝於夫婦而化洽中國此所以爲文王也夫是
之謂關雎倚風曰君笑不哀窈窕而思賢才乎王怒
曰汝烏知吾之不哀而思也倚風頓足而言曰二姬
怨于君而君哀之其死也負于君而君思之妾是以
測君未能也王乃歎曰吾不穀天賜以諍姬是吾福
也遂置酒作樂命左右歌關雎之章雍雍堂下韓王
與倚風撫瑟而和之王謂左右曰寡人無句踐之耻
而竊有志焉乃酌酒于楹左右皆觴之謝曰臣不敢
盡命也是歲韓國大稔諸侯聞韓王得懿姬咸以千

金擣於四方如韓之倚風者于是國人薦于市農舉
于野布令累月醜美女者乘載于路韓王聞之笑謂
左右曰寡人得羅氏之女方諸二姬何如左右皆曰
二姬美而未仁若倚風則仁美兼之豈惟傾韓之宮
哉雖吳越燕趙之產不能匹也故諸侯咸以千金索
其姬必欲如君之倚風而後爲美是以國鄙之女有
一目一睂之麗者悉進于宮雖然如倚風者臣未之
聞焉夫倚風天下之寶也而君得之諸侯流聞皆慕
君之咏關雎也君亦唯是儀刑于宮闈毋荒其色毋

耽其宴毋淹其鄭聲以勤樹公室不亦顯乎且徵君
有顏回墨翟之賢賓于茲國諸侯若失重負由此觀
之雌雄之形決矣況諸侯之富皆埒王室求如倚風
者易而求如徵君者難君勿忽焉何以明其然也昔
者文王拘羑之時凡迎紂之欲以釋文王者豈皆后
妃之力耶賢佐之謀不可誣也君得倚風而委以宮
若國之大議必賢者佐于外然後可今君之得徵君
也不能虛腹以下之委政以隆之坐謀以詢之使諸
侯倚藩籬而觀笑此臣等所以不忘君之誓而隳肝

膽於前也。君有其國而無其土壤，不可謂定。有諸侯之爵而無其人民，不可謂貴。是勢不在君。君安得而守之？王室將有累卵之危，苟一日謝于天下，又何所恃乎？周公之攝非篡也。成王弱也，桓文之興非逆也。周室替也，故聖人權時而體運，豈能與繩墨之士同哉？君不可不熟計也。王不聽，是歲楚人求睦于韓。韓王問于徵君，將以辭使以楚書有盟意也。徵君對韓王曰：「諸侯相睦，禮也。禮不可失于諸侯，失則隣國之使不人于韓之疆矣。不入則韓必孤，奈諸侯何？韓王

乃享其使而報之

嫡庶

韓王欲以倚風爲夫人莊白諫曰不可夫先王因名以定分使尊卑貴賤無相瀆也是故內有后妃嬪御以佐內政宣陰鬱也外有公卿大夫郎官之屬以贊外務暢陽蔚也故天子以諸侯爲級有級而後有序有序而後有則和斯交焉故天子之于后猶諸侯之于夫人也聘以示禮宴以示好居正以示位告廟以示宗親蠶以示勤故能爲天下母諸侯亦然禮有之

曰諸侯耕助以供粢盛夫人蠶繅以爲衣服唯齊體
於君是以光佐於內而致享於神祇也由此觀之嫡
庶者禮之經也不可亂也故嫡有庶而無降庶有寵
而無隆寵之以色則不可踰於恩寵之以賢則不可
瀆於禮夫禮名之防也天子以禮防兆民諸侯以禮
防國卿大夫以禮防家士庶人以禮防身皆所以防
乎名也瀆禮則名潰名潰則不尊不尊則悖悖則淫
淫則狎侮刑罰而爲天下辱此國家危亡之形色也
昔桓公葵丘之會曰以妾爲妻則伐之非私典也所

以尊王禁也。今倚風處君之宮，執庶之職。賢聞諸侯君之明亦孚矣，倚風美而有娠，君之寵亦孚矣。夫美而賢端也，執庶恭也。君欲一朝而隆之，無乃不可乎？執是名也，不足以爲君重，而隆是名也，亦不足以爲姬重。且以玷姬之名，累姬之美，而返譽于諸侯，卽臣見韓國之日卑也。君其慎之。王不聽，乃訪于徵君。對曰：臣何必言？韓王曰：何謂也？曰：臣聞莊子諫王是也，臣故不言。韓王曰：然則寡人爲何如也？曰：以王之所爲，子其晉文乎？王悟而悔之。

奪嫡

徵君見韓王、坐而論政、乃設五噏以動王、王喜而飲酒、倚風鼓琴于宮、學關雎之音、徵君聞之、叱曰、是琴也、始作有仁鵠之聲、繼而有鳴鵲捕物之聲、誰其鼓之、誰其鼓之、韓王笑曰、此寡人之寵姬倚風也、徵君曰、然則何爲而琴關雎之詩乎、曰、此其所嗜也、徵君曰、不可、夫關雎之詩、詠后妃也、亦惟后妃得而琴之、若倚風、雖賢妾也、妾何得而述關雎乎、下凌上、卑越尊、不可謂順、臣聞倚風之好爲關雎久矣、王以爲賢

臣竊以爲憂也。夫瑟以發音，音以昭志，志伏于內，則瑟之音平以和；志戰于外，則瑟之音激以乖。今姬也有戰志，王之夫人其將殆乎！以姬之淑而播釁於瑟，非祥之徵也。夫釁不可長，以寵而長釁，是玩百姓而瀆諸侯，且以倍盟誓，王何利焉？王若從其所誓，則四鄙之諸侯皆欲無禮於王，而天下之謀士去矣。昔周之東遷也，猶依晉鄙以爲固。今王室微弱，所望而依者諸侯也。以韓之強，王將修政之不暇，而驟以一寵隳其紀綱，則千歲後王室卒不能向韓而依矣。何韓

之大國而不晉鄙也。臣不佞。寄食于諸侯。亦視王之
此舉以爲去就。弗敢阿也。倚風聞之。歎曰。事不立矣。
徵君出。有嬖人譏于倚風曰。以夫人之賢而處卑位。
雖有懿德婉行。不能範于國。竊爲夫人惜之。今乘君
之寵幸而弗自圖。恐華落不再。榮而嬖好之。怨踵矣。
徵君固賤士也。聞夫人之鼓琴而驟諫。彼將以二姬
待夫人。耻孰孔焉。夫人欲得志于宮。必去徵君而後
可。倚風曰。君今聽其計。爲之奈何。嬖人曰。夫人尚可
爲也。君嘗與夫人宴碧華之池。夫人是時宜窺君之

酣而泣于前曰。妾處幽獨。被日月之末光。得奉箕箒之役。舉宮無間言。妾何幸有此譽也。君亦不以妾之賤而殘其寵。欲舉妾有不次之恩。以爲君重妾實非薄。不敢仰手而承也。側聞徵君短妾於前而結君之左右。君信以爲讜。是妾罪也。然以君之明。不能照妾而使爲士者謗于道路。以傷君之明。君何以一妾而自累也。願君賜妾以死。無使賢士曠于市朝。以爲君辱。昔二姬之死。愛君也不可謂怨。妾欲與二姬遊于泉下。以觀多士之集韓國也。夫人以此說君。君必啓

前之心而去之此堅寵隆愛之計也倚風曰然計其
中矣明日王果與倚風宴遊碧華池倚風如嬖人之
言以慙倚風泣王亦泣遂議立倚風爲夫人是歲徵
君行

天祿閣外史卷二

賓魯文

辭受

微君去韓魯聘先諸侯而至乃不入魏而之魯宿于
濟陰有盜者竊其笈從者曰子窮矣微君曰是何足
以窮我哉夫君子達于內而窮于外樂于心而困于
跡此負道者之爲也如是甫焉往而不窮故游諸侯
而不得志是吾窮也頃有韓使至餽百金以爲贐微
君不受從者曰若子其矯者也子欲以忠信爲笈仁

義爲贖則弟子之從子也。安能食子之忠信。飲子之仁義而免其饑餓耶。吾聞君子出而不行其素則寄口于諸侯以爲資身之策。故仲尼有絕糧之窮。孟子有受贖之義。窮則執餽則受禮也。子奚猶介而自困其身乎。智者不爲也。徵君曰噫。是何言之陋也。汝不能食甫以忠信。飲甫以仁義而欲寄口于諸侯以免死于道。是從遊者皆乞人之徒也。乞人一日不得食則餓死溝壑。是欲寄口而不可得也。汝必爲乞人之計。則簞食豆羹之間。殆有甚于乞者。汝亦畏死而取

之耶。充以乞人之心。則盜跖之貪爲是。而伯夷之廉爲非。是盜跖何智。而伯夷何愚也。今有伯夷爲師。而盜跖爲弟子。可乎。汝以仲尼之絕糧爲窮。孟軻之受臠爲義。而病甫也。不知仲尼獲麟出涕曰。吾道窮矣。又曰。欲仁而得仁。又焉貪。孟軻曰。萬鍾于我何加焉。由是觀之。仲尼亦未嘗以絕糧爲窮。而孟軻未嘗以受臠爲義也。且孟軻之受臠于宋。蓋有故矣。當是時。宋之君于孟軻未疏也。在國無嬖人之讒。去國非簡賢之故。是以受宋之臠而不辭也。不然。何却齊之兼。

金辭齊之萬鍾而綽綽乎有餘裕哉。今韓之遇甫也，以好色之心，好士而無惇誠，內蔽于讒，外障于佞，若之何就之？甫是以去韓而賓魯，不幸遇盜，日中無餐，僕有饑色，車不接羣，空笈而往。韓王適餽甫以金，此稱義之福塗也。甫之不受，又何疑焉？夫矢志于韓而受其餽，是猶魚之失水于淵而又吞其餌也。受餽者傷于義，吞餌者傷于舌，其貪均也。汝欲甫受韓王之餽而自同于吞餌之魚，死則免矣，其如義何？韓使爲之於邑，乃棄馬而還。魯人聞而餽粟，徵君受之，曰：義

也
聞邪

天皇祀老子于宮中、自謂紫微玉真帝君、羣臣上表稱賀、李固諫曰、臣聞陛下以聖德自崇、而仰建乎極、此不可以爲號也、昔我孝武皇帝、講求神仙、肆興土木、六經表章而未旌、是以方遊之士、踵跡而進、以師事之、及其徂落、天下稱武而不稱真者、以天子無遠民以自崇也、陛下卽位以來、國無寧歲、匈奴諸種、鴈行而入、寇雨雹日食地震太白熒惑水旱之變、不及

奏宮廟陵闕之火不及聞。負比干之忠者。或幽于請室。張如簧之巧者。或臥于廟堂。臣竊思之。可爲寒心哉。陛下誠宜恢裕德化。振肅綱紀。以消汙穢。鬱濁之氣。朝夕儆惕。居之以恭敬無怠。然猶未能挽漢室之隆也。今又崇禮老子。表立彛號。情萬幾之憂。易百姓之望。非所以熙光于祖宗。而垂聲于後世。臣以菲劣之才。忝列三朝。顧無尺忠寸直。以報陛下。亦無諛媚之行。以爲陛下辱。然臣隱忍于質帝之秋。而欲效忠於陛下之朝者。亦有待也。臣今吐心裂腹。以覺悟陛下。

下陛下不以爲然。老子不能爲陛下忠。陛下反屈膝而師之。以重爲權。奸之竊笑。此微臣所以憤懣而流涕也。使老子有知。必以臣言爲是。而亦不享陛下之祠矣。夫陛下疎周孔之道。而親老氏之術。臣恐天下搢紳之士。翕然嚮風。皆舍儒而崇老。以竄朝廷。此非陛下之福也。書奏。帝不納。徵君聞之。謂李平曰。嗟乎。難日至矣。

洎曰。李平此疏。考之漢書。皆無所據。若爲漢之遺史。則范蔚宗失之多矣。大抵外史所載。往往不可

考陸宣公獨謂此史疑晉人所記而述者不無見也然李公此疏較諸漢書諸議文更雄雅

時勢

徵君見魯王魯王築五丈之臺以延賓客賓客聞而
來者揚眉洗舌各負霸王之策持長短之譚而求得
志于魯魯王大酺賓客奏樂于臺下賓客以卮爲魯
王壽而言曰今日之會臣等何幸而廁于大王之末
也王以爲天下之勢孰強孰弱天下之國孰大孰小
天下之士孰智孰愚天下之民孰衆孰寡魯王默然

久之乃答曰寡人處蕞爾之國不能揣天下之形情
我先君封于魯非周公之子孫而享其茅土然先王
之化至今賴之寡人是以修過於四方之士借光於
藩封之列宣揚文武以來衛王室無使豪傑之議其
後爲天下戮笑此寡人之願也今者築臺以延士而
天下士歸焉不以寡人是棄寡人辱以五鼎之宴而
天下士樂焉不以寡人是誹以魯之民人寄於不穀
之一人亦惟朝夕懼慄而求四方之規寡人也先王
其若之何客曰大王知食葉之虫乎有數仞之木其

葉扶疎。油然而陰。人皆以爲值寒而凋。待黃而落也。方其五六月之間。虫生其下。以枯葉綢繆而爲巢。附絲于枝上。潛飲朝露。以爲無傷其木也。不知旬日之內。其葉稀稀。其木濯濯。向也扶疎而成陰。今則頽然而無葉矣。其所傷者。卽其所棲而爲蔭者也。夫虫依乎木而亦傷乎木。豈其心哉。所食在此。固不能舍木而求食也。然則一虫之微。非能傷乎數仞之木。一木之傷。亦非一虫之力也。木之質不彊。而所蔭之葉。徒足以資餓虫耳。故葉欲榮。則虫益附。葉欲凋。則虫益

食其勢然也。豈惟食葉之虫乎？有三寸之魚，畜乎方
渚，憑依乎茂藻之間，蕩漾乎回瀾之際，以爲是魚之
所逝而息也。不知苑囿潰于淫雨，而方渚之波通於
川瀆，而魚皆掉尾而去，遑逝乎江湖，旁泛乎數澤，而
東躍乎滄海，若鯢之變化而飛翔焉。雲行雨施，周流
八埏，而鼓動宇內之萬物，是其在渚也。安于渚而不
知海，其在海也。又安于海而忘渚也。亦其勢然也。吾
聞聖人觀魚虫之所靜，而知其所動，故一弛一張，或
柔或剛，伸縮無迹，動靜無方。亂世則爲魚虫，治世則

爲侯王吸而爲秋陰呼而爲春陽其變化也莫知其
涯故聖人之顯烈無窮焉王何不爲聖烈之跡而忍
魚虫之舉也夫天下之勢皆強而吾獨弱則弱者持
其勝天下之國皆大而吾獨小則小者固其患天下
之士皆智而吾獨愚則愚者保其名天下之民皆衆
而吾獨寡則寡者守其要魯小國也勢弱而民寡有
君子而無智士不能起釁於大國大國方以藩屏之
職是效而無事于攻伐乘此而修德何民不服乘此
而畜衆何民不强乘此而治旅何兵不銳不於此時

圖昌後之策。陰修仁義。非乘時之雄也。大王其熟慮焉。魯王曰。昔齊桓有葵丘之會。晉文有踐土之盟。彼二君者。皆尊周而攘夷。遂爲霸王。寡人欲修桓文之絕業。不亦可乎。客曰。夫以大王之賢。附天子之光。擁魯國之地。有徐兗之饒。河濟之利。龜蒙之限。以爲固。修德而舉。桓文不足爲也。其奈大王何。魯王不能對。徵君拂纓而前曰。何爲其然也。昔周室旣卑。封建之國。皆爲戰場。商鞅。范雎。儀秦之徒。相踵而入。弄轉圜之舌。以遊說諸侯。天下莫當焉。彼得行其說者。亦時

也。今天下烏可比肩而語哉。子欲以儀秦之術行於成康之世。猶鷹隼之羣而爭於鸞鳳之林。其不然亦明矣。且憲也。聞之。識時者不先乎衆。成事者不謀于家。此豪傑之用心也。以若所云。不足以重魯而適足以重魯。又何賴焉。魯王稽首再拜曰。都寡人今日得聞先生之誨。敢密厥志矣。

樂論

魯王享徵君於南宮。陳大佾之樂。魯王問曰。今日之宴得無欣乎。徵君謝曰。可以娛臣之耳矣。徵君乃命

樂工舞於階。其儀蹠蹠。其羽揚揚。魯君曰。韶舞何如。
焉。徵君謝曰。可以娛臣之目矣。夫樂至于娛心而後
和。和而後化。于羽格苗。鳳凰儀韶。淫魚聽瑟。孟春泣
琴。豈耳目所能感哉。今王以耳目之樂爲心娛。臣是
以不敢隱也。魯王曰。敢問娛心之樂。徵君避席而對。
曰。駿哉王之問也。夫王人者。營政三年而作禮。積德
十年而作樂。樂也者。禮之極也。形于舞蹈而合乎性。
和于上下而合乎治。雍容而合乎德。無言而合乎化。
使歌者忘其聲。舞者忘其態。觀者忘其揖讓。和而不

淫。怡而不縱。故禮極而樂隆。是故郊社之樂。所以和
神祇也。宗廟之樂。所以和昭穆也。宴饗之樂。所以和
諸侯而洽賓旅也。和之以心。暢之以八音。如春陽之
鼓萌蘖。時雨之沐萬物。此之謂娛心之樂。魯王曰善。

士論

魯王疑士。問於左權曰。士之遊於諸侯。利歟。否歟。左
權對曰。得其士則利。不得其士則替。故諸侯之不可
失士。猶嬰兒之不可失乳也。失乳而生者有矣。未有
失士而利者也。臣聞陳軫云。夫諸侯以士爲體。故動

無異形以士爲心。故謀無異慮。好士者如飲甘羹。擇士者如調亂絃。此言士之重于諸侯也。魯王曰。士不同與。曰。雖可以利諸侯者亦不同焉。臣聞得賢士者興。得謀士者固。得辯士者達。得勇士者強。得藝士者揚。五者可以定利諸侯之士也。昔孔子以道游諸侯。墨翟以仁遊諸侯。管仲季札端木賜孟軻荀卿以禮義遊諸侯。范文子趙衰晏嬰范蠡樂毅魯仲連以智遊諸侯。商鞅毛遂荊軻藺相如之徒。以信術遊諸侯。廉頗趙奢孫臏吳起司馬穰苴李牧養由基孫武子。

之徒以兵術遊諸侯。蘇秦、張儀、公孫衍、蔡澤、陳軫、代厲之徒，以縱橫遊諸侯，以道遊諸侯者，諸侯師之以縱橫遊諸侯者，諸侯役之；士役于諸侯，則馳辨無端策發慮無忠謀。故曰：一激之怒，炎于火；三寸之舌，芒於劍。是以身危而功不成，大焉利于諸侯哉。魯王曰：寡人得徵君，果利于魯乎？曰：徵君，師也。臣不敢譽。曰：苟爽何如？曰：爽，臣之甥也。使之輔賢王，可以膺一面之寄，盜賊不敢棲蒙山而窺魯。王其聘之。魯王歎曰：舉不諱親忠也。不譽其師，敦也。子之器足以輔寡人。

矣。是歲魯王田于曹南，獲龜以歸。

玉論

魯王愛玉，有楚人持玉鼎以進曰：「此荆山之美玉也。君能愛乎？」魯王笑曰：「寡人聞荆山之玉，卞和得之而獻楚王，其後也。秦人復得之，奚其爲荆山乎？夫地不再產，胡能復得耶？」楚人曰：「夫荆山之所生者，非特和氏之一璧也。君何以荆山爲無玉乎？荆玉之鼎，楚產也，而君疑之。若夫璵出于魯，昔有倚頓得之以爲鳧杯，其妾視之，誤毀諸地，是魯璵無倚頓之杯久矣。今

有人持璞璵以進。君亦以爲魯無璵。璧可乎。夫地之所產不盡出。王之所藏不盡用也。豈惟荆魯之玉爲然哉。若魯國賢士之藪也。今君以爲地不再產。則展禽之後。魯無孔子。孔子之後。魯無顏淵。顏淵之後。魯無閔損。閔損之後。魯無子羽。子羽之後。魯無秦非。秦非之後。魯無曾點。曾點之後。魯無子思。子思之後。魯無孟軻。孟軻之後。魯無叔孫通。戚鱗。高堂生。孔安國。韋賢。疏廣。匡衡。曹褒之屬矣。是今之生於魯國者。皆魯璵之沙也。遊于魯國者。皆荆山之石也。奚玉之爲。

臣請完鼎而返楚。無使魯庭有別足之刑。而荆山有泣玉之士也。魯王慚。乃命左右以千金價之。左右曰。昔者燕昭王以千金致士。今君以千金致玉。臣恐天下懷寶之士。皆倚昭王之臺而笑矣。致玉而笑士。何利焉。王不聽。

洎曰。此等文章。全是戰國策。其一篇主意。又絕類李斯上秦皇書。更出一機局。便覺文氣奇逸。但內有展禽之後一段文字。頗類滑稽體。學古者當自識之。

重賢

魯王得楚人之玉謂張裘曰昔卞和獻玉于楚王楚王却又刖其足以示衆夫却玉不明也刖士不仁也今寡人好玉楚人以荆山之玉進寡人賞以千金是卞和不幸而遇楚王也由此觀之寡人其優乎張裘對曰王不如也魯王曰何爲不如曰臣以爲楚王之功也故不如夫得玉不足以強國王知之乎知強國者不以玉則楚王之却不可謂不明也刖士而絕佞人不可謂不仁也當是時使和氏進一荆山之士于

楚王則亦不待三獻而三却也。況別之乎。今魯國之士抱器而進于王。非特楚人之玉也。而王不賞之。獨何與。王自以爲遇王之禮過於楚王。待楚人之禮過於和氏。而不知王之戮于天下士也。有甚于別是士之抱器而歎。亦有甚于和氏者乎。何王之明于玉而闇于士也。故曰臣以爲王不如也。魯王勃然變色而言曰。子何以寡人訕也。寡人好士。築五丈之臺而延賓客。叔度不至。寡人聘之。叔度至。寡人饗之。何謂不遇哉。曰王之遇叔度。特楚人之遇耳。遇楚人而猶寵

其玉今遇叔度而不能寵其道。可謂遇乎哉。臣竊謂
賢王不取也。魯王曰。子不誨寡人終沒沒矣。遂以楚
玉賜之。

論易

徵君將見魯王。驟雨至。居而讀易。周岑左權朱儒孔
紹祖侍坐。朱儒曰。儒聞之。古之豪傑。不以章句而媚
時。故有志者往往得奮其策。而樹功于天下。刊名於
竹帛。此豪傑之所爲也。夫子賓于魯。魯王師之出不
爲寧戚之窮。進不爲馮讎之乞。動不爲子方之驕。語

不爲韓非之激溫裕足以寧其人民忠恕足以達其
政事貞亮足以光其社稷而值多難之朝遭僭餽之
世此誠豪傑得志之秋也今夫子疎疎然闇而若拙
默而若愚終日端居而讀周易不亦鈍乎徵君曰汝
惡知哉昔者吳起以兵機見魏文侯得顯其身而卒
以自斃商鞅以刑名說秦孝公秦國治強封商於之
地秦是以有窺周室之心蘇秦以縱術說六國諸侯
得相其身然二子卒蹈車裂之禍民無思焉至于韓
非李斯劉淮南之徒皆明智而通達博文而延譽然

猶不免于顯戮此由昧易之道也故知易者善爲巧拙愚智之間隨時而動緣機而流宜柔宜剛宜弛宜張宜行宜藏宜圓宜方此之謂知易故曰知變化之道者其知神之所爲乎朱儁出周岑左權孔紹祖疑而問曰子之論易予小子不識所謂也敢問今何時哉曰蠱曰今漢室雖亂其子孫猶蕃於有商皆據必爭之國守膏腴之壤相與而輔佐之猶可濟也何謂蠱哉曰是則然矣汝獨不見蛛之結網于屋梁之隅中坐而待食自以爲安及棟梁朽而椽題傾蛛乎雖

欲寄一絲以聊適。不可獲矣。當今之世何異斯夫。
洎曰讀此可與論易理。且文思不羈。

嶧山

嶧山崩。魯王問徵君曰。天禍敝邑。嶧山崩焉。此何象也。徵君對曰。昔者秦始皇東遊鄒嶧。刻石頌功。意者天惡其侈乎。魯王曰。自秦以來。幾數百載。何及于寡人之身。嶧山始崩。寡人唯是請罪于天皇。以求附庸。除顓臾之垣而棲也。徵君對曰。昔者伯禽之爲魯公也。有民鬪于莒。魯公不能理。周公聞之而憂。以書誡

魯公曰我先王之末造也有狄之難去邠邑岐履涉
艱阻及我文考宣揚令德以受休命作邑西土猶共
侯職汝伯考嗣休奄有天下恢祖宗之烈耿光被于
民神實汝文祖伯考之績也鎬人曰予輔之自汝封
于魯邑予夙夜憂懼汝亦無怠厥德以忝我先王及
汝文祖伯考汝叔父在邠其封不遐汝亦式之以毋
貽叔父戚洛邑旣營遂荒鎬豐予又受汝伯考之命
至于今不復以汝有髦志委汝以魯之社稷以及其
故舊人民汝其念前言今莘土之人不靖舍其桑業

弛其禮讓。流言于國。無乃故舊不親。大臣不以求備于一人。以致是咎。予日念茲。若隕深淵。汝惟克勤毋怠。以鎮綏莘土之人。予言不再。魯公因是以修其禮讓。裕其桑業。故舊益親。大臣益遇。薄刑而弛禁。信民而文俗。行之三年。而魯國化。山不崩坼。水不濫溢。若此者。以國之政。魯公出之國之民。魯公治之國之官。魯公用之以魯公之賢。當周室之盛。而委國之責。不辭魯焉。得而不治哉。若今之諸侯。有祿而無壤。有壤而無民。政有司出也。民有司治也。臣天皇之命也。三

者王不得而權之。是諸侯寄於國也。非寄于諸侯者也。寄于國則魯之安危王無與焉。間者嶧山之崩。豈王之有戾政于國。而欲任其責與。此臣之所未喻也。夫古者諸侯有罪。則削其壤地。以暴過于鄰國。民亦懟之。今王畏漢室之必削。而求附庸之壤。苟與之以顓臾。亦漢室之自削耳。何足爲賢王辱無壤而求削。無民而惡辱。臣以爲賢王之計過矣。漢室昏亂。山崩川竭之災。無諸侯之國。無之。豈惟一魯國之嶧山乎。王若請罪而求削。不可以示諸侯。王其圖之。魯王曰。

嗟乎寡人小心是以請耳

洎曰此篇有周公誠百禽書與經之訓誥何異然
乃不見于尚書豈秦火之失與若失于秦火則外
史又何自而述也竊爲後學擬之

君賜

魯王以鹿羹餽徵君徵君謂使者曰憲有疾不能陳
謝亦不敢嘗使者曰君有羹惠于子豈辭一謝乎徵
君曰子知羹之爲重而惡知有重于羹者哉夫鹿羹
雖美固獸也魯王烹而薦之以鼎非土不餽餽土而

使士不及嘗奔走詣庭而謝何王之待士不如待一獸乎使者出明日使孔紹祖謝魯王魯王曰子之師奚不悅寡人也寡人餽以鹿羹之鼎受而不報又辱其使是以寡人之餽爲非禮也孔紹祖對曰臣之師也有疾適遇鼎餽之榮憂欣交洽敢不拜嘉特以疾故令臣代詣于賢王之庭而陳謝焉王母以爲簡也魯王解容而道曰叔度無深恙乎對曰鯁王之羹疾瘳其十之五嘗王之羹疾瘳其十之九其一未瘳是以不克履也魯王喜曰鼎之馨香足以瘳疾與對曰

豈惟瘳疾哉。臣聞之天子諸侯以土爲鼎。以仁義爲羹。其馨香足以薦之上帝。逢之祖考。蒸之社稷。布之民人。夫鼎之有羹也。猶土之有仁義也。鼎之馨香則王知之。何仁義之爲美。不如羹乎。是羹也。惟王與臣之師嘗之矣。魯國之民不聞其美也。若仁義之美。烹一心而暢百順。調太和而育庶物。若睹淵泉之洋洋。而渴者不及飲。觀五穀之豐茂。而饑者不及爨也。賢王何不徹其鼎而舉其土。舍其獸味而陶仁義之羹乎。魯王歎曰。吾聞聖人之後。必有賢者繼焉。其子之

外
卷二
謂矣

出處

魯王田于穀成徵君謂大夫韓韜曰魯王二田矣甫
其歸乎韓韜對曰子之遊豈爲一魯王哉是以二田
棄諸侯之望也子其殲矣徵君曰今諸侯好田其不
爲魯王者亦寡矣盍歸乎哉吾有先人塚廬隣于勢
族將以我侵乎有桑田十畝災沴不時酣政不息將
以我傷乎衡室其幽蘭蕙扶疎蔭庭之臯雜桂與槐
蔚然而林將以我伐乎風雅典謨左右陳之以琴以

瑟左右張之將以我毀乎南望中山實馳听心。盍歸
來乎。曰噫子何戚之孔也。且子何莫爲仲尼之遊乎。
畏于匡。阨于蔡。微服于宋。擊磬于衛。接淅于齊。絕祿
于陳。故在陳歎曰歸與歸與。夫仲尼之歸志必無所
遇而作也。今子一就于魯。魯王以國士遇之。是子未
有在陳之阨而動歸與之歎。非仲尼志也。子欲辭魯
而行。請復遊于諸侯可乎。苟漢室分崩。諸侯不輔。相
尋以兵。肥磽之壤皆爲戰場。老者赴深壑。壯者流四
方。當是時也。子將奚歸乎。此羈戍之所爲。而老馬之

所以惋望而流嘶者也。吾子勉矣。徵君曰：不然。吾聞聖人達權，賢者執經。子徒淹予之歸，勉予之遊，而不知明哲者之議其後乎。昔殷將滅，而微子逝；周既衰，而接輿狂；秦世虐，而四皓陳新室；亂而薛方遁。易曰：不事王侯，高尚其事。此之謂歟。今王室有新之漸，而無方之舉，吾恐老馬亦掩嘶而竊笑矣。嗟乎！東京爲諸侯憂，韓韜喟曰：子固矣。夫昔酒傭負羹而殷舉，屠叟漁渭而周獵，五穀投秦而繆霸，甯子干齊而桓興，孫卿遨遊于楚，趙子與馳驚于梁，滕范公顯越而鳴。

夷張郎佐漢而辟穀。此數子者。豈無塚廬之思。躬耕之樂哉。誠知立功爲不朽也。諺曰。荷鋤候雨。不如決渚。言時不可緩也。徵君顧其弟子曰。知權乎。知權乎。

天文

徐淵遊于蜀山。見蒼禽集西岡之坡。順風而交鳴。徐淵異之。歸而問諸徵君。曰。此何禽也。曰。其蒼鷖乎。鷖之孕不精而感不交而生。其感也以風。其生也以魄。此之謂氣化。其鳥載于爾雅者也。子不聞觚竹之荒。有鳥曰鷖。翼生于股。焚惑見則孕。是以禽而感于星。

也。嘉陵之墟有鳥曰鵲。鵲臨溪而啄影。則孕吐于口而生。是感于水也。扶桑之野有鳥曰搖光。感日之精。千歲一孕。其形如龜。是感于日也。此三禽者。爾雅不得而載焉。由此觀之。凡海外之荒國。其不名之禽。無稱之獸。惡可窮哉。是地無窮而物亦無窮也。曰然則天地果有涯乎。曰日月之出入者。其涯也。日月之外則吾不知焉。曰日月附于天乎。曰天外也。日月內也。內則以日月爲涯。故躔度不易。而四時成。外則以大虛爲涯。其涯也不睹。日月之光。不測躔度之流。不察

四時之成。是無日月也。無躔度也。無四時也。同歸于
虛。虛則無涯。是以日月之外。聖人不能範圍之。而作
歷。日月之內。聖人不能損益之。而成歲。故歷者循其
迹而作者也。曰天之旋也。左耶右耶。曰清明不動之
謂天動也者。其日月星辰之運乎。是故言天之旋非
也。規天而作歷。猶非也。驗諸運焉。云爾已矣。曰何謂
分野。曰上古之興。壤地無紀。不貢不賦。穴居而野處。
後聖爲之。經畫九州。以鎮其民人。奠其山川。頒其貢
賦。地于是乎有紀。由此觀之。聖人別九州而紀地。所

以配天之文也。非緣星而紀也。夫星辰之茫昧亦未嘗屑屑然而爲之分。是故象緯者天之文也。九州者地之施也。天地異位而合化。故聖人之烈照于天。若分野之所謂。則六經之未述者。吾奚徵。曰淵也。聞魯王好天文。譚星之士。四方輻輳而進。子何隱厥藝哉。曰懈人紀而貪天文。惑孰甚。吾未之學。不敢進也。洎曰此外史之天文志也。

名器

徵君將如齊魯。王賜以黃金百斤。徵君謝而不受。乃

以所乘之輿賜之徵君出魯之疆對魯使而言曰憲
聞先王辯物以章軌光耀一世故車服有等爵賞有
度使諸侯士庶無相瀆也今魯王之輿諸侯之器也
而賜布衣之士瀆也大矣夫禮以防瀆瀆則僭僭則
淫淫則亂亂則滅春秋之鑒固不遠也諸侯之欲親
士豈無彝器而必以輿乎焉可瀆也昔我漢祖翦強
秦之緒而光有天下封建同姓割土而諸侯之魯得
以徼福于周公伯禽以庇其子孫保其宗廟而恒有
其國朝覲以懷之宴享以親之錫命以榮之此天子

所以寵綏諸侯者也。然諸侯不能有其民人，食其廣土，以述其職事，有封建之形業而無其權命。以魯國之弱，不于此時躬修仁義，以懷其民，神則百歲之後，魯其爲墟乎？而況瀆其器以自同於徒行之旅，是失其所載，神弗祐也。夫爲士者，猶策驢以代勞，況于諸侯乎？今去魯而出疆，朝歷山川，夕犯霜露，士之勞也。若乘魯王之輿而見齊王，則齊王之輿猶魯也。齊王以爲魯不能禮而瀆之以器，士不能貞而瀆之以躬，是輕隣國而耻士，又何逢焉？夫天子以輿載命，諸侯

以輿載職士以輿載道今以載職者而載道弗可行
於諸侯也子爲我辭魯使返其輿而告魯王魯王歎
曰齊其得士乎是歲魯王俘其弟妻以寵妾易之君
子是以知魯之不能禮也

天祿閣外史卷二終

年及以收得志不始顯也

自其及士平及武營主其命是以留業之

人其勢甚平而清其勢及其與而營主其

以與而士以與而道余以故知昔而營主其

天祿閣外史卷三

賓齊文

待士

齊王饗微君以宋次及李元爲其齊國之東鄙賢士也次及孔紹祖魯翬爲其魯爲齊之一壤也左權獨耻之乃據楹而嘯謂齊王曰昔者楚趙會兵之際有按劍絕羣一言而定楚趙之盟者王以爲誰乎齊王笑曰此非平原之食客毛遂也曰毛遂爲趙之長城而王輕之何也曰寡人聞之醜女不能治時盛則變

醜士不能忠。恩盛則激。若毛遂者。特激于恩之所感耳。故曰。戰國無默默之士。亂世無優優之臣。其是之謂乎。曰。噫。何王之懷抱不明也。夫口舌長短之士。使之在定國則默矣。爭利怨戚之臣。使之在治世則優矣。孰謂士有不易之行哉。宜王之席臣于末光而不能激也。且夫以齊魯之士則親之。非齊魯之士則疏之。是臣之後于三子宜矣。苟有士產于絕國者。聞王之風而歸之。其視臣猶臣之視齊王之士也。王將何以待之乎。臣與徐淵、張裘、朱儁四臣者。皆食客之徒。

無重于齊國恐一辱之後天下之賢俊必以臣之故而逝矣由此觀之臣雖食客未嘗不爲齊重也齊王有慚色自是宴饗齊王獨加禮焉

齊姬

齊有閹者通于齊王之姬姬譽其閹者于王乃使人代其閹職以閹者能歌舞而美故得昵于左右在王之宮歲餘閹者畏誅而避于市姬以婢索之謀洩于宮齊王方與姬飲酒命姬鼓瑟姬以目窺于庭瑟音不和齊王撫觥而咤曰汝有瑟技而寵于前今鼓瑟

而音不和。汝何爲者。姬跪而進曰。妾之幸于君王。猶魚之狎于江海也。江海不爲一魚而深其流。君王不爲一妾而深其恩。妾之寵寄於瑟。妾之戾亦以瑟喻也。君以瑟之故而戾妾。妾自以爲必誅而無悔。雖然。吾君伯王之器。操英雄之柄。何明于鼓瑟而闇于謀國耶。今全齊之民。其不爲瑟者亦寡矣。苟鼓瑟可以利民。是罪戾在妾也。不和于民而和于瑟。瑟何利於國哉。和瑟之音在妾。和民之性在君。君誠以妾之寵寵于衆。以瑟之和和于民。則妾雖就鼎鑊之戮而

諸侯皆以明歸君也。王曰：汝欲吾以和民，亦猶汝之和瑟與？吾雖爲東藩王，民無責焉。治撫全齊之民，皆天子有司也。吾是以朝則耽宴，夜則并寢，無憂于心，無勞于力。故飲酒而鼓瑟，無事于民；吾欲汝相諧而，被于音樂，其寵祿以終吾天年而況天下！一統海內，一玉禮樂，雖未暢洽，而典刑尚存焉。故諸侯藉天皇以行樂，雖空其國中而外無敵國之釁，內無大臣之爭，此吾所以樂也。若齊民之弗和，固有司責也。今之諸侯朝覲，則不得述其職；交隣，則不得尋其盟。雖夷

狄作難而諸侯之兵不徵亦以靖諸侯也。吾何爲哉？
姬因泣于王曰：妾聞諸侯接壤光輔王室，千秋之後
安知不爲戰國乎？今亦季世也，權降于下，國無綱紀。
災異紛拏，苟網橫驚，鄰國之諸侯豈無勞心焦思而
謀其國者哉？是以周室削而桓文伯，二世暴而高祖
興。故智者不失時而守默，伯者不逆民而從欲。願君
熟計而勿與俗羣也。徵君聞之曰：吾聞智婦多淫，淫
婦多蕩。其齊姬之謂乎？

將才

有燕將亡于齊能爲雲梯之術善舞戟以好鬪殺一
人于燕市遂奔齊齊人畱之因進于王王曰寡人非
用將之秋也請却之次日復進于王歷試其藝王曰
寡人非任將之才也請舍之燕將耻不得見于齊王
乃訪徵君于會臺載拜而告曰僕燕之鄙人也以薄
技遊于主一見齊王而不能用僕是以進不得揚于
國退不得耕于野年二十而無所成名固薄技之累
也先生以仁義之策于諸侯齊王禮事之以爲上賓
光被鄰國而天下士趨風焉僕以亡命之徒不能自

飾竊欲謬附于青雲之末。苟得以片時假譽于王。僕之榮也。昔鮑叔薦管仲而霸桓公。蕭何進韓生而興高祖。今先生有鮑蕭之明。而僕無管韓之畧。所以屢黜而不悔也。僕聞大厦之朽棟。以之削而爲椽。則不知其爲朽也。高岡之枯竹。以之織而爲籠。則不知其爲枯也。藪澤之賤土。以之汲而爲臣。則不知其爲賤也。僕雖抱朽棟枯竹之資。亦可以爲良工之一用。願先生其汲之。苟有小裨于國家。無忘報也。徵君對曰。先生之言善矣。如得用于齊。則何如哉。燕將曰。僕將

以兵術說也。今漢祚不振。夷狄內侵。國無良輔。郡無循吏。重賦歛十室而九空。熾刑罰十夫而九怨。何炭炭也得一賢王而圖之。起桓文之絕業。盟會諸侯以誅姦爲名。而尊王室。安兆民。衰則扶而翼之。危則繼而興之。此霸王之權也。今爲諸侯患者。無他有國而無土。有位而無民。無土則不能闢其國。無民則不能尊其位。諸侯晏然以爲百世不易。姓而化也。故無事于富彊其國。不知異姓之夫提劍而步剪諸侯如決。囊當此之時。雖欲求一錐之壤以爲安。亦不得已而。

況舉桓文之業。取此僕所以荷戟而寒心也。昔子產
圖鄭而晉不慮其彊。范蠡謀越而吳不知其霸。弱不
忘耻。小不忘讐。故能保社稷而懾諸侯。今齊國地方
千里。限之以岱嶽。經之以漯河。南有濟。充之利。北有
德景之饒。堂邑之戰場。足以講武。三面而臨。馭諸侯
又多智謀之士。皆擬于盼子。機變之儒。皆侔于晏嬰。
若齊王樹德而懷仁。務農而講武。委僕以攻戰之任。
隆先生以帷幄之責。而國之權在齊王。誅一不軌。曰
天皇誅之。討一淫國。曰天皇討之。應運而舉。王霸不

足爲也。徵君喟然歎曰：「憲聞之天下有道，則英雄偃跡而高卧；天下無道，則英雄吐氣而齊聲。由今觀之，王室其將卑乎？」燕將曰：「昔我漢祖虎變於前而創不拔之業，光武龍翔於後而建中興之功。劉氏之天下，二祖豈能自爲哉？」謀臣猛將雲合而燦舉，被見失策，神懾而鬼驚。故二祖一朝而成帝業，今齊王失土而求諸侯，是何異于失網而求魚乎？夫王室將卑，謂之隆諸侯無權，謂之雄；僕誠所未喻也。何則？王室隆而諸侯謀權者必危其身，王室卑而諸侯無權者必絕。

其統。今齊王之權何有哉。僕是以知諸侯之不能扶漢也。徵君曰。先生有良將之才。苟得志于齊。二年而修武。五年而積粟。齊其霸乎。

封禪

齊王將遊泰山。問于徵君曰。敝邑有封禪之山。非天子不能舉也。秦始以諸侯之國而舉之。非僭與徵君對曰。憲也。聞之古者。天子巡狩。朝諸侯于明堂。祀羣神于岱岳。觀民風以布王政。未聞有封禪之舉也。不經孰甚矣。天子一日有萬務。其勤惕也如是。豈能懈

其萬務率之以臣庶曠之以時月而侈心于封禪勒
功德于無知之石哉自古迄于秦好爲封禪者七十
有二然茫昧而不可述大抵皆侈心之主也炎漢重
離我二祖光耀前後豐功令德不能殫紀其盛然亦
未嘗蹈前王之陋規而舉封禪文景紹厥休烈海內
幾刑措之風固盛王素主也至于封禪則耻之及孝
武卽極玩武佳兵傾海內之命運府庫之積而肆伐
匈奴使百姓去家室之樂而身顯功烈之名致符瑞
求神仙茂舉封禪以建榮號是以漢祚中替卒不能

休隆于前也。歷至于今。譚封禪之事者。猶昌而未熄。豈非貽謀之慮。與若秦之始皇。又何道哉。今以大王之賢。而光濟王室。可以跨秦而登周也。誠能偃泰山之碑。摧梁父之碣。毀雲夢之銘。修明堂之典。以臨天。皇而招八國之諸侯。是王之顯功。踰于桓文也。何必慕狂秦之侈心。追七十二君之陋軌哉。齊王曰。先生幸教。不穀美矣。駿矣。雅矣。平矣。乃命左右紀之。

畱賢

齊王蠱色不能恭禮賢士。徵君將行。關吏聞于玉王。

使五臣畱行姬侍于王之前以統掩面而問曰君命
五臣畱行者誰耶豈非徵君爲乎齊王曰然姬乃叩
頭而諫曰君能愛士而不能與之謀若以妾故是妾
得戾於齊之社稷妾雖菲薄不敢以色蔽士夫徵君
志士也何君之愛士不如愛色耶請賜妾以死無使
爲諸侯笑齊王曰汝且休矣吾將禮而用之明日謂
左右曰寡人將築臺以拜士可乎左右曰吾聞築臺
以積民怨何士之爲昔高祖拜韓信而興漢未聞築
臺也君今傾心于愛士而驟爲築臺之役吾恐天下

之豪傑解襟而怠也若不得已或醺之以醴酒而賓之未爲簡士也君其醺焉齊王哂曰然已寡人其醴乎左右曰今齊民已聞築臺之命而不聞醴酒士聞此言亦展心而疑君也昔楚威王有寵姬通于閹人楚王不知也而庭有鸚鵡寤于玉此事雖鄙可以喻理故王言之出不可不密也徵君聞之遺齊王曰夫士爲天下靖紛排難而立功于國家者豈徒受人之爵謀人之祿而利其子孫乎哉忠不可隱道不可沒故去一壑之樂而羈於斯也以士之初心得天下之

賢王而建明之何功之不成。然士之所以必俟賢王之禮貌而定去就者。豈節戒于世哉。士之委身于君猶女之結髮于夫也。禮不具而求媾。則女耻之。恭不崇而求遇。則士耻之。孟子曰。君子豈不欲仕哉。又惡不由其道。夫士國之幹也。木無幹則根抵朽壞而葉無所依。國無士則綱紀陵夷。政教蕩然而民無所附。故賢王之待士不可苟也。臣聞之聖哲之處巖穴也。諷以詩書。陶以禮樂。被短褐而不戚。耳藜藿而不慊。故四皓有采芝之歌。楚狂有鳳兮之詠。彼豈樂于遺

世耶。亦其所處之然也。賢王知其然。隆之以禮貌。養之以厚祿。聲色不盡于其志。讒佞不奸于其心。則天下士亦傾肝膽以報于上。效牛馬之勞。履難死節而不辭也。臣雖不才。數奉謁于王之左右矣。今左右無椒蘭之譏。而臣蒙不禮之辱。雖結髮于賢王。而朝夕以心事之。恐四方之諸侯。皆以妾婦畜臣也。畜臣以妾婦。其如賢王何。此臣所以必行而不可留也。漢室告季王知之乎。權姦弄柄。王問之乎。臣行之後。願王其留意焉。無以臣言忘也。臣將遊秦楚魏晉。以告諸

侯陳王室之故請諸侯戮力而輔王室臣之願也王
其圖之是歲徵君入衛

天祿閣外史卷三終

世間小人也

其國文身者

其國文身者

天祿閣外史卷四

賓魏文

入梁

徵君入大梁說魏王曰今天下之義士皆高賢王之
名賢王何脩而致此哉夫以王之賢而據大梁以爲
固大梁天下之衝也地盤乎中原勢臨乎四鄙虎牢
以爲關河洛以爲渠嵩山龍蟠二嶠虎踞名山巨川
高臺麗苑不可勝數四民之務悉會於此誠哉帝王
之業也周以此營漢以此興諸侯雖強可以四面而

制。故大梁之國。天下莫盛焉。今王之賢。過於信陵。大梁之士。優於劇孟。廣武之場。足以練衆。葵丘之地。足以盟諸侯。乘此而興霸功。必倍之。夫賢王固漢室之親王也。再傳之後。必歸賢王。坐享富貴之樂。以待其授。不亦美與。臣聞王之宴也。楚姬舞於前。吳姝歌於後。趙女鼓瑟於左。秦娥泛箏於右。賢王之樂。埒於天。予而又有仁義之高名。此諸侯之所宗也。雖然。臣以爲當今之勢。不如中葉之盛。亦明矣。夫得時者勿怠。得士者勿失。故智者料于必然。仁者謀于無形。願王

先必然之料決無形之謀而後享富貴之樂則漢室
復隆于賢王也主何默然而揖讓于諸侯哉魏王變
色而言曰噫嘻此寡人之所諱也徵君對曰王何諱
之爲也今漢室有周赧之漸齊民有倒懸之危老氏
講于宮禁胡馬牧于王畿賞僭而刑濫民凋而師疲
盜賊已相呼於州郡而英雄未奮者亦畏吾王之賢
明也王何諱焉宜急脩守戰之具復葵丘之盟以爭
雄天下則上足以扶漢室下足以立桓文之功此諸
侯之盛節也今秦晉楚三國之諸侯其樹霸之心久

矣。彼皆大梁之雄隣也。此時一失。則王不能掩帷而臥。雖孟門太行之險。奚足恃乎。魏王曰。先生以佐皇之器。臨于敝邑。幸誨寡人。寡人蒙鈍怖慄而不審。所謂也。及茲暇日。請交楊而譚可乎。徵君對曰。臣聞謀密者事無釁。名完者身不戮。臣願王密焉。魏王曰。寡人行此謀也。苟諸侯不從。奈何。徵君對曰。今爲王計。亦不過尊王而已矣。以尊王之名而勸諸侯。何諸侯之不盟。以尊王之名而誅匪臣。何匪臣之不靖。以尊王之名而刈夷狄。何夷狄之不賓。以尊王之名而綏

黔黎何黔黎之不懷此一動而名實歸也王盍圖之

圖霸

魏王觴徵君于平臺魏王問曰寡人之邑與秦晉何如徵君對曰臣方遊齊魯而未及秦晉不敢以虛辭奉王也魏王曰然則齊魯與寡人之邑何如徵君對曰齊魯地方千里猶大梁之國也齊魯之山川猶大梁之山川也齊魯以吳楚幽燕爲隣猶大梁以韓秦三楚爲隣也周召之所封世有餘澤亦猶大梁之所造也四者無弗均焉然則王奚不問臣曰諸侯之脩

德與寡人何如。而乃以國問也。且大梁之國。賢王得而封之。賢王不得而號也。大梁之衆。賢王得而安之。賢王不得而役也。何則。以有國而無權也。無權則政令不出。賦稅不貢。是寄之以藩封。而實與祿食之臣一也。昔周之封諸侯。不過百里。皆得以有其民。神出其政。令貢其稅。賦而述職焉。今諸侯無職之述。故封國之制。過于周。而實不及。否則天子之于伯子男。今皆去其壤地。而何獨優裕于諸侯也。夫諸侯以祿。故國雖大。而不能惠。諸侯無權。故民雖衆。而不能威。此

諸侯之所宜恐也。諸侯宜恐而不恐，宜憂而不憂，如
是非王室之治安則不可，王室危而諸侯不憂，何也？
今之爲諸侯者，未有若王之賢而愈懈，厥德賢王之
足以爲盟主，天下士皆已決之矣。賢王誠能陰施仁
義，延天下智謀之士而充其庭，練兵於講武，屯粟于
敖山，而盟會諸侯以靖王室，揚義聲於海內，建丕業
于無窮也。以王之賢，豈能倚視王室之傾乎？夫賢王
爲宗國謀也，雖握之以權而不爲畔，臨之以勢而不
爲僭，張之以形而不爲逆，何則？侯其治亂而爲之誡。

伸也。治而不順，則諸侯之舉也。必蒙天子之典刑。亂而不圖，則王室之繼也。必在異姓之豪傑。此時運與人謀同，而順之者昌，逆之者殃。不可怠也。臣今得侍賢王於平臺之宴，幸無以一觴之寵而忘天下計。遂叩頭陳謝。魏王避席亦叩頭而謝酒。酖歌鹿鳴之章。君子是以知魏之必霸。

辭爵

徵君居大梁三月，國中絃歌而治。有司欲聞于天皇，而爵之徵君。謂國人曰：「予向也舉以孝廉，辭而不就。」

今遊茲國豈復求仕耶苟有仕進予惡不以孝廉就也。今朝廷之賢佐有陳竇張李之屬巖穴之潔士有郭徐袁周之徒皆予善也。吾欲進則必達其志退則必樂其身而享其名是進退無累於憲也而又何眷眷乎然所以踴桓而不就者以朝廷之權寵盛而名幹衰憲紀弛而刑辱濫不數年而王室之難將日至矣吾寧蹈海避世而潔名於漢廷以免龍逢比干之辱不亦可乎。今憲也遊譚諸侯諸侯折節而賓之不可謂辱也。抱伊管之志非狎非闔非從非衡非堅非

白非刑非名不可謂術也。勸諸侯以獎王室不可謂
譎也。苟王室大壞而諸侯不扶羈名者爲河陽之召
滅義者爲秦政之吞則予當結居于南山之坡被褐
鼓琴以詠先王之遺風使諸侯鼓鼙之聲無相聞也
昔者周道末仲尼歷說諸侯而不過伐木削迹其困
甚矣。今予智不及仲尼而無伐木削迹之困是以私
白揣度而信吾志之必有亮也。若軒冕之榮何足以
警予哉。國人曰曰徵君之入國也農不怠耕女不怠
織有司刑乎而不貪徵君之風一何淑也。今欲捐我

而往。必有憤志。一國之衆將投命于微君矣。其若之何。微君曰。予憲也。何以重于魏哉。國多溫民。故俗易化。上多靖吏。故刑易平。非憲之力也。言未終。國人爲之作康歌。是歲魏饑。首山崩。黃河無風而波。微君歎曰。民作康歌。奈山川何。區區大梁。其無以爲漢室乎。

繼立

微君人見魏王。長揖而言曰。魏國天下之中原也。人民以守之。山川以鎮之。自先王以來。國無大警而生民之業日饒。固鼎地也。今國凶于饑饉。民無所賴。山

崩而河震民無所寧其憂在王乎魏王曰寡人王室之叔父也社稷之安危寡人共之今天既敝國寡人之戾也寡人雖處中土不能脩德蹈義徼福于社稷之神明以恐王室然寡人亦惟是泣血之故實無有愆于羣臣百姓天不賜寡人以刑乃饑饉我人民崩溢我山川憂患我社稷蕩搖我王室寡人之顯戾不可拯也寡人有母結髮于先君而生寡人先君之側室生寡人伯兄先君曰側室之子雖長非嫡也寡人是命先君之側室亦舍長子伯兄而拾寡人告我先

君曰君無以妾之子爲長而命以國使妾有他釁唯嫡子仲氏立妾之福也先君曰立嫡之命出吾意也而議未布于外內以汝長子之故今汝以一婦而能禮讓且智吾之內釁由汝熄矣遂議立寡人先君之侍臣謂寡人曰公子可以避矣如不避必有內言是難基也公子其圖之寡人對曰此吾君之側室意也何難之爲侍臣曰公子誤矣側室之請惡知其不以心測君也君若謝國於宗廟千歲之後彼將挾其長子而與公子爭則何如是挾長以爲名而爭公子以

爲釁也。若讓而後受，雖有釁而附，令譽焉。且公子不聞伯夷、叔齊之事乎？孤竹君以愛易長，而命立叔齊。國人疑之，伯夷怨慕而逃遁，國人哀之，叔齊若可以倖國者，乃遜而不與，天下稱仁焉。今公子先爲叔齊之舉，而後伯夷之心，奚不可乎？有嬖人曰：不然，伯夷、叔齊皆嫡產也，故能相遜其國而有令名于後。今舍庶而立嫡，其能遜乎？夫公子有申生之賢，而君無獻公之惑，側室無驪姬之讒，公子宴然而居之，至順也。又奚慮哉？侍臣曰：不然，昔丹朱之于舜，商均之于禹，

彼皆異姓也。而猶避焉。今公子雖以嫡庶固同姓也。豈必皆嫡子而後爲夷齊之事乎。若驪姬以讒而禍晉國。則獻公之爲也。當是時。驪姬非特亂嫡也。以弟而侵其兄。而況驪姬之讒得濟者。獻公在也。使獻公死而申生立。雖百驪姬。豈能亂嫡庶之名。而致新城之難乎。今君之側室。其子雖庶兄也。公子雖嫡弟也。其名不完。故有後釁。公子以嫡則不可避。以弟而遜。人孰不然。是公子有遜兄之名。而不失得國之利。且無釁于後。名全于叔齊。而智高于申生也。寡人是以

行先君之側室聞之而憂告先君曰夫人之公子行矣君何不聞妾之子不可奪也意者君以妾之故而遷其前言乎不然何公子捐國而行也若公子罪妾妾將攜其子而假君子所以賜妾與子也妾與國孰重妾與宗廟孰重妾與公子孰重妾在而公子行妾安能一日求活耶願君亟反之非爲妾也爲公子也爲國與宗廟人民也不然妾雖萬死而不足贖君之心胡可明也先君遂返寡人于國寡人之母不能亮先君之心又不能以寡人之返國而亮側室告先君

之心。以爲中讒也。而側室死焉。先君有疾。寡人之兄亦不食而死。先君將薨。執寡人之手而命曰。汝毋悖矣。禍莫大焉。雖及黃泉。無相見也。吾子勉之。寡人是以朝夕泣血。一目玷明。固寡人之惡也。今天之爲敝國禍。小心畏忌。無敢諱也。若王室討敝國之罪。奈辱宗廟何。徵君對曰。王之是心也。足以察庶物而和諸侯乎。雖然。今之菑害。其王室之憂也。憂在王室。則饑饉崩溢。豈惟降于王之一國哉。臣爲王道之夫。今之諸侯朝而不貢。無壞也。故山川之崩溢。不必懼焉。貴

而不親無民也。故百姓之饑饉不必咎焉。王無是職。又何以爲宗廟。原臣故曰。王室之憂也。魏王曰。然則列國之壤地人民。苟有饑饉崩溢之禍。亦不足以爲諸侯憂乎。曰。四方有難。則王室憂。王室有難。則諸侯憂。由此觀之。諸侯雖無職。亦安得而無憂也。唯賢王密厥志而已。諺有之曰。農勤於朝。女勤于宵。宵必顧。梟朝必望雨。言得時毋怠也。王其圖之。

桃林

徵君以桃林之事說王曰。臣遊夸父之山。瞰桃林之

野每喟然歎息曰武王商之諸侯也一舉而移商命
非篡也以有道而易無道也及紂死武王仗黃鉞而
不誅祭以天子之禮諸侯稱仁焉乃脩文偃武放牛
于桃林之墟歸馬於華山之谷桃林者其在于茲乎
夫以武王之賢當紂之厲從而奮之是猶水之赴絕
壑石之下崇岡孰能禦哉當是時紂雖欲爲一旅而
不可得至于牛馬反畜而縱之何紂以天子而不如
牛馬也魏王不答徵君曰賢王以臣言爲過乎魏王
曰非也寡人之於王室魏不能效牛馬之勞是以不

谷夫牛馬之賤勞于人而必思愛畜之。紂以天子之貴讐于兆民而不如牛馬之畜乎。寡人而今而後知天子之勞與牛馬同。故能守其貴也。徵君曰。王之一言可以能國矣。夫爲天子而有牛馬之勞。則天子益尊爲諸侯而有牛馬之勞。則諸侯益強。爲大夫而有牛馬之勞。則大夫益顯。爲庶人而有牛馬之勞。則庶人益義。此臣所以有桃林之感也。昔虞舜殛鯀而誅有苗。伯禹掘壤而疏洪水。伊尹負鼎而干湯。周公吐哺而求士。寧戚飯牛而興齊。句踐臥薪而霸越。墨翟

九拒而存宋。曹沫三敗而復魯。毛遂歃血而楚動。藹生完璧而秦靡。夫以聖賢而有牛馬心。故勳德流于海內。馨香覆于民神。而民至於今不替。是皆效牛馬之勞者也。王其勞之。魏王曰。寡人何勞。曰。賢王欲固諸侯而強公室。豈必獨運其勞哉。尊賢而撫衆。寬明而仁恕。不遺牛馬。使君子勞心。小人勞力。故君子小人投肝膽於中原。而慷慨談笑而不辭也。昔秦穆公舉百里奚。牛口之下。勞不坐乘。暑不張蓋。是以樹聲于諸侯。而伯其國。非牛馬之力乎哉。夫君視士如腹

心故能顯其德。士自視如牛馬。故能盡其心。此百里奚所以勞于秦而逸于虞也。今之士豈無牛馬之心乎。顧其君之任與不任耳。賢王有強公室之志。而使士無牛馬之心。何哉。爲賢王計。誠宜以腹心結天下英雄之士。不時舉之牛口而已也。如是則士孰不盡心而奔走于殿下哉。魏王慚而謝曰。於此寡人之責也。

諫獵

魏王獵于圃田之澤。徵君聞而追之。見魏王曰。賢王

欲公室之彊乎魏王曰寡人欲強公室奈諸侯何微
君曰是賢王畏諸侯之張羅而獵其後也雖然賢王
不欲公室之強則已苟得奮其志諸侯何畏焉今賢
王既不能強其公室而又以微行蔽諸侯何也憲聞
之山林藪澤士之與鳥獸羣而棲者也故獵士則強
獵禽則荒惟賢王能得其士而失其禽庸王能得其
禽而失其士夫士國之雄也其潛隱於藪澤之間亦
欲望賢王之獵也今王輕千乘而爲此遊將欲獵士
乎抑欲獵禽乎獵士則士必振羽翼而爭投于王之

羅獵禽雖驚風騶虞不能益于國也王何不念賢士
之藪澤張仁義之網羅而田獵哉昔文王獵于渭國
人皆以文王爲獵禽也而不知惟士之獵故一獵而
得呂尚天下稱明焉今以王之賢而不效文王之獵
宜士之不遊於國也魏王乃止其田而還

受餽

魏王使人餽徵君以桑落之酒徵君受而不拜嬖人
曰君以敬先生之故而餽之以醴酒潤先生之令德
且欲先生之無忘君也今受而不拜豈君之有簡於

先生而躁其默耶。僕恐君之敬自茲弛矣。殆不可求。
夫先生四方之英賓也。不得於茲國。則之于他。然諸
侯敬先生之心一也。先生事諸侯之心亦一也。苟諸
侯之餽先生亦受而不拜。是敬弛于諸侯而先生卒
無所遇矣。夫諸侯之餽士禮也。餽而不拜是忽君也。
士而忽君不可以聞隣國。且以暴君之過于諸侯。諸
侯亦以士之忽而笑吾君。其若之何。徵君乃鼓琴歌
簡兮之詩。嬖人不悅。曰。先生以王人之佐。不擇吾君。
館諸敝國。今傲君之餽而及使先生其不能禮矣。何

以行道于諸侯乎徵君笑曰居吾語汝夫古諸侯之
待士也宴之以太牢崇之以師禮故不以爵祿而瀆
士晝則同席與之肆而議夜則合榻與之密而謀必
行其志無疏之以讒無曠之以迹故士能竭其肝膽
以忠于公室憲問之天子之萬乘可以屈臣庶而不
可以屈士況于諸侯乎周之興也賢才輻輳于朝諸
侯星拱于位故周室強則諸侯進職而覲天子周室
弱則天子下堂而見諸侯夫士之係於國家如是而
可以大豕膏哉此憲之所以受而不敢拜也且魏王

之譽于隣國者以得士之心也。今以大豕畜士。諸侯孰譽焉。是長釁也。無譽則孤。長釁則亂。公室其危乎。夫長釁而危公室。士孰輔之。士不輔而求霸。猶病者不用醫而求愈也。以憲之猥劣不能勉事賢王。以至於簡憲何戚焉。子以忽而罪憲。非所以爲聲也。請以憲言達于王乎。是歲也。魏王復獵於圃田之澤。徵君去魏如秦。

卜諫

徵君去魏。魏王方田于圃田。命虞人卜之。虞人三卜。

其田而告曰。君之田也。小獲而大損。魏王曰。旣獲而損何也。對曰。是卜也得兌之三。其辭曰。田獲三狐。得黃矢。再卜得漸之上。其辭曰。鴻漸于逵。其羽可用爲儀。吉。今臣之卜田也。有獲狐之功。而非羽儀之美。有漸鴻之逸。而蒙得矢之名。夫黃矢。賢士之象也。鴻旣舉矣。何以羽儀於國。狐雖獲矣。何以黃矢爲功。由是言之。君之賢士失矣。將無田乎。左右曰。嚮也。君遊於圃田之澤。徵君以田諫。今君復田于茲。徵君不諫。是徵君去矣。意者黃矢卽黃憲乎。夫憲也以直聲動于

諸侯言必符則行必蹈素不臣天子而賓諸侯不求
榮爵而安韋布不謀爵祿而甘微藿懷廣裕之度負
清皜之風遇于時則揚眉若飄雪不遇于時則拂衣
若振葉此許務之耿光而顏蘧之淑節也君幸而得
之以爲賓國人私慶于市三月而盜不欺商旅不爭
價郡無暴吏野無啼民此皆徵君之隱績也而君以
田故諫而不從臣慮其必行矣君得禽于田而失士
于田其利孰重若徵君未行君猶可圖也魏王不聽
是歲魏王觀甘露于譙明年魏王薨

取謗

初微君去魏魏人怨至流言道路左右告王曰國人
有辱君者請誅之可乎魏王曰何爲辱寡人也左右
曰辱君以遠士毀而謗者千人怨而譏者一國國有
謗聲君何以結諸侯魏王悔曰辱寡人之故其黃憲
乎寡人雖無令聲于國亦諸侯爵也失一士而辱寡
人寡人其不勝辱矣寡人有失士之過有惠寡人者
速諫而返之寡人唯是嘉其能諫賞其鑒賢且以績
譽于諸侯今不諫而遂謗以寡人是辱無乃不可乎

寡人聞之衆口歸譽不勝一夫之毀今毀寡人者徧
于國中而又使寡人誅之免遠士之讒而先誅謗之
刑不亦悖哉嗟乎寡人老矣王室告難而諸侯不輔
非寡人之憾也君子曰悔而遁其無終乎

去就

徵君過魏國之疆周舉邂逅於道而問曰自吾子之
入魏也諸侯咸傾耳以納令聲是子有殊遇于魏王
而海內之士悉欲負策而入魏此誠展志之秋也今
吾子出魏疆而託于一旅衣之以敝褐乘之以蹇驢

弟子七人童僕二人執御者三人蕭然于國門之外
何淪落如此哉意者魏王之器不足以輔飭與今漢
祚遭季權雄角立賢者屏迹於草莽以痛王室而觀
望諸侯若徐穉砥節於豫章吾子高步于汝南周璆
守操于樂安吾子振美於漢庭今之賢士子其卓矣
而猶皇皇不遇沉繩墨中之數子豈能學邯鄲之步
耶嗟乎嗟乎吾子行矣何國之如徵君莞爾笑曰甫
之所如者子之所去子之所去者亦甫之所如也又
何問乎乃揚綬而別周舉挽其袂悵而不言從者曰

夫子將如秦

去魏

徵君既去魏魏人告王曰徵君却魏而奔秦必有無
禮于魏請行間于秦王以疑其心可乎不可乎魏王
曰可寡人欲執其所主而後間彼賓於敝國不告寡
人而私縱之不惟有納賂之辜且以導釁于隣藩而
笑同列刑在先王之明典不可宥也乃命左右執之
館人懼而赴秦告徵君曰君以夫子去魏之故不聞
于君君將斥僕以僕爲夫子賂也又導釁于隣以爲

諸侯笑欲聲我以罪戾加我以典刑僕其若之何夫子之令德英誼日夜結于君心若返駕于魏陳以去故豈惟宥僕而君亦以棄賢是懍且無惡于諸侯夫子亦可以往來於其國而車馬之從續紛于秦魏之郊夫奚不可乎吾聞之聖哲之出將以仁諸侯而撫百姓今以一館人而不能使其庇僕死之後恐夫子無所主矣夫賢者之于諸侯先所主也無所主而賓諸侯人孰信之徵君答曰魏王之賓也素無國士之遇甫之館于魏也亦無待人之辱可以去而不就是


吾裕也魏王何爲雖然諸侯之懈德未有甚于魏王也色荒于宮膏荒于田吾數諫而不聽是竊效宮奇之愚而不爲百里奚之智也幸而魏王無逐客之令以戮天下士憲也得以翔翔而逝焉吾子義不韜矣子欲吾返駕而就吾亦何聲以辭秦之聘哉若不得已唯是奉尺簡于魏王陳吾所以去之故明吾所以不返之故宣吾所以假館無妨于子之故子必免矣乃遣魏王書館人歸魏是歲魏人求盟于秦


臣等謹將人統歸其地歸人地
不歸其地者則以別為別
臣等謹將人統歸其地歸人地
不歸其地者則以別為別

臣等謹將人統歸其地歸人地
不歸其地者則以別為別
臣等謹將人統歸其地歸人地
不歸其地者則以別為別

臣等謹將人統歸其地歸人地
不歸其地者則以別為別
臣等謹將人統歸其地歸人地
不歸其地者則以別為別

臣等謹將人統歸其地歸人地
不歸其地者則以別為別
臣等謹將人統歸其地歸人地
不歸其地者則以別為別





天祿閣外史卷五

賓秦文

遇樵

徵君入秦。倚歌於渭橋。有負薪者過而問曰。子何人
斯。倚歌於渭水之梁乎。徵君對曰。甫漢室之徵君也。
弔古於秦。悲而倚歌。非汝所測也。負薪者曰。今游秦
之士。接跡於渭橋。不徒游觀以爲樂也。皆挾策懷珍
以干秦王。而士無遺於隣國。秦號爲得士。子以漢室
徵君。下臨藩壤。使一見秦王。秦王必以子爲上國之



賓富貴可立而俟也。子奚洋洋然倚渭橋而悲歌乎。
徵君曰：非甫之志也。故慷慨悲歌以自激耳。憲也豈
甯戚之流乎。負薪者曰：吾秦人也。以負薪爲職。凡秦
之名山廣谷遺基故苑。吾皆得而樵焉。子欲弔古于
秦。以釋厥志。吾爲子肆言可乎。徵君鞭然而仰笑曰。
出于機。入于機。同游于機。浩浩乎磅礴于機。而忘于
機。負薪者曰：吾惡知人忘于機乎。機忘于人乎。人與
機相忘乎。夫機發于無極之原。智者覺之。愚者忘焉。
故萬物緣機而生。緣機而動。天地如之。而況于物乎。

吾與子遇機也。吾與子言機也。子以吾爲忘于機而不知吾以子爲忘于人乎。徵君不能對。旣而曰。子言秦之狀也。憲也。願聞之。負薪者曰。吾忘于機。子忘于人而奚不忘負薪之子乎。徵君曰。吾始知忘于機者化于機。覺于機者忘于人乎。雖然。吾以仁義爲機而得其名。子以斧斤爲機而得其薪。薪者得於斧斤而不得於子。是亦忘于子也。而子亦豈忘于機者。負薪者曰。噫。嗟乎。吾與子之爭于機乎。鑽焉鑿焉而不得其源乎。吾已矣哉。今日暮重關。渭水東流。秦嶺蒼然。

烏旼雲木。有廬在焉。請與子偕歸。以薪爲榻。舉瓦觴。食鬼草。聊以娛子懷也。負薪者曰。子如不言。吾請言其略。以竦子之游。夫秦四塞之壤也。雖偏鎮于西。閭而國之形勢。實爲天下雄。固帝霸之業也。若夫盤互而秀于南者。則終南太乙焉。隆隆乎陰于西。極而東望潼關者。則華嶽焉。東注乎咸陽。則澧水之所導也。其境有蘭池阿房之宮。咸陽之南。周之鎬京也。茫茫四陵。南北相望。秦宮所營。澧其鬱焉。豈惟涇水之望陵哉。西北臨乎函回而奕奕者。其梁山也。細組而蒼

蒼內有離宮別館。昆明西陂。輦道紆曲而相屬者。秦之上林也。鬱然起于鄠之東南者。有紫閣峰焉。其周之靈臺廢也久矣。橫亘乎藍田者。有秦嶺焉。霸水之所出。嶢關之所鎮也。絕于西域而嫫姚之所開者。其玉門之關乎。環于漢陽而微茫者。其烏鼠乎。限於北漠之陲。匈奴倚垣而窺者。此秦之長城紫塞也。扞蔽乎朔方而胡笳戰馬之所集者。其賀蘭之山乎。聲下龍門。景入太華。而浩蕩者。黃河也。積雪千里而瀑布之潏潏者。則太白焉。荆山峙于河。則大禹鑄鼎之墟。

也。若夫太液曲江之池，樂遊細柳之原，驪山之溫泉，新豐之粉社，隴山之九坂，長安之章臺，又有博望西郊，芙蓉未央，長樂建章，甘泉之宮，不可勝數。其近而羅列者，皆鍾秀于雍州；其遠而環帶者，皆隱耀于關中也。子之游秦，其知已乎？徵君謝曰：幸教南矣。今王室多事，而秦晏然，一日不能藉。雖藩籬四塞，吾恐胡人整步而過，藍關之險，平于九衢。太華之限，豁于戰場。則秦人安得而峙乎？所以慷慨而悲歌也。負薪者永肅而去。徵君歎曰：國有隱士，南已知秦王之不能

好賢也。

洎曰此入秦第一篇文勢錯綜變化不可彷彿中兼賦體讀之令人手舞足蹈太史公後罕見此文

待樵

徵君復游于渭橋待負薪者來左權不悅曰昔者夫子倚歌于渭上遇負薪者與之鄙談今又俟其至何褻身于野人而失期于諸侯哉竊以爲夫子不敦也徵君曰汝未之達乎吾如秦三日矣而秦王不聞是左右之佞者衆也秦王招我以禮蔽我以佞則賢士

之負薪者衆也。吾欲去秦，是揣佞于左右，而忽禮于秦玉。議者必曰：無故而驟去，非孟氏三宿之意也。吾是以寄傲于斯乎？乃假爲漁者，倚梁而釣于渭水之流。有漢使翟酺過而訊曰：僕久不見叔度，何落魄如此耶？徵君對曰：夫貧賤者士之素也，用之則爲春陽，不用則爲秋陰。達則萬鍾而不加喜，窮則一瓢而不加憂。故仲尼聖矣，不能爲夷；吾之霸齊，孟軻賢矣，不能爲子產之興鄭。何則？遇與不遇耳。今漢室將蔽賢士，淪落黨錮之釁，方殷。權奸之謀已奮矣。有志者其

憂患乎。秦以千乘之國當世叔之季桓文之功烈。可
一舉而樹也。然而弔謀深識之士不集于國。潛韜縕
策之雄卷跡于路者。豈秦之利祿不足以供天下之
賢才乎。亦以左右之讒使之然也。夫秦王帝室之同
業。而宗盟之首系。不以此時富彊其國。陰結諸侯而
扶漢室之危。吾恐天之歷數。必授於異姓之手。以帝
海內。則秦王安得以藩封之爵而傳諸子孫耶。吾之
游諸侯。爲漢室也。使秦王安然而不顧其後。則士亦
拂塵而往矣。吾之不去。尚冀秦王之遇也。三日而無

聞吾豈咎于秦王哉。憲也不仕天子而游諸侯。亦仲尼之衛之陳之宋之所爲也。終不獲志。則卜居于山林。以諷先王之典謨而已矣。豈自同于羈旅之徒乎。翟醯曰。夫秦恃百二之固。以輕賢士。其不能爲漢室賴也亦明矣。以子之才。上不臣于天子。下不交于諸侯。而猶偃仰當世。是洗巢由之耳。而負伊尹之鼎也。今漢室之難發于鉤黨。此亦諸君子之激也。制羣小而自制。不亦悲乎。夫陳仲舉竇游平李元禮郭林宗范滂博之屬。皆子友也。今天子方高子之名。盡亦就

蒲輪之聘。清朝廷之路。而解諸召了之憂乎。奚必以
意氣賓侯王。譚笑輕爵祿。而若是忽也。且吾聞之。鱣
鯉游于百川。不如江海之深逝。朱鳥游于山澤。不如
雲漢之高飛。賢俊游于諸侯。不如一王之殊遇。子其
慎所游也。徵君答曰。是則然矣。先生獨不聞江海之
逝者。不能棲遲於芳藻。雲漢之飛者。不能飲啄于清
流。一王之遇者。不能詘伸于爵網名羈之外乎。鉤黨
之議。非諸君之憂也。王道壞而重臣危。不可以濟。先
生其行矣乎。遂送別于茂陵道。翟酺登車惘然遙謂。

徵君曰。時哉各努力也。子其豐矣。

誅賞

秦王聞徵君入秦。三日不得謁。誅左右之蔽者五人。令國中絃歌以逆徵君。秦王侍于宮門。軍武執戟。庶人執旂。車馬輻輳。觀者慰曰。今日得見徵君也。徵君至秦宮。秦王欲爵之。授以冠舄。徵君辭曰。不可受也。夫先王之爵祿。自畿甸而頒于侯國。太宰掌之。天子不得而私其臣。諸侯不得而私其士。故詔爵以德。詔祿以功。皆天子之明制也。至于衰世。庸主廢滅先王

之法爵祿無紀軌物不經挾權據寵之家珠玉以爲
鼎丹青以爲谷羅綺絲竹之樂交陳於前旦以長夜
若此者豈皆君之賜乎賣寵幸于士庶借威福于人
主無德者爵無功者祿百姓怨困于下而國病矣人
主疑而不能悟悟而不能振弱也主弱則臣強
強則侵侵則毒臣毒于內則諸侯毒于外其始彊也
亦以爵祿而私士遂至浸溢而不可救故勢合則戰
勢分則盟力合則戰力分則盟謀合則戰謀分則盟
此七雄之所以相持其勝也而況當是時以爵祿役

天下之士者皆有國之諸侯其權可得而爵其地可得而役其民可得而兵其士可得而臣也然帝秦而爲民魯仲連猶恥之是士非不欲臣于諸侯也無道之國安得而臣哉今諸侯有位而無國其勢又難矣無國是無民也而遽爵其士士必蒙戮況諸侯乎夫漢室雖弱未有周赧之窮宜以扶漢室爲名而謀其國則諸侯之業光矣賢王封千乘之爵而有萬乘之勢士之日夜望秦而驅馳者亦欲以漢室之故而陳于王也若賢王有其國而國之人民土壤皆奉職于

王則士亦不必至矣。士至而爵之亦不辭也。賢王惟無國。故不可爵一士而使之謀。秦何則？漢室之君臣猶議禮于庭而攬天下之地圖。頒諸侯之爵祿。建榮號于海內。行賞罰于郡縣。而一統之形未剪也。賢王欲謀秦而扶漢室。豈必爵一士乎？故曰得民之心者不以威武得士之心者不以爵祿。得諸侯之心者不以山川。亦自得其心而已矣。臣之入秦也。月始受魄而臣之見王也。月已幾望。賢王以爲左右之蔽而誅之。求士誠急矣。奈漢室之典刑何也？誅一人已猶不

可。況其餘者耶。夫蔽士不可以爲律也。蔽而誅之。使有讒於王者。則如之何。不達於王而殺其士於秦國之境者。又如之何。賢王誅左右以蔽斥榮臣以爵祿賞臣以冠舄皆非典也。臣故不受夫死五人而得一士。賢王何利焉。是以一誅賞而動漢室也。且以迫秦後。不可以爲盟。主王其圖之。秦王憮然曰。然則寡人爲之奈何。對曰。雖然。猶可爲也。今秦之有司。天子之臣也。王宜以爲情。告于天子之有司。聲以私進美女之建。蓋其罪與蔽均也。今有司亦以其情達于天子。

則王之慮必釋。而親親之恩堅矣。嬖人史綱曰何必。然則君之計宜以誅左右之威而收秦民乘士之歸秦而速伯功。倚秦國四塞之險而會諸侯。當漢室累卵之危而布文德。此一時之顯名盛舉也。五伯之功皆謀于速而鑽于機。故名顯而功集。今天下初啓難也。以誅賞之小瑕而詭掩曲飾以求媚于時。臣恐天下事謝矣。何以達聖哲之權。昭鴻駿之業。竊爲君不取也。秦王笑曰。何言之易。何言之易。寡人方與徵君游禮樂中。惡及茲也。是歲少微見於秦。

盟會

韓臣將尋盟秦王問于微君曰韓將與寡人盟何謂也微君對曰夫諸侯親睦以寧其社稷以懷其人民使軍旅之士不相加也於是乎有盟之禮夫盟信之與也諸侯盟會以示姤宴享以示睦故諸侯貴盟而賤役大國盟而不役小國役而不盟弗信則盟必潰弗盟則無以彰信也盟以彰信故潰盟者春秋惡之求盟而不直者春秋耻之夫求盟者信詐之機也是故諸侯未盟而戰將以養其戰也旣戰而盟將以防

其救也故怠則乘之釁則動之窺怠而乘是吾以盟
怠也觀釁而動是吾以盟釁也以盟怠者敵必乘之
以盟釁者敵必動之故曰信詐之機也必欲盟故樹
之以信必欲潰盟故寓之以詐盟而守信者若葵丘
之會是也盟而守詐者若河陽之會是已夫天子與
諸侯不言盟而河陽之會則晉文之守詐於諸侯以
侵周室孔子曰晉文公譎而不正齊桓公正而不譎
此之謂也今王欲爲葵丘之會而樹信于天下則韓
之首盟不可辭也受韓之盟則諸侯皆響應而盟秦

齊桓之盛復轉于今矣不然則諸侯背秦之心猶韓之盟于秦之心也韓之土壤秦不能過韓之山川秦不能過韓之謀士秦不能過韓之人民秦不能過韓之精兵秦不能過韓之車馬器械秦不能過夫以不能過之韓而求盟于秦固天以葵丘之烈賜賢王也王其盟之秦王悅遂與韓人盟于錫谷

琴論

徵君燕居中夜鼓琴而歌幽風秦王使左右伺之通于館人館人覺私告于從者曰子之師也鼓琴詠歌

其聲鏗鏗然。是歌也。果無心乎。從者對曰。夫心以生聲。聲以成歌。歌以暢志。若夫子之歌也。何謂無心。館人曰。然則所謂歌者何詩也。對曰。豳風。曰。奚取豳風也。曰。豳風王化之紀也。夫子思周室之隆治而詠歌焉。秦其望矣。曰。無刺乎。曰。鼓琴而音婉以和。歌豳風而聲雍以舒。又何刺焉。館人謂秦王之左右曰。先生無勞竊也。請復于君可乎。左右返。徵君理琴。顧從者而言曰。吾鼓琴至豳風之亂。琴不起。必有疑者感之。其秦王乎。從者對曰。館人謁徵君曰。館人何爲而疑。

也對曰。館人聞夫子鼓琴而歌。卒爾問曰。鏗鏗者歌
其有心乎。弟子應之以心。又問曰。何國之風。弟子告
之以幽。又問曰。有刺乎。弟子告之曰。美。是以知館人
之疑也。徵君曰。甫有心而鼓琴。君無心而疑琴。琴亦
應吾以疑。滯吾以情。何感而至此哉。嗟乎。夫人寄于
幻化。有有心者。有無心者。有有心而無心者。有無心
而有心者。無其所無而未嘗無。有其所有而未嘗有。
無亦疑也。有亦疑也。疑則機也。機則感于機而應于
機。機之流于物也。無一無萬。無巨無杪。無遠無達。無

陰無陽。鼓舞化育。若知其存。若風之噫噓。而物竅皆
鳴。日之照臨。而物狀皆朗。不行而赴。不疾而馳。此之
謂機。故禹產于石英。契產于燕卵。頡皇悟于鳥跡。傅
說報于夢寐。乞人哀而感。申喜。介子歌而泣。文公瓠
巴鼓瑟。而魚出。魯陽揮戈。而日反。其有心乎。其無心
乎。其感于機乎。其應于機乎。今吾鼓琴。而館人疑。館
人知也。吾弗知也。館人疑。而琴蹇。吾知也。館人弗知
也。吾是以有感乎物機之變易。如館人之疑。而觸者
亦多矣。小子識之。從者出告于館人。館人異其所云。

人曰夫子鼓琴于堂而有琴玷以爲僕疑也夫子殆得其疑而失其人乎徵君曰此弟子之言也館人曰否頃有秦王之左右二人伺夫子于牖外以犯夫子之琴此左右之疑也從者其誤矣夫徵君撫琴而哂曰左右之伺王命也則疑在秦王也於左右何疑夫疑鬼之門也明神之庭也吾聞君子去疑而存明未聞汨明而畜疑也故君子遵禮樂以昭明其心遠淫邪以昭明其性躬政事以昭明其動辯忠佞以昭明其志濟災獨無告之民以昭明其德猶懼其未廣也

察誹謗以昭明其過、納諫諍以昭明其虛、修蒸嘗以昭明其敬、光庇國家以格于上下、神祇是以世享其業、子孫必興、此後稷文王之所以光裕也。秦王以漢室之子孫、貴而無輔、富而無民、恃大而不修德、疑士而不謀政、後有興者、亦始皇二世之爲也。惜乎吾不得見左右而諭于王、館人出從者侍而問曰：「夫子何屑與之論大道也？」曰：「吾聞君子無傲、以傲而陵人。人亦侮之、以傲而陵君。君亦賤之、以傲而陵長。長亦擊之以傲而陵弟。弟亦狎之、以傲而陵友。友亦遠之。是

以替名而扞善。身必戮焉。吾知免於今矣。

燕居

徵君燕居。與七子講業。七子問曰。孟軻孫況之後。由道者可得而聞乎。徵君曰。道人之路也。愚夫愚婦皆由之。孔子盜跖皆由之。何謂無道。曰。是路也。非道也。以路而爲道。則可以道而爲路。可乎。以道而爲路。則亦指仁義而爲塵埃乎。曰。汝何以道爲道。以路爲路乎。吾觀其由于人者。云爾。夫路也者。緣仁義而名者也。非緣路而名仁義也。汝知仁義之非路。而孰知塵

埃之爲道乎。知塵埃之爲塵埃。而孰知仁義之爲塵埃乎。天地庶物皆塵埃也。則皆路也。安得不謂之道。故君子仁義以爲路。是亦仁義以爲塵埃也。仁義以爲塵埃。是亦塵埃以爲道也。道衰于春秋。亦隆于春秋。若孔子及顏淵曾參子貢蘧瑗季札。產是已。道熄于戰國。亦鳴于戰國。若孔伋孟軻墨翟列禦寇莊周荀卿。是已。其餘啾然噓其術于當時。以立一家之言者。殆不可紀。若鄒衍虞卿慎到田環閔尹喜庚桑之徒。皆顯名諸侯。而列儒者之林。使孔子出。必取而

裁之以納于道。雖商鞅、蘇秦、張儀、公孫衍、申不害、韓非之流，其學不出于縱，則入于橫；不入于刑，則出于名。馳其辭，濫議以傾諸侯，而坑天下之民。然數子者，亦皆辯慧博聞之士，使其游於孔子之門，孔子必不拒。蓋辯慧者，考業之資；博聞者，達性之塗也。如是則儀秦無縱橫，而韓商無刑名矣。夫人之性，不相遠也。其質婉以慤，而文之以詩書，閑之以禮義，則性成焉。故性猶璞也，不琢則不成。今夫野藪之人，多鄙市井之人，多媚非理也。其習使然也。性固無間于野藪市

井之人也。故循其習之謂情。率其情之謂性。困性而導之謂學。不因性而學。是助傲而飾巧也。何取于學。故博學而無禮。君子以爲求性之泛。禮者所以規厥性也。學而禮則令名昭焉。名昭而辱遠矣。故居上而能靖居下而能默。世有述墨氏者則以爲陋。有慕莊生者則以爲僻。有譚荀卿者則以爲曲。噫。三子者無盜跖之行。遵仁而處。遵智而達。遵禮而軌。孔子之所必取也。互鄉之童子無異於市井之人。孔子猶與其進。而況于三子哉。故曰世俗不可與論古。拘儒不可

與論道。其是之謂乎。

僊論

秦王好僊，將築臺于宮，以望終南。徵君諫曰：不可。夫有國者，將以遠欲而親民也。故封建一國，則一國之民賴焉；不敢棄也。民亦不能棄其所牧，而求治於隣。故天子遠欲以親兆民，諸侯遠欲以親百姓，百姓懷之，是以能有其國。昔者周公封于齊，而齊民頌召公；封于魯，而魯民說以齊魯之民，獲其所賴也。今賢王受先王之遺業，而爲秦之諸侯，幾二百載，而百姓日

菴田野日闢死難效節而無離心者豈民性之本然
哉亦爲人牧者有以扞城其民也臣始入秦之境野
無肥民市無豐賈乞者載道倉廩不殽臣疑以爲無
諸侯也及賢王得臣百姓歡悅咸望臣之吐忠而諫
也臣媿不能有益于秦而賢王亦亮臣之不能忠於
前也故欲築臺以求僊窮觀于華嶽騁望于終南而
爲遠民之舉以彰其欲何賢王之勤勞若此哉臣竊
以爲過矣昔燕昭王欲致天下士歛民力以築千金
之臺燕民猶病之況築臺以求神僊乎夫僊者非臣

非民潛于山澤之間。垢衣癯形。飲水食草。得山澤之精。以延年保身。窮莫甚焉。黃綺曰。爵祿不及而竊吁。吸之術。以自榮者。世之所謂真人也。雖臥薪不足以喻其窮。膏膽不足以喻其苦。左無吹簫之妾。右無鼓瑟之姬。珍羞異膳。不得陳于前。文武侍從。不得列于後。播棄父母。割絕子孫。不表于鄉黨宗族。此海島之鬼羣也。由此觀之。綺隱于商山。以皓爲名。其論神僊。則恥之。故當時避秦之士。往往皆明忠信。樹廉恥。識君臣之分。審出處之節。如黃綺者。亦良可述也。彼豈

淪于神僊哉。今賢王捐千乘之樂。而爲此遊。以自悴其身。孰爲利乎。夫爲百姓而築其臺。雖勞而不怨。棄百姓而勞民。民孰勞之。是築怨也。社稷之神不福焉。昔我先王建國。伯子男皆無封壤。唯諸侯是親。今秦以如繩之國。自賢王而絕之。無乃不可乎。嗟乎賢王。特不寤云爾。崇爵豐祿。亞于天子。雄藩沃壤。據四塞。而誰何賢子孫。世守其業。雖值亂世。而不與王室同危。且足以樹霸。若王運在。又可以興。其延年也如是。何希乎喬松。何慕乎韓羨。寂寞而枯槁哉。彼且悔之。

笑賢王復希慕而爲之。是使松喬韓羨延領于窮谷。而笑賢王之不智也。臣願王罷築臺之役。以爲人民社稷計。王不聽。是歲秦饑。匈奴寇潼關。天王使中尉採金于秦。

黨錮

曹節亂王室。秦王問于徵君曰。王室有黨錮之難。何爲其然也。徵君對曰。仁哉問乎。夫豪傑結難。禍及于國家者。豈一朝之故。當其負天下之駿望。則人主倚之以社稷。孰不以爲豪傑。慶而不知發難之端。亦萌

于茲矣。自甘陵之黨興。天下已知今日之禍。若陳蕃、李淑、李膺、竇武、張儉、郭泰、范滂之屬。一時號爲三君八俊。名莫盛焉。而竇武、陳蕃以執政爲朝廷重。讜議合如應響。忠謀奮如疾雷。然諾相許。確如太山。其自負也如此。而竟不就。故名顯而望隆。君子之幸也。小人因其名而乘之。其難愈激而不可解。以至于危國家可畏也。憲聞之。豪傑之出。必有英毅明懿之君。以成其志。則謀裕而不激。功順而不挫。以輯定社稷。民人以寧。故舜不遇堯。則驩兜不能放。周公不遇成王。

則飛廉不能戮。今數子者無舜與周公之遇而爲此
謀。不亦哀乎。夫治世則陽明開而小人爲泥沙。亂世
則陰濁濫而君子爲魚肉。今王室無綱紀文章。使豪
傑弄于羣奸之手。海內塗炭者十有餘年。是威福移
于下而主權不明也。故豪傑錮而爲黨。罪以危社稷
之名。豈天道也哉。若數子不死。猶可以鎮王室。不然
諸侯不能高枕於藩籬之內矣。夫彼以小忿而構大
難。鉤黨之變。臣其寒心。天如祚漢。錮賢者必誅。讐民
者必戮。正其典刑。以舒直亮忠貞之士。則王室之隆

若振翼也。何爲而使其幽憤哉。自李固李喬不得伸
於前。致黨議不得明于後。臣以消息之勢觀之。必不
免矣。悲夫。以王之賢偉。當千乘之國。而失高枕之安。
此臣所以爲賢王患也。王宜以誅節等爲名。盟集諸
侯。肅清王室。培植善類。甦活蒼生。改尤以新天下。若
主上不從。則周公伊尹之舉。在賢王也。臣竊念安帝
之世。內戚用事于朝。諸羌橫馳于郡國。天下咸怨。然
帝有好賢之明。常以禮幣徵天下孝廉之士。臣亦與
焉。猶以爲未可仕也。故辭而不就。淹詣于今。主昧臣

虐國命大謬。善類盈朝。而無尺寸之功。徒以清譽激揚。而問畫者蓋寡。竟罹禍難。臣實痛之。今黨錮紛紜之際。猶可援也。賢王爲王室計。奮然速舉。以延漢祚。則臣雖不得仕漢。亦足以報矣。王其圖之。秦王感慨泣數行下。左權劒歌以挑秦王。歌曰。西溟有劒其離。照之可以熏黔黎。秦王於邑而言曰。寡人寤矣。徵君寡人師之。子寡人友之。將協謀以輔王室。不敢避也。左權對曰。徵君入秦二年。以心奉於王久矣。而王方悟耶。今天下之諸侯。皆欲以首盟爲功。以靖禍爲勞。

以得士爲彊。以收民望爲張。而王不聞何也。秦王謝曰。繫子之幸教寡人。其利普哉。左權出語秦人曰。吾數諷秦王。而王不謀。雖得徵君。亦不足乎。

見幾

陸續追師至秦。謁徵君而喜曰。續也得師矣。願終身受業焉。徵君問曰。子見元禮乎。陸續答曰。嗟與元禮去國矣。曰。黨難解乎。曰。霍子之力也。徵君歎曰。雖然。闔寺執政。直臣必危。元禮之去。其能久乎。吾嘗與林宗論漢室之事。憂形于色。移榻不寤。獨何心哉。是以

堅不仕之意。遂山藪之樂。林宗與吾偕是心也。彼猶擇交而獎訓。故及于黨。若憲也。無譽無毀。潛葆厥素。躬耕以養妻子。鼓琴讀書以訓來學。有兄伯庸。哭母失明而亡。吾獨廬塚三年。遭漢不靖。佞臣竊權。匈奴稱命。惠政不霑于民。歛術結網于國。吾是以堅志而避世。及讀孔氏春秋。嘗曰。仲尼之道。至作春秋而尊也。知周無盛王。不可以輔。乃歷說諸侯以行其道。得志則攝相事而誅正邪。不得志則權褒貶而作春秋。吾亦樂仲尼之道。周漢之東。皆季世也。故考風于列。

國聞政于諸侯。諸侯不以爲賤而賓之。豈爵祿以臣而凝滯于進退哉。吾始遊齊魯韓魏之諸侯也。四君皆愛士而不能謀。盟會而不能信。將如晉而國有警。乃遙涉于秦。秦王明毅而好問。分祿而養賢。積秦之粟。盟諸侯而扶漢室。疏黨錮而清王塗。誅讒佞而撫黎庶。却匈奴而歆社稷。則穆公孝公之業。不足爲也。今門寺執政者二世矣。黨錮雖釋。而主疑未愈。何以熄釁若數子。不爲逢梅之舉。必爲後憂。孔子曰。邦無道危行言遜。數子其未從事於斯乎。是歲秦國地震。

大雨雹

上林

有五色鳥集于上林。秦王喜而問曰：寡人享西土之祿，未有功德于敝邑之百姓，而致珍禽，寡人以爲鳳也。不然，則太液之池非無鳬鴈、鵠鵲之鳥，上林之苑非無鸚鵡、翡翠之禽，奚五章之若斯也？寡人聞之，西方之鳳曰鸚鵡，意者其鸚乎？若以爲然，寡人將發私廩，致百匠以修上林，則何如？徵君對曰：吾聞淮南有鳥，其名曰鵲，南越有鳥，其名曰鵲，皆五色也。昔者文

王爲西伯修德行仁澤被南海是時也有鳥鳴于岐
名曰鳳凰百姓陳路而歌羣臣埋庭而頌文王曰奚
爲鳳乎是爾臣庶飾其所聞以重予過夫以文王之
懿而讓岐山之鳴却臣庶之頌慎懈德之愆是以光
昭于西土恩懷乎諸侯而爲受命之主世載厥休以
茂有天下則文王之爲也今王之心度不類然臣恐
指鹿爲馬之臣復覲面于秦庭矣夫上林苑秦之廣
囿也我漢祖滅秦入關中三望上林之苑而不入豈
復畏秦之餘威哉亦項氏以爲憂也至孝武皇帝始

鑿昆明之池以習水戰民不得休息而天下大困矣。然猶賴文景之遺澤也。及世祖遷于東京以來上林遂爲廢苑。今欲興之。非帝王之業不可。雖然歛四海之財發百年之廩竭百姓之力以脩亡國之規仁者不爲也。且以供子孫盤遊之樂爲二世竊笑。是秦之民又黔首也不亦悲哉。願王察臣之言毋忽焉。秦王乃止上林之役。左右因是以嫉徵君。

觀雪

秦王與徵君飲觀雪于庭有姬臥貂帷賦白雪之歌。

起而覓瑟不得。倚帷而詠之。聲繞殿閣。積雪倒飛。秦王甚異之。乃鼓缶而和。命左右以觴進徵君。徵君曰。王亦止缶乎。秦王曰。何謂也。曰。夫物不可過盛。音不可過揚。過盛則亢。過揚則淫。今王之缶淫矣。不可鼓也。臣是以請止之。秦王曰。嗟乎。先生欲以寡人之姬喻是寡人有淫姬也。于缶何有焉。遂不悅而罷酒。左右附秦王之耳。告曰。王請烹之。秦王曰。烹一士而動諸侯。不可謂武。徵君佯醉而出。秦王解白狐裘賜之以禦寒。徵君謂李平曰。秦未可去也。

汙吏

宏農太守金垣虐郡人怨之。訟于秦王曰：金垣之守宏農也，殘虐日甚，陽廉而陰貪，嬖者五人，噓于左右，借威行奸，貧富有訟，必以賂而後達，有未達者，則以聲劫于訟。幸而訟理，則曰是予力也。夫一室而樹私門者百出，一守而舞文墨者千人。故民有立錐以爲安，則倍其地而結訟；貨殖以爲贍，則隱其田而蠲役；貧益貧，富益富，雖積尸於囹圄，委命于溝壑，而不聞也。是以飲憤懷冤，赴君之門而懇左右以求直，如是

者三矣。君之仁恕，戴之如慈父。君之明懿，仰之如日月。西土之民咸賴焉。豈惟一郡哉？我皇天命有司，撫攝西土，將以禪君之勞，詢民之欲，以自靖也。今虐下而讐衆，素祿而養位，寵嬖而行私，夤緣而釣譽，不受君之明仁，而肆然爲民牧，是蔑君也。君奄有西土，而威不加于一郡，以剪虐除殘，竊恐遠邇雷同，國如空舍，而君其孤矣。何以示彊于隣國耶？爲宏農之民而愬其父母，固罪也。然隱忍而不言者亦多矣。君其先循良之察，而後誹謗之誅，無悔也。是以朝夕待死于

殿下賤臣唯命焉。秦王得其訟而憐之，乃命左右按其郡太守金垣，坐賊下獄。其妻素淫，乃詐爲嬖女，以千金賂秦王之左右。左右有通之者，是以得入宮闈，有寵於秦王。王欲釋之，不知其爲太守妻也。是時有漢使至秦，秦不禮。漢使以其事聞于朝，罰秦王之祿二千石。事竟不釋。太守及左右犯法者，皆徙于邊郡。無赦。是歲紫微山崩而移。君子曰：漢室不久，天下其方崩乎。

參孫不三軍。徵君上秦王書曰。臣聞王之作三軍。竊以爲驟矣。夫諸侯撫千乘之國也。五年而脩德。三年而勤政。二年而修武。故功施有漸而民不勞。今百姓未寧而遽作之。諸侯未盟而先動之。釁必壅于秦。昔者文王以百里之壤。修令德而創王業。況千乘之大國哉。夫文王之撫岐邑也。薄其賦稅。弛其刑罰。矜恤鰥寡。懷保孤獨。扶植聾瞽。寧輯離散。必興之役不及貧弱。無赦之罪不及子孫。仕有賢嗣。則祿之山澤之利。有不貢。則疏之。安則同其樂。患則同其憂。是以王

業隆而頌聲作。獄室空而不閉。田野密而相聞。市無
啼老。道無鬪民。和氣昭而四時寧。諸侯歸仁焉。今賢
王治秦也。分祿于宗。解裘于士。賜食于左右。威暢于
宏農。罷築臺之役。納遠人之諫。慈惠而毅恭。甚
矣。然仁澤未霑于四境。紀法未布于一國。能使宏農
之民負堅荷銳于前。而不使舉秦之民抱饑寒之困
而驅馳也。是三軍之作六三釁乎。昔晉文公納襄王
于周。以示民義。伐原以示民信。大蒐于被廬以示民
禮。然後作三軍。伐曹衛。出穀成。釋宋圍。敗楚師于城

濮遂霸諸侯。今欲用其民。而去禮信。何三軍之作也。賢王若修德而勤政。以保乂王室。苟王室可輔。則委力以事之。而不爲詘。王室之難成。則據秦以圖之。而不爲篡。何則。以同姓之賢王。而假臂于塗人。使諸侯乘于蕃林之上。蟬飲蠶食。向西枝而流嘅也。當此之時。秦之三軍。徒足以爲諸侯資耳。安能重于秦哉。臣之在秦。無所匡益。夙夜憂懼。懸心如鐘。進不得盡言。以規王。退不能豫謀。而越衆臣竊恥之。雖然。賢王親草莽之疏。加不次之遇。臣敢不殫厥心。以報賢王乎。

夫秦之所欲盟者晉也。以晉之彊而盟于秦。併力以樹之。則諸侯之雄固已在秦矣。秦不盟晉。是失諸侯之雄也。臣聞之。諸侯同盟則聽于士。諸侯同勞則聽于民。諸侯同德則聽于天。欲晉之盟秦。非臣不可也。晉警方戢。臣將說其賢王。以結秦之心。王勿以臣爲縱橫之士也。王室凋薄。不能以德庇諸侯。諸侯亦不能以力輔王室。故歷說四君。而及秦晉也。秦晉能相結以信。相樹以德。徼福于文武成康。及我高文武宣之明烈。如是而作三軍。綏百姓。制諸侯。一海內。其孰

禦之願王追治岐之政。紹居鎬之業。則漢之天下。非特卜年八百而已。賢王其熟計焉。秦王感悟。遂罷三軍。

去秦

秦王送徵君于渭橋。冠蓋載陌。秦王觴而言曰。徵君之交盟于秦晉之鄙。若媒之導于婚姻乎。晉若不禮徵君。其無違寡人也。徵君曰。臣不能以報秦。而在晉則可以報秦。在晉而不報。臣亦不能以秦而報晉。是臣之復與不復。在此遊耳。臣有弟子八人。皆能顯諸

侯而鎮國家固霸佐之才也王如惑臣臣弟子有陸
續者使之事王則何如秦王默然久之曰寡人將聘
之對曰續也今日在王之左右而又言之何也秦王
笑曰寡人所欲者誠在徵君耳徵君不自用而進陸
續何重于晉而輕于秦耶徵君不悅曰憲也乞食于
秦二年未嘗重秦也今又進陸續于王亦未嘗輕秦
也王必欲得臣以爲秦重則王之左右賢于臣者衆
矣而王以爲輕何也臣始入秦有負薪者觀于渭之
梁臣與之議如探九淵其際無有夫以一負薪之士

王不能屈而用之。而況臣不如負薪者。及欲重于秦。恐秦人之竊笑。非特負薪者而已。且王不聞陸續之賢乎。續也。嘗以孝廉之名爲諸侯重。豈輕於一秦國哉。愛士而不能用。重土地而不能謀。是徒知士之重於國。而不知國與士之均重也。士懷珍而待價。修名而待聘。不亦重乎。唯自重其器。而後可以重人之國。王必欲用臣。是不亮士之所重也。雖然。王不以士之所重者重。而士不以王之所重者輕。由此觀之。士不能輕重于秦也。亦唯是信與不信耳。故伊尹在夏則

輕在商則重。百里奚在虞則輕。在秦則重。今秦之輕
重在王也。臣與陸續何有哉。徵君遂行。

天祿閣外史卷六

賓晉文

適晉

徵君適晉國之疆匹驢小車四乘徵君驅驢左權御
之七人以車周岑陸續後有寇追續謂岑曰前無塵
不能及矣遇寇吾與子何周岑曰命也旣而寇至欲
攀車而取笈陸續告曰笈無驢有夫子做裘在也曰
何謂夫子曰汝南叔度曰非黃徵君與曰然曰則吾
不忍桴也反以囊金一斤爲贐以餽之受而陳謝寇

去周岑謂曰受之義乎受而謝之禮乎曰顛沛之間不能辨禮義也姑受之以謝暮赴于閔徵君待而問曰來何遲曰阻寇曰無傷乎曰賴子不傷也且有饋寇饋不可謂賁女受之乎曰非所殖而饋受奚不爲賁也曰然是誠非殖也朱儁曰吾聞寇以禦人未嘗以餽若寇者餽人是不禦也雖然充禦人之心二子其不免乎彼以是心而猶饋豈以爲非殖也且其所饋者以子饋乎以名饋乎抑饋以義乎饋以義焉往而不受饋以名胡可受也若以子餽而受之子亦無

報之云乎。受則必謝。子亦無揖之云乎。不報則受之。心不如饋。也不報而謝之。是感子以信而應若以僞也。殆不可與陸續曰。於斯時也。彼以其餽至。亦惡測其禦人之心乎。孔子曰。人潔已以進。與其潔也。焉保其往也。今寇也不禦而饋。是以餽潔笑而不受。却餽而受其潔。無乃自傷乎。受而報禮也。受餽于寇而報之。非禮也。不可報而謝之。夫奚僞。徵君曰。僞乎。言厲而矯。可以揚乎。治世績乎。言婉而怨。可以免于亂。邦吾其試矣。

逆旅

徵君過河曲晉人不識爲徵君有酒徒數十人偶語
于市曰皇皇九旅一何寒也左權謂晉人曰夫子假
道於此有司不聞汝莫以告偶語者何也晉人曰何
夫子爲閔吏猛而容入是若之幸也豈復聞于有司
乎有司不能符寒旅也讓我以偶語酒徒之性亦將
肆矣左權叱曰汝以百夫之衆挾酒徒之名而搯亂
一市何有司不汝戮也晉人怒而捕有解衣而求鬪
者數人呼于市曰先捕驢上之子乎左權以身翼之

乃與左權鬪。左權舉商人之棟木二丈橫行於晉人之圍。晉人皆靡，遂分道而去。有司已聞徵君至，出郭追之。徵君使左權謝曰：「夫子遠矣，不可淹也。」以晉王有敦聘，故遙涉乎冀壤，假道于令邑。夫子欲下車而禮以微服，故是以不敢相達，且無費明宰之腆惠也。有司曰：「某之守是土也，無令譽于百姓，是以聚爲酒黨，以暴吾惡也。」徵君其無警乎？乃再拜謝罪，餽黃金百斤爲贐。左權辭曰：「夫子有命，請復之。權不敢專也。」遂不顧而行，以其情告于徵君。徵君喜曰：「才大而不

仕于亂。智也。從遊而忘勞。恭也。力舉梁木而不聞。淑也。權乎。可以使蠻貊矣。

傷時

徵君見晉王。王曰。寡人掃敝國以待夫子久矣。千里而至。得無勞乎。徵君對曰。臣聞賢王之求士也。內有側枕之思。則外有載質之勤。內有岌岌之憂。則外有皇皇之望。其相求之殷然也。豈惟士之勞乎。今賢王五聘臣而臣始至。是賢王之思士甚于側枕也。臣之在秦。聞晉鄙有彊胡之難。而士不至。是賢王之憂甚

于岌岌也。王若以晉難旣輯而未暇用士。則臣之勞
又甚于王矣。雖然。晉猶未靖也。長城若頽堵。雄關若
敝甕。雖以四塞爲襟。而烽煙之警。每舉衽席之上。歲
無暇日。且地瘠于蕪莽。而不知屯。兵弱于私役。而
不知戰。馬疲于驅馳。而不知畜。將委于執政。而不知廉。
財困于空幣。而不知信。武玩于餌虜。而不知馭。是故
以晉國之強。臨之以賢王之略。鎮之而不能安。乎四
境之外。亦以漢室有此六蠹也。夫六蠹在漢室。而獨
爲晉憂者。亦胡虜爲之衝也。其次則秦及之。秦人是

以日夜登垣而窺晉。由此觀之，秦晉固唇齒之國也。唇亡則齒寒，齒寒則唇壓。今秦方以晉爲唇也，而先有寒齒之心，故諳練臬藝之士，招延于國，而謀習以備胡。秦王一夜而三起，茫如覓遺臣，嘗與秦王臥懸燭殿中，秦王以衾擁臣而起，失其一襪，欲管其左右及索之。二襪貫于一足，其急也如此。是皆晉之所宜用心也。而秦先之。晉又嘻然而不備，臣恐秦將取其唇而護其齒，無乃爲王之懟而百世之辱乎？爲晉之計，亦唯以秦之心謀于晉，則晉可鼎足而定也。而又

有扶漢室之名，則晉文之功烈由此舉矣。王其圖之。
晉王曰善。

謀國

匈奴寇鴈門，晉王憂，問策于徵君曰：「晉邑荒矣，其何能扞，且不可守也。」先生何以教？不穀對曰：「臣聞大國無備，雖聖人不能樹功；諸侯無權，雖謀士不能定難。今晉國之壤地，臣以爲賢王未有也；晉國之人民，臣以爲賢王未有也；晉國之守令，臣以爲賢王未有也。此三者王皆無之，而又爲晉之諸侯何也？如是則賢

王雖欲強國而防胡患不可得也。夫鴈門。國之巨關也。而王不能閉。匈奴之患則共之三軍之衆戰于晉之鄙也。而王不能制。匈奴之患則共之三軍之餉運于晉之邊也。而王不能頒。匈奴之患則共之。是名附而實離。誠晉之所獨憂也。臣何策焉。或者其盟于秦乎。王若修政。亦何盟之爲。然盟亦諸侯之所賴也。王欲謀晉而親秦者無他。尊漢室而已矣。秦晉旣盟。則以身荷其國而陳情于天皇。以塞佞臣之路。求庇民之託。乞備邊之權。而陳以必然之故。然後陰惠可

民則民樂爲用也。崇禮於有司。則有司樂爲譽也。士而嘗膽。則士樂爲謀也。臨軍而分士。則軍樂爲役也。墾其蕪壤而使之耕。鑿其重池而使之漑。收其牧苑而使之畜。柔其商賈而使之業。飾其兵甲而使之震。熟其戰陳而使之奮。舍其老弱而使之安。拔其銳卒而使之厲。尊其謀士而使之忠。以漢室爲之倚。而謀晉國。以秦爲之應。而制匈奴。比翼而治。則晉國皆王之有矣。又何憂乎。晉王再拜稽首曰。寡人聞命。惜乎力不勝也。曰。王餒于是乎。王勿餒也。臣觀天令。胡

運必興。悠悠漢室，將爲墟乎？麥秀之歌，臣又聞箕子矣。晉王撫然而泣曰：漢移斧柯，奈寡人何？是歲黃巾亂。

洎曰：黃叔度與晉王論經國大體，雖伊管之志，不過是也。借其生于漢季紛紛之秋，雖嘗以孝廉舉，而經濟之學，曾不少見於世。徒託諸空言，當世諸侯王皆坐視漢室之亂，亦莫能展叔度之志。悲夫。

防胡

晉王與徵君宴于平胡樓，晉王歎曰：茫茫胡壤，黃河

其波。翔風舉礫。當關者何寡人。守此敝邑。能不悲乎。
徵君避席而對曰。臣竊以爲王之徒悲耳。昔太王居
邠。狄人寇之。事以皮幣犬馬。猶不得免。今賢王無以
事敵。而欲免其患。臣見晉國之日蹙也。夫胡虜入寇。
寇王室也。而實有寇晉之名。賢王亦何辭焉。且王不
見夫鸛之追雀乎。翔薄于霄際。而下視其雀。雀仰覩
其鸛之追也。而伏于岩垣之側。鸛乃垂翼而下之。有
蛛網張于岩垣。涉之而敝。是鸛欲捕其雀也。非爲其
蛛網也。而固涉焉。是鸛也。實有捕蛛之名。鸛又何辭

乎。由此觀之，胡虜鸛也。王室雀也。晉國蛛網也。寇王室而及晉，不猶捕雀而及蛛乎？臣是以勸王之爲也。晉王不答。頃之，晉王問曰：「國人有黨錮之難，何爲其然哉？」對曰：「臣聞明仁之主，國無錮忠；幽厲之主，國無錮佞。今主昏於上，忠錮于下，外則烏孫之種驕而入寇，內則黃巾之屬叛而不寧，又甚于竇憲、梁冀之世矣。自西京以來，未有此難也。天下之侯王皆南面而待敝于藩屏之內，臣痛心焉。願王審處而熟計可也。」晉王酒酣，擊劒而歌，命徵君和之。對曰：「臣不能和，臣

有左權者善劔。有陸續者善歌。有周岑者善辯。有張
裘者善策。有孔紹祖者善藝。有朱儁者善守。有徐淵
者善矢。有李平者善天文。王能用數子以謀國。其庶
矣乎。晉王曰。寡人將謀諸父兄伯叔父。而從夫子之
明誨可乎。對曰。不可。謀出于臣。故臣亦與焉。若是謀
不出于臣。則臣亦不可用也。今屏左右而與王謀者。
豈不善于王乎。吾聞古之豪傑議天下事也。機密而
謀獨。故能奮其功。謀未定于心而先卜于口。是召釁
也。故曰。謀難盡者設其喻。機難達者張其形。今日之

宴臣之謀不能盡于王也。王其密之。晉王曰善。

一難

徵君設五難說晉王。一難曰。今有穀生于千仞之岡。其葉如雲。其榦如虹。蔭于春夏。不知秋冬。沐之以芳雨。暢之以薰風。受天澤之寵。而根蒙葺乎一壑。其青松朱桂之樹。不得雨露而槁悴者。三匝下有萬草。凋零在陰。其孤蘭與衆英。皆不得被乎陽春。有牧者頓足于北陵之坡而盼之。欲繫則無修繩。欲伐則無斧斤。使山之草木離披偃蹇。垂榮而待于幽。焦萌而聽

于穀當是之時臣不知牧者之何所解也晉王曰是穀也必凋于歲寒奈春夏何意者其伐之乎牧者無斧柯請謀于樵蘇

洎曰第一難喻漢室黨錮之禍以牧者諷晉王也

二難

今有宗族巨室子孫保之西疇千畝百農耕之以衡門爲闕以堤堰爲垣以溝澮爲池溉彼千畝深耕穫而望菑畲若無患也一夕北風拂塵驟雨衝界侵犯我疆場崩潰我隄堰播蕩我落籬浸淫我溝澮汗濁

我妻粲傾覆我廬舍此巨室之憂也出守者可爲寒
心哉當是之時農夫荷鋤而流歎結笠而增哀如欲
修其疆扞其災以鎮撫其巨室阜豐其民財培沃其
土膏疏導其津埃使西疇蒼然允茂嘉禾優游于樂
歲恬澹于康塗領巨室之託者得無策乎晉王曰風
雨之虐固災沴之厲農也禦則巨室安玩則巨室危
雖出守之責而爲巨室者其亦不能豫患哉

洎曰第二難言漢封晉王以爲西北宗藩每歲受
胡虜之患漢室重寄何以副之晉王又歸咎巨室

此亦漢誠失計

三難

今有妖狐成羣遊于大苑之中憇于金穴之內其容
足以媚太陽之光其氛足以侵雷霆之聲貪如鼯鼠
矯若雄鷹狀如狒狒巧若猩猩其突如玃其蠱如廉
倏忽萬態莫知厥機足蟠乎魑魅之域跡瓜乎魍魎
之墟飾之以冶容粲之以文皮能禮北辰而弗惠乎
黔黎何以爲黨其名曰貍此皆獸苑之所不畜者也
今肆然而馳據以要路使麒麟不遊于郊騶虞不躡

于園羣貍憑威以噬人肉而入苑者不可勝數肝腦
積上陵膏脂致淵藪誠欲彎弓而射狐設網而驅貍
以廓清其苑囿豢畜其騶虞若此者果何術以制哉
晉王曰狐也養禍于苑藏富于穴何忍肆也欲亟制
之子其問諸虞人

泊曰第三難語意較顯

四難

今有採不死之藥者五遊方嶽十涉溟洲窮合靈之
壑掘產秀之兵披羽服而履赤舄譚真訣而煉丹砂

或呼吸而漱精，或偃仰而食霞，自以爲安樂羨門之
倫。松子王喬之屬，天子不能爵，諸侯不能祿，寢跡于
草野，寄傲于流俗，與浮圖並軌，老子同谷，趨而事之
者，若攀軒轅之逸駕，徼彭聃之遐福也。其名孰美焉。
然周穆馳而犬戎叛，秦始遊而二世亡。此二主者，寧
無利于民，而憂身之不壽于義黃，寧無利于子孫，而
恥國之不延于陶唐。卒有替羲黃之憂，後陶唐之恥。
意者力之不逮乎？或虛詞詭術，無徵于世，無裨于身
國乎？何嗜之而不疲也。晉王曰：夫周之鑒，秦所觀也。

而始皇不寤秦之鑒漢所觀也，而武王又不寤，是以海內淫于方術而棄力穡者三十餘年，然則乎奚益於國哉。

洎曰，第四難意顯而辭激，是時桓帝好浮圖老子之學，故此篇專諷漢室，而實欲感悟晉王。

五難

今有酒徒十人羣居而飲，有客請曰：今日之宴，毋隱厥技以爲劇可乎？其一人進曰：吾善于簫，有二人曰：吾善于歌，又有二人曰：吾善于舞，二人善于奕，二人

吾于壺客曰。若之藝咸聽于酒。謂簫者曰。吾忽焉舉觴而簫不應者罰。忽焉投觴而簫不節者罰。頃之簫者醉而不能罰矣。又謂歌者曰。吾忽焉舉觴而歌不應者罰。忽焉投觴而歌不節者罰。頃之歌者又醉而不能罰矣。至于舞者亦然。奕者壺者亦然。客笑而喜曰。吾一觴而困九人。其亦善罰矣乎。何取于藝也。九人曰。何子之能忽于罰而不能忽于賞也。無亦罰吾以酒而罰子以名乎。夫酒可以罰。可以賞。是酒不爲厲也。人猶惡醉而辱之。今有司罰人以錢穀。刑人以

刀鋸。是猶簫旣罰而斷其指。歌不賞而鉗其唇。不亦甚乎。若是而訟于諸侯。以昭漢室之典刑。則何如。晉王欽容而長歎曰。嗟乎。豈惟敝國爲然。若不出敝邑之境。亦無待寡人治之。寡人欲告于天皇。則畿內之有司。亦是罰也。布於同列。則隣國之有司。亦是罰也。寡人耄矣。先生其輔寡人之子。以興漢室。無爲社稷憂。是歲有蝮蛇數千。自參井而出。墮于潞城。黃巾破南郡。殺方伯及令。

洎曰。第五難發論甚怪。

修德

徵君遊于呂梁，左權從之。徵君喟然曰：「壯哉大禹之治也！治于唐，崩于春秋。壞禹之功，亦晉邑之戾也。今甘無大釁，諸侯不役，然而有晉之憂者，其漢室乎？夫諸侯之傳國也，山不崩，水不涸，是謂載德之國；山不再崩，水不再涸，是謂修德之國；水涸山崩而繼焉，是謂載厲之國；山始崩，水始涸，是謂替德之國。此山川之徵也。晉王明惠而愛士，可以興業，然短于籌略，拙于宏毅，故天下之士不能盡心于晉，吾又後矣。雖然，

吾豈求辱於晉王乎。夫晉天下之強國也。以晉王之明。而國尚儉。無鄭之寵族。故士亦樂爲之用也。苟晉王不于此時奮劔于叢臺之上。以謀晉。則雖有恒山大河之阻。井陘鴈門之固。亦烏足以強罷敝之晉哉。夫明而不能籌者。難以料遠。惠而不能毅者。難以舉大。是吾所以憂晉王也。吾嘗五難晉王。晉王五對而無沮。以此而籌。則晉必爲盟主。而王室亦有利焉。利王室而主盟七國之諸侯。其晉文之業乎。是載德之國。由今而始。由晉而興。東制齊魯。西威秦蜀。南服三

楚中綏韓魏諸侯其誰不盟是吾之所以望晉王也
左權問曰黃巾之亂孰能制之曰古之得天下而帝
者其謀于草莽之初猶盜也及其得一郡拔一邑傾
一城秋毫無所攘美女無所淫從善而納策順如崩
石疾如厥流然後知其爲帝王之器也今黃巾之衆
淫毒海內殘虐生民天下共逐之此特犬彘之雄耳
孰不能制哉權也有烏獲田詹之勇是三軍之隆也
有孫武穰苴之略是三軍之帥也必五倍之敵而後
禦之若黃巾者敢當于子乎曰陸續何如曰續也使

遊于孔氏之門，其閔子騫之儔乎？吾使之仕，則黃巾之亂，吾知免夫。

董卓

董卓謀篡，晉人告王曰：「漢室將授于董氏矣，爲之奈何？」晉王聞之，懼謂徵君曰：「董卓造亂，將傾我王室，驚其大臣，芥其百姓，禪其天子，意者董氏之亂，其浮於黃巾乎？」對曰：「黨錮之去國，臣已知漢室之無臣矣；董氏之亂，不亦宜乎？」曰：「王允執政，安謂無臣？」曰：「允也，名起于布衣，而業墮于鐘鼎，是以執政而無權，苟容于

朝與羣小浮沉。其子賣爵于市。日累千金。是允也。積
毀于家。養禍于國。而民失望焉。故董氏乘而竊之。謀
篡漢室。允爲丕戾。其何能輔相耶。若黨錮而死。奈漢
室何。晉王出涕曰。嗟乎。以亂臣一人。天皇不能討。大
臣不能扞。寡人亦何有于敝邑。將赴王室而抱祭器。
藏于原陵。是寡人之願也。天祐王室。則天皇討之。天
假敝邑。則寡人討之。是討亂在天也。寡人敢不勤于
王室。曰。漢祚若替。則諸侯不能驟復。諸侯弗盟。則一
晉不能獨舉。王何疏諸侯而懈德業乎。及是時也。修

德而飾政。樹盟而固援。必靖厥難。夫以王之賢而棄諸侯之盟。其殆失時乎。晉王不答。徵君出。謂弟子曰。晉其殆哉。非天遠于晉王。唯王遠于百姓。非天棄于晉邑。唯晉棄于諸侯。晉其殆哉。

蟾臺

晉人築蟾臺以居。徵君周岑進曰。蟾臺非晉王之所築也。而子居之。何乃自簡若是哉。徵君曰。是臺也。晉人得而築之。若諸侯者。豈能下交于士乎。諸侯而下交。則失其勢。故諸侯以勢交者也。非交以德也。士無

勢亦安得而交諸侯乎曰昔者朱儁之行也問臨民之道于子子告之曰守而無智不可以保身威而匪仁不可以臨民陸續之行也問臨民之道于子子告之曰續乎孝可以勸百辟智可以安諸侯仁可以懷百姓張裘之行也問臨民之道于子子告之曰汝盍醫乎曰何謂也曰世將無道則天子有虛眩之疾諸侯有怠荒之疾百姓有饑餒之疾大臣有貪蔽之疾有司有貨緣侵漁之疾受黜之臣有要君附權沽舉之疾夫國家如寄也而有上下之險疾擾而攻之國

焉不危。子欲臨民，醫是而已矣。曰：何以醫也？曰：子能以仁義爲藥，以政教爲湯，先瘳乎主疾，而後瘳乎諸侯、臣庶，不亦善乎？曰：此夫子之醫也。弟子何敢逮。曰：畏黨，吾將醫諸侯。若諸侯瘳，國亦不危。諸侯不瘳，豈惟藩籬之禍，亦國之災也。由此觀之，士之交乎諸侯，猶醫者之交乎疾，不能離也。而夫子云云，無欲以晉人之故而自釋與？曰：子何以爲士交于諸侯乎？昔鄭人有膏肓之疾，三年而不出戶，或告之曰：子之疾危矣，求良醫以瘳之，可乎？曰：市無良醫，何以求爲？曰：有

良醫者在于楚。子以百金致之。彼必不遠千里而赴。鄭人果得楚之良醫。以瘳其疾。是醫者未嘗求疾而治也。醫在而疾者求之耳。然則爲士者亦諸侯之求之也。豈求諸侯而交與。吾受晉王之聘。猶楚醫受鄭人之金也。鄭人得之而瘳疾。晉王得之而不瘳。吾豈不若楚人之醫乎。亦信與不信也。今黨錮又告難于朝。王室之疾殆甚于晉。吾已矣哉。

貽書

陸續歸吳。貽徵君書曰。續也。佩先生之訓。竊榮一職。

私激所心。欲試于當時。而效犬馬之勞也。不圖漢室
罷敝。諸賢錮戮。董氏造亂。肆謀不軌。海內囂喁。有新
室之風。此豪傑之所以怨慕而盤桓也。續賴先範。得
奉諸賢之清塵。每與元禮接論。稱先生以王佐之才。
續實望焉。若內難不復。諸賢盈朝。濟濟戮力。以樹中
興之功。挽孟世之威。則先生奚舍蒲輪而就衡榻。去
王國而賓藩籬乎。續嘗負笈從游。觀風壤以志之。蹈
山川以紀之。八馳孔轍。九遊禹川。續之願也。及館于
秦邑。將執酒掃。辱主上以孝廉之舉。先生命續曰。仕

遂許身于漢室，亦唯先生是賴。嗟乎漢室已矣，白寶
憲、梁冀之徒制其命，侯覽、單超、左悺、唐衡、王甫、曹節、
趙忠、張讓之屬玩其權，南單于、西羌、北匈奴之羣削
其勢，黃巾、張角之衆殘其民，而又劫之以董卓，禍亂
相仍，國家塗炭，內無比干之忠，外有箕子之歎，天地
災沴，宗廟社稷宮闈之禍，慘于春秋。夫漢室之敝也，
若是何能輔之？續是以逃祿避難，家于吳中，與鴟夷
子游，濯纓五湖之濱，流憩長洲之野，漁釣而歌，以畢
吾志，是亦先生之訓也。續去國以來，寒暑二謝，每念

漢室多故，未嘗不慷慨而赴之以泣也。先生在晉，令德日彰，垂聲于九夷八蠻，諸侯賓之，百姓懷之，此隱功于漢者也。其奈國家何哉？夫先生之出，爲漢室也，而漢室不能自爲，殺戮豪傑，分立鉤黨，而國無社稷之臣，則先生亦卷道而弛志可乎？以先生之明哲固已亮矣，而又淹驅馳之踵，理必亡之緒，動諸侯而持漢室，誅奸雄而安海內，屏左道而正朝廷，皆欲望諸侯而爲之，雖桓繆復興，亦不獲已。然而先生之淹于此遊者，無亦以負鼎爲心，而置其利鈍耶？然則仲尼

栖栖于宋衛，子輿濡遲于齊梁，信乎大賢之爲也。續也，復欲從事於未竭菲薄之軀，而不敢以吳晉爲遠，朝夕講德，恭敬無怠，此續之所以事先生之心也。奈婚姻未畢，疚癘久作，又無餘粟以養老母，躬耕薄疇，聊以卒日，邇來東南告饑，而吏不加卹，稅役繁興，而民不加供，盜賊充路，關市唯識，是吳之危甚于晉，續又安能舍父母之邦而遊也？往歲歸吳，假道于汝南，廬塚有司，守之春秋，有司祀之，義陽之田，耕而不賦。麒麟山之臺，藏琴而不毀，雀巢于衡，慎陽之人皆不弋。

草蕪于徑。慎陽之人皆不樵。此耕桑之所揖讓也。是以元禮竭忠。林宗潔身。公偉不渝節。蔚鄉不辱命。其仲舉游平子。幹孟博。公孝元節光有。皆附德音而興者也。續不敏。進無毛焦之諫。而忠于主。退無陳蔡之從而信于師。不自砥礪。以遠令名。而厚爲天下戮笑。所以中夜感激。長歎而不寐也。道里遼阻。朔風其寒。行者歌授衣。居者歌蟋蟀。時云暮矣。君子悠悠。悠悠無期。抗情于辭。不盡種種。徵君以書示李元曰。傷哉。中原之書達矣。是歲徵君去晉。


洎曰此篇文氣慷慨情意懇切

天祿閣外史卷六終

外城

外城

三



外城

天祿閣外史卷七

賓蜀文

至關

徵君如蜀踰棧道至關關吏譏而不納從者慍徵君
曰國有禁是也乃謁于國門之外子高私與之賸徵
君覺而佯卧關吏請入子高喜以告徵君曰國無禁
吾不入矣子高曰先生未至蜀之關驅馳于道路將
以赴也旣至將以入也關吏譏則曰有禁關吏請入
則曰無禁岑也惑焉徵君笑曰子惡知哉夫先王之

設關也以戒不虞。故負關擊柝。皆以其職而事于王。四民非關不由。非譏不入。此先王之明禁也。今吏曰不可入則止。吏曰請入則行。是由吏也。非由禁也。吾聞先王以禁爲關。未聞以吏爲關也。出入于吏之口。乞人猶惡之。况賢士乎。夫賢士國家之巨關也。扞不軌而遏佞人。驅曠民而制淫族。鎮百姓而寧諸侯。不倚爵而貴。不恃祿而富。其尊莊而顯厚也如是。汝徒見諸侯之關。而不見賢士之關乎。子高曰。夫賢士之顯于時也。必先由諸侯之關。而後使諸侯由其關。不

然雖厲敬義之禁。擊仁智之柝。諸侯不聞焉。不問于
諸侯。何關之爲。昔仲尼以仁義爲關。周流列國。然猶
絕糧于陳。削迹于宋。而不能扼諸侯之關。故退而設
關于六經。以防名教。老子以道德爲關。猶騎青牛而
過函谷。以避周亂。史之文曰。周太史耳。西出函谷關。
遇關令尹喜曰。周將亡乎。蘇秦張儀以縱橫爲關。而
顯諸侯。諸侯役之如妾婦。商鞅申不害以刑名爲關。
而制黔首。諸侯待之如雞豚。夫蘇張申商之徒。皆干
謁于諸侯。而後能聘其術也。繫先王之道術。陋蘇張

而黜申商諸侯慕之若酷火之求濟于水危疾之求瘳于扁鵲也使先生不由諸侯之關而資左右以流譽則雖欲效蘇張之揚眉而談笑于傾蓋之際不可得也。今士庶之遠涉者皆擁于關關吏拒之以待先生恭亦甚矣。先生以爲悍而不入何弗恕也。抑且以爲固弟子不遠千里而從游爲道計也。今遇國不入宿于關外是輕身而賤道也。賤道則曲輕身則戮先生其若之何。徵君曰是則然矣使爲士者懷道而見諸侯諸侯拒而不見士將去諸侯又求之于斯時也。

士亦復見耶。吾之游于諸侯非無交也。魯招以玉齊聘以帛。纁魏招以駿馬。韓招以方圭。秦聘以幣及旌。晉聘以白貂。其交也殷矣。故去巖穴之樂而與諸侯游也。今蜀招我以寶劍。其文曰利用之器。吾入蜀之疆與羈旅羣。蜀使過而不識。故不得返命。韓王遂不出郭而逆。吾亦唯是好游而不相聞。恐擾其土地。走其耆老。是以潛至于蜀國之關。而關吏辱我以不納。賔我以無信。迹其所爲。諸侯聞之。必罪焉。後有治閑者。必以吾一人之故而怠其譏。無乃亂禁乎。所以待

而不入也子高不能對徵君曰吾將就駕棲于太白
之岡以觀蜀國之政待漢室之清不亦可乎汝愛其
師而不愛義吾其沒身已哉館人以其情通于閔吏
閔吏匍匐叩頭而告曰僕賤吏也不能旌大賢之履
實以不恭久淹高駕且獲戾于左右賤吏唯命蜀王
若聞之以爲小人蔽扞賢者于外罪無宥賤吏亦唯
命若夫子忘賤吏則生不忘則死是賤吏之禍福在
夫子也徵君笑而不應閔吏知從者之私賂也出謂
子高曰僕命寄且久不敢荷子之惠以重罪戾乃反

之時蜀王將田出閔過徵君之館徵君鼓琴而歌蜀王聞之曰吾國有賢者至乎遂獲徵君以歸

招賢

徵君疾使徐淵說蜀王曰今天下之王蜀爲雄矣而士不至于國者豈賢王有遺行與蜀王怫然曰蜀國有名山廣川賢豪明智之士悉產于茲奚待天下士乎徐淵曰賢王欲以蜀之士爲士乎哉此秦始皇逐客之意而李斯所以強諫而難者也夫蜀之士其賢于淵者或衆矣然天下士豈無有賢于蜀者乎以淵

之不才而棄天下士何賢王之待蜀重而待天下輕
乎此言非所以安蜀壤而匡漢室也賢王爲宗室之
首祿倍于三公爵貳于天子勢埒于諸王據蜀之雄
藩以爲固而不能當天下之一面扶漢室之危弱其
故何與董氏以陶廁之夫登廟堂之上陵劫天子號
令臣庶汙濁社稷輕蔑王侯漢室之形譬如垂瓦扶
則暫安不扶則速危不告難于諸侯傳檄于天下坐
使漢賊陰謀以竊神器是以農不暇耕女不暇織皆
拱手以聽董氏之命若此時倚望而不舉臣竊謂賢

王無輔漢之日矣。夫漢室之于賢王，不可謂薄也。宜以此時傳檄天下，告難諸侯，發私廩之財，收英雄之士，先誅漢賊之黨，以靖東南，則西北之陲不勞而定矣。然後洗甲于二川，流凱于三峽，倒戈于棧道，功孰踰焉。漢室之安，可倚牖而待也。王其圖之。

問疾

蜀王得徵君而喜，聞有疾，忽焉而感，乃以單車造其門。徵君知蜀王至，掩帷而卧，命李弘候于階。蜀王見李弘而問曰：「徵君不能出，與曰不能，曰寡人入以見。」

卷之五

五

王

可乎曰既卧矣俟寤然後請入曰微君得無瘕乎曰
瘕不爲疾也曰然則何爲曰蚤聞之天以薄蝕爲疾
地以崩溢爲疾天子以幽厲爲疾王侯以驕泰爲疾
士以貧蹇爲疾大夫以酷佞爲疾庶人以饑寒爲疾
今微君之疾蹇也國不舉賢使士有蹇疾羈于道路
軒冕者多豺狼之羣膏粱者多犬豕之輩由此觀之
士安得而無疾也夫疾以薄蝕崩溢故天地以聖人
爲醫疾以幽厲驕泰故天子王侯以賢士爲醫疾以
貧蹇故士以夢北爲醫疾以酷佞故大夫以明主爲

醫疾以饑寒故庶人以循吏爲醫然則徵君之疾藥
石有所不制鬼神有所不虐寒暑有所不侵徵于色
而不見其槁動于聲而不見其戚歌于鼓琴而不見
其樂歎于臨川而不見其憂此徵君之所以爲疾也
蜀王頓足而嗟曰寡人處西海之僻壤奚敢當徵君
乎得子足以安矣曰得臣蜀可以霸得徵君蜀可以
王漢室其隆乎王若欲安蜀則賢有司職也奚必得
臣哉蜀王慚顧謂左右曰寡人得徵君若桓公得夷
吾也寡人得仲默若桓公得甯戚也周末而齊霸其

二子之功乎

尊王

蜀王問興國之策李弼曰昔我光武皇帝之中造也以天下封諸侯功臣皆固守藩鎮之地而寧社稷是故其功臣之先戮力草莽之際驅馳險阻以立百戰之功而定大業子孫嗣武世守丕基進可以輔漢退可以全國何謀而不成何功而不立哉邇來國步多艱內變陳而外累作謀將戮而諫臣刑左道倡而王政熄百姓離散有思亂之心此誠明侯效忠輸愬之

秋也。今天下同姓之諸侯皆欲抗憤以報漢室。修會盟之典。徵君是賓。此其志不末矣。明侯此時不以誕告諸侯。靖寧國步。以爲功首。至于肝腦塗函谷。麋鹿棲銅駝。乘輿蒙沙而中原流于左袵。然後圖之。是猶火旣及薪而後覓井以救。不亦鈍乎。臣不敢以詭術。說明侯也。亦以漢室無必亡之勢。而明侯有可爲之資耳。昔者西京亂于王莽。當是時。非特諸侯弱也。雖異姓之功臣。亦莫有效忠而輸綢者。豈背漢哉。由高祖以殺戮爲武。而不留功臣于子孫。故王莽之亂。不

待雲擾而新室立矣。此皆養亂之禍也。使當時有藩
封之臣。皆韓彭之後。必能感激功臣之心。以忠于社
稷。則西京至于今而延也。我光武皇帝以寬仁易殺
戮。故二十八將皆裂土而封。世守而不替者。亦憤西
京之覆轍。劇新室之禍鑒。是以全功臣之名。與諸侯
並翊皇漢而永業也。今漢室紛紛。權臣荷鼎。威炙蒼
生。王察而好戮。使諫臣結舌而不敢言。危亡之禍固
已形矣。而功臣之救不至。抑何與。明侯自以爲宗室
之疏。而土壤之僻。無效于漢室也。獨不念先皇之恩。

乎。今主上之遇明侯未疏也。宗室之諸侯王莫加焉。巴蜀之地以秦楚爲羽翼。而棧道達于中原。未僻也。諸侯之土壤莫加焉。奚因富貴之樂而忘祖稷計耶。蜀王曰善。

洎曰。蜀侯以興國之策問李平。而平之對無一言。及于所問者。其經綸天下之志。又隱然于事辭之外。故全篇要意。大抵述西京之故事。反覆論之。而引諷當時。以尊漢室。勞諸侯爲要。又假功臣以激發當時之諸侯。此外史傳心之法也。唐之藩鎮其

未識此義者乎。

目強

蜀王以太牢饗徵君。徵君問曰：巴蜀之國，接壤于關中者也。而民不知戰。巴蜀之民，齊風于中原者也。而國不知禮。豈有司之過與？抑賢侯之不遑于斯也？蜀王避席而對曰：夫爵寡人受之。邑有司載之。不敢董也。徵君曰：然。夫有司所以導禮而教戰也。今之爲有司者，諂酷不廉而急于名。故不能導民以禮。循苟簡而樂安佚。故不能教民以戰。夫今之成都，古之蠶叢。

也。賢侯以成都爲幕。山川之固。雄于秦晉。而守無民之爵。禮也。然有司不能靖其土壤。訓其民人。以弱西藩之勢。賢侯坐而不告。何爲其然也。蜀王不能對。徵君曰。今王室弱矣。王室弱。則藩鎮亦弱。因其弱而强者。謂之勇毅之傑。因其強而弱者。謂之柔恭之臣。弱而不強。非毅也。強而不弱。非恭也。今王室旣弱。諸侯又守之以恭。而待其敝。民何賴焉。臣聞之。牛牧于農。而役于農。故效並耕之勞。馬畜于人。而乘于人。故收並戰之績。諸侯爵祿于國。而不能扞于國。何歟。今天

下諸侯之富者莫如賢侯。積粟成林，委珠成淵，有數百萬之餘業。若養兵而待戰，調民而待勞，可以供十年之費。則江南之賦不盡歛，百姓之脂不盡剝。山澤之利不盡出也。且以茂賢侯之功，而長享其爵祿，不亦善乎哉。易曰：利用爲大作，願賢侯作之無怠焉。蜀王曰：先生其社稷之士乎？寡人將傾心以事，而幸教之。蜀之民唯先生所用，蜀之士唯先生所舉。寡人遠讒以安賢士，無使爲諸侯笑。是先生與寡人百執事咸有錫也。是歲，天皇使郎中令採丹青于蜀。

平刑

蜀王問徵君曰。今廷尉平乎。徵君對曰。夫平刑者必
先平其心。是以刑清而人說。今之爲廷尉者。刑不當
其罪。罰不當其過。以貨爲權衡而折刑于民。民以輕
過而受重刑。微罪而得厚罰。故笞者多桎梏。不赦者
多無刑。禁弛而暴者多縱逸。囹圄成市。強弱相欺。服
則羣酺淫戲。以爲樂。讞則垢衣穢面而乞憐。累之以
日月。淪之以年歲。而終莫之平也。自廷尉不平。而郡
縣之有司。皆效其刑罰。亦以貨爲權衡。是故刑之不

平以貪致也。貪則餒而誅。廉則剛而直。故貪者若明。
廉者若愚。此刑之所緣而疑昧也。是故郡縣之失刑
于民者。其起于廷尉之不平乎。雖然。廷尉之不平。亦
視乎國之誅賞黜陟焉爾矣。今無罪者誅。無功者賞。
無過者黜。有過者陟。由此觀之。廷尉安得而平哉。龔
勝曰。人主正而廷尉平。廷尉平而郡縣理。郡縣理而
萬民治。刑措之風。其庶幾乎。蜀王曰善。
洎曰。此外史刑法志也。

黜陟

蜀王問徵君曰。今有司寡廉而多貪。將誅之乎。抑黜之乎。徵君對曰。黜而不誅。則貪者希進而忘其恥。誅而不黜。則貪者希退而忘其忠。旣黜而賞。非以勸廉也。旣陟而誅。非以勸能也。宜黜者黜。宜陟者陟。宜賞者賞。宜誅者誅。然後貪鄙化而廉能勸。典刑明于上。政教暢于下。則黎民乂安而優于唯正之供。故農者樂爲農。工者樂爲工。商賈者樂爲商賈。無流徙之患。無鬻貸之憂。無怨讟之悖。而信讓行焉。夫君者大臣之表也。故明主有擊壤之歌。則大臣有輿人之誦。上

有畫一之諺則下有五袴之謠此表樹而影必從者也。楚人有言曰大臣無貂裘則有司寒大臣無井饌則有司瘠大臣無私門則有司廉。今之大臣好畫一之諺而惡聞楚人之言。憲也其惑乎。蜀王曰功臣與大臣異與曰內則大臣外則功臣大臣在內猶在外也功臣在外猶在內也近君則榮近民則泰其勢均也雖諸侯亦然王請無泰可乎蜀王有惡色徵君出謂魯翁曰蜀王耄而富弛而亢民其玩矣哉

泊曰此外史百官志也

請金

蜀民赴幕請金。蜀王發五十萬鎰。蜀民請倍。蜀王命左右告曰：勿以爲貸。爾衆其克勤于利。越蜀之境若博而狎以播吾財者，刑罰之。爾衆毋惰哉。蜀民皆唯唯而去。左右問曰：嚮也發庫廩以賑蜀民，君皆倍之。今何以無倍？蜀王笑曰：邑有賢者，吾方式之，不敢以爭于民。故賑而不倍。所以修吾譽也。左右曰：君所謂賢者，其徵君乎？夫徵君，叔度一霸士耳，其寓蜀也亦欲乞餽于幕與蜀民羣也。豈足爲賢者與？蜀王曰：不

然吾聞士非孝廉不徵非賢良不舉其高蹈而不爲
臣者夫是之謂徵君今天下公侯者什伯而徵君者
奇不亦尊乎懷王室而激諸侯不亦賢乎故賢者有
無爵而爵無祿而祿不恃軒冕而貴不待鐘鼎而富
不以國存而安不以國亡而危其徵君之謂乎吾慕
無士一獲而黜諸侯師惜乎吾耄矣吾將讓爵于徵
君以利巴蜀王室亦賴焉吾雖不恭亦世載厥譽知
吾之能侯而好賢也徵君避爵而往吾又有令名乎
時今將季世也王室若混時無靖寧則諸侯猶不忍

侵蜀是吾一舉而安全蜀之民不亦可乎左右曰臣
蜀之鄙人不識徵君之賢若是雖然爲諸侯師其志
必淳君安得而淹之宜厚爲之禮以謝徵君天下高
君之義者亦多矣豈必讓爵乎夫棄先皇之澤以替
其業不可謂仁以爵而糜賢不可謂義悖明典以自
殖不可謂恭徵君誠賢者則君之所舉瀆矣瀆賢以
干名臣竊惑焉。

辭爵

蜀王薨蜀人迎徵君于慕徵君避青城左權曰子以

萬言說諸侯孰若享益州之富哉今蜀之父老皆杖策而迎民心歸矣子固辭之智者不爲也徵君曰吾聞之行一不義君子所憂况天皇之爵祿所以寵諸侯者而士受之不義孰甚焉昔介推辭祿仲連避爵是皆諸侯之賜猶未至于讓國也而二子却而不受吾以不命之爵受之是使介推仲連攘臂而笑于地下誠不能一朝攝也且有不次之戮夫士不遇于時而佯狂以自樂則蔬食飲水其于八珍敝裘麻屨逸于五乘何則義與不義也易曰舍車而徒信乎徒不

爲耻已。左權曰。奈蜀人之望何哉。曰。汝不聞。莒人有
狗人而忘身者乎。以于金遊于天下。必求其悅已者。
有不悅者。則分金而惠之。悅已者不盈于人。而金竭。
遂憾而死。今吾潔其躬而失蜀人之望。非固也。竊慮
莒人之金不足以勝悅已之衆耳。故曰。愚者不謀羣。
聚若立。智者決策。朝不得食。由此觀之。蜀人之望易
成而羣易合也。何足眷眷哉。左權曰。權也。陋。微子啓
之弗章。

火災

李平觀象于軒轅之臺有星數丈流于冀州其光如
旦李平喟然曰胡運其興乎又有宮闈之災內外樹
難漢室其將爲周之東乎越明年夷人寇玉壘之關
洛陽平真宮災天皇與太乙真人方祠浮圖老子火
圍宮苑煙燄蔽空宮女悲泣相枕而焚天皇幾不得
脫太乙真人猶以符咒祝之火迫亦奔而出見百官
擁列于銅駝陌惶懼掩面京師爲之語曰平宮火不
得出太乙真人焦頭爛額又訛言董氏以兵權劫天
皇天皇憂懣問于相國王允允對曰臣聞老子善用

兵雖有匪臣老子必爲陛下却之矣。陛下益宜躬修
乎默勿以爲憂。又問曰：朕之敬神，可謂露心矣。何以
致災？允對曰：宮闈之火，實陛下輝光之德所致。況聖
澤以火德王，此中興之象也。天皇大悅。王允少有雅
望，善屬文。時輩皆以允有國士之風，及爲相，舉動猥
陋，唯與時浮沉，外飾體貌，而內懷奸妬。又交通宦官
以固寵祿。百官有司進士，皆倚其門，有稱允爲父令
妻妾，問寢饋養，一如家人禮。以此樹富，凡考績所去
者，皆夤緣而進。天下士大夫始壞廉耻，而鼓舞于聲

利矣故一時寵渥者若太乙真人次及董氏其次及相國王允權勢黨類分爲三穴播聞蠻夷是以豪傑益解體而議漢室匈奴累歲紛擾邊境以誅一邪二佞爲名東南虛匱海內罷敝雖桓帝荒于游畋國步多艱未有極于此者也是歲太子驟疾中外頗疑天皇乃殺閹宦七人以塞其咎

洎曰此篇如史臣紀事之體其所述漢廷時政考之漢書往往不合至于所云太乙真人又漢書所不載者故外史疑晉時文云

避難

益州守徐嵩坐贓繫獄有武陽令文龜齡亦坐贓于
獄中乃相國王允門人以孝廉舉高第時御史按獄
以死論益州守搗額乞憐宥以千金賂之乃免刑遂
問戍雲中武陽令以中倚之故獨揚聲抗辭于前其
獄竟釋蜀人爲之語曰益州太守徐仲高坐贓論死
克嫖姚武陽令尹文壽伯坐贓譚笑挾相國後龜齡
遷爲左馮翊又與相國王允之子橫掠良家女婦百
人克于閭室爲鄭衛之聲以奉相國京師醜之雖髻

童輩皆呼爲糞中郎。以其汙濁士林爲清論所鄙。反董卓暴虐相國王允亦俯仰其門。每與卓論國家機務必以袖帨口。侍側供唯諾。無敢疑者。文龜齡亦耻相國。奴于董氏。私謂相國之子曰。董氏懷趙盾之謀久矣。若一舉而敗。必及令公。吾屬安所附乎。曰。何爲其然也。曰。令公以相國之尊。負海內之望。權侔天子。富埒王公。此人臣之滿者也。又奚枉迹于董氏之門乎。董氏弄柄淫惡。日彰其禍。可抱足而待。令公宜潔名于廟堂之上。效李杜之忠而密之以謀。鑒陳竇之

蹴而濟之以才使國家無虞而同享封祿不亦可乎
曰吾翁必有見汝勿復言文龜齡還家謂妻子曰吾
受相國之恩無及報矣遂謝病免爵歛金玉斗乘以
歸客于荊州董氏果作難君子曰傳云至貪者明至
佞者殺其文龜齡之謂乎

洎曰此亦記事之體也其文絕類史記

岷山

徵君登岷山望汶江思禹之績而歎曰浩乎汶江岷
山鎮之茫茫禹功險于梁岐孔紹祖曰吾聞王國有

難則諸侯告于山川。今漢室難矣。而諸侯不告。何以
徵福。徵君曰。夫諸侯修德則告于山川。社稷之靈以
肅其民人。民人于是乎休慤而不敢侮。可以勤事而
扞難。其山川社稷之靈亦庇焉。故旱溢之沴不侵。崩
竭之災不虐。瘴厲之戾不淫。嘉穀豐而民人洽。故君
子入其國也。觀風于山川。而料民人之豐阜凋悴。以
因革其政。觀氛于社稷。而知土壤之堇鬱。昭明以節
制其宜。是以民無爭心。俗無悖志。王道成焉。然後知
先王之報勲德于社稷之神也。故生則爵祿以榮之。

車服以錫之。宴饗以親之。賞賚以勞之。死則褒之以
嘉諡。祀之以五鼎。養之以世祿。紀之以文章。其耿光
懿節。昭乎上下。配乎山川。以主其陰職。而降休咎于
民也。是以駿顯之烈。與江漢同流。詩云。荷天之貞德。
音振振。垂厥景福。君子神明。此之謂也。

岷山

徵君遊岷山道遇猛虎。徵君倚磬而坐。謂左權徐淵
曰。猛虎當道。吾死矣。夫頃之虎。近于磬。左權以臂當
之。虎懸尾叫嘯。左權執其尾而倒馳。踰岷山之岡。徐

淵挾弓矢追之見巨壑中羣虎食一樵者徐淵臨穴而發矢弦絕徐淵以弓擊虎傷臂趨伏于藁林左權負虎皮以救徐淵曰徵君安在曰鼓琴于磬吾子搏一虎而羣虎皆出吾以矢射之其弓不揚爲虎所噬而傷其臂子雖勇不能制羣虎之猛也左權莞爾而笑曰制之何有昔者與客涉瞿塘之峽卽徵君欲之楚遊道也舟覆得楫而渡有猛虎羣飲于峽一搏而獲斃者二客曰吾與子將赴于峽下之流得一楫而俱免又搏羣虎于峽上如制嬰兒是渡二峽也虎不

制則後涉者或免于峽而烏能免峽上之虎乎若子
之勇可以倒峽而西矣今之所遇笑足慰哉遂歷岷
山之壑而搜之羣虎皆斃徵君顧謂二子曰汝其奮
于岷山乎夫猛虎憑威于山猶猛臣憑威于國不可
逸也故猛虎在山勇者制之猛臣在國仁者制之昔
虞有猛臣曰驩堯舜驅之周有猛臣曰飛廉周公
戮之魯有猛臣曰少正卯孔子誅之此皆制于仁者
也嗟乎今國之猛虎逸矣而仁者不制豈無仁者與
抑仁者在下位而不能制與吾是以鼓琴于磬而悲

歌也小子其勉乎哉左權曰岷山之虎苟無以制夫
子尚能倚磬而鼓琴乎曰仁可恃也勇則敵不可以
恃故曰柔能制剛弱能制強故不善勇者制于勇善
勇者制于仁遇虎而倚磬鼓琴汝徒見吾弱也而不
知仁者有無聲之威有無形之兵乎左權曰唯唯吾
今而知善勇之術也

去蜀

漢銅范滂李膺陳蕃竇武劉叔殺之徵君歎曰漢室
死難之士有五人焉李膺曰昔者三仁戮而殷滅今

五仁錮而漢存。猶未若紂之當罪也。意者尚有待于
繼乎。微君曰。何以測其然也。曰。執命之臣。虐而未播。
畏主察也。殘民之臣。貪而未弛。希主祿也。畏察者謀
必疑。希祿者志必弱。弱者懷榮。慝疑者懷刑戮。是以
東角黃巾之衆。提劍于郡邑。而卒無全踵。以懷刑戮
者之未附也。故漢室之形。必繼統而後亡。詩云。雖無
老成人。尚有典刑。其是之謂乎。吾聞過盛之朝。災沴
不消。以憂其過也。臨亡之國。災沴亦熄。以無庸于警
也。故災沴之象。恒集于過盛將亡之際。由此觀之。漢

室其隣于亡乎。徵君曰：誠哉是言也。夫磯將潰，則不可與網罟之。夫謀國將亡，則不可與章句之。徒議今漢室之形危矣，而章句之徒猶執簡以從事，掩牖而呻吟，弄文墨以求一帛之賞，而飾譽于流俗。機巧驚愚，志意駭衆，自以爲儒林之雅蹈也。距知測危睹形之士，已慷慨于巖壑，懷鷹揚之具，蓄淵默之謀，而天下調如也。李平問曰：自黨錮旣戮，漢室無主，董氏乘之，總百官而制朝廷，殫徭賦以荼毒天下，諫者輒誅，而陳尸于市。朝廬子幹以八尺之軀，而在社稷之重。

夫豈守章句者哉然而不能制董氏之柄是以抗議
于漢廷而無所建白何謂也徵君曰子幹欲以抔土
而塞濁涇以握石而補崩山其不戮也幸矣使子幹
有林宗之風則翻然而去誰不善之自桓帝不君荒
怠無度政移中官天下貢獻者先人私窟而後以羨
餘貢于廷天子爲塗旅犀象麋鹿棲于乘輿是以宗
室不靖江漢雲擾成以圖漢室爲名然而未亡者以
刑未及于諫臣而忠憤者鱗次而出猶不能起塗炭
之禍以濫觴于今濟之以殺戮困之以徵輸匈奴暗

于雍冀之境而內外之勢成故漢室虛弊而天下無
綱紀文章甚矣所以豪傑奮庸之士寧沒齒于溝壑
而不忍盡言也今以一子幹而欲挽漢室之危不可
得已。是歲徵君去蜀

天祿閣外史卷八

賓楚文

去就

徵君之楚。桂陽守逆于雲門。拜而道曰。僕守桂陽土
壤日曠。三載匪績。竊聞徵君之風。鄙心浹暢。沐披拂
之餘馨。遂爾弛簿書。輟錢穀。洗訟庭。以曹溪之波潔
陋室。以韶山之石。爲徵君淹也。仁駕義軌。軌得無暫
稅乎。僕從長者之後而行矣。徵君曰。伊嚄嚄與癉癉
與。時不可以止與。甫是以征也。將南謝楚王以歸來。

與。曰。徵君何鬱伊而弗擢也。愚聞聖人之規曲世。若
火之規曲竹。治其節而削其枝。頰其幹而裁其根。然
後商販而爲利。工斲而爲器。今漢室之形若曲竹。何
不倚而規之。以匡輔其傾乎。坐而策之以宣裕其業
乎。爲之禮樂以順導其民乎。夫物曲則棄。人曲則弊。
世曲則傾。唯智者覩形而知影。是以規其所曲而全
其所直。遊乎自然之原。此仲尼之志度。而管孟之爲
也。徵君方效乎孔孟。而有捐時之怒。旣信于諸侯。而
流歸與之歎。是徵君之奮草莽而就采聘。意者欲揚

空名而不顧其實耶。何落落而不羣也。如此曰子徒知曲竹之可規。而烏知曲棟不可以使之直乎。知曲世之可規。而不知曲主不可使之庭乎。鷹隼爲鳳。狐狸爲麟。蓂莢爲藟。蒺藜爲蘭。故賢士之處世。明主求焉。常主忽焉。是故放勲以之讓。后羿以之棄。高宗以之夢。帝辛以之剖。周公以之握。穆公以之殉。句踐以之謀。祖龍以之坑。由此觀之。賢士之顯戮時也。故負鼎而干湯。伊尹不知其爲顯。及授之以阿衡而伐夏則顯矣。歷說十二諸侯。孔子不知其爲戮。及絕糧而

削迹行不稅冕則戮矣。若甫之所遇。不可謂不戮也。惟楚聘就而未報。故爲此遊。以待其戮。胡可淹也。憲也。非敢傲子之命。實惟不憚苟處而淹。吾參譽也。亦何功之爲。遂不入桂陽郡。南郵于長沙。

時勢

徵君見楚王。楚王曰。今王室卑而諸侯弱。何策以待之。對曰。天下勢也。合策者順。合謀者成。合意者固。以縱橫之策合者。事成而名敗。以縱橫詭詐之意合者。機固而業頽。是以齊桓之霸。策于信義而已矣。守信

而文于禮。執義而通于智。守信以盟。執義以聲。故能
尊周室而雄諸侯。道路無怨旅。中原無膾塵。當是時。
桓公爲五伯首功。而號令可以一海內者也。然猶以
服事周。得顯永厥業而不替。終桓公之身而齊無有
干戈于境上者。故諸侯稱義焉。夫信義者。王伯之門
也。求策術而棄信義。不可以爲諸侯。楚王欣然而言
曰。徵君不穀之管仲也。唯幸教而輔相之。徵君因難
曰。楚之山河與楚之人民孰固。楚王曰。不穀聞之。國
以山河城郭爲固。家以垣籬棖閭爲固。未聞以人民

也。曰：山河之固孰與守之？曰：信義哉。曰：守信義者王。欲委諸山河乎？抑委諸人民乎？楚王無以對。曰：王何以山河爲固也？苟無人民之衆，則楚之山河其爲猿雁之棲乎？楚王問曰：昔者齊桓公陳師于召陵以伐楚，屈完諫曰：君若以德綏諸侯，誰敢不服。君若以力，楚國方城以爲城，漢水以爲池，雖衆無所用之。然則楚之所以爲固者，方城漢水也是以能輕齊之衆，可爲固國之勢，非山河矣乎？徵君對曰：夫齊之陳召陵之師也，豈不聞楚有方城漢水之險者，當觀兵之際。

屈完以德動桓公。而又及諸侯會盟以示信。故全齊之衆遂卷師以旋。而不欲耀武于南海之陸。豈方城漢水足以却齊而存楚乎。使屈完不盟。則齊楚之得失未可知也。楚王有慚色。徵君曰。賢王以宗室之英而楚國之民不懷。又靖安而無外忠。宜賢王之以山河爲固也。王亦不熟慮乎。今天下舉貢者一室。漕運者一渠。皇圖之籍尚負于畿甸。征討之命尚係于天皇。故諸侯未爲戰國而得以靖安無虞也。雖然諸侯將勞矣。誠宣布信而宣義。以懷楚國之民。而告王室。

之難于諸侯。結之以盟誓。飲之以宴享。使四隣親睦。而同姓密于婚姻。然後告諸天皇。代其誅罰。驅遏戎騎。翦滅奸雄。烹炙貪虐。顯巖穴之士。與之謀國。雖無會稽之恥。而有嘗膽之心。無報吳之舉。而有霸越之績。是謀策之徽聲。而文武之烈光也。王其圖之。

田獵

楚王問徵君以田。曰。古之諸侯。好田何爲也。徵君對曰。臣聞諸侯之田。所以靖民。非以禽荒也。故社以示之禮。振旅以示之威。文章以示之武。蒐于春。宜陽氣。

也。苗于夏。扞嘉萌也。獮于秋。順休令也。狩于冬。導陰
滯也。四時之田。獵皆所以廣仁也。禮曰。諸侯既田。則
齊明盛服。告于宗廟。惴惴翼翼。若有臨鑒。而不敢淫。
縱其身。有獲狐者。則命之曰制爾以猛。有獲梟者。則命之曰制爾以逆。
則命之曰制爾以猛。有獲梟者。則命之曰制爾以逆。
使百官皆懼而奉職不懈。然後論其田功。虞人箠而
多獲者賞之。獲而失其髦者罰之。私養而不獻于廷
者杖之。玩田而傷鞠。相格而厲弱者刑之。又爲之讌
以勞其考。爲之揖讓周旋之禮。以平其志。爲之歌詠。

舞蹈之樂以飾其氣。于是乎知先王講武之有紀也。至于春秋戰國之諸侯。淫荒傾于酒色。殺戮極于臣民。以田之心行田之事。布田之政。畋游而無厭。縱欲而不武。蒐狩而失時。出不治兵。入不振旅。是焉取于田哉。如是而爲諸侯者。國必亡。夫先王以殺一不辜之心而田獵。故仁昭而業顯。後世之君以田獵之心而驅百姓。故身戮而國亡。此無他。敬逸之塗異也。今王欲田。亦舉先王之心而已矣。

耻辱

楚王問曰。賢士之處貧賤也。富貴者可以辱乎。徵君對曰。昔者仲尼之釣于沂也。季孫過其車。耕者皆避男女不得。有從者引仲尼之衣而叱之。仲尼揚竿而行。從者撫其竿曰。勿揚。仲尼乃負竿而歌。從者裂竿而擊之。魯人曰。此孔止也。從者曰。吾知孔止。故擊之耳。以魯國之衆辱一賤士。奚足道哉。及孔止攝相于魯。魯人與其從者鬪。從者將死。季孫聞而怒。遂捕從者百人。桎梏以見孔子。當是時。魯人皆相率而往。以觀孔子之政。爲從者之有怨李氏之執魯命也。旣而

從者死。孔子曰。吾聞訟之室者。折于天刑。君子之幸也。罪未成而極。小人之幸也。由此觀之。貧賤者奚辱于富貴哉。夫貧賤而不辱。則進而無黨。出而無求。獨行其志而盡天者乎。故舜不以耕稼爲辱。禹不以誅鯀爲辱。文王不以拘羑爲辱。周公不以流言爲辱。仲尼不以裂屨爲辱。聖人之心。盡于天而奚迹之爲。楚王曰。善。

漁論

徵君自以不得志于諸侯。燕居而歎。客有諷徵君曰。

以子之智。何不如楚磯之漁乎。徵君曰。奚爲不若哉。
客曰。夫楚磯之漁也。擊竿而歌。隱笠而卧。自謂無懷
子。棲于洞庭之渚。磯于七澤之畔。吞雲吸霞。浩浩乎。
與太虛同流。羨魚而無心于釣。倚磯而無迹于物。臨
洞庭而望瀟湘。窺九谿而瞰七澤。旁矚乎武陵之源。
和飲乎滄浪之水。終日坐而得魚。大釣無空網。小釣
無空鈎。雖五溪三澨之魚。皆慕餌而投其鈎。故能爲
魚之司命。今漢之七國猶楚之七澤也。七國之封建
乎諸侯。猶七澤之棲息乎魚也。七澤倚洞庭而爲固。

不猶七國倚漢室而爲藩離乎。子何不以洞庭之渚
爲棲。以七澤之畔爲機。坐而得諸侯以顯其業。使國
家乂安。海內殷庶。九夷八蠻不毛之類者。皆慕義而
賓乎。何必遠漢室而棲藩離。辭王命而就侯聘。濡七
國之路。而終爲匹夫之羣乎。徵君撫琴而釋諷曰。甫
聞聖人達權。賢者完節。故士欲奮而無君。則進夷狄
而替諸夏。時旣晦而懷忠。則釋耒耜而負鼎俎。是以
旁擇乎諸侯。歷聘乎四方。譚笑而策功烈。布韋而歸
故鄉。此士夙夜之願也。昔務光遯而伊尹干。伯夷隱

而呂尚出。接輿狂而孔子遊。介推蹈而狐偃翊。莊周
疎而孟軻毅。四皓棲而毛焦激。此皆得志于諸侯者
也。子徒見無懷子漁傲于楚磯。而烏知有心氏擊磬
于衛國。是猶覩山雞之垂翰于樊籠。而烏覩鳳凰之
翱翔于霄漢乎。何所規之不廣也。客曰。夫知興者疏
其津。知亡者閉其名。知亡知興。與時偕行。知興知亡。
與時偕藏。故聖人不能背時而達權。賢者不能失時
而完節。今漢室蕪穢。王運頽湮。賢士蹇蹇。佞臣煎煎。
國之頑民。勝我歷數。以歸所天。懷琛之儒。屠釣而棲

巖。貞亮明哲之臣。佯狂而去國。是伊尹爲務光。而呂尚爲伯夷也。故太史出函谷以避周。魯連蹈東海以避秦。彼一聖一賢者。豈不能輔衰周之諸侯。理亡秦之亂政。而樹功業于無窮哉。亦時不可處也。且子不聞乎。國將興。聽于民。國將亡。聽于神。今之時。又替于周秦矣。子顧眷伊尹之干。而忽太史之出。不亦戮乎。徵君曰。然是或一道也。子又不聞郢人之歌乎。其辭曰。故厦將顛兮。奈良工何。榱題媛兮。斲而爲窩。昔周室顛而榱題媛者。齊晉也。斲齊晉之榱題而治公室。

者。則管仲鮑叔牙甯戚狐偃趙衰叔向。皆良工也。是以能伯諸侯而強公室。夫齊晉不以周衰而失其伯。管狐不以時危而失其材。故賢士之嫁也。非刑戮之國。則就之。非篡弑之朝。則就之。若是而蹇。必內有讒。姬外有譖。臣二網張國。仁者潔身。不待塵而舉。不待逐而行。引之不浮。垂之不沈。君子時屯。一經一綸。補前覺之明職。馳卒同之令軌。故晉儒之名翁翁焉。子何泥聖賢之寓迹而病厥心乎。客慙而謝。

色荒

楚王田于雲夢。俘野女爲姬。徵君追而諫曰。臣聞國
有六愼者。興有六荒者亡。今王日載其荒。國焉不亡。
楚王曰。咨。何言之厲也。徵君曰。臣不能佞。是以厲于
王乎。楚王曰。何謂六荒。曰。獸而無度則荒。色而無度
則荒。味而無度則荒。役而無度則荒。音而無度則荒。
棄賢而事鬼則荒。愼此六者。國其不亡。楚王曰。寡人
兼乎。曰。兼。夫王輕身遊于雲夢之藪。春不振旅而蒐
秋不治兵而獮。九月不返國。荒于獸也。王之宮粲姬
盆幕融如陽春。今又得野女而狎之。荒于色也。酣以

香茅之醴。飽以湘波之魚。文羞珍饌。鬱乎穰穰。日夜
沉湎而不知疲。荒于味也。歌姬倚瑟。舞姝臨纛。鐘鼓
鏗鏘。管籥嚶嚶。長夜不輟。荒于音也。築倒景之臺。而
眺衡岳。望祝融。臺高九壘。猶以爲望而茫也。又襲其
土木。標其棟宇。渥其丹青。雕其錦石。懸十年之廩。一
朝而虛之。荒于役也。景臺之下。繪以浮圖。列仙師事。
遊方乞食之徒。採藥以煉之。巫覡以淫之。而無變楚
之俗。荒于鬼也。此六者。皆諸侯之敗德也。而王兼之。
其何以存國。昔后羿荒于田。而有窮亡。太康荒于酒。

而不返國。孔甲荒于鬼而諸侯畔紂。荒于靡靡之樂而殷亡。幽王荒于褒姒而周亡。始皇荒于土木兵革之役而秦亡。夫帝有天下者以荒而亡國。況諸侯哉。有一其荒亦不免于亂亡之禍。況其兼哉。臣不敢謗王也。俘女于雲夢。楚國之民皆以王爲色荒。而又見襄王之故事矣。臣今日諫而王不聽。則王之追遊于田罪也。臣欲解佩而行。諸侯方以臣爲得志于楚。故至不命臣而王追之。使無以雲夢之遊爲諸侯笑。是亦臣之勞于楚也。王毋惡焉。楚王悔而言曰。此不穀

之戾也。乃命左右別其女。徵君諫曰：「不可。夫雲夢之女不求于王，而王寵之不愆于王，而王別之，是以臣之諫而寄戮于色也。王欲別一女以示遠，則王之宮有歌舞之姬百人，王亦豈能盡別乎？王不能別，則雲夢之女別之何爲？」楚王乃逐雲夢之女而作田誓。

洎曰：楚王淫荒于田，因徵君之諫而作田誓。此亦諸侯之賢者也。惜其不克奮厥志以匡扶漢室，而田誓一作之後，竟無聞焉。且田誓不載其文，豈文不如甘誓，抑外史失之與？

晉使

晉使如楚。聘徵君也。抱關者告楚王。楚王問曰。非聞乎。曰。非也。曰。徵君聞乎。曰。賤臣不察君意。未敢以聞也。楚王喜而勞之。乃密令左右醉晉使以酒。與之卧。竊晉王書進于楚王。其文曰。徵君履下。不穀處北海之側。日麻令音。昔者蒙以黼黻臨照敝邑。不穀無戚于徵君。戮以亞賓之禮。凡我同列。以爲不穀躋成踰藩而弔之。徵君是以播棄。不穀益頌俶志。至于今是咎。徵君其稅前之愆。以返我敝邑。偕我宴好。使不穀

徵福于敝邑之社稷而新譽于諸侯不亦善乎。自徵
君之別塞樹五霜。朝聘將繼不穀。每南望楚甸。悠悠
我心。繼以夢寐。彌不自。敝邑之民。若荷耒耜時雨。
有司賦懷徵而詠之。一何惓也。徵君其亮哉。昔聞徵
君自蜀之楚。楚人鑿嶺以平其道路。作錦繡之流。蓋
三十餘里。坐以雕乘。賓于陽春之宮。時峒蠻稱亂。徵
君與李平左權之徒。殫智陳力。有五穀大夫之勞。而
功之舉猶遑。是徵君固楚望也。夫楚以徵難。其勞也
若是。敝邑猶楚也。匈奴之警甚于峒蠻。土壤之饒不

及荆楚而又有巡狩之遺烈。徵君何重楚而輕儆邑哉。儆邑若替。雖爲不穀辟。徵君無亦忍儆邑之民人而置諸溝壑。且以隳望于鄰國。仁者能無儆惕乎。今胡馬秋勁。寇我井陘。又寇我雁門。又寇我郎嶺。郎嶺戰却。折我銳見五千。又寇我鎭關。餘種皆起。遂寇我雲中。擄獲婦女數十餘萬。而淫我邊境。師憤空冀而戰。又折我銳見萬餘。僅獲黃羝二千。又寇我上黨。破馬陵之關。獵火通九京。儆邑之危若垂石。其勢莫當。是以藉徵君之怒而勦滅之。則名垂汾沁。功銘恒霍。

義顯于介山。風高于首陽。此不世之休烈也。願徵君
就余駕。安憚千里。不穀率敝邑之有司。候于境上。命
使以符。徇于鄰國之壤。而達其關。使毋有譏者。發壯
士三百。護乘于道。使毋有妨者。若徵君與不穀均是
心。度勉撫敝邑。肅揚仁風。以化狼跋。薦社稷之馨香。
不穀唯是剖心而索報。及茲臣庶無忘德也。徵君其
深唯無■焉。楚王旣得書。命左右曰。有洩之者誅。晉
使寤檢■不獲其旅十人。與館人鬪。楚王聞而囚之。
晉使遘徵君。告以晉難。徵君曰。奚爲不書。曰。館人盜

哉聞于玉王不罪館而戮其鄰僕非以修睦也意者
其王之計乎徵君謂李平曰楚與晉隙矣翌日謁王
王料徵君以晉使之故而謁也講至日吳徵君不及
晉故楚王疑之問于徵君曰先生知晉之聘乎對曰
聘而不書晉難必遄臣將赴矣若聘臣以書是飾難
也臣何就焉是以憂其無書也楚王有慙色謂信平
晉之飾難也聘以書晉使失酒誤投于寡人寡人誦
之有不利于王室故囚其使不敢以聞徵君寡人隘
宇得無疑乎對曰晉果不利于王室而有使于楚雖

不犯王亦楚之累也。豈惟臣之罪禍？王其釋晉之使而歸之。夫晉之謀寄于臣，臣不就聘，則晉之謀謝矣。又何囚乎？楚王乃釋晉使，徵君因難曰：「王釋晉使而歸之，楚必有釁。」楚王曰：「何哉？」曰：「鄰國之使不可戮也。旣戮而歸，晉人必報之。臣是以知其釁也。」楚王曰：「然則爲之奈何？」曰：「晉之聘殷矣。王若修戮于晉使，而臣不就，亦釁也。臣請爲王聘晉，可以替晉使之讒，而臣亦無辱于晉。且以善楚王其虞之。」楚王曰：「戮使而客士釁在敝邑。如晉而淹釁，亦在晉。是鄰國交釁，胡可？」

盟也。若不得已，則徐淵亦足以當晉徵君其命之行。
曰：王不可以輕鄰也。徐淵亦義，豈能不聘之國哉？
夫晉無釁于楚，則臣之行爲晉也。晉與楚釁，則臣之
行爲楚，非爲晉也。憲也。聞之難而不援，不可謂仁。援
難而解釁，又爽信于賢王，不可謂義。故臣援晉之難，
必以王爲歸矣。不然，釁其登乎？徵君遂行，與晉使出
楚之關。左權李辛、孔紹祖、魯狷從之。楚王使二壯士
要境，執晉使以質。徵君拂然曰：「憲也。」韓國之士、楚王
若疑是在韓人也。何以晉人是執？憲有徐淵、周岑二

子佐王之側是有二質于楚夫奚患乎乃以書報楚王楚人返命徵君是以得諸侯之心

龜山

初徵君宿于龜山李平曰有亭南流犯客星甚迫其在楚分乎難將至矣及晉人與蜀人盟練刺士以報楚王假爲謁者以進楚王據床而問曰汝何國之陪臣也謁者曰吾聞鄰國之交不可辱以陪臣諸侯之交不可疎以床下今君處雕牙之床而疎諸侯之交擲陪臣之禮而辱諸侯之命君何不疑臣爲刺客而

固如此也。楚王懼而避席，命左右搏之以驗其匕首。謁者疾馳而上，將短刀刺之。楚王傷其面，左右護王，遂搏謁者曳于殿下，知其爲晉人計也。于是楚王始疑晉人之讎楚，頃之徵君書至，楚王怒曰：「此必黃憲設刺客計也。」不然書奚值哉？遂殺其謁者及二壯士。又收徐淵、周岑于獄，亦大招刺客以報晉徵君。聞之，謂從者曰：「嗟乎！平之言徵矣。」將未及晉，而晉爲之詭謀，不足以復晉耻，而又導釁于楚，其無已乎？若漢寧旣替則晉楚二國不能爲盟主矣。夫報楚王而值晉

爨命之阨也甚。甫將避難以歸。故邦豈復就晉耶。魯
狷曰。子之歸善矣。其如岑澗何。晉難哉。莫若返楚。以
調二國之爨。而又釋楚王之疑。如是而歸至完也。子
若畏于楚。則狷也能死之。而左生之武。又足以耀楚
于掌上。夫何患焉。徵君曰。汝不見出穴之蟻。上垣籬
而扛百足之蟲。有稚子臨穴而憎蟻。以泥覆其上。雖
欲返穴而安之。亦不得已。今楚之疑。非特稚子之憎
也。疑覆于國。而距後至之士。非特覆穴之泥也。而欲
返楚以求鳴。是何正蟻之弗若乎。汝又不見遊魚之

逝千仞之藪而無患者。以其能與水相信也。故浮沈
得揚其意。出入得暢其情。是水益深則魚益逝。君益
信則士益歸。而况士之于諸侯哉。使游魚遇無水之
壑。則偃蹇而困于泥。求咫尺之游。亦不可得已。今楚
無水之壑也。欲以藪澤之魚而游之。必蹇矣。故魚不
厭深。士不厭信。或止或行。其知幾乎。魯猶曰。楚不可
返。以疑故也。無疑于晉奚爲而不就哉。微君曰。晉國
不待士而忿謀。又以培。釁雖士至其國。亦何所奮也。
夫疑志者難與決。策忿謀者難與定。交楚疑而晉忿。

二難也。士焉得而就乎。昔趙殺鳴犢而孔子去楚其
似矣。南望郢關長虹蔽之痛乎蒼天其斯人與

遇漁

徐淵獄中上書。暴楚王之過。楚王焚其書而殺之。周
岑放浮于湘江。有漁者並檝而問曰。子何方上國之
士而浮于斯乎。周岑曰。吾叔度氏之徒也。寄客于楚。
瀟瀟是浮。以濯以漁。棹彼中流。懷我君子。湘水悠悠。
漁者曰。子笑不追師而爲此游也。周岑喟然歎曰。師
安所追乎。漢道其亡。王業其茫。奸雄攘臂。賢者無廬。

流于四方之晉者浮河之楚者浮湘吾將逝洞庭而
憇雲夢窺九疑而望衡陽撫雄劔以嘯荆門濯長纓
以歌滄浪吾進與子而偕釣退與子而偕狂幽吾于
鷗鳬之渚棲吾于蘭社之鄉羌邂逅而猜予迷聖賢
之弛張信不可乎漁者曰吾聞無巢之林其下必廬
無漁之藪其上必磯予乃洋洋然歌慷慨浮而不
歸敝褐垢體爲時所疑之楚游者能不懷噫是子之
智不如魚之遠磯而虛其藪鳥之畏廬而廢其巢乎
何子之不能廣也周岑曰昔者箕子仁而蒙難文王

順而拘。羨展禽。和而魯黜子胥。毅而吳媼。仲尼能而
陳肥。墨翟智而求囚。史魚直而晉辱。屈平忠而楚流。
古之聖哲賢彥之士。豈不欲避憂患而潔身哉。心有
所激。則諤而不緩。心有所憤。則矯而不難。心有所慨。
則慨而不暢。心有所惕。則鬱而不曠。其逸樂足以育
其衆庶。其憂患足以哀其民人。渥以鐘鼎之祿。而不
爲鬻擁以環堵之室。而不爲貪其羣也。跡化其獨也。
道榮一毀一耀。而天下蒙如也。子徒見夫魚不潛綠
磯之藪。以爲能逝也。而時遇漁人之罟。又逆鱗而火。

鳥不巢覆廬之林以爲能舉也而時遇獵者之網又
解翅而投乎漁者仰笠而歌曰蘼湘秋兮水沄沄芙
蓉落兮雁南賓期美人兮江渚歲暮兮蒼梧雲如是
者三闕周岑憑而聽之曰噫嘻乎噫嘻乎何楚聲之
婉孌也是歲楚王索徵君于晉徵君奔秦秦人納之

陽山

陽山崩楚王問于左右曰晉人有釁于楚國夙夜憂
惴況徵君不復徐淵因而死周岑乞食于楚市乘桴
于湘江不知其所矣是以海內賢士皆棄楚而賓鄰

國無以南扞寡人奈何今陽山告崩楚國無所鎮是寡人之禍彰矣無亦詭于晉者或不得求與抑王室之故也左右對曰君以晉釁而日夜求徵君用心疑之是君之勞過矣夫徵君游諸侯諸侯皆信之而楚獨疑使楚國不能爲盟主以光耀王室陽山之崩不其宜乎楚王長息而言曰寡人將修好于晉而聘徵君則楚之禍庶乎爾衆爲寡人畫之左右對曰鄰國之好可以修也若徵君之聘夫奚就乎死其弟子而困其師露其詭計而飾其聘不可爲也楚王遂修好

于晉晉人殺楚使懸其首于闕門之木楚王聞晉人
無禮于楚謀諸左右曰梟鄰不睦賊我使臣何以報
之左右稽顙而謝曰釁其分矣又何報焉願君毋忘
讐于晉也楚王怒寵姬陽華諫曰不可妾聞之寤口
之言若蕤寤心之言若冰今左右之諫雖不甘君之
口其亦寒心哉夫寤口者求譽而養禍寤心者忍耻
而奮功是以明君樂聞寤心之言而去其口之士故
功施昭明而令聞廣譽也君若誅左右而擁其心無
乃嗜其之疾乎楚之使晉人戮之罪也君誠怒矣君

獨不思晉之使猶楚也不告于天里而私戮之亦與
晉均也而君則欲晉之不怒何君之遠恕耶楚王慙
而釋之遂田于四望明年楚王飲毒而卒

歸韓

徵君歸韓張儉策杖而訪徵君飫之張儉問曰子之
譽溥矣而功不曰漢室諸侯一何拙也徵君對曰憲
聞之智失則求之巧信失則求之拙巧者亂拙者矩
今諸侯雖蔑智而寡信亦足以國若漢室不替諸侯
其無戰乎張儉曰儉也聞晉楚有釁子何以靖之徵

君曰晉之爲諸侯也詭。楚之爲諸侯也暴。其世子又淫。如是而釁不可靖也。甫是以浣褐而歸。得與子飢惜乎。元禮林宗逝也。哲人不作。王室其凶。吾道之寄微子誰與。乃臨風鼓琴而弔之。張儉曰。夫道欲行。寄于人道。欲廢。寄于天。當三代之盛。王是道也。寄于君臣而偕暢之。若舜之于禹。稷湯之于伊尹。文武之于周公箕子。君臣一德。其道流行。身履休烈。是以能永厥治。三代旣沒。春秋紛拏。是道也。寄于臣而不寄于君。若孔仲尼歷于諸侯而不過。乃述經于泗水之濱。

身不履盛而世載其烈。故春秋亂而不治。是亦寄于天者也。及春秋毀。戰國嗣亂。以縱衡爲賢。是道也。亦寄于臣而不寄于君。若孟軻荀況。譚王。進濟之以辯游說于梁楚之間。而無所合。故戰國亂而不治。其猶寄于天乎。夫周東之後。寄于人者何窮。而寄于天者何嗇也。西京而來。若董子亦寄之矣。今天下左道亂厥內。夷狄亂厥外。大臣貪小臣諂。民無廬。士無禡。名器淆混。蕩之以綱。絕隕之以文章。諸侯驕侈而無戮于王室。由此觀之道。何所寄哉。儉也。從薦紳之率不

能輔導以至於錮爲國玷焉。天之戮民又不能死。而苟淹于草莽溝壑之中。若吾子者。名隆而志高。道亮而形超。固天之所厚者耶。而子之道又若有寄于天者然。悲夫。北門之詩。昔人所哀。世道交傾。天其鑒乎。是歲恒山崩。君子曰其幽厲哉。

感時

初徵君將歸韓出疆。哭林宗于野。魯狷問曰。狷也聞之。聖人不私。故應物而能化。智者不累。故抑情而能達。子。是之哭。其有私乎。其無私乎。徵君曰。甫之遊也。


不覺暮矣。遠託七國。倣返南甸。彥人凋殂。誰與扶植。
是以感而歎也。魯猶曰。漢室其終卑乎。曰。今逝者土
人。惟爾與甫。猶路也。黃巾亂。朱儁死之。陸績隱于長
洲。李平隱于華嶽。張裘隱于天台。周岑隱于雲夢。左
權蹈海。徐淵死于楚。孔紹祖俘于秦。猶乎甫與爾歸
矣。乃據地而歌。薤露。魯猶和之。旣而曰。吳越之聘子
弗報乎。曰。昔者林宗與甫言曰。今諸侯王敖情而不
知禮。大夫汙濁而不知義。有司貪殘而不知仁。士虛
濫而不知耻。民巧詐而不知信。吳越之士民有司殆


甚焉。又多淫疾。胡可革也。夫聖人不易素習之性。不
化至頑之俗。詩云。匪我則頑。匪爾則端。此之謂與魯
狷。遂從微君于韓而返魯。微君曰。嗟乎。禮樂東矣。


天祿閣外史卷八終

或不傳或當時發摘其奸或後人掊擊其繆皆得
指目爲誰何獨此書不知作者主名始出於嘉靖
時至萬厯年間屠緯真遂采入漢魏叢書毛氏津
逮秘書因之以此見前明中葉以後風氣詭異雖
以同時作僞之書亦甘受其欺愚而不悟其非吾
是以爲傳此書者痛惜而又不能不爲序此書者
解嘲也若通鑑綱目於安帝延光元年書黃憲卒
本傳誦憲終年四十八而外史猶次及董卓之亂
且盛毀王允此其繆妄益不待攻而自破云汝上

王謨識







#388

HK\$280.-